

1914

990

206.4 [Z] hund

U-34



206.4 [ՅԻՍՈՒՍ]

Մ-36

# ՅԻՍՈՒՍ ՔՐԻՍՏՈՍԻ

ԵՐԿՐԱՒՈՐ ԿԵԱՆՔԸ

Ն Ի

Չ ԱՐԴԱՊԵՏՈՒԹՅԻՆ Ը

Հ ԻՒՍՈՒՍ Ծ

ԶՈՐԵ ԱՒԵՏԱՐԱՆԻՉՆԵՐԻՑ

ԺԱՄԱՆԱԿԱԳՐԱԿԱՆ ԿԱՐԳՈՎ



Կ Ա Չ Մ Ե Ց

ՑԱՆՈՑ ԱՒԱԳ ՔԱՀԱՆԱՅ ՄԱՐԱԿԵՆՆ

(Բ. բարեփոխ. և պատկեր. սպ.)

Բ Ա Գ Ո Ւ

Տպարան Էդր. Ն. և Ա. Կարապետեանի

1917

220  
592-ՍԱ



33523-4. h.

1. 2. 3. 20

ՀՐԱՄԱՆԱԻ


ՀՐԱՄԱՆԱԻ  
ՀՐԱՄԱՆԱԻ  
ՀՐԱՄԱՆԱԻ  
ՀՐԱՄԱՆԱԻ  
ՀՐԱՄԱՆԱԻ

ՀՐԱՄԱՆԱԻ

**Տ. Տ. ԳԷՈՐԳ. Ե.**

ԵՐԵՅԱՆ ԵՐԵՆԵԱԿԱՆ ՀԱՅՐԵՂՈՒԹՅԱՆ ԵՒ ՍՐԲԵՂՆԵԿՈՒԹՅԱՆ ԿԵԹՈՂՈՒԿԱՍԻ

**ԱՄԵՆԱՅՆ ՀԱՅՈՅ:**



Գրութիւն Դիւանի ի 6-ն յուլիսի 1913 ամի, № 996:



**Իմ աշակերտներին.**

Ձեզ եմ նուիրում այս գիրքը, սա մեր Մեծ-Ռուսոց-  
չի՛ մեր Տեր Յիսուս Քրիստոսի Աւետարանն է, որ մեր  
քրիստոնէական հաւատի հիմքն է կազմում:

Սիրեցե՛ք այս գիրքը, մի՛ս ձեռններդ ունեցե՛ք եւ  
անձանձորոյ կարդացե՛ք. սա ձեզ կուսուցանէ թէ ի՛նչ  
պէ՛տ է անե՛ք կասարեայ մարդ եւ կասարեայ քրիստոնէայ  
լինելու համար:

Աւետարանը ձեր կեանքի միակ ուղեցոյցը պէ՛տ է  
լինի, նա միայն կարող է բաւականութիւն սալ ձեր հո-  
գու ամենագլխաւոր պանծանջներին. մաքրել ձեր խիղճն  
ու ազնուացնել, լուսաւորել ձեր մտքերը, տաճարել ձեզ  
ձգեցիւ մի՛ս դէպի նշմարիտք, բարին ու գեղեցիկը:

Մաղբում եմ, որ դուք այս գիրքը կարդալով, ոչ  
միայն համոզուի՛ք որ Յիսուս Քրիստոսը Աստուծո՛ւ Որդի  
էր եւ միակզամայն մարդկութեան փրկիչը, այլ եւ ձեր  
վարձ ու բարեպալ եւ ձեր ընտիր գործերով ցոյց տալ, որ  
դուք յիշալի ձեր Մեծ-Ռուսոցչի արժանաւոր աշակերտնե-  
րն էք:

Բագուի Ռէպալական դպրոցի կրօնուսուցիչ՝

*Sardius u. fuchi. Մարտիկեան.*

## ՅԱՌԱՋԱԲԱՆ

Յիսուս Քրիստոսի երկրաւոր կեանքի և վարդապետութեան մասին մեր ունեցած տեղեկութիւններն այն սակաւաթիւ գրուածներից ենք քաղում, որ թողել են մեզ սրբազան Առաքեալները:

Այդ գրուածներն որ ի մի վերցրած «Նոր-Կտակարան»-են կազմում, թէև ծաւալով շատ փոքր են, բայց մեզ համար նրանք մի անսպառելի աղբիւր են՝ իրենց մէջ պարունակուած փաստերի և տեղեկութիւնների առատութեամբ:

Այդ գրուածներից առաջին և գլխաւոր տեղը բռնում են Նոր-Կտակարանի առաջին չորս գրքերը, որոնք յայտնի են «Աւետարան» անունով:

Աւետարան անունը ծագել է հայերէն «աւետել» բառից, որ նշանակում է ուրախ և բարի լուր հաղորդել:

Այդ անունով կոչուեցան Նոր-Կտակարանի առաջին չորս գրքերը. որովհետև Յիսուս Քրիստոսի երկրաւոր կեանքի և փրկութեան ուրախ լուրը դրանք աւետեցին համայն մարդկութեան:

Որ աւետարաններն Յիսուս Քրիստոսի կեանքի և վարդապետութեան ամենաճշգրիտ ու հարգատ նկարագիրն են տալիս, այդ մասին չի

կարող որ և է կասկած լինել, որովհետև նրանց սրբազան հեղինակներն արձանագրել են սյն թարմ յիշողութիւնները, որ տպաւորուած էին նրանց սրտերի մէջ. սյն բոլորը, ինչ որ իրենց աչքով էին տեսել և ականջով լսել. միևնոյն ժամանակ ամեն բան «ականատեսներից և խօսքին սպասաւորողներից» ստուգելով:

Իսկ «ականատեսներն ու խօսքին սպասաւորողներն» արդէն յայտնի է, որ զիշեր ու ցերեկ շրջելով իրենց Վարդապետի հետ՝ լսել էին Նրա քարոզներն ու խօսած առակները, տեսել էին Նրա բժշկութիւններն ու գործած հրաշքները: Ականատես էին եղել իրենց Վարդապետի կըրած տանջանքներին, խաչուելուն, մահուանը և վկայ էին եղել Նրա հրաշալի յարութեանն ու փառաւոր համբարձմանը:

Իրենց Մեծ Վարդապետի խոստման համաձայն ընդունելով Սուրբ Հոգու շնորհը՝ կարողացան հասկանալ տեղի ունեցած անցքերի իսկական միտքն ու նշանակութիւնը. ըմբռնել իրենց առաքելական կոչումն ու պարտականութիւնը և արդէն լուսաւորուած ու զօրացած, առանձին իմն ոգևորութեամբ և եռանդով հրապարակ իջան և աներկիւղ քաջութեամբ սկսեցին քարոզել ու հռչակել իրենց խաչեցեալ Վարդապետին ոչ միայն բանիւ, այլ և գրով:

\* \*

Որոշել Աւետարանների ծագման ճիշտ ժամանակամիջոցը կամ գրութեան թուականը՝ գը-

ժուար է: Միայն կարել է ասել, որ Աւետարաններն երևան են եկել հաւանականաբար առաջին դարու երկրորդ կիսից:

Աւետարաններից առաջ, հաստատապէս կարելի է ասել, որ այսպէս կոչուած «Առաքեալների թղթերն» են գրուած: Այդ թղթերն, որ առաքեալների տուած խրատները, յորդորներն ու պատգուէրներն են պարունակում, չէին կարող գոհացնել նորահաւատների հետաքրքրութեանը, որովհետև դրանք չէին տալիս Յիսուս Քրիստոսի երկրաւոր կեանքի պատմութիւնը:

Նորահաւատների համար աւելի քան անհրաժեշտ էր Յիսուս Քրիստոսի երկրաւոր կեանքի պատմութիւնն ունենալ և այս խոշոր պակասը լրացնելու համար էր, որ հետզհետէ հանդէս եկան չորս աւետարանները:

Այս աշխատութիւնը հիւսուած լինելով այդ չորս Աւետարաններից, կարևոր եմ համարում մի քանի խօսք ասել թէ Աւետարանների և թէ նրանց սրբազան հեղինակների մասին. աչքի առաջ ունենալով այն տեղեկութիւնները, որ տրւել են մեզ Սուրբ գրքին հմուտ անձինք:

\* \*

Առաջին Աւետարանի հեղինակը Մատթէոս աւետարանիչն է, որ Գալիլիայի Կափառնաում քաղաքացի ոմն Ալփիլայի որդին էր և հրէական անունով կոչուում էր նաև Ղևի: Նախքան առաքելական կոչման հրաւիրուելը, պարապում էր

մաքսաւորութեամբ և իբրև տէրութեան պաշտօնեայ՝ ամենայն հաւանականութեամբ զրազէտ անձն էր:

Նա իր աւետարանը գրեց հրէութիւնից քրիստոնեայ դարձած հրէաների համար եբրայական տառերով և արամէական բարբառով, որ քաղզէական և ասորական լեզուների մի խառնուրդ էր: Այս բարբառը հասկանալի էր հրէաներին. այս բարբառով էր խօսում նաև Մեր Տէր Յիսուս Քրիստոսը:

Որովհետև այդ բարբառով գրուած Աւետարանը հասկանալի էր միայն Պաղեստինում բնակուող հրէաներին, իսկ Յիսուսի Մեսիա լինելն ու չլինելը հետաքրքրում էր նաև Պաղեստինից դուրս գտնուող հրէաներին, որոնք յունախօս էին և դժուարութեամբ էին հասկանում արամէական բարբառը, ուստի և անհրաժեշտ համարուեցաւ՝ Մատթէոսի Աւետարանը ունենալ յունական լեզուով. և շուտով թարգմանուեցաւ այդ Աւետարանը բայց ոչ դասական (կլասիք) լեզուով, այլ այսպէս կոչուած «Աղէքսանդրեան» լեզուով, որ ժամանակի ամենատարածուած լեզուն էր և հասկանալի էր գրեթէ բոլոր ազգերին:

Մատթէոսի Աւետարանում նորադարձ հրէաների համար ապացուցուած է, որ Յիսուսն ինքը խոստացեալ Մեսիան էր, որին վաղուց սպասում էին:

Հետևելով Յիսուսի երկրային կեանքի դէպքերին, Մատթէոսն ամեն անգամ հաստատում է

թէ ինչպէս այդ դէպքերից իւրաքանչիւրը կապ ունի Հին-Կտակարանի այն մարգարէութիւնների հետ, որ քաջ ծանօթ էր հրէաներին: Մատթէոսն աւելի քան վաթսուն անգամ մասնացոյց է անում Հին-Կտակարանի վերայ: Քառասուն և երեք դէպքում մարգարէութիւններից բառացի քաղուածք է անում, իսկ մնացած տեղերը՝ մարգարէութիւնների միայն ընդհանուր միտքն է առաջ բերում:

Մատթէոսն իւր Աւետարանն սկսում է Յիսուսի ազգաբանութիւնից, ներկայացնելով նրան որպէս Աբրահամից սերուած և Դաւթի գահի ժառանգ: Պատմում է Յիսուսի մկրտութիւնը, սատանայից փորձուիլը. առաջ է բերում Նրա քարոզները, աշակերտների ընտրութիւնը, գործած հրաշքները, մատնութիւնը, չարչարանքը, խաչուիլը, թաղուիլը, յարութիւն առնելը և վերջանում է Աւետարանը Գալիլիայի լեռան վերայ տեղի ունեցած Յիսուսի հրաժեշտի քարոզով, որով Յիսուսը պատուիրում է իւր աշակերտներին «գնալ և բոլոր հեթանոսներին քարոզել Հօր, Որդու և Սուրբ Հոգու անունով» և խոստանում է նրանց հետ լինել «մինչև աշխարհի կատարածը»:

\* \* \*

Երկրորդ աւետարանի հեղինակն է Մարկոսը, որ «Գործք Առաքելոցի» մէջ (գլխ. ժբ. 25) յիշուած է նաև Յովհաննէս անունով: Սա Յիսու-



սի առաքեալներից չէր, այլ ինչպէս ասում են սուրբ հայրերը «առաքելաշնորհ» անձինքներից էր և Յիսուս Քրիստոսի երկրաւոր կեանքի ամբողջ ընթացքի ականատես:

Յիսուսի ծննդեան 42 թուին, երբ Պետրոս առաքեալը Հերովդէս Ագրիպասի հալածանքներից ազատուելու համար ստիպուած էր Երուսաղէմից Հոովմ փախչել, Մարկոսն էլ ուղեկցեց նրան և դարձաւ նրա զործակիցը: Սրբազան առաքեալը սկսեց Աւետարանը քարոզել. և կարճ ժամանակում մեծ յաջողութիւն ունեցաւ: Երբ Պետրոս առաքեալի ունկնդիրները ցանկացան Յիսուսի վարդապետութիւնը գրաւոր ունենալ, նրանք զիմեցին Մարկոսին և նա գրեց իւր Աւետարանը յունարէն լեզուով:

Մարկոսի Աւետարանը Մատթէոսի Աւետարանից զանազանում է իւր համառօտութեամբ և նպատակով: Այն բոլոր կէտերը, որ առաջ է բերում Մատթէոսը նպատակ ունենալով ապացուցանելու հրէաներին, որ Յիսուսը իսկական Մեսիան է, բաց է թողնուած Մարկոսի աւետարանում: Չկան նոյնպէս Յիսուսի ազգաբանութիւնը, մանկութիւնը, լերան քարոզը, երկնքի արքայութեան մասին նրա խօսած բազմաթիւ առակներից շատերը: Կարգալով Մարկոսի Աւետարանը իսկոյն աչքի է ընկնում այն հանգամանքը, որ Մարկոսն իւր աւետարանը գրել է այն ընթերցողների համար, որոնք ծանօթ չէին հրէական սովորութիւններին:

Մարկոսն առաւելապէս ուշադրութեան է առել Աստուծու Որդի Յիսուս Քրիստոսի հասարակական կեանքը և նկարագրում է Յիսուսի Մեսիական պաշտօնավարութեան ժամանակամիջոցը. ցոյց տալու թէ ինչպէս Յիսուսը դուրս եկաւ յաղթական կերպով պատերազմելու աշխարհի շարիքների և մեղքերի դէմ:

Մարկոսի առաջ բերած նիւթերից այն մասը, որ գտնուում է նաև Մատթէոսի Աւետարանում, ըստ ամենայնի համաձայն է Մատթէոսին. այս հանգամանքը ցոյց է տալիս, որ Մարկոսն իւր Աւետարանը գրելու ժամանակ աչքի առաջ է ունեցել Մատթէոսի արամէական բարբառով գրած Աւետարանը: Իսկ նրա Աւետարանի մէջ երեցած նոր մանրամասնութիւնները մանաւանդ տեղերի և անունների վերաբերմամբ, ցոյց են տալիս թէ նա ունեցել է նաև մի ուրիշ հեղինակաւոր աղբիւր, որ անշուշտ Պետրոս առաքեալն էր, որից իբրև նրա աշակերտը՝ քաղել է այդ տեղեկութիւնները:

Աշակերտած լինելով Պետրոսին, Մարկոսն ըստ ամենայնի ենթարկուած է նրա ազդեցութեանը և այդ երևում է նրա Աւետարանից: Այսպիսով Մարկոսի Աւետարանն էլ առաքելական ծագումն է ստանում:

Մարկոսն իւր Աւետարանն սկսում է Յովհաննէս Մկրտչի քարոզութիւնից և մկրտութիւնից: Պատմում է աշակերտների ընտրութիւնը, հրաշագործութիւնները, մատնութիւնը և այլն:

ըստ կարգին. և վերջացնում է Աւետարանը առաջ բերելով այն հանգամանքը, որ Յիսուսի համբարձումից յետոյ, առաքեալները գնացին Նրա վարդապետութիւնը քարոզելու:

Մարկոսն իւր Աւետարանում (տես գրքիս 129-րդ գլ.) առանց անունը տալու, յիշում է մի երիտասարդի, որ Յիսուսին կապած տանելու ժամանակ մերկ մարմնի վերայ մի ծածկոց ձրգած, հետևում էր Յիսուսին. և երբ զինուորները նրան էլ կամեցան բռնել, նա իւր ծածկոցը նրանց ձեռքը թողնելով, միանգամայն մերկ փախաւ նրանցից: Ընդհանրապէս կարծւում է, որ այդ երիտասարդը հէնց ինքը Մարկոսն էր:

\* \* \*

Երրորդ Աւետարանի հեղինակը Ղուկասն է, Անտիոք քաղաքացի, հեթանոս, ծագումով թերևս հրէայ: Դա մի կրթուած անձն էր. պարապում էր բժշկութեամբ և ինչպէս աւանդութիւնն ասում է եղել է նաև հմուտ նկարիչ: Նա քրիստոնէութիւնը ընդունեց Պօղոս առաքեալից, որին և աշակերտեցաւ: Պօղոս առաքեալի քարոզչական ճանապարհորդութիւնների ժամանակ լսելով և ըմբռնելով այդ շնորհալի առաքեալի վարդապետութիւնը, որն իսկապէս Յիսուսի վարդապետութեան վսեմ վերարտադրութիւնն ու մեկնութիւնն էր. գրեց իւր Աւետարանը ոմն «Բնջ Թէոփիլէի» խնդրանօք, որ թերևս մեծ յարգանք էր վայելում եկեղեցու կող-

մից և որ «ցանկացաւ իմանալ իւր սովորած վարդապետութեան ճշմարտութիւնը»: Ղուկասի գրած Աւետարանը Պօղոս առաքեալի կողմից հաւանութիւն գտաւ (բ. Կորնթ. ը. 18) և շատ շուտ տարածուեցաւ հեթանոսութիւնից քրիստոնէայ դարձած հաւատացեալների մէջ:

Ղուկասն իւր Աւետարանում աշխատում է լրացնել այն պակասները, որոնք բաց էին թողնուած առաջին երկու Աւետարանների մէջ. և Ղուկասի Աւետարանում այդ լրացումները (հինգ հրաշք և տասններկու առակ) կազմում են ամբողջ նիւթի երրորդ մասը և պատկանում են բացառապէս Ղուկասին: Բացի սրանից նա իւր ուշագրութիւնը դարձրեց այն հանգամանքի վերայ, որ Յիսուսի կեանքի նկարագիրն իւր Աւետարանում առաջ բերէ մանրամասնօրէն և «կարգով» նախապէս ամեն բան ստուգելով «ականատեսներից և խօսքին սպասաւորողներից»: Այդ նպատակով նա աչքի առաջ ունեցաւ առաջին երկու Աւետարանները. ստոյգ տեղեկութիւններ հաւաքեց Պետրոսից, Տեառն եղբայր Յակովբոսից, Յովհաննէս առաքեալից, Յիսուսի մայր Մարիամից և Յովհաննէս Մկրտչի բարեկամներից, որոնց հետ անձամբ ծանօթ էր, նաև հաւանականաբար ի նկատի ունեցաւ այն գրութիւնները որոնց նա ակնարկում է իւր յառաջաբանում (Ղուկ. գլ. ա. 1). և այդպիսով նրան յաջողուեցաւ իւր Աւետարանում այնպիսի նոր նիւթեր և մանրամասնութիւններ տալ, որ ամենևին չեն

յիշուած առաջին երկու Աւետարանների մէջ: Օրինակ, Աւետարանի առաջին գլուխները ուր խօսւում է Յիսուսի ծննդից առաջ և ծննդից յետոյ տեղի ունեցած անցքերի մասին: Ղուկասն իւր Աւետարանը գրեց յունարէն լեզուով հեթանոսութիւնից քրիստոնեայ դարձած հաւատացեալների համար և այդ աչքի է ընկնում երբ կարդում ենք նրա առաջ բերած Յիսուսի ազգաբանութիւնը, որ ոչ թէ Մատթէոսի նման Աբրահամից է սկսում, որ հրէաների նախահայրն էր, այլ Ադամից, որ համայն մարդկութեան նախահայրն է համարւում:

Ղուկասն իւր Աւետարանում նկարագրում է գլխաւորապէս Յիսուսի կեանքի պատմական կողմը և պատմութիւնը առաջ է բերում հանդամանօրէն: Պօղոս առաքեալի ամենամօտ հետևողներից մինը լինելով, նա կարողացաւ իւր Աւետարանում պարզ կերպով պատկերացնել այդ Առաքեալի հայացքները: Այս տեսակէտով, երբորդ Աւետարանն էլ առաքելական դրոշմ է կրում:

Ղուկասն իւր Աւետարանը սկսում է յառաջաբանով, պատմում է Յիսուսի մարդեղութիւնը, Յովհաննէսի մկրտութիւնը, սատանայից փորձուիլը. առաքեալների և եօթանասնից ընտրութիւնը, հրաշագործութիւնները, մատնութիւնը... և այլն ըստ կարգին. և Աւետարանը վերջացնում է Յիսուսի երկինք համբառնալու պատմութեամբ: Ղուկասի գործն է նա և «Գործք Առաքելոցը»:

\* \* \*

Մերոյ յիշեալ երեք Աւետարանները (Մատթէոսի, Մարկոսի և Ղուկասի) թէև, ինչպէս տեսանք, իրարից չեն օրինակուած և տարբերութիւններ էլ ունեն. բայց որովհետև բովանդակութեան և նիւթի կողմից նման են իրար. այդ պատճառով կոչոււմ են սինօպտիկ (համատես) Աւետարաններ: Կան այսպէս կոչուած «համաձայնութեան տախտակներ» որոնք կազմուած են զանազան ժամանակներում Սուրբ գրքի զանազան մեկնիչների ձեռքով, եթէ նայելու լինենք այդ տախտակներին, կտեսնենք ոչ միայն այդ Աւետարաններից իւրաքանչիւրի առանձնաշարակութիւնը, այլ և նրանցից իւրաքանչիւրի նման և տարբեր տեղերը:

Սինօպտիկ Աւետարանների 350 համարը նրման են իրար: Մատթէոսն ունի 350 ինքնուրոյն համար, Մարկոսը՝ 68. իսկ Ղուկասը՝ 541:

Սինօպտիկների գլխաւոր նմանութիւնը նրկաւում է Յիսուս Քրիստոսի այսպէս ասած զրուցատրական մասի, իսկ տարբերութիւնը պատմական մասի նկարագրութիւնների մէջ: Մատթէոսի Աւետարանում պատմական մասը ամբողջ նիւթի քառորդ մասն է կազմում, իսկ Մարկոսի և Ղուկասի Աւետարաններում՝ կէսը:

\* \* \*

Աւետարանների շարքում իւր բովանդակութեամբ և ուղղութեամբ որոյն տեղ է բռնում չորորդ Աւետարանը, որի հեղինակը Յիսուսի սի-

րելի աշակերտ Յովհաննէսն է: Սա Գալիլիացի ձկնորս Զերէթիայի որդին էր, որ «Բանն Աստուծոյ» մասին իւր զրած վսեմ վարդապետութեամբ՝ արժանացաւ Աստուածաբան պատուաւոր կոչմանը: Յիսուսի համբարձումից յետոյ Յովհաննէսը մնաց Երուսաղէմում և ապա գնաց Փոքր Ասիայի Եփեսոս քաղաքը քրիստոնէութիւն տարածելու տեղական ժողովրդի մէջ և այնտեղ էլ նա զրեց իւր Աւետարանը յունարէն լեզուով, Երուսաղէմի կործանումից յետոյ, որ տեղի ունեցաւ Յիսուսի ծննդեան 70—71 թուականին:

Քրիստոնէութեան առաջին շրջանում Եփեսոսը արևելեան քրիստոնէաների մտաւոր կեանքի կենտրոնն էր համարւում և այնտեղ շփուում էին որպէս յոյն, նոյնպէս և արևելեան մտքի ներկայացուցիչները: Այնտեղ արդէն հրապարակ էին իջել հերետիկոսները (Կիրինիոս, դպիր Նիկողայոս և այլք) որոնք աշխատում էին ազաւազել մաքուր քրիստոնէութիւնը և մոլորեցնել նորահաւատներին կասկածելի դարձնելով Յիսուսի Աստուածութիւնը:

Այսպիսի հանգամանքներում անհրաժեշտ էր որ նորահաստատ եկեղեցին հաւատի ուղեցոյց ունենար որպէս զի զգուշանար մոլորութիւններից: Յանձին Յովհաննէս առաքեալի ունենալով մի մերձաւոր վկայ, «սկանատես և խօսքի սպասաւոր», Եփեսոսի քրիստոնէաները և ընդհանրապէս ասիական եկեղեցու ներկայացուցիչները խնդրեցին Յովհաննէսին, որ զրէ Յիսուսի եր-

կրաւոր կեանքն ու վարդապետութիւնը:

Երբ նրա մօտ բերին առաջին երեք Աւետարանները, նա գովեց և հաստատեց նրանց ճշմարիտ և ստոյգ լինելը, միայն գտաւ, որ շատ կարևոր բաներ բաց են թողնուած: Ներկայացնելով Յիսուսին իբրև մարդ, անհրաժեշտ էր խօսել նաև նրա Աստուածութեան մասին, որովհետև հակառակ դէպքում կարող էր պատահել, որ ժամանակի ընթացքում մարդիկ զբաղուելով Յիսուսի անձնաւորութեամբ՝ մոլորուէին և ընդունէին Նրան այնպէս, ինչպէս յայտնուել էր նա երկրաւոր կեանքի մէջ: Ահա այս է պատճառը, որ Յովհաննէսի Աւետարանը ոչ թէ Յիսուսի մարդկային, այլ Աստուածային կողմի նրկարագրութեամբ է սկսում. ցոյց տալով որ «սկզբիցն էր Բանը (մարմնացեալ Յիսուսը) և Բանն Աստուծու մօտ էր և Բանն Աստուած էր»:

Յովհաննէսի Աւետարանն իւր բովանդակութեամբ և նպատակով գալիս էր մի կողմից հերետիկոսների թիւը կարծիքներն ու մոլորութիւնները ջրելու և միւս կողմից բացատրելու հաւատացեալներին թէ ով և ինչ էր Աստուծու Որդին, ինչ յարաբերութիւն ունէր Աստուծու հետ, Որին նա միշտ իւր Հայր է կոչում. ինչ դեր ունէր կատարելու այս աշխարհում և վերջապէս ինչու՞մն էր կայանում այն փրկութիւնը, որի սկզբնապատճառը Ինքն էր:

Յովհաննէսի Աւետարանը լրացումն է առաջին երեք Աւետարանների: Այդ Աւետարանում

առաջ են բերուած այնպիսի դէպքեր, որ չեն յիշուած առաջին երեք Աւետարանում. օր. Գալիլիայի Կանա քաղաքի հարսանիքը, Նիկողիմոսի և Սամարացի կնոջ հետ ունեցած խօսակցութիւնը, Ղազարոսի Յարութիւնը, ոտնալուան և այլլն... Աւետարանը վերջանում է հեղինակի վերջաբանով, ուր ասուած է որ «իւր վկայութիւնը ճշմարիտ է»:

Յովհաննէսի գրչին են պատկանում «Առաքեալների թղթերից» մի քանիսը և «Յայտնութեան» գիրքը:

Յովհաննէսի Աւետարանում շատ քիչ են այն նիւթերը, որոնց կարգում ենք սինոպտիկների մէջ. դրանք միայն 8<sup>0</sup>/<sub>0</sub> են կազմում, մնացեալ 92<sup>0</sup>/<sub>0</sub> նոր նիւթ է:

Որպէս զի աւելի պարզ լինի թէ ինչու՞ն է կայանում Յովհաննէսի և սինոպտիկ Աւետարանների զանազանութիւնը, հարկաւոր է համեմատել նրանց ըստ բովանդակութեան և նպատակի:

Սինոպտիկները պատմում են Յիսուսի Գալիլիայում անցրած կեանքը, իսկ Յովհաննէսը խօսում է Յիսուսի Հրէաստանում ունեցած գործուէութեան մասին: Սինոպտիկները գլխաւորապէս Յիսուսի գործած հրաշքները, խօսած առակներն ու նրա կեանքի արտաքին դէպքերն են պատմում, իսկ Յովհաննէսը դատողութիւններ է անում Յիսուսի կեանքի խորիմաստ մտքերի վերայ:

Ընդհանրապէս Յովհաննէսի Աւետարանը սի-

նոպտիկներից զանազանուում է իւր բարձր գաղափարականութեամբ: Այս հանգամանքը Սուրբ գրքի շատ մեկնիչներին և քննադատներին առիթ է տուել ենթադրելու, որ Յովհաննէսը ոչ թէ Քրիստոսի պատմութիւնն է տալիս, այլ նրա կեանքի այլաբանութիւնը:

\* \* \*

Աւետարանները թէև տարբեր կէտեր ունեն, ինչպէս այդ յիշուեցաւ. բայց հակասութիւններ չունին:

Եթէ ուշադրութեամբ հետեւելու լինենք կարող ենք համաձայնութիւն գտնել նոյն իսկ սինոպտիկ և Յովհաննէսի Աւետարանների մէջ: Թէև Յովհաննէսն առհասարակ քիչ բան է պատմում Յիսուսի Գալիլիայում անցրած կեանքի մասին, բայց նա յիշում է, որ Յիսուսը բազմիցս եղել է և երկար ապրել է Գալիլիայում: Սինոպտիկները թէև քիչ բան են ասում Յիսուսի Երուսաղէմում և Հրէաստանում անցրած կեանքի մասին. բայց պատահում են ակնարկութիւններ: Այսպէս նրանց վկայութիւնից ենք իմանում, որ Յիսուսն այնտեղ բարեկամներ, աշակերտներ և հետևողներ է ունեցել. օրինակ վերնատան տէրը՝ ուր տեղի ունեցաւ խորհրդաւոր ընթրիքը. Յովսէփ արեմաթացին, որն իւր պարաէզի մէջ փորած գերեզմանում ամփոփեց Յիսուսի մարմինը: Երուսաղէմի վերայ Յիսուսի կարգացած ողբը, որ գտնուում է սինոպտիկների

մէջ, ապացուցանում է՝ որ Յիսուսն երկար ժամանակ ապրել է Երուսաղէմում: Միւս կողմից թէև սինսօպտիկները Ղազարոսի յարութեան մասին լռում են, սակայն Ղուկասը ծանօթացնում է Բեթանիայում ապրող Ղազարոսի երկու քոյրերի հետ և այդ ծանօթութիւնը թէև շատ համառօտ է, բայց և միանգամայն համաձայն է Յովհաննէսի Ղազարոսի մահուան առթիւ տուած նկարագրութեան հետ:

Յովհաննէսի Աւետարանի մէջ շատ յաճախ առաջ բերուած Յիսուսի զրոյցները բաւական նման են սինսօպտիկների առաջ բերածներին միայն այն գանազանութեամբ, որ սինսօպտիկների առաջ բերած զրոյցները ժողովրդականացրած և պարզուած են և կազմուած դիւրամբօնելի առակներից և պարզաբանող օրինակներից, իսկ Յովհաննէսի առաջ բերածները վսեմ, խորհրդաւոր և մեծ մասամբ դժուար հասկանալի են. և կարծես թէ այդ զրոյցները ոչ թէ հասարակ ժողովրդի համար է ասուած, այլ ունկնդիրների մի սահմանափակ շրջանի համար:

Եթէ սինսօպտիկների առաջ բերած զրոյցները ժողովրդական ու դիւրամբօնելի են, դրա փոխարէն Յովհաննէսի առաջ բերած զրոյցները իրենց վսեմութեամբ և խորհրդաւորութեամբ մեր ունեցած տեղեկութիւնները Յիսուսի Աստուածութեան և Աստուծու Որդի լինելու մասին, աւելի լիակատար են դարձնում:

Եթէ սինսօպտիկները ներկայացնում են Յի-

սուսին որպէս Մարդու Որդի և Դաւթի որդի, ընդհակառակն Յովհաննէսը Յիսուսին ներկայացնում է որպէս Աստուծոյ Որդի: Այս հանգամանքը առիթ չպէտք է տայ կարծելու, որ սինսօպտիկները Յիսուսի մարդկային կողմը ներկայացնելով՝ մոռացել են Աստուածայինը և Յովհաննէսը ներկայացնելով Աստուածայինը՝ մոռացել է մարդկայինը: Ընդհակառակն, սինսօպտիկների մէջ Մարդու Որդին միևնոյն ժամանակ և Աստուծու Որդի է «որին տուած է ամենայն իշխանութիւն երկնքի և երկրի վերայ»:

Յովհաննէսի Աւետարանի մէջ Աստուծու Որդին միևնոյն ժամանակ և Մարդու Որդի է, որովհետև նա գնում է Կանայի հարսանիքը, մասնակցում է հանդէսին, բարեկամաբար խօսում է Մարթայի և Մարիամի հետ և լաց է լինում իւր բարեկամ Ղազարոսի գերեզմանի վերայ:

Այսպէս ուրեմն սինսօպտիկները և Յովհաննէսը լրացնում են իրար և ամբողջութեամբ տալիս են մեզ Յիսուս Քրիստոսի կատարեալ պատկերը:

\* \* \*

Հին ժամանակուան քրիստոնեայ գրողները չորս Աւետարաններն այն գետի հետ էին համեմատում, որ դուրս գալով Եղեմից, Աստուծու դրախտը ոռոգելու համար չորս մասի էր բաժանուած, որոնք այնպիսի երկրներով էին հոսում, որ լի էին թանկագին քարերով և մետաղներով: Չորս Աւետարանների համար աւելի սո-

վորական նշանակն այն խորհրդաւոր անիւններն էին, որ տեսաւ եղեկիէլ մարգարէն տեսիլքի մէջ Քօբար գետի մօտ (տես մարգ. եղեկելի ա. 1—26 և ժ. 9—14) որոնցից իւրաքանչիւրը չորս երես ունէր: Դրանցից մինը մարդու նման էր. միւսը՝ առիւծի. երրորդը հորթի և չորրորդը՝ արծուի: Դրանք ժամանակի ընթացքում Աւետարանների համար խորհրդաւոր նշաններ դարձան և այնուհետև V դարուց սկսած մինչև օրս, քրիստոնէական գեղարուեստը Մատթէոսին ներկայացնում է մարդու կալ նրեշակի հետ, որովհետև նա իւր Աւետարանի մէջ Քրիստոսին պատկերացնում է գլխաւորապէս որպէս մարդու և որպէս Մեսիա: Մարկոսին՝ առիւծի հետ, որովհետև նա իւր Աւետարանում ցոյց է տալիս Յիսուսի ամենակարողութիւնը: Լուկասին՝ հորրի հետ, որովհետև նա պատմում է Յիսուսի քահանայապետութեան մասին, որի պաշտօնի հետ կապուած էր հորթի գոհաբերութիւնը և վերջապէս Յովհաննէսին՝ առծուի հետ, որովհետև այդ առաքեալը կարծես արծուի նման սաւառնում է երկինք և ամպերի վերայիցն է խօսում Յիսուսի Աստուածութեան մասին:

\* \* \*

**Մ**ի քանի խօսք էլ գրքիս մասին:

Սոյն աշխատութիւնը, որի առաջին տպագրութիւնը լոյս է տեսել 1898 թուին և այժմ լոյս է տեսնում ք. տպագրութեամբ լրացրած,

բարեփոխուած և պատկերներով ու Պաղեստինի քարտէզով ճոխացրած, ինչպէս վերն էլ յիշել եմ՝ հիւսուած է չորս Աւետարաններից: Եւ որովհետև իմ նպատակն է եղել միմիայն բնագիրը տալ. այդ պատճառով էլ ամբողջ նիւթը առաջ եմ բերել ըստ գրաբառ բնագրի՝ ամենայն հարագատութեամբ:

Դրաբառից աշխարհաբառ թարգմանելիս ըստ կարելոյն պարզ և ամենքին հասկանալի լեզու եմ գործ դրել. բայց միևնոյն ժամանակ հնար եղածին չափ պահպանել բնագրի ոճը:

Նիւթերն հիւսելիս աշխատել եմ որքան կարելի է մի ամբողջացած գործ ներկայացնել և նիւթերը դասաւորել եմ ժամանակագրական կարգով, հետևելով Սուրբ գրքի յայտնի մեկնիչների կողմից ընդունուած ժամանակագրութեանը:

Ինչպէս ընթերցողն էլ կնկատէ, գրքիս մէջ շատ յաճախ մատնանշուում են Հին-Ուխտի այն մարգարէութիւնները, որոնք կապ ունեն Յիսուս Քրիստոսի երկրաւոր կեանքի հետ: Ընթերցողի հետաքրքրութեանը բաւականութիւն տալու համար գրքիս սկզբում կարգով գետեղեցի այդ և ուրիշ մի շարք մարգարէութիւնների բառացին՝ աշխարհաբար լեզուով:

Ինկատի ունենալով, որ այս գիրքը կազմուած է ոչ միայն ժողովրդի ընթերցանութեան համար, այլ և աշակերտների ձեռքը տալու իբրև կրօնի օժանդակ դասագիրք, մանաւանդ պե-

տական միջնակարգ գպրոցներում, ուր հնար չկայ աշակերտների ձեռքը գրաբար բնագիրը տալու, աւելորդ համարեցի գիրքն եղածից աւելի ծանօթութիւններով ծանրաբեռնել: Հայր կրօնուսույցներն իրենք կարող են մութ համարուած տեղերը բացատրել ու պարզաբանել:

Գրքիս մասին, որ գիտեմ կունենայ իւր թերութիւնները, աւելորդ եմ համարում երկար խօսել: Գնահատութիւնը թողնում եմ ընթերցողներին և հայր կրօնուսույցներին, որոնց նկատուողութիւնները՝ շնորհակալութեամբ կընդունեմ:

Տաճաս ա. Բահ. Մարտիան.

1-ն յունարի 1914 ամի  
Բ Ա Գ Ո Ի

ՄԱՐԳԱՐԷՌԻՍԻՆԵՐ ՅԻՍՈՒՍ ՔՐԻՍՏՈՍԻ ՄԱՍԻՆ\*)

1. Աստուած Աբրահամին ասաց. — «Երկրի բոլոր ազգերը քո գաւակով պէտք է օրհնուին. (Գիրք Ծննդ. իբ. 18):

2. Բէնովրի որդի Բաղասոմ մարգարէն ասաց. — «Յակովբից մէկ աստղ կծագի և Իսրայէլից մի մարդ գուրս կգայ, որ կհարուածէ Մովաբի իշխաններին». (Թուոց իգ. 15—17):

3. Յակովբը մեռնելու ժամանակ բացաւ կանչեց. — «Թող Յուդայից իշխան չպակասի և ոչ էլ պեա՛ նրա երանքից, մինչև որ հեթանոսների ակնկալած Սաղազարարը գայ»: (Ծննդ. խթ. 10):

4. Յեսսէի արմատից գաւազան գուրս կը գայ և բնից ծաղիկ կբուսնի: Նրա վերայ կհանգչի Աստուծո՛ւ հոգին — իմաստութեան և հանձարի հոգին: (Մարգ. Եսայի ժա. 1):

5. Այն օրը Յեսսէի արմատը, որպէս իշխան հեթանոսների մէջ կը կանգնի. հեթանոսները Նրան կյուսան և Նրա հանգիստը փառաւոր կլինի: (Եսայի ժա. 10):

\*) Յիշեալ և ուրիշ շատ մարգարէութիւնները, որոնք գրուած են մօտ 810—510 թ. Քրիստոսից առաջ և սփռուած են Ս. Գրքում, ցոյց են տալիս որ նախ քան Յիսուս Քրիստոսի աշխարհ գալը, Նրա պատմութիւնն արդէն գրուած էր դարեր առաջ:



6. Տէրն ինքը կտայ ձեզ նշան.—Ահա կոյ սը կյդանայ, որդի կծնի և նրա անունը էմմա-նուէլ կգնեն: (Եսայի է. 14):

7. Եւ դու Բեթղեհէմ, տուն Եփրաթա. թէև Յուդայի հազարաւորների թւում լինելու փոքր ես, բայց քեզանից պէտք է դուրս գայ նա, որ Իսրայէլի վերայ իշխան պէտք է լինի և նրա ել-քը 'ի հնուց՝ յաւիտենական օրերիցն է: (Մարգ. Միքիա ե. 2):

8. Մանուկ ծնաւ մեզ, Որդի տրուեցաւ մեզ. նրա ուսի վերայ է իշխանութիւնը: Նրան կը կոչեն Աքանչելի, Սորհրդակից, Հզօր Աստուած, Իշխան, Յաւիտենականութեան Հայր: (Եսայի թ. 6):

9. Անապատի մէջ կանչողի ձայնը.—«Պատ-րաստեցէք Տիրոջ ճանապարհները և ուղղեցէք մեր Աստուծու շաւիղները: Բոլոր ձորերը կլցուին, բոլոր լեռներն ու բլուրները կխոնարհուին. բո-լոր դժուարիները կհեշտանան և խորդ ու բորդ տեղերը կհաւասարուեն: Աստուծու փառքը կե-րևայ և ամեն մարմին Աստուծու փրկութիւնը կտեսնի: (Եսայի խ. 3—5):

10. Միօնի աղջկան ասացէք, որ ահա գալիս է Փրկիչդ, իւր վարձքն իւր հետ է և իւր գործե-րն իւր առաջ: (Եսայի կբ. 11):

11. Տերոջս հոգին իմ վրաս է, որի համար իսկ օծեց ինձ: (Եսայի կա. 1):

12. Տէրն ինձ ասաց.—Դու իմ Որդին ես և ես այսօր ծնայ քեզ: (Մարգ. բ. 7):

13. Նա կասէ ինձ.—Դու իմ Հայրն ես—իմ փրկութիւնն ընդունող Աստուածը: Ես նրան անդ-րանիկ և երկրի բոլոր թագաւորներից բարձր կդարձնեմ: (Մարգ. ձբ. 27—28):

14. Մխիթարուեցէք սրտով կարճամիտներ, զօրացէք և մի վախենաք, ահաւասիկ մեր Աս-տուածը հատուցանում է և կհատուցանէ դա-տաստանը. ինքը կգայ և կփրկէ մեզ: Այն ժա-մանակ կոյրերի աչքերը կբացուեն և խուլերի ականջները կլսեն: (Եսայի լե. 4—5):

15. Մահը յաւիտեան կջնջուի և Աս-տուած բոլորի երեսից արտասուքը կսրբի և եր-կրի երեսից ժողովրդի նախատինքը կվերացնի, որովհետև Աստուած խօսեց: Այն օրը կասեն.— «Ահա մեր Տէր Աստուածը, որին յուսացել էինք և նա կապրեցնէ մեզ, որովհետև Սա է Տէրը և Սրան էինք սպասում. ուրեմն մեր փրկութեամբ ցնձանք և ուրախանանք»: (Եսայի իե. 8—9):

16. Նա իմաստութեան բոլոր ճանապարհ-ները գտաւ և այն իւր ծառայ Յակովբին ու իր սիրած Իսրայէլին ասուեց: Սրանից յետոյ երկրի վերայ երևեցաւ և մարդկանց մէջ շրջեցաւ: (Մարգ. Բարուք. գ. 37—38):

17. Մովսէսն ասաց ժողովրդին.—«Քո Տէր Աստուածը, քո եղբայրների միջից ինձ նման

մարգարէ կյարուցանէ. նրան լսեցէք: Ես իմ պատգամները նրա բերանը կզնեմ և ինչ որ պատուիրեցի նրան, այն կխօսի նրանց հետ: Եւ այն մարդը, որ չի լսի ինչ որ մարգարէն կխօսի իմ անունով, Ես վրէժխնդիր կլինեմ նրան»: (Երկ. Օր. ժը. 15, 18—19):

18. Այն օրն իմ ժողովուրդը պէտք է իմանայ իմ անունը, գիտենայ որ Ես Այն եմ, որ խօսում էի և որ ահա ես եկայ: Ի՞նչ գեղեցիկ են լեռների վերայ նրա ոտքերը, որ խաղաղութիւն ու բարութիւն է աւետում, որ փրկութիւն է քարոզում և ասում Սիօնին, թէ քո Աստուածն է թագաւորում: (Եսայի ծբ. 6—7):

19. Ահաւասիկ, ասում է Տէրը, օրեր կըզան և ես իսրայէլի և Յուդայի տան հետ նոր սւխտ կը կապեմ, ոչ այն ուխտի պէս, որ նրանց հայրերի հետ կապեցի, երբ նրանց ձեռքից բռնած հանեցի Եգիպտացոց երկրից, որը թէև նրանք քանդեցին, բայց ես նրանց հետ հաշտ մնացի: Այժմ, ասում է Տէրը, այն ուխտը, որ ես կապում եմ Իսրայէլի տան հետ՝ այս է.— Իմ օրէնքները նրանց մտքի մէջ կզնեմ և նրանց սրտերի վերայ կգրեմ: Ես կլինեմ նրանց Աստուածը, իսկ նրանք՝ իմ ժողովուրդը: (Երեմ. լա. 31—32):

20. Ես նրանց ուրիշ սիրտ կտամ և նրանց նոր հոգի կպարգևեմ: Նրանց մարմնի միջից կը հանեմ քարեղէն սիրտը և մարմնեղէն սիրտ կը

զնեմ, որ հրամանիս համաձայն զնան և իրաւունքներս պահեն ու կատարեն. նրանք կլինեն իմ ժողովուրդը և ես՝ նրանց Աստուածը: (Եզեկիէլ ժա. 19—20):

21. Սրանից յետոյ իմ հոգուց բոլոր մարմնի վերայ կթափեմ, այն ժամանակ ձեր տղաներն ու աղջիկները կմարգարէանան, ձեր ծերերը երազելով կերազեն և ձեր երիտասարդները տեսիլքներ կտեսնեն: (Յովել բ. 2):

22. Տիրոջ հոգին իմ վրաս է, որովհետև Տէրն օժեց ինձ և ուղարկեց ինձ աղքատներին աւետարանելու, սիրտ կտարածներին բժշկելու, գերիններին ազատութիւն քարոզելու և կոյրերին աեսողութիւն շնորհելու: Տիրոջ ընդունելի տարին և մեր Աստուծու հատուցման օրը հրատարակելու. բոլոր սգաւորներին մխիթարելու... (Եսայի կա. 1—2):

23. Ահա իմ ծառայ Յակովբը, որին օգնական կլինեմ և իմ ընտրած Իսրայէլը, որին հաւանեց իմ անձը. իմ հոգին նրա վերայ կզնեմ և հեթանոսներին իրաւունք կպատմէ: Նա չի աղաղակի և ոչ էլ կվիճի և նրա ձայնը ոչ ոք չի լսի դուրսը: Չախջախուած եղէզը չի փշրի և առկայծեալ պատրոյզը չի հանգցնի, այլ իրաւունքը ճշմարտութեան կհանէ. կգօրանայ և չի յաղթուի մինչև որ երկրի վերայ դատաստան հաստատէ. և հեթանոսները նրա անուանը կյուսան: (Եսայի լսբ. 1—4):

24. Իմ ոչխարներին ես պէտք է արածացնեմ և նրանց ես պէտք է հանգիստ տամ, որ իմանան թէ ես եմ Տէրը՝ այսպէս է ասում Տէր Աստուածը: Կորածը պէտք է որոնեմ, մոլորուածը՝ դարձնեմ, վիրաւորուածը՝ փաթաթեմ, հիւանդը՝ զօրացնեմ և գերն ու հօրը պահեմ (Նբր. կորցնեմ): (Եզեկիէլ ԼԳ. 15—16):

25. Ուրախութիւնից ցնծա՛, Սիօնի աղջիկ. քարոզիր ս՛վ Երուսաղէմի աղջիկ, ահա քո թագաւորը գալիս է քեզ մօտ արդար, հեզ և փրկիչ: Նստած իշի և նոր աւանակի վերայ: (Չաք. թ. 9):

26. Այս այն օրն է, որ Աստուած ստեղծեց. եկէք ցնծանք և ուրախանանք այդ օրում: Ո՛վ Տէր փրկիր, ս՛վ Տէր առաջնորդիր. Օ՛րհնեալ է նա, որ գալիս է Տիրոջ անուկով: (Սաղմ. 66է. 24):

27. Նա աւելի անարգուած ու ստորացուած էր քան մարդկանց բոլոր որդիները, նա բոլոր վշտերն ու ցաւերը համբերութեամբ տարաւ և մենք երես դարձնելով նրանից, անարգեցինք նրան և ոչինչ համարեցինք: (Նսայի ծգ. 3):

28. Դու ես Աստուածը և Իսրայէլի փրկիչ Աստուածը և մենք չգիտէինք: (Նսայի խե. 15):

29. Եղբայրներիս համար օտար և մօրս որդոց համար՝ հիւր եղայ: Որովհետեւ Քո նախանձն ինձ կերաւ և քեզ նախատողների նախատինքներն ինձ վերայ թափուեցան: (Սաղմ. կը. 9—10):

30. Արդարին դարանակալ լինենք, որովհետեւ նա մեզ համար անտանելի է. նա հակառակում է մեր գործերին, նախատում է մեզ օրէնքի դէմ գործած մեղքերի համար և մեր երեսուփն է տալիս մեր մանկութեան մեղքերը: Նա իրեն յայտարարում է, որպէս Աստուածագէտ և իրեն Աստուծու Որդի է անուանում. նա մեր առաջ, մեր մեղքերը մերկացնողն է: Ծանր է մեզ տեսնել նրան, որովհետեւ նրա կեանքն ուրիշների կեանքի նման չէ և նրա ճանապարհներն էլ տարբեր են: Նա մեզ գարշելի է համարում և խորշում է մեր ճանապարհներից, ինչպէս պղծութիւնից. արդարների մահին երանի է տալիս և Աստուծուն հպարտութեամբ իւր Հայր է կոչում: Այժմ տեսնենք, ճշմարիտ են արդեօք նրա խօսքերը և փորձենք թէ ինչպէս կլինի նրա փախճանը: Եթէ իսկապէս Նա Աստուծու Որդի է, ապա ուրեմն Աստուած կպաշտպանէ նրան իւր թշնամիների ձեռքից: Թշնամանք նրան ու տանջենք, որպէս զի նրա հեղութեան և անոխակալութեան չափն իմանանք: Սայտաւակ մահով տանջենք նրան, որովհետեւ ինչպէս ինքն է ասում, իբր թէ խնամուելու է ինքը: Այսպէս էին մտածում, բայց խաբուեցան, որովհետեւ չարութիւնից կուրացել էին և չէին իմանում Աստուծու խորհուրդները: (Գիբք իմաստ. բ. 12—21):

31. Երկրի թագաւորները վեր կը կենան և

իշխանները միասին կժողովուեն Տիրոջ և Նրա Օծեալի դէմ: (Մաղմ. բ. 2):

32. Մինչև անգամ ինձ հետ հաշտ եղող մարդը, որի վերայ յուսացել էի և որ իմ հացն էր ուտում, նա դաւաճանեց ինձ: (Մաղմ. խ. 10):

33. Թշնամիներս իմ վասն են ուզում ասելով, թէ երբ կլինի որ սա մեռնի և անուը ջնջուի: (Մաղմ. խ. 6):

34. Իմ բոլոր թշնամիները իմ մասին են փսփսում, իմ մասին չար են մտածում և անօրէն գործեր դնում ինձ վերայ (Մաղմ. խ. 8-9):

35. Ինձ ասնջողներն քո առաջն են. նախատինքներին և թշուառութիւններին սիրտս համբերեց: Աչքս մի վշտակցի էր սպասում, բայց չկար. մի մխիթարողի էր որոնում՝ բայց չգրանուեցաւ: Կերակրի փոխարէն ինձ լեղի սոււին, իսկ ծարաւ ժամանակս քացախ խմեցրին: (Մաղմ. կը. 21—22):

36. Ես շփոթուեցի.... թշնամու ձայնից, մահուան երկիւղն ինձ պատեց. ան ու դող ընկաւ ինձ վերայ և խաւարն ինձ ծածկեց: (Մաղմ. ծգ. 4—5):

37. Իմ թշնամիները ինձ համար են խօսում և անձս պաշարողները խորհուրդ են անում միասին՝ ասելով—«Աստուած ձգեց նրան, բռնեցէք ու հալածեցէք նրան, որովհետեւ նրան այլևս ազատող չկայ: (Մաղմ. հ. 10—11):

38. Եւ վարձքիս համար երեսուն արծաթ կշուեցին. և Տէրն ասաց ինձ.—«Չգիր այն գանձատանը»: Դա բարձր գինն էր, որ ինձ համար կարեցին: (Չաքար. ժա. 12—13. Յուն.):

39. Չարթիր ով սուր, իմ հովուի և նրա ընկեր մարդու վերայ. ասում է Ամենակալ Տէրը.—կխփեմ հովուին և ոչխարները կցրուին: (Չաք. ժգ. 7):

40. Իմ թշնամիների ձեռքը մի մասնիր ինձ. իմ դէմ սուտ վկաներ վերկացան և սրտեցին ինձ....(Մաղմ. իգ. 12):

41. Նա չարչարուեցաւ, բայց բերանը չբացեց: Ոչխարի նման նրան մորթելու տարան. և ինչպէս գառն իւր մորթողի առաջ կանգնած է անձայն, այնպէս էլ նա իւր բերանը չբացեց: (Եսայի ծգ. 7):

42. Հարուածողներին թիկունքս դարձրի և աստակողներին՝ ծնոտս. հայհոյողներից և երեսփս թքողներից երեսս չդարձրի: (Եսայի ծ. 6):

43. Մորթուելու տարուող անմեղ գառան պէս, ես չգիտէի թէ իմ մասին խորհուրդ են անում և ասում.—«Նկէք նրա կերակուրի մէջ (թունաւոր) փայտ ձգենք և կենդանիների երկրից բնաջինջ անենք, որ նրա անուան այլ ևս չլիջուի: (Երեմիա ժա. 19):

44. Շուրջս շներ հաւաքուեցան և չար մարդկանց բաղմութիւնը շրջապատեց ինձ: Չեռ-

քերս ու ոտքերս ծակեցին, այնպէս որ ոսկրներս կարելի էր համարել (մարմինը ձգելուց)։ Նրանք նայում և հանդիսատես էին։ Հանդերձներս իրենց մէջ բաժանեցին և պատմուճանիս վերայ վիճակ ձգեցին։ (Սաղմ. իա. 17, 19)։

45. Ես կասեմ նրան.— «Ձեռքերիդ մէջ այդ ինչ վէրքեր են»։ Նա կասէ ինձ.— «Այդ վէրքերը իմ սիրելու տանն ստացայ»։ (Զաքարիա ժգ. 6)։

46. Նա մեր մեղքերի համար վիրաւորուեցաւ և մեր անօրէնութիւնների համար պատժուեցաւ, մեր խաղաղութեան պատիժը նրա վերայ եղաւ և նրա վէրքերով բժշկուեցանք։ (Եսայի ծգ. 5)։

47. Այդ պատճառով մեծերի հետ նրան բաժին կտամ և հօրների հետ աւարից բաժին կըստանայ, որովհետեւ նա իւր անձը մահուան մատնեց և անօրէնների շարքը դասուեցաւ։ (Եսայի ծգ. 12)։

48. Մարմինս յուսով կհանգստանայ, որովհետեւ անձս չես թողնի դժոխքումը (կամ գերեզմանի մէջ) և քո սուրբին թոյլ չես տայ, որ ապականութիւն տեսնի։ (Սաղմ. ժե. 9—10)։

49. Կեսնքս գբի մէջ խեղդեցին և ինձ վերայ քար դրին։ (Ողբ Երեմիայի գ. 53)։

50. Մահ, ո՞ւր է քո յաղթութիւնը. դժոխք, ո՞ւր է քո խայթոցը։ (Ովսիա ժգ. 14)։

51. Խնդրիր ինձանից և հեթանոսներին քեզ ժառանգութիւն կտամ և երկրի ծայրերի վերայ՝ իշխանութիւն։ (Սաղմ. բ. 8)։

52. Նստիր աջ կողմս, մինչև որ թշնամիներիդ ոտքիդ պատուանդանը անեմ։ (Սաղմ. ճթ. 1)։

53. Այն օրը մարդ իւր Արարչի վերայ կզնէ իւր յոյսը և նրա աչքերը Իսրայէլի Սուրբին կնային։ Այլ ևս ոչ իրենց մեհեանների վերայ կզնեն իրենց յոյսը և ոչ էլ իրենց մասների գործերի վերայ։ (Եսայի ժէ. 7—8)։

54. Բոլոր մարդիկ կխոնարհին և մարդկանց հպարտութիւնը կընկնի. և այն օրը ամենաբարձրը միայն Տէր Աստուածը կլինի։ Չեռագործները (կուռքերը) բոլորովին կոչնչանան... և մարդը մի կողմ կձգէ այն արծաթեղէն ու ոսկեղէն կուռքերը, որոնց ինքը շինեց՝ նրանց երկրպագելու համար։ (Եսայի բ. 17, 18—20)։

55. Դաւթի տան և Երուսաղէմի բնակիչների համար այն օրը բացուած աղբիւր պէտք է լինի, որպէս զի նրանց մեղքերն ու աղտեղութիւնները լուացուին և այն օրը, ասում է Տէրը, ես այս երկրից կուռքերի անուները կջնջեմ, որ մէկ էլ չյիշուին։ (Զաքար. ժգ. 1—2)։

56. Լսեցէք ինձ կղզիք և ալանջ դրէք հեթանոսներ, Տէրն ինձ արգանդից կանչեց և առնես մօր որովայնից յայտնեց։ Եւ այժմ, մօր

որովայնից ինձ ծառայ ստեղծող Տէրն ասում է, որ ես Յակովբին նրան դարձնեմ և Իսրայէլին Նրա մօտ ժողովեմ: Ես կժողովեմ և Տիրոջ առաջ կփառաւորուիմ. և իմ Աստուածը իմ զօրութիւնը կլինի:

Տէրն ասաց ինձ.—Յակովբի ազգը հաստատելու և ցրուած Իսրայէլացիներին վերադարձնելու համար, իմ ծառան լինելը քիչ է, անա ես քեզ հեթանոսների լոյսը կդարձնեմ, որպէս զի իմ փրկութիւնը մինչև երկրի ծայրերը տարածուի:

Աչքերդ բարձրացրո՛ւ, նայիր շուրջդ..... և տես, բոլոր ազգերը ժողովուում և քեզ մօտ են գալիս: (Եսայի խթ. 1, 5—6, 18):

57. Տունս թողի և ժառանգութիւնս ձգեցի. սրտիս սիրածին իւր թշնամիների ձեռքը տուի: Իմ ժառանգութիւնը անապատի առիւծի պէս եղաւ. նա իւր ձայնն ինձ վերայ բարձրացրեց, դրա համար էլ ատեցի նրան: (Երեմ. ժբ. 7—8):

58. Այժմ ես նրա հովանիների (սիրեկանների) առաջ կբանամ նրա պղծութիւնները և ոչ ոք չէ կարող նրան իմ ձեռքից խլել: Նրա ուրախութիւններն ու տօները, նրա ամսագլուխներն ու շաբաթները և նրա բոլոր հանդէսները պէտք է խափանեմ: (Ովսիայ բ. 10):

59. Եթէ դուք և ձեր որդիք ինձանից կհեռանաք.... այն ժամանակ Իսրայէլին կջնջեմ այն երկրի երեսից, որ տուի նրանց: Եւ այդ տունը

(տաճարը), որ սրբեցի իմ անունով, իմ երեսից կձգեմ և Իսրայէլը ազգերի առաջ ծաղր ու ծանակ կդառնայ: Այս տունը պէտք է աւերուի և դրա մօտիցն անցնողը պէտք է զարմանայ և սուլելով ասէ.—«Տէրն ինչո՞ւ համար այս երկրի ու այս տան հետ այսպէս վարուեցաւ»: (բ. Թագ. թ. 6—8):

60. Գիշերուան տեսիլքներում տեսնում էի, որ անա երկնից ամպերով Մարդու Որդու նման մինը գալիս էր. և մինչև Հինաւուրցն եկաւ և նրան մօտեցրին նրա առաջ: Եւ նրան իշխանութիւն, փառք և թագաւորութիւն տրուեցաւ, որ բոլոր ժողովուրդները, ազգերն ու ազինք նրան ծառայեն: Նրա իշխանութիւնը յաւիտենական է ու անանցանելի և նրա թագաւորութիւնը՝ անջնջելի: Դանիէլ. է. 13—14):







**I.**  
**ՅԻՍՈՒՍԻ ԺՆՆԳԵԼՆ ԵՒ ՄԷՆԿՈՒԹԵԼՆ**  
**ՀԵՏ ԿԼՊԵԿՑՈՒԸՒ ԳԼՊՔԵՐ**

**1.**

**ԳՈՒԿԱՍ ԱՌԵՏԱՐԱՆՉԻ ՅԱՌԱՋԱԲԱՆԸ**

Դուկ. ա. <sup>1-4</sup> Որովհետև արդէն շատերն են ձեռնարկել մեր մէջ հաստատուած յայտնի եղելութիւնների պատմութիւնը կազմելու, ինչպէս որ ըսկզբից ականատեսներն ու Բանին սպասաւորողներն աւանդեցին մեզ. ես էլ, որ սկզբից ամեն բանի ուշի ուշով հետևել էի, յարմար դատեցի կարգով գրել քեզ, քանզի Թէոփիլէ, որպէս զի սովորածդ վարդապետութեան ճշմարտութիւնն իմանաս:

**2.**

**ՉԱՔԱՐԻԱՅԻ ՏԵՍԻԼՔԸ ՏԱՆԱՐՈՒՄ**

Դուկ. ա. <sup>5-25</sup> Հերովդէսի թագաւորութեան ժամանակ, Հրէաստանում Աբիայի դասակարգութիւնից<sup>1)</sup>, Չա-

<sup>1)</sup> Աբիայի դասակարգութիւն. տես. ա. Մնաց. իդ. 10-19, նէեմ. ժբ. 4-18.



քարիա անուկով մի քահանայ էր սպրում իւր Եղիսաբէթ<sup>1)</sup> կնոջ հետ, որ Ահարոնի ցեղիցն էր:

Երկուսն էլ Աստուծու առաջ արդար էին և Տիրոջ բոլոր պատուիրաններն ու կանոններն անբարտաւթեամբ էին պահում: Նրանք որդի չունէին, որովհետև Եղիսաբէթն ամուլ էր և երկուսն էլ արգէն ծերացել էին:

Մի անգամ, երբ Զաքարիան իւր հերթին քահանայական պաշտօն էր կատարում Աստուծու առաջ, Տիրոջ տաճարը մտնելու և խնկարկութիւն անելու համար ձգուած վիճակը, ինչպէս այդ սովորաբար տեղի էր ունենում քահանայից մէջ՝ Զաքարիային ընկաւ:

Խնկարկութեան ժամանակ ժողովրդի ամբողջ բազմութիւնը դուրսն աղօթք էր անում:

Տիրոջ հրեշտակն երևեցաւ Զաքարիային խնկի սեղանի աջ կողմը կանգնած: Երբ Զաքարիան տեսաւ, շփոթուեցաւ և վախեցաւ: Տիրոջ հրեշտակն ասաց.—«Մի վախենար Զաքարիա, որովհետև աղօթքդ լսուեցաւ: Բո կին Եղիսաբէթը որդի կ'ծնի և նրա անունը Յովհաննէս կ'ընես: Նա քեզ ուրախութիւն և ցնծութիւն կ'լինի և նրա ծննդեան վերայ շատերը կ'ուրախանան: Նա Աստուծու առաջ մեծ կ'լինի, զինի և օղի չի խմի և զեռ մօր որովայնում Սուրբ Հոգով կ'լցուի:

1) Աւանդութիւնն ասում է, որ Եղիսաբէթը Մատթան քահանայի թոռն էր: Այս քահանան երեք աղջիկ ունէր. Աննա, Սովիէ և Մարիամ: Աննայի աղջիկն էր Յիսուսի մայր Մարիամը. Սովիէի աղջիկն էր Զաքարիայի կին Եղիսաբէթը և Մարիամի աղջիկն էր Յովհաննէս և Յակոբոս Առաքեալների մայր Սողոմէն:

Իսրայէլի որդիներից շատերին դէպի իրենց Տէր Աստուածը կ'դարձնէ: Ինքը նրա առջևից Եղիայի հոգով և զօրութեամբ կ'գայ, որ հայրերի սիրտը դէպի որդիքը դարձնէ և անհնազանդներին՝ դէպի արդարների իմաստութիւնը, որ՝ Տիրոջը բարեկարգ ժողովուրդ ներկայացնէ»:

Զաքարիան հրեշտակին ասաց.—«Ի՞նչով իմանամ այդ, որովհետև ես էլ ու կինս էլ արգէն ծերացել ենք»:

Հրեշտակը պատասխանեց.—«Ես Գաբրիէլն եմ, որ կամ Աստուծու առաջ, ես ուղարկուեցայ քեզ հետ խօսելու և այս բանի աւետիսը տալու: Բայց որովհետև չհաւատացիր իմ խօսքերին, որ ժամանակին պէտք է կատարուին, կ'համբանաս և չես կարողանայ խօսել մինչև այն օրը՝ երբ այդ կը կատարուի»:

Ժողովուրդը սպասում էր Զաքարիային և զարմանում էր նրա տաճարում ուշանալուն վերայ: Երբ Զաքարիան դուրս եկաւ, այլ ևս չէր կարողանում նրանց հետ խօսել: Նրանք իմացան որ տաճարում տեսիլք է տեսել:

Նա պապանձուել էր և նրանց հետ նշաններով էր խօսում:

Երբ Զաքարիան հերթապահութիւնը վերջացրեց, իւր տուն գնաց:

Նրա կին Եղիսաբէթը յղացաւ և այդ հանգամանքը ծածկում էր ամենքից և ինքն իրեն ասում.—«Այս հասակումս Տէրն ինձ խղճաց և

ագատեց ինձ արևոտքեան նախատինքից»:<sup>1)</sup>

3.

Ս. ՄԱՐԻԱՄԻ ԱՒԵՏՈՒՄԸ

Ղուկ. ա. 26-38 **Պ**էցերորդ ամսին, Աստուած Գաբրիէլ հրեշտակին ուղարկեց Փալիլիայի Նազարէթ քաղաքը Մարիամ<sup>2)</sup> անուևով մի կոյսի մօտ, որ նրշանուած էր Յովսէփ անուևով մի մարդու հետ, որ Դաւթի ցեղիցն էր:

Հրեշտակը գալով Մարիամի մօտ՝ ասաց. — «Ուրախացի՛ր, բերկրեալդ,<sup>3)</sup> Տէրը քեզ հետ է»:

Մարիամն այս խօսքի վերայ շփոթուեցաւ և մտածում էր թէ ինչ ողջոյն է այդ:

Հրեշտակն ասաց նրան. — «Մի վախենար Մարիամ, որովհետև Աստուծու առաջ շնորհ վը-

<sup>1)</sup> Գիրք Ծննդոց Ժդ. 2, ր. 2-8, Ա. թագաւորաց ա. 2-20.

<sup>2)</sup> Մարիամը, համաձայն բոլոր եկեղեցիների կողմից ընդունուած աւանդութեան, Դաւթի ցեղից Յովակիմ անուևով մի արդար և բարեպաշտ մարդու աղջիկն էր: Յովակիմը ամուսնացած էր Մատթան քահանայի Աննա անուևով աղջկայ հետ, որից մինչև իւր ամուսնութեան յիսներորդ տարին՝ դաւակ չունեցաւ, որ մեծ վիշտ էր պատճառում ամուսիններին: Աստուծու անքննելի խորհրդով, ամուսինները իրենց ծերութեան հասակում մի աղջիկ ունեցան, որին երբ երեք տարեկան դարձաւ, իրենց ուխտի համաձայն՝ տաճարին ընծայեցին: Մարիամը մինչև տասն և երկու տարեկան դառնալը տաճարում մնաց և ապա վերադարձաւ ծնողների մօտ: Այնուհետև նշանուեցաւ Յովսէփ անուևով մի այլի մարդու հետ, որ նոյնպէս Դաւթի ցեղիցն էր: Մարիամի ծնողների մահից յետոյ, Յովսէփն իւր տուն տարաւ Մարիամին և բնակուեցին Դաւիթիայի Նազարէթ քաղաքում, ուր ծերունի Յովսէփը վաղուց իւր բնակութիւնն էր հաստատել և պարագում էր հիւանդութեամբ:

<sup>3)</sup> Բերկրեալդ—նշ. շնորհալի, երջանիկ:

տար. անա կյգանաս և որդի կծնես և նրա անունը Յիսուս կգնես: Նա մեծ կլինի և Բարձրեալի որդի կը կոչուի: Տէր Աստուածը կտայ նրան իւր հօր Դաւթի աթոռը, յաւիտեան կթագաւորութիւնը վերջ չի ունենայ»:<sup>1)</sup>

Մարիամը հրեշտակին ասաց. — «Այդ ինչպէս կարող է լինել, քանի որ ես մարդ չունիմ»:

Հրեշտակը նրան պատասխանեց. — «Սուրբ Հոգին կիջնի քեզ վերայ և Բարձրեալի զօրութիւնը հովանի կլինի քեզ, ուստի և քեզանից ծնուածը Սուրբ կլինի և Աստուծու Որդի կը կոչուի: Ահա քո ազգական Եղիսաբէթն էլ, որ ամուլ էր համարում, յղի է իւր ծերութեան հասակում և այժմ նրա վեցերորդ ամիսն է: Աստուծու համար ոչ մի անկարելի բան չկայ»:

Մարիամն ասաց. — «Ես Տիրոջ աղախինն եմ, թող քո ասածի պէս լինի»:

Եւ հրեշտակն հեռացաւ նրանից:

4.

Ս. ՄԱՐԻԱՄԻ ԱՅՅԵԼՈՒԹԻՒՆՆ ԵՂԻՍԱԲԷԹԻՆ

Ղուկ. ա. 39-56 **Ե**րբ Մարիամը հրեշտակից լսեց, որ իւր ազգական Եղիսաբէթը յղի է, վերկացաւ ու շտապով գնաց լեռնակողմը Յուզայի քաղաքը (Բերրոն) և մանելով Զաքարիայի տունը, ողջունեց Եղիսաբէթին:

<sup>1)</sup> Տես 60-րդ Մարգ.

Երբ Եղիսաբէթը Մարիամի ողջոյնը լսեց, մանուկն իսկոյն նրա որովայնի մէջ խաղաց: Եղիսաբէթը Սուրբ Հոգով լցուեցաւ, բարձրաձայն աղագակեց ու ասաց.—«Օրհնուած ես դու կանանց մէջ և օրհնուած է որովայնիդ պտուղը: Եւ ինչպէս պատահեց, որ Տիրոջ մայրն ինձ մօտ եկաւ: Որովհետեւ երբ ողջոյնիդ ձայնը ալիանջիս հասաւ, մանուկս որովայնիս մէջ ցնծալով խաղաց: Եւ երանի հաւատացողին, որովհետեւ պէտք է կատարուին այն ամենը, որ Տիրոջ կողմից նրան ասուեցաւ»:

Մարիամն ասաց.—«Անձս Տիրոջս կփառաւորէ և հոգիս ուրախացաւ Աստուծով—իմ Փրկչով, որ նայեց իւր աղախնի խոնարհութեանը: Այսուհետեւ բոլոր ազգերն ինձ երանի կտան: Հզօրն ինձ շատ մեծացրեց և նրա անունը սուրբ է: Նրա ողորմութիւնը ազգէ ազգ իրենից վախեցողների վերայ է: Նա ցոյց տուեց իւր բազկի գօրութիւնը, ցրուեց հպարտներին իրենց սրաի մտածմունքներով, հզօրներին աթոռներից իջեցրեց և խոնարհներին բարձրացրեց: Քաղցածներին բարութեամբ լցրեց, իսկ հարուստներին ունայն արձակեց: Պաշտպանեց իւր ծառայ Իսրայէլին իւր ողորմութիւնն յիշելով, ինչպէս խօսեց մեր հայրերի—Աբրահամի և նրա զաւակների հետ յաւիտեան»:<sup>1)</sup>

<sup>1)</sup> Մարիամի յիշեալ օրհնարանութիւնը շատ նման է Սամուէլի մայր Աննայի ասած օրհնարանութեանը. (Ա. Թագ. բ. 1-10) այս պարագան ցոյց է տալիս, որ Մարիամը հմուտ էր Մ. Գրքին, որ անկասկած ձեռք էր բերել տաճարում ծառայած ժամանակ:

Մարիամն երեք ամսաչափ մնաց Եղիսաբէթի մօտ և ապա վերադարձաւ իւր տուն:

5.

ՅՈՎՍԷՓԻ ՏԵՍԻԼՔԸ

Մատթ. ա. 18-25 **Յիսուս Քրիստոսի ծնունդն այսպէս էր:** Նրա մայր Մարիամը նշանուած լինելով Յովսէփի հետ, դեռ իրար հետ չկենակցած, երևեցաւ որ արդէն յղացած է Սուրբ Հոգուց:

Յովսէփը որ մի արդար մարդ էր, չկամեցաւ Մարիամին խայտառակել. ուստի մտածեց ծածուկ արձակել նրան: Նա դեռ այս մտածմունքի մէջ էր, որ Տիրոջ հրեշտակն երևեցաւ նրան տեսիլքում և ասաց.—«Յովսէփ, Դաւթի որդի, մի վախենար քո կլին Մարիամին քեզ մօտ վերցնելու, որովհետեւ նրա մէջ յղացածը՝ Սուրբ Հոգուցն է: Նա որդի կձնի և անունը Յիսուս կդնես, որովհետեւ նա կազատէ ժողովրդին մեղքերից»:

Եւ այս ամենն եղաւ, որ Եսայիա մարգարէի միջոցով Տիրոջ ասածը կատարուի. —«Ահա կոյսը կյղանայ, որդի կձնի և անունը էմմանուէլ կդնեն, որ նշանակում է Աստուած մեզ հետ է»:<sup>1)</sup>

Յովսէփը քնից զարթելով՝ կատարեց Տիրոջ հրեշտակի հրամանը և իւր կլին Մարիամին իւր

<sup>1)</sup> Տես 6-րդ մարդ.

մօտան ատաւ: Եւ չգիտէր նրան՝ մինչև իր անդ-  
րանիկ որդուն ծնաւ և նրա անունը Յիսուս  
զրեց: <sup>1)</sup>

6.

ՅՈՎՀԱՆՆԵՍ ՄԿՐՏՉԻ ԾՆՆՈՒՆԻՐ ԵՒ ՆՐԱ ՊԱՇՏՈՆԸ

Ղուկ. ա.  
57-80

Շղիսարէթի ծնելու ժամանակն հասաւ և  
մի որդի ծնաւ: Երբ նրա հարեաններն ու ազ-  
գականներն իմացան, որ Տէրը մեծ ողորմութիւն  
է արել նրան, սկսեցին նրա հետ միասին ուրա-  
խանալ:

Ութերորդ օրը մանկանը թլպատելու եկան  
և կամեցան հօր անունով Չաքարիա կոչել. բայց  
նրա մայրն ասաց, որ մանուկը պէտք է Յով-  
հաննէս կոչուի: Նրան ասացին, որ իւր ազգա-  
կանների մէջ Յովհաննէս անունով ոչ ոք չկայ  
և հօրն ակնարկեցին, թէ ինչ կը կամենայ դնել:

Չաքարիան տախտակ ուզեց և վրան գրեց.  
— «Նրա անունը Յովհաննէս է»: Ամենքն էլ  
զարմացան:

Շուտով բացուեցաւ նրա լեզուն և սկսեց  
խօսել և օրհնել Աստուծուն:

Շրջակայքում բնակուողներն և առհասարակ  
բոլորն էլ, որոնք լսեցին այդ վախեցան և Հրէա-

<sup>1)</sup> Ինչպէս Հայոց եկեղեցին, նոյնպէս էլ այլ քրիստոնեայ  
եկեղեցիները դաւանում են, որ Յիսուս Քրիստոսը ծնուել է կոյ-  
սից, և որ ս. Մարիամը, Յիսուսին ծնելուց յետոյ էլ մի շա  
կոյս մնաց. թէ և նա նշանուած էր Յովսէփի հետ և Յովսէփը նրա  
ամուսինն էր ճանաչուած:

ստանի լեռնային մասում այդ բանն էր պատ-  
մուում:

Հսողներն ասում էին. — «Ինչ պիտի լինի  
արդեօք այս մանուկը»: Եւ Տիրոջ ձեռքը նրա  
վերայ էր:

Նրա հայր Չաքարիան Սուրբ Հոգով լցուած՝  
մարգարէացաւ և ասաց. — «Օրհնեալ լինի Իսրայ-  
էլի Տէր Աստուածը, որ այցելեց մեզ և փրկեց  
իւր ժողովրդին: Նա իւր ծառայ Դաւթի անից  
մեզ համար փրկութեան եղջիւր<sup>1)</sup> հանեց (ինչ-  
պէս խօսել էր սուրբերի բերանով, որոնք յաւի-  
տենից նրա մարգարէներն էին) փրկութիւն մեր  
թշնամիներից և մեզ ատողների ձեռքից, մեր  
հայրերին ողորմութիւն անելու և սուրբ ուխտն  
յիշելու: Աբրահամին արած երդումը<sup>2)</sup> տալու  
մեզ, որպէս զի մեր թշնամիների ձեռքից ա-  
զատուելով՝ աներկիւղ պաշտենք նրան սրբու-  
թեամբ և արդարութեամբ մեր կեանքի բոլոր  
օրերում: Եւ դնւ մանուկ, Բարձրեալի մարգարէ  
կը կոչուիս, որովհետև Տիրոջ առջևից պէտք է  
գնաս նրա ճանապարհները պատրաստելու և նրա  
ժողովրդին հասկացնելու փրկութիւնը՝ իրենց  
մեղքերի թողութեամբ և մեր Աստուծու գթած

<sup>1)</sup> Եղջիւրը անասունի միակ գէնքն ու ոյժն է, որ գործ է  
դնում որ և է վտանգի ժամանակ: Սուրբ զրքի մէջ եղջիւր բառը  
գործ է դրուած ոյժ և գօրութիւն բառերի տեղ: Յիսուս  
Քրիստոսը փրկութեան եղջիւր էր, այսինքն մի ահեղ գօրու-  
թիւն, որ եկաւ մեղքի մէջ թաթախուած մարդկային ազգը  
փրկելու:

<sup>2)</sup> Տես 1-5 Մարգարէութիւնները:

ողորմութեամբ, որով ծագող Արեգակը (Յիսուս Քրիստոսը) վերեկց այցելեց մեզ՝ խաւարի և ստուերի մէջ նստողներին լուսաւորելու և մեր ոտքերը դէպի խաղաղութեան ճանապարհն ուղղելու»:

Մանուկն աճում և զօրանում էր հոգով և մինչև Իսրայէլին երևալու օրը՝ անապատումն էր:

7.

ՅԻՍՈՒՍ ՔՐԻՍՏՈՍԻ ԱԶԳԱՔԱՆՈՒԹԻՒՆԸ

Ա.

(Ըստ Մատթ. 1-17)

Մատթ. ա. Դաւթի որդի, Աբրահամի որդի Յիսուս Քրիստոսի 1-17 ծննդեան գիրքը:

Աբրահամը ծնաւ Իսահակին. Իսահակը՝ Յակովբին. Յակովբը ծնաւ Յուզային և նրա հղբայրներին:

Յուզան ծնաւ Փարէսին և Թամարա կնոջից՝ Զաւրային, Փարէսը ծնաւ Եսրոնին. Եսրոնը՝ Արամին.

Արամը ծնաւ՝ Ամինադարին. Ամինադարը՝ Նասսոնին. Նասսոնը՝ Սաղմոնին:

Սաղմոնը Ռախաբ կնոջից ծնաւ Բոոսին. Բոոսը Հոռթ կնոջից ծնաւ Ովրէթին. Ովրէթը՝ Յեսսէին. Յէսսէն՝ Դաւիթ թագաւորին:

Դաւիթ թագաւորը Ուրիա կնոջից ծնաւ Սողոմոնին. Սողոմոնը՝ Ռորովամին. Ռորովամը՝ Աբիային. Աբիան՝ Ասային:

Ասան ծնաւ Յովսափատին. Յովսափատը՝ Յովրամին. Յովրամը՝ Ողիային:

Ողիան ծնաւ Յովաթամին. Յովաթամը՝ Աքազին.

Աքազը՝ Եղեկիային:

Եղեկիան ծնաւ Մանասէին. Մանասէն՝ Ամոնին. Ամոնը՝ Յովսիային:

Բարելոնի գերութեան ժամանակ Յովսիան ծնաւ Յերոնիային և նրա հղբայրներին:

Բարելոն գերութեան գնալուց յետոյ Յերոնիան ծնաւ Սաղաթիէլին. Սաղաթիէլը՝ Զօրաբարէլին:

Զօրաբարէլը ծնաւ Աբիութին. Աբիութը՝ Եղիակիմին. Եղիակիմը՝ Ազովըին:

Ազովը ծնաւ Սադովկին. Սադովկը՝ Աքիին. Աքինը՝ Եղիուզին:

Եղիուզը ծնաւ Եղիազարին. Եղիազարը՝ Մատթանին. Մատթանը՝ Յակովբին:

Յակովբը ծնաւ Յովսէփին—Մարիամի նշանածին, որից Յիսուսը ծնուեց, որ կոչուեցաւ Քրիստոս:

Այսպիսով Աբրահամից մինչև Դաւիթ բոլոր ազգերն են տասն և չորս. Դաւթից մինչև Բարելոնի գերութիւնը՝ նոյնպէս տասն և չորս. և Բարելոնի գերութիւնից մինչև Քրիստոս՝ դարձեալ տասն և չորս:

Բ.

(Ըստ Ղուկաս)

Ղուկ. դ. 23-38 Յիսուսը, ինչպէս կարճուում էր Յովսէփի որդին էր, (սա Յակովբի<sup>1</sup>) սա Հեղիի. սա էլ Մատթի:

Մատթը Ղևիի որդին էր. Ղևին Մեղքիինը. սա Յաննէի, սա էլ Յովսէփի:

Յովսէփը Մատթիայի որդին էր, Մատթիան՝ Ամովսի, սա Նաւումի, սա Եսդիի, սա էլ Նանգէի:

Նանգէն Մատթի որդին էր. Մատթը՝ Մատթիայի, սա Սէմէի, սա Յովսէփի, սա էլ Յուզայի:

Յուզան Յոնանի որդին էր, սա Ռէսայի, սա Զօրաբարէլի, սա Սաղաթիէլի. սա էլ Ներիի:

<sup>1</sup>) Յակովբ անունը յունական և լատինական թարգմանութեանց մէջ չկայ: Ամստերդամում 1698 թ. տպուած Աւետարանում «որ Յակովբայն» անունը նոտրագիր է և փակագծի մէջ է առնուած: Ես էլ այդ անունը փակագծի մէջ առայ. սես սոյն զլիի ծանօթութիւնը:

Ներին Մեղքի որդին էր, սա Աղաչի, սա Կով-  
սամի, սա Եղմովդաղաչի, սա էլ էրիի:

էրին Յետուի որդին էր, սա Եղրազարի, սա Յով-  
րամի, սա Մատաթի, սա էլ Աիի:

Աին Սիմոնի որդին էր, Սիմոնը՝ Յուդայի, սա  
Յովսէփի, սա Յովնանի, սա էլ Եղրակիմի:

Եղրակիմը Մեղկայի որդին էր, Մեղկան՝ Մին-  
նայի, սա Մատաթիայի, սա Նաթանի, Նաթանն էլ՝  
Դաւթի:

Դաւթը Յեսէի որդին էր, Յեսէն՝ Ովրէթի. սա  
Բոոսի, սա Մաղմոնի, սա էլ Նուսոնի:

Նուսոնը Ամինադարի որդին էր, Ամինադարը՝  
Արամի, սա Ադմէի, սա Առնէի<sup>1)</sup>, սա Ենրոմի, սա Փա-  
րէսի, սա էլ Յուդայի:

Յուդան Յակովբի որդին էր, սա Իսահակի, սա  
Աբրահամի, սա Թարայի, սա էլ Նաքովբի:

Նաքովբը Սէրուքի որդին էր, Սերուքը՝ Ռագաւի,  
սա Փաղէկի, սա Երերի, սա էլ Սաղայի:

Սաղան Կայնանի որդին էր, Կայնան՝ Արփաք-  
սաղի, սա Սէմի, սա Նոյի, սա էլ Ամէքի:

Ամէքը Մաթուսաղայի որդին էր, Մաթուսաղան՝  
Ենովբի, սա Յարէդի, սա Մաղաղիէի, սա էլ  
Կայնանի:

Կայնանը Սեթի որդին էր, Սեթը՝ Ադամի. Ադա-  
մըն էլ Ասաուծու:<sup>2)</sup>

1) Ադմէի և Առնէի անունները նոյնպէս չկան յունական և լատինական թարգմանութեանց մէջ:

2) Յիսուս Քրիստոսի վերոյիշեալ ազգահամարները, որոն-  
ցից մինը տալիս է Մատթէոսը, իսկ միւսը՝ Դուկասը, գետեղում է  
զրբիս մէջ նիւթն ամբողջացնելու համար: Այդ ազգահամարներն  
իսկապէս իրար շատ քիչ նմանութիւն ունին և զանազանում են  
նչ միայն անունների դասաւորութեամբ և առաջ բերած անուննե-  
րով այլ և նպատակով: Որովհետեւ այդ ազգահամարների մասին  
թեր ու զէմ կարծիքներ կան, աւելորդ չի լինի մի քանի խօսք ա-

սել: Ս. զրբի յայտնի մեկնիչներից մեծագոյն մասը ընդունում է,  
որ Մատթէոս Աւետարանչի առաջ բերած ազգահամարը Յովսէ-  
փինն է, որովհետեւ այդ ճիւղագրութիւնը սկսուելով Աբրահամնա-  
հապետից՝ գալիս է մինչև Դաւիթ թագաւորը և իջնելով հասնում  
Յովսէփին: Թէև Մատթէոսն այդ ազգահամարն անելու ժամանակ  
բայ է թողնում մի քանի հրէայ թագաւորների անուններ օր-  
Որոգիային, Յովասին, Ամասիային և այլոց և թախչքներ է անում,  
սակայն այդ հանգամանքը չէ արգելում ընդունելու որ Մատթէոսի  
ազգահամարն Յովսէփինն է և նպատակ ունի ցոյց տալու հրէա-  
յանին, որ Յիսուս Քրիստոսը Դաւիթ թագաւորի զահի օրինաւոր  
յեռորդն ու ժառանգն էր: Մատթէոսի ազգահամարում կարգով  
յիշուած են բացառապէս թագաւորութեան ժառանգների անուն-  
ները:

Բայց նոյնը չէ կարելի ասել Դուկասի առաջ բերած ազգա-  
բանութեան համար, որ ոչ սկսուածքով է նմանում Մատթէոսի  
ազգահամարին և ոչ էլ վերջաւորութեամբ: Դուկասի առաջ բերած  
ազգահամարում յիշուած են միանգամայն ուրիշ անուններ. այսպէս  
Դաւթից զէպի ցած միայն երկու անուն կայ նման. մինը Սաղա-  
թիէի, միւսը Ջօրաբարէլի:

Ս. զրբի մեկնիչներն առաջ այն կարծիքի էին, որ Դուկասն  
էլ Յովսէփի ազգահամարն է անում միայն այն տարբերութեամբ,  
որ Դուկասը փոխանակ թագաւորների անունները տալու, Յիսուսի  
ամբողջ տոհմն է արձանագրում. բայց այս կարծիքը հաւանական  
չհամարուեցաւ: Մեկնիչների յայտնի մասը ընդունում է որ Դու-  
կասի ազգահամարը ոչ թէ Յովսէփինն է, այլ Մարիամինը: Այս  
ենթադրութիւնը հիմնում են Դուկասի առաջ բերած ազգահամարի  
սկսուածքով: Դուկասն ասում է.— «Եւ Յիսուսը ինչպէս կարծում  
էր Յովսէփի որդին էր, սա Յակովբի և սա Հեղիի...»: Դուկասի  
«ինչպէս կարծում էր թէ Յովսէփի որդին էր», միջանկեալ խօս-  
քերը նրանց կարծիքով ցոյց են տալիս, որ Դուկասը փափուկ կեր-  
պով ուզում է դուրսը թողնել Յովսէփի անունը, որովհետեւ Դու-  
կասին յայտնի էր Յիսուսի կուսական ծնունդը. և ի նկատի ունե-  
նալով որ Յակովբ անունը յունական և լատինական թարգմանու-  
թիւնների մէջ չկայ, այն ժամանակ մտում է միայն Հեղիի անու-  
նը: Ըստ այսմ, եթէ Դուկասի առաջ բերած տողերը ձևակերպուի  
և փակագծի մէջ առնուի «որ ինչպէս կարծում էր Յովսէփի որ-  
դին էր» բառերը՝ կստացուի հետեւեալը.— «Եւ Յիսուսը (որ ինչպէս  
կարծում էր Յովսէփի որդին էր) Հեղիի որդին էր...» գիտե՞ք որ  
Հեղին (Եղրակիմ և Յովակիմ անունների նոյնանիւն է և Ս. զրբ-

8.

Յ Ի Ս Ո Ի Ս Ի Ծ Ն Ո Ի Ն Գ Ը

Ղուկ. Բ. 1-7 Այդ միջոցներին Հռովմայեցոյ Օգոստոս կայսրը<sup>1)</sup> հրաման արձակեց ամբողջ երկրում աշխարհագիր անելու: Այս առաջին աշխարհագիրն էր Կիւրենի Ասորոց վերայ դատաւոր եղած ժամանակ:

Ամենքն էլ արձանագրուելու համար իրենց քաղաքներն էին գնում: Յովսէփն էլ Դաւթի ազգիցն ու տնից լինելով, արձանագրուելու համար

բում այդ անունը մէկը միւսի տեղ է գործածուած) Մարիամի հայրն էր, ուրեմն Ղուկասը Հեղիի միջոցով տալիս է Մարիամի ազգահամարը: Բացի վերոգրեալ բացատրութիւնից կարելի է նաև առանց Յակովբ անունը բաց թողնելու մի ուրիշ հաւանական բացատրութիւն էլ տալ Ղուկասի սկսուածքին: Եթէ ի նկատի ունենանք, որ հրէաները սովորութիւն ունէին իրենց փեսաներին որդի անուանելու (Թուոց լր. 40-41, Ա. Մնաց. Բ. 21-22, է. 14) և փեսաներն էլ իրենց կնոջ ազգով կոչուելու, այնժամանակ պարզ է որ Ղուկասն Յովսէփին իբրև փեսայի Հեղիի հետ կապելով, այդպիսով կամեցել է Մարիամի ազգահամարն անել:

Այսպէս կամ այնպէս երկու Աւետարանիչներն էլ Յիսուսի ազգաբանութիւնը կազմելու ժամանակ ամենայն հաւանականութեամբ աչքի առաջ են ունեցել թէ Հին կտակարանի ազգահամարները և թէ ընտանիքներում պահուած յիշատակարանները: Կարելի է մինչև անգամ ասել, որ Ղուկասը ս. Մարիամի ազգահամարը գրելու ժամանակ կարեւոր տեղեկութիւններն նոյն իսկ ս. Մարիամից է ստացել:

1) Հռովմի 747 թուին, հռովմայեցոյ Օգոստոս Ոկտաւիանոս կայսրը հրովարտակ արձակեց ամբողջ կայսրութեան մէջ աշխարհագիր (մարդահամար) կատարելու: Որովհետև Հրէաստանն էլ Հռովմայեցոյ իշխանութեան տակ էր և ընդհանուր Ասորիքի մի նահանգն էր համարուած, ուստի և Ասորիքի դատաւոր Կիւրէնին (Կիւրէնէս կամ Կուրինոս) յանձնարարուեցաւ Պաղեստինումն էլ մարդահամար կատարելու:

վերջրեց իւր նշանած Մարիամին, որ յղի էր և դուրս գալով Գալիլիայի Նազարէթ քաղաքից, գնաց Հրէաստանի Դաւթի քաղաքը, որ Բեթղեհէմ էր կոչուում:

Երբ տեղ հասան, Մարիամի ծնելու օրերն էլ լրացան: Նա ծնաւ իւր անդրանիկ որդուն, փաթաթեց նրան խանձարուրով և որովհետև իջևանում տեղ չէին գտել, մանկանն ախոռի մարումը գրին:<sup>1)</sup>

9.

ՏԻՐՈՋ ՀՐԵՇՏԱԿՆ ՈՒ ՀՈՎԻՒՆԵՐԸ

Ղուկ. Բ. 8-20 Քաղաքից դուրս, դաշտում հովիւներ կային, որոնք իրենց հօտերի զիշերային պահպանութեանն էին հսկում:

Յանկարծ երևեցաւ նրանց Տիրոջ հրեշտակը

1) Աւանդութիւնն ստում է, որ Յիսուսը այրի մէջ ծնաւ. մեր շարականի մէջ էլ ասում է «... Ոչ մեկնելով ի Հօրէ, ի սուրբ այրին բազմեցաւ»: Բեթղեհէմի Ս. Ծնունդ եկեղեցու մէջ, հէնց այսօր էլ ցոյց տուածը մի քարայր է: Բայց Աւետարանի մէջ քարայրի և այրի մասին խօսք չկայ, և հիմք չկայ կարծելու թէ Յիսուսը քաղաքից դուրս մի այրի մէջ է ծնուել: Ի նկատի ունենալով որ հին ժամանակները գիւղերի մէջ քարայրերը ախոռի տեղ էին ծառայում, հաւանականն այն է, որ այդպիսի ախոռի տեղ ծառայող քարայրերից միւն էլ իջևանում եղած լինէր, ուր և ծնաւ Յիսուսը:

Ծննդեան պատկերների մէջ, մարի մօտ երբեմն մի եղ և մի էշ էլ են նկարում. (տես զբքիս մէջ զետեղուած պատկերը) սա այլաբանութիւն է և ակնարկում է Եսայի մարգարէի միջոցով Իսրայելի ժողովրդին ուղղած հետեւալ յանդիմանութիւնը—«Եղն իւր կերակրողին ճանաչեց, էջն՝ իւր տիրոջ մասուրը, իսկ Իսրայելը ի ճանաչեց»: (Եսայի ա. 2):

85-645 91 / 04461



և Տիրոջ փառքը լուսաւորեց նրանց, որից խիստ վախեցան:

Հրեշտակը նրանց ասաց. — «Մի վախենաք, ես ձեզ և բոլոր ժողովրդին մեծ ուրախութիւն եմ աւետում: Այսօր Գաւթի քաղաքում ձեզ Փրկիչ ծնուեցաւ, որ է Օծեալ Տէրը: Ահա ձեզ նշան. — Մանկանը կգտնէք խանձարուրով փաթաթած և մսրումը դրած»:

Յանկարծ հրեշտակի հետ, երկնաւոր զօրաց մի բազմութիւն երևեցաւ, որ փառաբանում էր Աստուծուն երգելով. «Փառք Աստուծուն երկրնքում, երկրի վերայ խաղաղութիւն և մարդկանց մէջ հաճութիւն»:

Երբ հրեշտակներն երկինք վերացան, հովիւներն իրար ասացին. — «Գնանք Բեթղեհէմ. և տեսնենք թէ այնտեղ ինչ է պատահել, որի մասին Տէրը յայտնեց մեզ»:

Նրանք շտապով եկան և գտան Մարիամին, Յովսէփին և մսրումը դրած մանկանը:

Տեսնելուց յետոյ, արդէն սկսեցին պատմել այն ամենը, ինչ որ մանկան մասին ասուել էր իրենց:

Ամենքն էլ լսելով հովիւների պատմածները՝ զարմանում էին: Իսկ Մարիամը լսած խօսքերը պահում էր իւր մտքում:

Հովիւները վերադարձան և սկսեցին փառաբանել և օրհնել Աստուծուն, որ լսեցին ու տեսան այն ամենը, ինչ որ ասուել էր իրենց:



ՅԵՍՈՒՍԻ ԾՆՈՒՆԵԻՆ ՈՒ ՀՈՎԻՒՆԵՐԻ ԵՐԿՐԳԱՅՈՒԹԻՒՆԸ



10.

ՅԻՍՈՒՍԻ ԹՂՊԱՏՈՒԹԻՒՆԸ.—ՔԱՌԱՍՈՒՆՔԻՆ ՏԱՀԱՐ  
ՏԱՆՈՒԻԼԸ.—ՍԻՄԷՕՆ ԱՍՏՈՒԱՅԸՆԿԱՂ ԵՒ ԱՆՆԱ  
ՄԱՐԳԱՐԷՈՒԷԻՆ:

Ղուկ. 21-40. **Պ**ննդեան ութերորդ օրը մանկանը թլպատեցին. և ինչպէս յանձնարարել էր հրեշտակը դեռ մօր արգանդում չյղացած, Յիսուս (Փրկիչ) անուանեցին:

Իսկ երբ Մովսէսի օրէնքի համաձայն նրանց մաքրութեան օրերը լրացան, Յիսուսին տաճար տարան Աստուծուն ներկայացնելու (ինչպէս գրուած է Տիրոջ օրէնքում, որ ամեն մի արու գաւակ, որ բաց է անում արգանդը Տիրոջը պէտք է նուիրուի) և օրէնքի մէջ ասուածի համաձայն մի զոյգ տատրակ կամ աղաւնու երկու ձագ ընծայ տալու:<sup>1)</sup>

Երուսաղէմում Սիմէօն<sup>2)</sup> անունով մի արգար և երկիւղած մարդ կար, որ Իսրայէլի միութարութեանն էր սպասում: Սուրբ Հոգին նրա վերայ էր: Սուրբ Հոգուց գուշակուած էր նրան մահ չճաշակել՝ մինչև Տիրոջ Օծեալին տեսնելը:

<sup>1)</sup> Ղուկ. Ժբ. 2-8, Ելից Ժդ. 2, Լդ. 19-20, Լբ. 26, Թուոց դ. 12, 47:

<sup>2)</sup> Թէ ով էր Սիմէօնը, Աւետարանն այս մասին ոչինչ չէ ասում, այլ յիշում է որ նա «մի արգար և երկիւղած, անձն էր: Բայց որովհետև Աւետարանը Յիսուսի վերայ «պատշաճաւոր ծէսը» կատարող քահանայի անունը չէ տալիս և այդ գործողութիւնը վերագրում է Սիմէօնին, ուստի և հաւանական է որ նա տաճարին սպասուորսը քահանաներից մինը պէտք է լինէր:

Նա Սուրբ Հոգու ներշնչմամբ տաճար եկաւ և երբ ծնողները մանուկ Յիսուսին բերին, որ նրա վերայ պատշաճաւոր ծէսը կատարեն, Սիմէօնը գրկեց նրան, օրհնեց Աստուծուն և ասաց.— «Տէր, խօսքիդ համաձայն խաղաղութեամբ արձակիր քո ծառային, որովհետև աչքովս տեսայ արդէն բոլոր ժողովրդի համար քո պատրաստած փրկութիւնը, հեթանոսներին լուսաւորող լոյսը և Իսրայէլ ժողովրդիդ փառքը»:

Յովսէփն ու նրա մայրը զարմացել էին իրենց որդու մասին խօսածների վերայ:

Սիմէօնն օրհնեց և ասաց նրա մօրը—Մարիամին.— «Այս մանուկն Իսրայէլի մէջ շատերի անկման ու բարձրանալու պատճառ կլինի. և հակառակութեան առիթ կդառնայ: Շատերի սրտի խորհուրդները կյայտնուին և քո սիրան էլ կխոցոտուի»:

Այնտեղ էր նաև Ասերի ցեղից, Փանուէլի գուսար Աննա մարգարէուհին, որ մի պառակին էր և իւր ամուսնութեան օրից միայն եօթն տարի էր ապրել իւր մարդու հետ: Նա ութսունհչորս տարեկան այրի էր, օր ու զիշեր պահքով և աղօթք անելով էր ծառայում Աստուծուն և տաճարից ամենեկին շէր հեռանում: Նա էլ միևնոյն ժամանակ մօտենալով փառաբանում էր Աստուծուն և խօսում էր Յիսուսի մասին այն ամենի հետ, որոնք Երուսաղէմում փրկութեանն էին սպասում:

Երբ Տիրոջ օրէնքի համաձայն ամեն բան

կատարեցին, նորից Գալիլիա դարձան—իրենց նազարէթ քաղաքը: Մանուկ Յիսուսը մեծանում և իմաստութեամբ լցուած՝ զօրանում էր Հոգով և Աստուծու շնորհքը նրա վերայ էր:

11.

ՄՈԳԵՐԻ ԱՅՅԵԼՈՒԹԻՒՆԸ:—ՄԱՆԿԱՆ ՓԱՆՈՒՍՏՆ Ե-  
ԳԻՊՏՈՍ:—ԲԵԹՎԵՀԷՄԻ ՄԱՆԿԱՆՅ ԿՈՏՈՐԱՅԸ. —ԳԱՐՉ  
ԵԳԻՊՏՈՍԻՅ ՆԱԶԱՐԷԹ:

Մատ. ր. 1-23 Երբ Յիսուսը ծնունց (Հրէաստանի Բեթղե-  
հէմ քաղաքում, Հերովդէս թագաւորի օրով) ա-  
րեւելքից մոգեր եկան Երուսաղէմ և ասացին.—  
«Ո՞րտեղ է հրէից նորածին թագաւորը. մենք  
նրա աստղը արեւելքում տեսանք և եկանք նրան  
երկրպագութիւն տալու»:

Երբ Հերովդէս թագաւորը լսեց այդ՝ շփո-  
թուեցաւ և նրա հետ էլ բոլոր Երուսաղէմացիներն  
ըր: Նա ժողովելով բոլոր քահանայապետներին  
և դպիրներին՝ հարցրեց թէ ո՞ւր պիտի ծնուի  
Քրիստոսը:

Նրանք պատասխանեցին, որ Հրէաստանի  
Բեթղեհէմ քաղաքում, որովհետև մարգարէի ձեռ-  
քով այսպէս է գրուած—«Եւ դու Բեթղեհէմ  
Յուդայի երկիր, ոչնչով փոքր չես Յուդայի իշ-  
խանների մէջ, քեզանից դուրս կգայ մի իշխան,  
որ կհովուէ իմ Իսրայէլ ժողովրդին»:<sup>1)</sup>

Այն ժամանակ Հերովդէսը ծածուկ կանչեց

1) Տես 7-րդ մարգ.

մոգերին, ստուգեց նրանցից աստիճան երեւալու  
ժամանակը. և նրանց Բեթղեհէմ արձակելով՝ ա-  
սաց.— «Կնացէք, մանկան մասին ճիշտը տեղե-  
կացէք և երբ գտնէք, ինձ իմաց տուէք, որ ես  
էլ գամ նրան երկրպագութիւն տալու»:

Թագաւորի հրամանը լսելուց յետոյ, մոգե-  
րը գնացին և այն աստղը, որ տեսել էին արե-  
ւելքում՝ առաջնորդեց նրանց մինչև որ եկաւ և  
կանգնեց այնտեղ, ուր մանուկն էր: Տեսնելով  
աստղը՝ չափազանց ուրախացան և մտնելով  
տուն, գտան մանկանն իւր մայր Մարիամի հետ,  
երկրպագութիւն տուին նրան և բանալով իրենց  
զանձերը ոսկի, կնդրուկ և զմուռս ընծայեցին  
նրան<sup>1)</sup>: Մոգերը տեսիլքում հրաման ստացան  
այլևս Հերովդէսի մօտ չդառնալ: Նրանք էլ ու-  
րիշ ճանապարհով վերադարձան իրենց երկիրը:

1) Այդ մոգերն ամենայն հաւանականութեամբ Հրէաստանին  
մօտ երկրներից եկած իմաստուն մարդիկ էին, որոնք ծանօթ էին  
հրէական մարգարէութիւնների հետ: Պատկերների մէջ այդ մոգերը  
նկարուած են լինում թագաւորական և երբեմն էլ իշխանական  
հարստաներով, բայց Աւետարանը մեզ չէ ասում թէ զրանք թա-  
գաւորներ կամ իշխաններ են եղել, այլ նկարիչները և Ս. գրքի  
մեկնիչներից ամանք մոգերի գալն ու ընծայաբերութիւնը կամե-  
նում են յարմարեցնել Մաղմոսի հետեւալ համարի հետ.— «Թար-  
սի և կղզիների թագաւորները ընծաներ կմատուցանեն նրան.  
Արարայի և Մարայի թագաւորները ընծաներ կրերեն նրա հա-  
մար»: (Մաղմ. հա. 10):

Բոլոր եկեղեցիներն էլ աւանդութեան վերայ հիմնուելով  
ընդունում են որ այդ մոգերը կոչուելիս են եղել Մեղքոն, Գասպար  
և Բազղասար: Մոգերի բերած ընծաներն էլ խորհրդաւոր նշանա-  
կութիւն ունին. այսպէս ոսկին, որ հարստութեան նշան է, ընծայ-  
ւած է սրբէս թագաւորի, կնդրուկը որ անուշահոտ խոնկ է, ըն-

Երբ մոգերը զնացին, Տիրոջ հրեշտակն երևեցաւ Յովսէփին տեսիլքում և ասաց.— «Վերկաց, վեր առ մանկանն և իւր մօրը և փախիր Եգիպտոս և մինչև իմ ասելը կ'աց այնտեղ, որովհետև Հերովդէսը կամենում է մանկանդ սպանել»:

Յովսէփը վեր կենալով. վերցրեց մանկանն ու նրա մօրը և գիշերով Եգիպտոս փախաւ և այնտեղ մնաց մինչև Հերովդէսի մահը, որ կատարուի մարգարէի միջոցով Տիրոջ ասածը, թէ Եգիպտոսից կը կանչեմ իմ որդուն:<sup>1)</sup>

Երբ Հերովդէսը տեսաւ, որ մոգերն իրեն խաբեցին, աստիկ բարկացաւ և մոգերից ստուգած ժամանակի համաձայն, զինուորներ ուղարկեց որ Բեթղեմում և նրա սահմաններում եղած բոլոր երկու տարեկանից փոքր մանուկներն կոտորեն: Այն ժամանակ կատարուեցաւ Երեմիա մարգարէի միջոցով Տիրոջ ասածը, թէ —Հոամայից ողբի և լաց ու կոծի ձայն եկաւ,

ճայուած է որպէս Աստուծո. իսկ զմուտը, որ դառնանամ ինձ է, ընծայուած է որպէս Փրկչի: Այսպիսով մոգերի ընծայուած պաշտօնը դառնում է կատարեալ դաւանութիւն. ճանաչելով Յիսուսին որպէս Երկնաւոր թագաւոր, որպէս Աստուած և մարդ և որպէս աշխարհի Փրկիչ, որ դառն չարչարանքներ կրեց և զոհեց իրեն՝ աշխարհի փրկութեան համար:

1) Մարգարէութեան բառացին. «Որովհետև Իսրայէլը մանուկ էր և ես սիրեցի նրան և նրա որդոց Եգիպտոսից կանչեցի»: (Ովսիայ ժա. 1): Այստեղ Իսրայէլը Յիսուսի օրինակն է: Իսրայէլի Եգիպտոսից Պաղեստին գալը, նախատիպ է Յիսուսի Եգիպտոսից Հրէաստան գալուն:

Հոաքելը լաց էր լինում իւր որդոց համար և չէր մխիթարուում. որովհետև նրանք չկային:<sup>1)</sup>

Հերովդէսի մահից յետոյ, Տիրոջ հրեշտակն երևեցաւ Յովսէփին տեսիլքում և ասաց.— «Վերկաց, վեր առ մանկանը և իւր մօրը և գնա Իսրայէլի երկիրը, որովհետև մանկանը սպանել ցանկացողը՝ մեռաւ»:

Եւ Յովսէփը վեր կենալով, վերցրեց մանկանն ու նրա մօրը և եկան Իսրայէլի երկիրը: Բայց երբ իմացաւ որ Հրէաստանում Հերովդէսի

1) Մարգարէութեան բառացին.— «Հոամայից ձայն լուեցաւ. ողբի և լաց ու կոծի, Հոաքելը իւր որդոց վերայ էր լաց լինում և չէր կամենում մխիթարուել իւր որդոց վերայ, որովհետև նրանք չկային» (Երեմիա լա. 15): Հոաքելը Յակովբ նահապետի կինն էր որ Եփրաթայի (Բեթղեմի) մօտ իւր վերջին Բենեամին որդուն ծնելուց յետոյ մեռաւ, չկարողանալով ծննդաբերութեան ցաւերը տանել և թաղուեցաւ Եփրաթայի ճանապարհին (Ծննդ. լե. 16—19.): Երեմիայի վերոյիշեալ մարգարէութիւնը (համեմատել Երեմիայի խ. 1) վերաբերում է այն դէպքին, որ տեղի ունեցաւ մարգարէութիւնը գրուելուց մի փոքր ժամանակ առաջ: Նաբուգոնոսոր թագաւորի նաբուգարգան զօրավարը բազմաթիւ հրէաներ զերելով, սրանց Հոամայ հաւաքեց: Թագաւորի հրամանով հրէայ ազնուականներին կոտորեցին, հրէից Սեղեկիայ թագաւորի որդոց իրենց հօր աչքի առաջ մորթեցին, թագաւորին իրեն կուրացրին և շղթաներով կապեցին և ապա ուրիշ շղթայուած գերիների ձեռք ողբ ու լացով ճանապարհեցին Բաբելոն: Մարգարէն այս լաց ու կոծը յիշելով, այլաբանօրէն մէջ է բերում Հոաքելին, որը որպէս թէ գերեզմանից դուրս գալով՝ ողբում է իւր ազգատոհմի կոտորածն ու գերեզմութիւնը:

Մաաթէս Աստուորանիչն էլ, ներկայ դէպքում—Բեթղեմի մանուկների կոտորածի ժամանակ, որ պատճառ եղաւ սրբեկորոյս մայրերի ողբ ու լացին, վայելուչ կերպով մէջ է բերում դարձեալ նախամայր Հոաքելին, որ որպէս թէ այժմ էլ գերեզմանից դուրս գալով, իւր ողբը միացնում է այն սրբեկորոյս մայրերի ողբին, որոնք իրենից էին սերուած:

փոխարէն նրա որդի Արքեղայտան է թագաւորել,  
վախեցաւ այնտեղ մնալու և տեսիլքում հրաման  
ստացաւ Գալիլիայի կողմերը գնալ:

Յովսէփն եկաւ և բնակուեցաւ Նազարէթ  
կոչուած քաղաքում, որ կատարուի Մարգարէի  
խօսքը թէ՛ Նազովրեցի պիտի կոչուի:¹)

Յիսուսը Նազովրեցի էր կոչուած, որովհետեւ Մարիամն ու  
Յովսէփն սպրում էին Գալիլիայի Նազարէթ քաղաքում, այնտեղ  
էր նրանց տունը, այնտեղ անցրեց Յիսուս իւր մանկութեան ու  
սպասանկութեան երեսուն տարիները: Բայց որ Յիսուսը պէտք է  
Նազովրեցիկոչուէր ըստ մարգարէից կանխագուշակութեան, ինչ-  
պէս այդ ասում է Մատթէոս Աւետարանիչը, այդպիսի մարգա-  
րէութիւն չկայ Սուրբ գրքում:

Մեկնիչներից մեծագոյն մասը, Յիսուսի Նազովրեցի կոչուի-  
լը համարում է կատարումն այն մարգարէութիւնների, ուր աս-  
ում է թէ Մեսիան պէտք է անարգուած ու արհամարուած լինէր.  
վերցնելով այդ՝ նոյն իսկ Նազարէթ քաղաքի վայելած վատ հռչա-  
կից:

Պէտք է նկատել, որ Գալիլիան առհասարակ շատ էր նուա-  
տացած Հրէաստանի, մանաւանդ Երուսաղէմի հրէաների աչքում,  
որովհետեւ շատ հեռու և Սամարիայով բաժանուած լինելով Երու-  
սաղէմից, (որ հրէական ուսման և կրօնի կենտրոնն էր) և միևնոյն  
ժամանակ իւր բնակիչների մէջ հեթանոսների մեծ բազմութիւն  
ունենալով, ոչ միայն ստուել էր կրօնից, այլ և ազաւազել լեզուն  
և սովորութիւնները: Նազարէթ քաղաքը, որ Գալիլիայումն էր  
գտնուած աւելի ևս վատ հռչակ էր վայելում և Նազարէթցի կամ  
Նազովրեցի կոչուիլը անարգանքի և արհամարհանքի նշան էր:  
Յայտնի էր որ Գալիլիացի Նաթանայէլը չէր հաւատում (տես գրք-  
քիւս 18-րդ գլուխը), որ «Գալիլիայից կարող է լաւ բան դուրս  
գալ» այն էլ յայտնի է թէ Նազարէթցիք առհասարակ ինչպէս էին  
վարում Յիսուսի հետ: Ի դէպ կարելի է առաջ բերել Սաղմոսից  
մի համար ի հաստատութիւն վերջին ենթադրութեան:—«Ես մարդ  
չեմ, այլ մի որդն. մարդկանց նախատինք և ժողովրդի արհամա-  
րանք» (Սաղմ. իա. 7):



ՄՈԳԵՐԻ ԵՐԿՐՊԱԳՈՒԹԻՒՆԸ

12.

ՏԱՍՆԵՐԿՈՒ ՏԱՐԵԿԱՆ ՅԻՍՈՒՍԸ ՏԱՃԱՐՈՒՄ

Ղուկ. Բ.  
41-52

Յիսուսի ծնողներն ամեն տարի գառկի տօնին Երուսաղէմ էին գնում: Երբ Յիսուսը տասներկու տարեկան դարձաւ, ըստ սովորութեան, գառկի տօնին Երուսաղէմ գնացին: Երբ տօնի օրերը վերջանալուց յետոյ վերադառնում էին, մանուկ Յիսուսը մնաց Երուսաղէմում: Նրա ծրնողներն այդ բանը չէին նկատել, ուստի և կարծելով թէ նա ուղեկիցների հետ է, մի օրուան ճանապարհ անցան, իսկ յետոյ սկսեցին ազգականների և ծանօթների մէջ որոնել. բայց չգտնելով նորից Երուսաղէմ դարձան նրան որոնելու:

Վերջապէս երեք օրից յետոյ նրան տաճարում գտան: Նա վարդապետների հետ նստած, լսում էր նրանց և հարցեր տալիս: Լսողները զարմանում էին նրա իմաստութեան և տուած պատասխանների վերայ:

Ծնողները տեսնելով նրան՝ զարմացան. և մայրն ասաց. — «Որդեակ, այդ ի՞նչ արիք մեզ. ես ու հայրդ վշտացած քեզ էինք որոնում»: Յիսուսը նրանց պատասխանեց. — Ի՞նչու էիք ինձ որոնում. մի՞թէ չգիտէիք որ պէտք է ինձ Հօրս տանը լինել»: Բայց նրանք չհասկացան այդ խօսքի նշանակութիւնը:

Յիսուսն իջաւ նրանց հետ և նազարէթ գը-

նաց, ուր հնազանդ էր իւր ծնողներին: Յիսուսը զարգանում էր իմաստութեամբ ու հասակով և Աստուծուց ու մարդկանցից շնորհք գտնելով:



1.

ՅՈՎՀԱՆՆԷՍ ՄԿՐՏՉԻ ՔԱՐՈՉՈՒԹԻՒՆԸ ԵՒ ԿԱՆԵԱՍՏՅՈՒԹԻՒՆԸ

Մարկ. ա. 1 Մկաւում է Աստուծու Որդի Յիսուս Քրիստոսի Աւետարանը:

Ղուկ. Գ. 1-2 Տիրերիտս կայսեր թագաւորութեան տասնհինգերորդ տարին, երբ Պոնտացի Պիղատոսը Հրէաստանի դատաւոր էր, Հերովդէսը Գալիլիայի չորրորդապետը, սրա եղբայր Փիլիպոսը Իտուրիայի և Տրաքոնիայի չորրորդապետը. երբ Լիւսանիասը Աբիլինացոց երկրի չորրորդապետն էր և Անանն ու Կայիափան Երուսաղէմի քահանայապետը, համաձայն մարդարէութեան մէջ գրուածի, թէ անա ես ուղարկում եմ քո առաջ իմ դեսպանը, որ քո առաջ ճանապարհ պատրաստէ.<sup>1)</sup>

1) Մարկ. Մաղաք. Գ. 1.

Ղուկ. 4. Աստուծու խօսքը անապատումն եղող Զա-  
2-3 քարիայի որդի Յովհաննէսին ուղղուեցաւ, որ  
դնայ Յորդանանի կողմերը: Եւ սա եկաւ ու մեղ-  
քերի թողութեան համար աղաշխարութեան մկր-  
տութիւն էր քարոզում:

Մատթ. 4. Եւ ասում էր.—«Աղաշխարեցէք, որովհետև  
3-4 մօտեցել է Երկնքի Արքայութիւնը»: Եւ սա է,  
որի համար Եսայիա մարգարէի միջոցով ասուե-  
ցաւ թէ—անապատի մէջ կանչողի ձայնը. պա-  
տրաստեցէք Տիրոջ ճանապարհը և ուղղեցէք նրա  
ուղի շաւիղները:

Ղուկ. 4. Ամեն ձոր պէտք է լցուի և ամեն սար ու  
5-6 բլուր ցածանայ, ծուրը պէտք է ուղղուի և խորդ  
ու բորթ տեղերը հարթ ճանապարհներ դառնան:  
Եւ ամեն մարմին Աստուծու փրկութիւնը պէտք  
է տեսնի:<sup>1)</sup>

Մատթ. 4. Յովհաննէսն ուղտի բրդից պատրաստած շոր  
4-10 էր հագնում, մէջքին կաշէ դօտի էր կապում և  
մարախ ու վայրենի մեղր էր ուտում:

Երուսաղէմացիներից և հրէաստանցիներից  
շատերը, ինչպէս և Յորդանանի ամեն կողմերից  
գալիս էին նրա մօտ, խոստովանում էին իրենց  
մեղքերը և մկրտում նրանից Յորդանանում:

Յովհաննէսը տեսնելով մկրտութեանն եկած

1) Մարգ. Եսայի խ. 3-5, տես 9-րդ մարգ.

Սաղուկեցիներից<sup>1)</sup> և Փարիսեցիներից<sup>2)</sup> շատե-  
րին՝ ասաց.—«Թեքի ծնունդներ, ո՞վ ասաց ձեզ,

1) Սաղուկեցիութիւնը գոյութիւն ունէր Հրէից մէջ դեռ  
200 տարի բրիստոսից առաջ: Կարծուում է որ Սաղուկեցիների դա  
սակարգութեան հիմնադիրն եղել է ոմն Սաղովկ, որի անունով  
և կոչուել են նրա հետեւողները:

Հաւանական է համարուում և այն, որ Սաղուկեցի բառը ծա-  
գած լինի երբայական Սէդէկ բառից, որ նշանակում է արդար:

Սաղուկեցիք արտաբայ հին կտակարանի ոչինչ չէին ընդու-  
նում, ոչ աւանդութիւն և ոչ անգիր օրէնք: Եւ հին կտակարանը  
ճանաչուած և ընդունուած էր որպէս հրէական օրէնքների ազդիւր  
և կանոն:

Թէև ընդունում էին հին—կտակարանը, բայց ոչ հանդեր-  
ձեալ կեանքին, ոչ յարութեանը, ոչ հրեշտակների գոյութեանը և  
ոչ էլ հոգու անմահութեանն էին հաւատում:

Սրանց վարդապետութիւնը առհասարակ ընդունուած չէր  
հասարակ ժողովրդի կողմից, մինչդեռ ահագին հետեւողներ ունէր  
բարձր և առհասարակ ուսումնական դասակարգից: Սաղուկեցիք  
յայտնի էին իբրև լաւ վարքի ու բարքի տէր:

2) Հրէից մէջ գոյութիւն ունեցող դասակարգութիւնից  
երկրորդը Փարիսեցիք էին: Փարիսեցիք բացի հին կտակարանից,  
ուրեմն և զրաւս օրէնքներից, ընդունում էին նաև անգիր օրէն-  
քներն ու աւանդութիւնները: Փարիսեցիք վերին աստիճանի ծիա-  
պաշտ էին առաջնորդում նշանակութիւն և կարեւորութիւն էին տալիս  
լուսացմանը, պատին, երկար աղօթելուն, ողորմութիւն տալուն անհա-  
ւասանից հետո և զգոյշ լինելուն և այլն: Հաւատում էին հանդեր-  
ձեալ կեանքին, յարութեանը, հրեշտակների գոյութեանը, հոգու  
անմահութեանը և վերջապէս ճակատագրին:

Փարիսեցիք ցուցամոլ ու փառասէր էին և վերին աստիճանի  
օրինապահ: Օրէնքները շատ անգամ մեկնում էին ըստ քմաց,  
նայելով հանգամանքներին, ժամանակին, տեղին ու պահանջին:

Փարիսեցիները Սաղուկեցիների հակապատակերն էին ոչ  
միայն դաւանած վարդապետութեամբ, այլ և բարոյականութեամբ:  
Փարիսեցիներն առ երեսո մաքուր և սուրբ էին երևում, որի պատ-  
ճառով շատ յարգուած էին հասարակ ժողովրդի, մանաւանդ կա-  
նանց կողմից. բայց ի ներքուստ ամենակեղտոտ և ապականուած  
անձինք էին: Այս է պատճառը, որ Փարիսեցիները շատ յաճախ  
յանդիմանուում էին Յիսուսից, իրենց կեղծաւորութեան և կեղտո-  
տութեան համար:

որ գալու բարկութիւնից փախչէք: Այսուհետեւ ապաշխարութեան արժանի պտուղ բերէք և մի մտածէք և մի ասէք թէ Աբրահամը մեր հայրն է: Ասում եմ ձեզ, որ Աստուած կարող է այս բարերից Աբրահամի որդիք յարուցանել: Ահա կայինը ծառի արմատներին է գրուած. այն ծառը որ բարի պտուղ չէ բերում, կը կտրուի և կրակը կձգուի»:

Չուկ. 4.  
10-18 ժողովուրդը հարցնում էր նրան ու ասում. — «Ուրեմն ի՞նչ պիտի անենք»: Նա պատասխանեց. — «Ով երկու շոր ունի, թող մինը չունեցողին տայ և ով կերակուր ունի, թող նոյնն անէ»:

Մաքսաւորներն էլ եկան մկրտուելու<sup>1)</sup> և հարցրին. — «Վարդապետ, մենք ի՞նչ անենք»: Նա պատասխանեց. — «Ձեզ պատուիրածից աւելին մի պահանջէք»:

Զինուորներն էլ հարցրին ու ասացին. — «Իսկ մենք ի՞նչ անենք»: Նրանց էլ ասաց. — «Ոչ ոքի մի հարստահարէք, ոչ ոքի մի զրպարտէք և ձեր ոռճկով բաւականացէք»:

3) Մաքսաւոր, նշանակում է հարկահան: Մաքսաւորների պարտականութիւնն էր հարկերը հաւաքել և ներկայացնել Հռոմ-մայեցոց տէրութեան գանձարանին: Հրէաները շատ դժկամակութեամբ էին վճարում հարկը, որովհետեւ հակառակ էին համարում իրենց կրօնին: Հրէաների մէջ մաքսաւորութիւնը ամենակեղտոտ և անպատիւ պաշտօնն էր համարւում և այն հրէան, որ կը համաձայնէր այդ պաշտօնն ընդունել, հեռացւում էր իւր բարեկամների և ազգականների շրջանից և հեթանոս էր համարւում: Նրանց շատ անգամ չէին թոյլ տալիս ժողովարան մտնել, հասարակաց աղօթքներին մասնակցել, դատաւորութիւն անել և կամ վկայութիւն տալ:

Երբ ժողովուրդը սպասում էր և ամենքն էլ մտածում էին, թէ արդեօք Յովհաննէսը չէ՞ Քրիստոսը. Յովհաննէսն ասաց. — «Ես ձեզ ջրով եմ մկրտում, բայց ինձանից աւելի գորաւորն է գալիս և ես արժանի չեմ նրա կոշիկների կապերը քանդելու: Նա կմկրտէ ձեզ Սուրբ Հոգով և կրակով: Նրա ձեռքին է հեծանոցը,<sup>1)</sup> նրանով կմաքրէ իւր կալը, ցորենը կժողովէ իւր ամբարի մէջ, իսկ յարգը կայրէ անհանգչելի կրակով»: Ուրիշ էլի շատ բաներ էր աւետում ժողովրդին՝ ուսուցանելով:

### 14.

#### ՅԻՍՈՒՍԻ ՄԿՐՏՈՒԹԻՒՆԸ

Մատթ. 4.  
13-17 Այդ ժամանակ Յիսուսը Գալիլիայից Յորդանան եկաւ Յովհաննէսի մօտ, նրանից մկրտուելու:

Յովհաննէսն արգելեց նրան ու ասաց. — «Ես պէտք է քեզանից մկրտուեմ և դ՞ու ես եկել ինձանից մկրտուելու»:

Յիսուսը պատասխանեց. — «Թո՛ղ այժմ, որովհետեւ այդպէս կվայելէ մեզ, որ բոլոր արդարութիւնը կատարենք»:

Եւ Յովհաննէսը թոյլ տուեց:

Յիսուսը մկրտուելուց յետոյ, իսկոյն դուրս եկաւ ջրից և անա երկինքը բացուեցաւ և Յովհաննէսը տեսաւ թէ ինչպէս Աստուծու Հոգին

1) Հեծանոցը կալի մէջ գործ դրուող մի գործիք է, որով կալը քամու են տալիս՝ ցորենը յարդից բաժանելու:

աղանու պէս իջնում ու գալիս էր Նրա վերայ:  
Եւ երկնքից ձայն լսուեցաւ որ ասում էր.

—«Սա է իմ սիրելի որդին որին հաճեցայ»:

Ղուկ. 4. Յիսուսն այդ ժամանակ երեսուն տարեկան  
23 էր:

15.

Փ Ո Ր Ձ Ո Ի Թ Ի Ի Ն.

Ղուկ. 7. Յիսուսը Սուրբ Հոգով լցուած, վերադարձաւ  
1-2 Յորդանանից և Հոգին Նրան անապատը տարաւ:  
Այնտեղ Նա քառասուն օր ու գիշեր փորձուած  
էր սատանայից և ոչինչ չէր ուտում. իսկ քա-  
ռասուն օրն անցնելուց յետոյ՝ քաղցեցաւ:

Մատթ. 4. Եւ մօտենալով փորձիչը (սատանան) ասաց  
3-10 Նրան.—«Եթէ Աստուծու Որդի ես, ասա, որ այս  
քարերը հաց դառնան»: Յիսուս պատասխանեց.  
—«Գրուած է ոչ միայն հացով կապրի մարդ,  
այլ Աստուծու բերանից դուրս եկած ամենայն  
մի խօսքով»: 1)

Այն ժամանակ սատանան տարաւ Նրան  
Սուրբ քաղաքը (Երուսաղէմ) և կանգնեցնելով  
Նրան տաճարի աշտարակի վերայ՝ ասաց.—«Եթէ  
Դու Աստուծու Որդին ես, քեզ այստեղից վայր  
ձգիր, որովհետեւ գրուած է.—Իւր հրեշտակներին  
կպատուիրէ քեզ համար, որ քեզ ձեռքերի վերայ  
բարձրացնեն, որպէս զի ոտքդ քարին չդիպ-  
ցնես»: 2) Յիսուսն ասաց.—«Գրուած է դարձեալ.

1) Բ. Օրինաց Բ. 3.

2) Սաղմոս Գ. 11—12.

—«Մի փորձիր քո Տէր Աստուծուն»: 1)

Դարձեալ տարաւ Նրան սատանան և հանեց  
մի շատ բարձր լեռան գլուխը և ցոյց տուեց  
Նրան աշխարհի բոլոր թագաւորութիւններն ու  
Նրանց փառքը և ասաց.—«Այս ամենը քեզ կը-  
տամ, եթէ չոգես ու ինձ երկրպագութիւն տաս»:

Այն ժամանակ Յիսուսն ասաց.—«Հեռացիր  
ինձանից սատանա, որովհետեւ գրուած է—քո Տէր  
Աստուծուն միայն երկրպագես և Նրան միայն  
պաշտես»: 2)

Ղուկ. 7. Եւ սատանան վերջացնելով իւր բոլոր փոր-  
13 ձութիւնները, մի առ ժամանակ ձեռք քաշեց Նը-  
րանից:

Մատթ. 4. Այն ժամանակ մօտեցան հրեշտակներն ու  
11 սկսեցին Նրան ծառայել:

13.

ՅՈՎՀԱՆՆԷՍ ՄԿՐՏԻՉԻ ՎԿԱՅՈՒԹԻՒՆԸ.

Յովհ. 1. Այս է Յովհաննէսի վկայութիւնը, որ տուեց  
19-34 այն ժամանակ երբ հրէաներն Երուսաղէմից  
քահանաներ և ղետացիներ ուղարկեցին, որ Յով-  
հաննէսից հարցնեն թէ դու ո՞վ ես:

Յովհաննէսը խոստովանեց և չուրացաւ,  
նա ասաց.—ես Քրիստոսը չեմ:

Նրան հարցրին.—«Հապա ո՞վ ես դու, Եղիան  
ես»: Նա պատասխանեց.—«Եղիան չեմ»:

1) Բ. Օրինաց Գ. 16.

2) Բ. Օրինաց Գ. 13:



— Ուրեմն դու այն մարգարէն ե՞ս<sup>1)</sup>: Յովհաննէսը պատասխանեց.— Ո՛չ:

Այն ժամանակ ասացին նրան.— «Դու ո՞վ ես, ասա, որ պատասխան տանենք մեզ ուղարկողներին. դու ի՞նչ ես ասում քո մասին»:

Յովհաննէսն ասաց.— «Ես անապատում կանչողի ձայնն եմ.— ուղղեցէք Տիրոջ ճանապարհը, ինչպէս ասաց Եսայիա մարգարէն»:

Եւ ուղարկուածները որ փարիսեցիներին էին՝ հարցրին.— «Եթէ դու ո՞չ Քրիստոսն ես, ո՞չ Եղիան և ո՞չ մարգարէն, հապա ինչո՞ւ ես մկրտում»:

Յովհաննէսը պատասխանեց.— «Ես ձեզ ջրով եմ մկրտում, բայց ձեր մէջ կայ մինը, որին դուք չէք ճանաչում, նա յետեիցս եկողն է, որ ինձանից առաջ էր և որի կօշիկների կապերը քանդելու արժանի չեմ»:

Այս խօսակցութիւնը տեղի ունեցաւ Բեթաբարայում, Յորդանանի միւս կողմը, որտեղ բընակում էր Յովհաննէսը և մկրտում:

Հետեալ օրն երբ Յովհաննէսը տեսաւ, որ Յիսուսը դէպի իրեն է գալիս՝ ասաց.— «Ահա Աստուծու զառը, որ պէտք է բառնայ աշխարհի մեղքերը: Սա է որի համար ասացի թէ իմ յետեից մի մարդ է գալիս որ ինձանից առաջ եղաւ, որովհետեւ ինձանից առաջ էր: Ես նրան չէի ճանաչում, բայց եկայ ջրով մկրտելու, որպէս զի նա Իսրայէլին յայտնուի»:

<sup>1)</sup> Այստեղ Մովսէսի յիշած մարգարէն է ակնարկւում. տես 17-րդ մարդ.

Եւ Յովհաննէսը վկայեց ասելով.— «Ես տեսնում էի Հոգուն, որ աղաւնու պէս իջնում էր երկնքից և նրա վերայ հանգչում: Ես նրան չէի ճանաչում, բայց նա, որ ինձ ուղարկեց ջրով մկրտելու՝ ասաց.— «Որի վերայ Հոգուն իջնելիս և հանգչելիս կտեսնես, նա է, որ Սուրբ Հոգով պէտք է մկրտի»:

Ես տեսայ և վկայում եմ, որ Սա Աստուծու Որդին է»:

17.

ՅՈՎՀԱՆՆԷՍ ԱՐԵՏԱՐԱՆԻՉԸ՝ ՅԻՍՈՒՍԻ ՄԱՍԻՆ

Յովհ. ա. 1-18 **Ս**կզբիցն էր Բանը և Բանն Աստուծու հետ էր և Բանն Աստուած էր: Նա սկզբից Աստուծու հետ էր: Ամեն բան նրանով եղաւ և ինչ որ եղաւ, առանց նրա չեղաւ: Կեանքը նրա մէջ էր և կեանքը մարդկանց լոյսն էր: Լոյսը խաւարի մէջ էր լուսաւորում և խաւարը նրան չհասկացաւ ու չընդունեց:

Աստուծուց ուղարկուած մի մարդ կար, նրա անունը Յովհաննէս էր: Նա իբրև վկայ եկաւ, որ լոյսի մասին վկայէ. որպէս զի ամենքն էլ նրա միջոցով հաւատան: Ինքն այն լոյսը չէր, բայց ուղարկուած էր, որ լոյսի համար վկայէ: Կայ մի ճշմարիտ լոյս, որ լուսաւորում է ամեն մի աշխարհ եկող մարդու:

Այդ լոյսն աշխարհումն էր և աշխարհը նրանով ստեղծուեցաւ, բայց աշխարհը նրան չճանաչեց: Իւրայիները մօտ եկաւ և իւրայիները

նրան չընդունեցին: Իսկ նրանց, որոնք ընդունեցին ու հաւատացին իւր անուանը, իշխանութիւն տուեց Աստուծու որդիք լինելու. որոնք ոչ արիւնից, ոչ մարմնի կամքից և ոչ էլ մարդու կամքից, այլ Աստուծուց ծնուեցան: Եւ բանը մարմնացաւ ու բնակուեցաւ մեր մէջ լի շնորհքով և ճշմարտութեամբ. և մենք տեսանք նրա փառքը, ինչպէս Հօրից միածնի փառք:

Յովհաննէսը վկայում է նրա մասին և բարձրաձայն ասում.—Սա է, որի մասին ասացի, թէ իմ յետեից եկողը ինձանից առաջ եղաւ, որովհետեւ նա ինձանից առաջ էր: Եւ մենք ամենքս նրա լիութիւնից շնորհքի վերայ՝ շնորհք ստացանք:

Օրէնքը Մովսէսի ձեռքով տրուեցաւ, իսկ շնորհքն ու ճշմարտութիւնը Յիսուս Քրիստոսի միջոցովն եղան: Աստուծուն ոչ ոք չէ տեսել երբէք, բայց միածին Որդին որ Հօր ծոցումն է՝ նա պատմեց:

18.

Յ Ի Ս Ո Ւ Ս Ի Հ Ե Տ Ե Ի Ո Ղ Ն Ե Բ Ը

Յովհ. ա. 35-41 **Հ**ետեալ օրն երբ Յովհաննէս (Մկրտիչը) իւր երկու աշակերտների հետ կանգնած, Յիսուսին անցնելիս տեսաւ՝ ասաց.—«Ահա Քրիստոսը —Աստուծու գառը»:

Աշակերտները հենց որ լսեցին այդ, Յիսուսի յետեից գնացին: Յիսուսը դարձաւ և տեսնելով որ իւր յետեիցն են գալիս՝ հարցրեց.—

«Ի՞նչ էք կամենում»: Նրանք պատասխանեցին.—«Ռաբբի (վարդապետ) որտեղ է բնակարանդ»: Յիսուսն ասաց.—«Եկէք ու տեսէք»:

Նրանք գնացին ու տեսան նրա բնակարանը. և այն օրը նրա մօտ մնացին, որովհետեւ մօտ ժամի տասը կլինէր:

Յովհաննէսին լսողներից և Յիսուսի յետեից գնացողներից մինը՝ Սիմօն Վիմի եղբայր Անդրիասն էր: Սա նախ իւր եղբայր Սիմօնին զրտաւ և ասաց.—«Մեսիային (Քրիստոսին) զրտանք»: Եւ նրան Յիսուսի մօտ բերեց:

Յիսուսը նայելով նրան՝ ասաց.—«Դո՛ւ, Յովհաննի որդի Սիմօն, այսուհետեւ կեփաս՝) (Պետրոս) կը կոչուիս:

Յիսուսին պատահեց Փիլիպպոս անունով մի անկոնրս, որ Գալիլիայի Բեթսայիդա քաղաքիցն էր և Անդրիասի ու Պետրոսի հայրենակիցը: Յիսուսը նրան ասաց.—«Ե՛կ իմ յետեից»:

Փիլիպպոսը գտաւ Նաթանայէլին (նոյն և Բարզղուղիմէոս) և ասաց նրան.—«Գտանք Յովսէփի որդի Յիսուս Նազովրեցուն, որի համար թէ Մովսէսն է գրել օրէնքների մէջ և թէ մարգարէները»:

Նաթանայէլն ասաց.—«Մթթէ Նազարէթից կարող է լաւ բան դուրս գալ»:

Փիլիպպոսը պատասխանեց.—«Եկ և տես»:  
Երբ Յիսուսը Նաթանայէլին տեսաւ, ասաց.

1) Սիմօնը կոչուեցաւ Պետրոս կամ Կեփաս: Պետրոսը՝ յունարէն է. Կեփասը՝ ասորերէն:

— «Իսկապէս ահա մի իսրայէլացի, որի մէջ նենգութիւն չկայ»:

Նաթանայէլը հարցրեց.— «Դու ինձ սրտեղից ես ճանաչում»: Յիսուսը պատասխանեց.— «Դեռ Փիլիպպոսը քեզ չէր կանչել որ քեզ թզենուտակ տեսայ»:

Նաթանայէլը բացականչեց:— «Ռճբբի, Դու Աստուծու Որդին ես, դու Իսրայէլի թագաւորն ես»: Յիսուսն ասաց նրան. — «Դու այն պատճառով հաւատացիր, որ ասացի քեզ թէ թզենուտակ տեսայ: Սրանից յետոյ աւելի մեծ բաներ կտեսնես»:

Եւ աւելացրեց.— «Ճշմարիտ, ճշմարիտն եմ ասում ձեզ, որ այսուհետեւ կտեսնէք երկինքը բացուած և Աստուծու հրեշտակներին, որոնք կբարձրանան ու կիջնեն Մարդու Որդու վերայ»:

19.

Կ Ա Ն Ա Յ Ի Հ Ա Ր Ս Ա Ն Ի Ք Ը

Յովհ. ր. 1-12 Երբորդ օրը Գալիլիայի Կանա քաղաքում մի հարսանիք կար Յիսուսի մայրն էլ այնտեղ էր:

Հարսանիք կանչուեցան նաև Յիսուսն ու նրա աշակերտները:

Երբ գինին պակասեց, Յիսուսի մայրն ասաց նրան.— «Դինի չունին»: Յիսուսն ասաց.— «Ա՛յ կին, ինձ ինչ կամ քեզ ինչ. իմ ժամանակը դեռ չէ հասել»:

Նրա մայրն ասաց ծառաներին.— «Ինչ որ ասէ ձեզ, կատարեցէք»:

Այնտեղ, հրէաների սովորութեան համաձայն, լուացուելու համար վեց հատ ջրի ամաններ կային, որոնցից իւրաքանչիւրը երկու կամ երեք մար<sup>1)</sup> էր տանում: Յիսուսն ասաց.— «Այդ ամանները ջրով լցրէք»:

Ամանները մինչև բերանը ջրով լցրին:

Յիսուսն ասաց.— «Այժմ վերցրէք ու սեղանապետին տարէք»: Նրանք էլ տարան:

Երբ սեղանապետը գինի դարձած ջրի համն առաւ (նա չգիտէր թէ որտեղիցն էր այդ գինին, միայն ջուր ածող ծառաները գիտէին) գիմեց փեսային՝ ասելով.— «Ամեն մարդ նախ լաւ գինին է բերում. իսկ երբ հիւրերը հարբում են, այն ժամանակ միայն վատը: Իսկ դու լաւ գինին մինչև այժմ պահել ես»:

Սա Յիսուսի առաջին հրաշքն էր, որ դորձեց Գալիլիայի Կանա քաղաքում և սրանով յայտնեց իւր փառքը և աշակերտները հաւատացին նրան:

Սրանից յետոյ Յիսուսն իւր մօր և եղբայրների<sup>2)</sup> հետ Կափսառնաում իջաւ, ուր երկար չմնաց:



1) Մարը—հեղանիւթի չափ է և հաւատար է մօտաւորապէս կէս վեցրօյին:

2) Յունարէնում ասուած է «աշակերտներին»:



**20.**

**ՅԻՍՈՒՍՆ ԵՐՈՒՍԱՂԷՄՈՒՄ ԶԱՏԿԻ ՏՕՆԻՆ**

Յովհ. Բ.  
13-25

Հրէից զատիկը մօտ էր և Յիսուսը Երուսաղէմ գնաց: Նա գտաւ տաճարի մէջ արջառ, ոչխար և աղանի ծախողներ և լուծալափոխներ, որոնք նստել էին իրենց սեղանների առաջ: Չուանից խարազան շինելով, ամենքին դուրս արաւ տաճարից, թէ ոչխարներին և թէ արջառներին: Հատաժամանների պղնձները ցրուեց և սեղանները կործանեց: Աղանի ծախողներին էլ ասաց. — «Վերցրէք դրանց այստեղից և Հօրս տունը վաճառի տուն մի դարձնէք»: Նրա աշակերտները յիշեցին գրուածը, թէ քո տան նախանձը կերաւ ինձ: <sup>1)</sup> Հրէաները տեսնելով [այդ] ասացին. — «Ի՞նչ հրաշք ես ցոյց աալիս մեզ, որ այդ բաներն ես անում»:

Յիսուսը պատասխանեց. — «Քանզեցէք այս տաճարը և ես երեք օրումը կշինեմ»:

<sup>1)</sup> Սաղմոս կը. 10. տես 27-րդ մարդ.

Հրէաներն ասացին. — «Այս տաճարը քառասուն և վեց տարուան ընթացքումն է շինուել և դու ուզում ես երեք օրումը շինել»:

Յիսուան իւր մարմնի տաճարի համար էր ասում. և երբ ինքը մեռելներից յարութիւն առաւ, նրա աշակերտներն յիշեցին, որ այդ մասին արդէն ասուած էր և հաւատացին թէ զըրբին և թէ Յիսուսի ասած խօսքին:

Երբ Յիսուսը գառկի տօնին Երուսաղէմումն էր, շատերը նրա գործած հրաշքները տեսնելով հաւատացին նրան:

Իսկ Յիսուան իւր անձը ոչ ոքի չէր հաւատում, որովհետեւ ինքը ճանաչում էր ամեն մարդու և պէտք էլ չունէր որ որեւէ մէկը սրա կամ նրա մասին վկայութիւն տար իրեն, որովհետեւ ինքը շատ լաւ գիտէր թէ ինչ կայ մարդու ներսը:

**21.**

**ՅԻՍՈՒՍՆ ՈՒ ՆԻԿՈՒԴԻՄՈՍԸ**

Յովհ. Գ.  
1-21

Հրէից իշխաններից մի փարիսեցի, Նիկողիմոս անունով, գիշերով Յիսուսի մօտ եկաւ և ասաց. — «Ռնաբբի, գիտենք որ դու վարդապետ ես Աստուծուց եկած, որովհետեւ այն հրաշքները որ դու ես գործում, ոչ ոք չէ կարող գործել, եթէ Աստուած նրա հետ չլինի»:

Յիսուան ասաց. — «Ճշմարիտ, ճշմարիտն եմ ասում քեզ, որ եթէ մի մարդ նորից չծնուի,

չի կարող Աստուծու Արքայութիւնը տեսնել: Նիկողիմոսն ասաց.— «Մի մարդ, որ արդէն ծերացած է, ինչպէս կարող է նորից ծնուել. միթէ կարող է մինչէլ մօր որովայնը մտնել և ծնուել»:

Պատասխանեց Յիսուան ու ասաց,— «Ճշմարիտ, ճշարիտն եմ ասում քեզ, որ եթէ մի մարդ ջրից ու Հոգուց չծնուի, չի կարող Աստուծու Արքայութիւնը մտնել, որովհետեւ մարմնից ծնուածը՝ մարմին է, իսկ Հոգուց ծնուածը՝ Հոգի: Դու մի զարմանայ, որ ասացի քեզ թէ հարկաւոր է ձեզ նորից ծնուել: Քամին փչում է ուր որ կամենում է և լսում ես նրա ձայնը, բայց չգիտես թէ որտեղից է գալիս և ուր է գնում. այդպէս է լինում այն ամենի հետ, որ Հոգուցն է ծնում»:

Նիկողիմոսը հարցրեց. — «Այդ ինչպէս կարող է լինել»: Յիսուսը պատասխանեց.— «Դու Իսրայէլի վարդապետն ես և այդէլ չգիտե՞ս:<sup>1)</sup> Ճշմարիտ, ճշմարիտն եմ ասում քեզ, որ մենք ինչ որ գիտենք, այն ենք խօսում և ինչ որ տեսնք, այն ենք վկայում. բայց դուք չէք ընդունում մեր վկայութիւնը: Ես ձեզ երկրաւոր բաների մասին խօսեցի և դուք չհաւատացիք, էլ ինչպէս կարող էք հաւատալ, եթէ երկնաւորի մասին խօսեմ»:

1) Յիսուան ուզում է յիշեցնել Նիկողիմոսին, որ ջուրը սըրբութեան նշանակ է, ինչպէս և գրել է մարգարէն.— «Ես կցանեմ ձեզ վերայ սուրբ ջուր, և դուք կսրբուէք ձեր բոլոր պղծութիւններից» (Եզեկիէլ լգ. 25):

Ոչ ոք չբարձրացաւ երկինք բացի երկնքից իջնող Մարդու Որդուց, որ երկնքումն էր: Եւ ինչպէս Մովսէսն օձը անապատի մէջ բարձրացրեց,<sup>2)</sup> այնպէս էլ Մարդու Որդին պէտք է բարձրանայ, որպէս զի նրան հաւատացողը չկորչի, այլ յաւիտենական կեանք ունենայ:

Աստուած այնպէս սիրեց աշխարհը, որ իւր միածին Որդուն տուեց, որպէս զի նրան հաւատացողը՝ չկորչի, այլ յաւիտենական կեանք ունենայ:

Աստուած իւր Որդուն աշխարհ ուղարկեց, ոչ թէ աշխարհը դատելու, այլ որպէս զի աշխարհը նրանով փրկուի: Նրան հաւատացողը՝ չի դատուի, բայց չհաւատացողը՝ արդէն իսկ դատապարտուած է. որովհետեւ չհաւատաց Աստուծու միածին Որդու անուանը:

Դատաստանն հէնց այն է, որ Լոյսն աշխարհ եկաւ, բայց մարդիկ խաւարը լոյսից աւելի սիրեցին, որովհետեւ նրանց գործերը չար էին: Ով չար գործեր է անում, ատում է լոյսը և չէ գալիս դէպի լոյսը, որպէս զի նրա չար գործերը չմերկանան: Իսկ նա, որ ճշմարիտն է գործում, դէպի լոյսն է գնում, որ յայտնի լինին նրա գործերը, որովհետեւ Աստուծով գործուեցան»:

2) Թուոց խա. 9.

22.

ՅՈՎՀԱՆՆԵՍ ՄԿՐՏՉԻ ԽՕՍԻՆ ԻԻՐ ԱՇՈՎԵՐՏՆԵՐԻՆ  
ՅԻՍՈՒՍԻ ՄԱՍԻՆ

Յովհ. 4.  
22-36

Մրանից յետոյ Յիսուան իւր աշակերտների հետ Հրէաստան եկաւ և նրանց հետ շրջելով՝ մկրտում էր: Յովհաննէսն էլ Սաղէմի մօտ—Այե-նովնուսն էր մկրտում, որովհետև այնտեղ շատ ջուր կար և մեծ բազմութիւն էր գալիս նրանից մկրտուելու:

Յովհաննէսն այդ ժամանակ դեռ բանտարկուած չէր:

Յովհաննէսի աշակերտները վէճի բռնուեցան հրէաների հետ մաքրութեան մասին և գալով Յովհաննէսի մօտ՝ ասացին. — «Ռաբբի, նա, որ քեզ հետ Յորդանանի միւս կողմն էր և որի մասին վկայեցիր, մկրտում է և ամենքն էլ նրա մօտ են գնում»:

Յովհաննէսը պատասխանեց ու ասաց: — «Մարգս երբէք ոչինչ չէ կարող իւր վերայ առնել, եթէ նրան երկնքից տուած չլինի: Դուք անձամբ կվկայէք, որ ասացի թէ ես Քրիստոսը չեմ, այլ նրա առջևից ուղարկուածը: Փեսան նա է, որ հարս ունի, իսկ փեսայի բարեկամը որ կանգնած լսում է նրան, սաստիկ ուրախանում է փեսայի ձայնը լսելով. ուստի այս իմ ուրախութիւնն արդէն լցուած է: Նա պէտք է զօրանայ, իսկ ես մեղմանամ: Վերևիցն եկողն ամենից վեր է, իսկ նա որ երկրիցն է՝ երկրաւոր է

և երկրիցն է խօսում: Երկնքից եկողն ինչ որ տեսաւ և լսեց, այն է վկայում և նրա վկայութիւնը ոչ ոք չէ ընդունում: Ով որ ընդունում է նրա վկայութիւնը, դրանով հաստատում է որ Աստուած ճշմարիտ է, որովհետև Աստուած որոշ չափով չէ տուել նրան իւր հոգին:

Հայրը սիրում է իւր Որդուն և ամեն բան նրա ձեռքն է տուել: Որդուն հաւատացողն յաւիտենական կեանք ունի, իսկ չհաւատացողը կեանք չի տեսնի և Աստուծու բարկութիւնը նրա վերայ կմնայ»:

23.

ՅՈՎՀԱՆՆԵՍԻ ԲԱՆՏԱՐԿՈՒԻՎԸ:—ՅԻՍՈՒՍՆ ԼՆՈՒՆՈՒՄ  
Է ՀՐԷԱՍՏԱՆԻՅ

Ղուկ. 4.  
19-20  
Մատթ.  
ժդ. 3-5

Հերովդէս չորրորդապետն իւր գործած բազմութիւ չարիքների վերայ աւելացրեց և այն, որ բռնելով Յովհաննէսին, կապեց ու բանտարկեց իւր եղբայր Փիլիպպոսի կնոջ — Հերովդիադայի պատճառով:

Որովհետև Յովհաննէսն ասել էր Հերովդէսին, որ անպատշաճ է նրան Հերովդիադային կլին ունենալ:<sup>1)</sup>

1) Հերովդէս Մեծը տասը կին ունէր: Իւր երկրորդ կնոջը — Մարիամից, որ Մակարայեցոյ տնիցն էր, ունեցաւ մի որդի Սրիստոբոլոսը անունով: Սա ամուսնացաւ իւր հօրաքրոջ աղջկայ Բերենեկէի հետ, որոնց վերջին զաւակն էր Հերովդիան կամ Հերովդիադան: Հերովդէս Մեծը իւր երրորդ կնոջը — Մարիամից, որ նոյնպէս Մակարայեցոյ տնիցն էր, ունեցաւ մի որդի Փիլիպպոս անունով, սա ամուսնացաւ իւր եղբօր աղջկայ — Հերովդիադայի

Հերովդէսը կամենում էր նրան սպանել, բայց ժողովրդիցն էր վախենում, որովհետև ա-

հետ, սրանց ամուսնութիւնից ծնունց Սողոմէ աղջիկը: Հերովդէս Մեծը Փիլիպպոս որդուն չէր սիրում և ժառանգութիւնից զրկեց. Փիլիպպոսը այլ ևս աւելորդ համարելով Պաղեստինում ապրել, իւր կին Հերովդիտաղայի հետ փոխադրուեցաւ Հռովմ և այնտեղ ապրում էր որպէս մասնաւոր անձն: (Այս Փիլիպպոսին պէտք չէ շփոթել Փիլիպպոս չորրորդապետի հետ, որ թէև սա էլ Հերովդէս մեծի որդին էր, բայց ծնուած էր Կլեոպատրա կնոջից): Հերովդէս Մեծը իւր չորրորդ կնոջից ունեցաւ դարձեալ մի որդի, որ կոչուեցաւ Հերովդէս Անտիպաս: Սա ամուսնացաւ Արարիայի Հարէտա կամ Արէտաս թագաւորի աղջկայ հետ: Իւր հօր—Հերովդէս Մեծի մահից յետոյ, սա—Հերովդէս Անտիպասը, Հռովմայեցոց Օգոստոս կայսեր հաճութեամբ և հաստատութեամբ նշանակուեցաւ Գալիլիայի և Պերիայի չորրորդապետ: Իւր երախտագիտութիւնը Հռովմի գահին ցոյց տալու համար Հերովդէս Անտիպասը Հռովմ գնաց: Հռովմում, Անտիպասը իջաւ իւր եղբայր Փիլիպպոսի տանը, ուր գտնուում էր նաև իւր եղբօր կինը—Հերովդիտաղան: Հերովդիտաղան որպէս վերին աստիճանի խանդոտ, հեշտասէր և փառասէր կին, շատ շուտ կարողացաւ իւր տագը Հերովդէս Անտիպասին իւր ցանցը ձգել: Սրանք սիրահարուեցան և բանն այնտեղ հասաւ, որ Անտիպասը ստիպեց Հերովդիտաղային բաժանուել իւր ամուսնուց և փոխադրուել Պաղէստին: Հերովդիտաղան համաձայնեց և ստրի տակ տալով ազգակցական և խնամէական կապերը և օրէնքը, որ իւր ամուսնուց որդի ունենալով նա չէր կարող ամուսնանալ իւր տագեր հետ, վերցրեց իւր աղջիկ Սողոմէին և Հերովդէս Անտիպասի հետ Պաղէստին եկաւ: Ժողովուրդն սկսեց դժգոհել, արանջալ և յուզուել. բայց և ոչ որ չէր համարձակուում բացարձակապէս բողոք յայտնել այդ անիրաւութեան դէմ: Միմիայն Յովհաննէս Մկրտիչն էր, որ ձայն բարձրացրեց և բացարձակապէս յայտնեց Հերովդէսին, որ օրէնք չէ իւր եղբօր կնոջ հետ կենակցել: Այստեղից սկսուեց հալածանքը: Հերովդէսը կամեցաւ պատժել մարգարէին, որ այդքան յանդուգն կերպով խառնուում էր իւր ընտանեկան գործերին, բայց վախենում էր ժողովրդից, որովհետև մարգարէի տեղ էր ընդունում Յովհաննէսին: Հերովդիտաղան ամեն բոպէ գրգռում էր Հերովդէսին Յովհաննէսի դէմ, որը իւր բացարձակ յանդիմանութիւններով վտանգի էր ենթարկել Հերովդիտաղայի բաղձը: Եւ վերջապէս Հերովդէսը մեղադրելով Յովհաննէսին, որպէս ժողովուրդ գրգռողի, հրամայեց որ մարգարէին շղթայեն և բանտը դնեն:

մենքն էլ նրան մարգարէի տեղ էին ընդունում: Յովհ. Գ. Երբ Յիսուսն իմացաւ, որ փարիսեցիները լսել են թէ ինքը շատ աշակերտներ ունի և մրկրտում է աւելի՛ քան Յովհաննէսը (թէև ոչ թէ Յիսուս ինքն էր մկրտում, այլ նրա աշակերտները) և միեւնոյն ժամանակ այն հանգամանքը, որ Յովհաննէսը բանտարկութեան էր մատնուած, Մատթ. Գ. 12 թողեց Հրէաստանն ու ճանապարհուեց Գալիլիա:

24.

ՅԻՍՈՒՍԻ ԽՕՍԱԿՑՈՒԹԻՒՆԸ ՍԱՄԱՐՐՅՈՒ ԿՆՈՋ ՀԵՏ

Յովհ. Գ. Յիսուսը Սամարիայից անցնելիս եկաւ Սամարացիներին Սիւքար քաղաքը. այն գիւղի մօտ, որ Յակովբն իւր որդի Յովսէփին տուեց: Այնտեղ էր գտնուում Յակովբի աղբիւրը: Յիսուսը ճանապարհից յոգնած, նստեց աղբրի մօտ: Վեցերորդ ժամը կլինէր:

Մի Սամարացի կին եկաւ ջուր հանելու: Յիսուսը դիմեց նրան ասելով.—«Չնէր տուր խմեմ»: (Աշակերտները քաղաք էին գնացել կերակուր գնելու): Սամարացի կինն ասաց.—«Դու որ հրէայ ես, էլ ինչպէս ես ինձնից—մի Սամարացի կնոջից—ջուր ուզում. չէ՞ որ հրէաները Սամարացիներին հետ չեն խառնուում»: Յիսուսը պատասխանեց.—«Եթէ դու գիտենայիր Աստուծու պարզևր և թէ ով է քեզնից ջուր ուզողը, այն ժամանակ ինքդ կխնդրէիր նրանից և նա կենդանի ջուր կտար քեզ»:

Կինն ասաց.— «Տէր, դու դոյլ չունես ջուր հանելու և ջրհորն էլ խորն է, էլ սրտեղից է քեզ կենդանի ջուրը: Միթէ դու մեր հայր Յակոբից մեծ ես, որ մեզ այս ջրհորը տուեց և որից թէ ինքը խմեց և թէ իւր որդիքն ու անասունները»:

Յիսուսը պատասխանեց.— «Այս ջրից խրմողը, դարձեալ կծարաւի: Բայց նա, որ իմ տուած ջուրը կխմի, նա յաւիտեան չի ծարաւի: Եւ այն ջուրը որ ես կտամ, յաւիտեանական կեանքում նրա մէջ բղխող ջրի աղբիւր կգառնայ»:

Կինն ասաց.— «Տէր, տուր ինձ այդ ջուրը, որ չծարաւեմ և էլ չգամ այստեղից ջուր հանելու»:

Յիսուսն ասաց.— »Գնա՛, մարդուդ կանչիր և եկ այստեղ»:

Կինը պատասխանեց.— «Ես մարդ չունիմ»:

Յիսուսն ասաց.— «Լաւ ասացիր թէ մարդ չունիմ, որովհետեւ դու հինգ մարդ ես ունեցել և նա էլ որ այժմ ունիս, քոնը չէ. այդ ճրջմարիտն ասացիր»:

Կինն ասաց.— «Տէր, ես տեսնում եմ որ դու մարգարէ ես: Մեր հայրերն այս լեռների վերայ երկրպագեցին, իսկ դուք (հրէաներդ) ասում էք որ երկրպագութեան տեղն Երուսաղէմն է»:

Յիսուսն ասաց.— «Այ կին, հաւատայ ինձ, որ ժամանակ կգայ, երբ ո՛չ այս լեռների վերայ և ո՛չ էլ Երուսաղէմում կերկրպագէք Հօրը<sup>1)</sup>»:

<sup>1)</sup> Այլ ամեն տեղ. համեմատել— «Ամենայն տեղ խունկ և սուրբ պատարագ պէտք մատուցուի իմ անունն» (Մաղաք. ա. 11).

Դուք չէք իմանում թէ ինչին էք երկրպագում, իսկ մենք գիտենք թէ որին ենք երկրպագում, որովհետեւ փրկութիւնը հրէաներից է: Ժամանակ կգայ և հէնց եկել է արդէն, երբ ճշմարիտ երկրպագողները հոգով և ճշմարտութեամբ կերկրպագանեն Հօրը, որովհետեւ Հայրն էլ իրեն այգպիսի երկրպագողներ է որոնում: Աստուած Հօգի է և Նրան երկրպագողները պէտք է Հոգով և ճշմարտութեամբ երկրպագանեն»:

Կինն ասաց.— «Գիտեմ որ Քրիստոս կոչուած Մեսիան գալու է, երբ որ գայ, նա մեզ ամեն բան կյայանէ»:

Յիսուսն ասաց.— «Քեզ հետ խօսողը, Մեսիան ինքն է»:

Այս խօսքի վերայ եկան նրա աշակերտները և զարմանում էին որ կնոջ հետ էր խօսում: Բայց նրանցից և ո՛չ մինը չասաց թէ ի՞նչ ես խընդրում, կամ դրա հետ ի՞նչ ես խօսում:

Կինն իւր սափորը թողեց ու քաղաք գնալով՝ մարդկանցն ասաց.— «Յկէք ու տեսէք այն մարդուն, որ ինչ արել եմ, բոլորն էլ ասաց. արդեօք նա Քրիստոսը չէ»:

Նրանք դուրս եկան քաղաքից և նրա մօտ գնացին:

Աշակերտներն աղաչում էին նրան ու ասում.— «Ո՞րքբի, հաց կեր»:

Նա պատասխանեց.— «Ես կերակուր ունիմ, որ դուք չգիտէք»: Աշակերտներն իրար ասացին.— «Երևի դրա համար կերակուր բերող է եղել»:



Յիսուան ասաց.— «Իմ կերակուրն այն է, որ ինձ Ուղարկողի կամքն անեմ և նրա գործերը կատարեմ: Դուք չէք ասում, որ մինչև հունձը դեռ չորս ամիս ժամանակ կայ, բայց ես ասում եմ ձեզ, բարձրացրէք ձեր աչքերը և նայեցէք արտերին, թէ ինչպէս սպիտակել և հասել են հնձի համար: Հնձողը վարձ է ստանում և յաւիտենական կեանքի մէջ պտուղ ժողովում, այնպէս որ թէ ցանողը և թէ հնձողը միասին կուրախանան:

Որովհետեւ այս դէպքում ճիշտ է ասուած թէ,— մէկը ցանում է, իսկ միւսը՝ հնձում: Ես ուղարկեցի ձեզ հնձելու այն, որ դուք չէք աշխատել, ուրիշներն աշխատեցին և դուք նրանց աշխատանքի մէջ մտաք»:

Այն քաղաքի բնակիչներից շատերը լսելով կնոջ պատմածները (որ Յիսուան ասել էր նրան այն բոլորն ինչ որ ինքն արել էր) հաւատացին Յիսուսին:

Այդ պատճառով էլ Սամարացիներն եկան Յիսուսի մօտ և խնդրեցին որ իրենց մօտ մնայ. Յիսուան էլ երկու օր մնաց այնտեղ: Տեսնելով Յիսուսին և լսելով նրա խօսքերը, աւելի շատերն հաւատացին նրան:

Իսկ այն կնոջն ասացին, որ այլևս ոչ թէ նրա խօսքովն են հաւատում, այլ որ իրենք լրացին ու ճանաչեցին որ Նա է իսկապէս աշխարհի Փրկիչը:



ՅԻՍՈՒՍԸ ԵՒ ՍԱՄԱՐԱՅԻ ԿԻՆԸ

25.

ԱՐՔԱՅԱԶՆԻ ՈՐԿՈՒ ԲԺՇԿՈՒԹԻՒՆԸ

Յովհ. 43-54

Յիսուան երկու օրից յետոյ դուրս եկաւ  
այնտեղից և Գալիլիա գնաց, որովհետև ինքը  
վկայեց՝ որ մարգարէն իւր հայրենիքում պատիւ  
չունի:

Երբ նա Գալիլիա եկաւ, գալիլիացիները  
ընդունեցին նրան, որովհետև նրանք էլ Երուսա-  
ղէմ էին գնացել և ներկայ եղել տօնին, ուր տե-  
սել էին այն բոլոր նշանները, որ արել էր Յի-  
սուսը տօնի ժամանակ:

Այդպէս նա դարձեալ Գալիլիայի Կանա քա-  
ղաքն եկաւ, որտեղ ջուրը գինու էր փոխել:  
Այդտեղ կափառնաուսմցի մի արքայազն կար,  
որի որդին հիւանդ էր: Երբ լսեց որ Յիսուսը  
Հրէաստանից Գալիլիա էր եկել, նրա մօտ եկաւ  
և աղաչեց, որ Կափառնաուսմ գայ իւր մահա-  
մերձ որդուն բժշկելու:

Յիսուան ասաց նրան. — «Մինչև որ նշաններ  
ու հրաշքներ չտեսնէք, դուք չէք հաւատայ»:

Արքայազն ասաց. — «Տէր, գնանք, քանի որ  
մանուկս չէ մեռել»: Յիսուան ասաց. — «Գնա,  
քո որդին արդէն առողջացած է»:

Նա Յիսուսի խօսքին հաւատաց ու գնաց:

Ճանապարհին նրա ծառաները դիմաւորե-  
ցին և աւետելով ասացին. — «Մանուկդ առող-  
ջացած է»:

Նա ծառաներին հարցրեց. — «Ո՞ր ժամին ա-  
պաքինեց հիւանդը»:

Ծառաները պատասխանեցին. — «Երէկ ժամի  
եօթին տաքութիւնն անցաւ»: Նրա հայրն իսկոյն  
յիշեց, որ այդ այն ժամն էր, երբ Յիսուան  
ասաց թէ քո որդին արդէն առողջացած է:

Այն ժամանակ թէ ինքը և թէ իւր ամբողջ  
ընտանիքը հաւատացին Յիսուսին:

Յիսուսը Հրէաստանից Գալիլիա գալով, սը-  
րանով երկրորդ հրաշքն էր՝ որ գործեց:

26.

ՅԻՍՈՒՍԸ ՆԱԶԱՐԷԹՈՒՄ.

Ղուկ. 16-30

Յիսուան եկաւ Նազարէթ, որտեղ մեծացել էր  
և իւր սովորութեան համաձայն՝ շաբաթ օրը ժո-  
ղովարան մտաւ: Երբ նրան Եսայիա մարգարէի  
գիրքը տուին, նա վերկացաւ, բացեց գիրքը և  
գտաւ այն տեղն ուր գրուած էր. — «Տիրոջ Հո-  
գին ինձ վերայ է, որովհետև նա ինձ օծեց, որ-  
պէս զի աղքատներին աւետիս տամ. ինձ ուղար-  
կեց սիրտ կոտրածներին բժշկելու, գերիներին  
ազատութիւն քարոզելու, կոյրերին տեսողութիւն  
տալու, նեղուածներին ազատ արձակելու և Տի-  
րոջ ընդունելի տարին քարոզելու»: <sup>1)</sup> Նա փակեց  
գիրքը, տուեց պաշտօնեային և նստեց: Ժողովա-  
րանի մէջ եզոզների աչքերը նրան էին նայում:

Նա սկսեց խօսել նրանց հետ և ասաց. —

<sup>1)</sup> Եսայի կա. 1-2, տես 22 և 11-րդ մարգ.

«Այսօր այս գրուածքը, որ ձեր ականջներով լսեցիք՝ կատարուեցաւ»:

Ամենքն էլ վկայեցին այդ բանը և զարմանում էին նրա բերանից դուրս եկած շնորհալի խօսքերի վերայ և ասում.— «Սա Յովսէփի որդին չէ»: Յիսուսն ասաց նրանց.— «Անշուշտ դուք ինձ այս առածը կասէք.— «Բժիշկ, բժշկիր քո անձը և այստեղ, քո հայրենիքումն էլ արն այն, ինչ որ, ինչպէս լսել ենք, կափառնաումի մէջ էիր անում»: Եւ աւելացրեց.— «Ճշմարտն եմ ասում ձեզ, որ ոչ մէկ մարգարէ չէ ընդունւում իւր հայրենիքում: Արդարև, ասում եմ ձեզ. Եղիայի օրերում, երբ երկինքն երեք տարի և վեց ամիս փակուեցաւ և երկրի մէջ մեծ սով եղաւ, թէ և Իսրայէլի մէջ շատ այրի կանայք կային, բայց Եղիան նրանցից և ոչ միւր մօտ չուղարկուեցաւ, այլ միայն Սիդոնացոց Սարեպտա քաղաքում բնակուող մի այրի կնոջ մօտ:<sup>1)</sup> Եւ Եղիսէ մարգարէի ժամանակ Իսրայէլի մէջ շատ բորոտներ կային, բայց նրանցից և ոչ միւր չբժշկուեց, բացի Ասորի Նէեմանից»:<sup>2)</sup>

Ժողովարանի մէջ եղողները լսելով այս խօսքերը՝ բարկութեամբ լցուեցան: Եւ վեր կենալով, դուրս հանեցին նրան քաղաքից և տարան այն լեռան գլուխը, որի վերայ շինուած էր քաղաքը, որպէս զի նրան վայր գլորեն. բայց Յիսուսն անցնելով նրանց միջից՝ հեռացաւ:

1) Գ. թագ. ժէ 8-16.

2) Գ. թագ: Ե 9-14.

### 27.

ՅՈՎՆԱՆՆԻ ԵՒ ԶԵԲԵԹԻԱՅԻ ՈՐԿՈՑ ՆՈՐ ԿՈՉՈՒՄԸ

Մարկ. ա. 14-20. Յովհաննէսի մասնուելուց յետոյ Յիսուսը Գալիլիա եկաւ, ուր Աստուծու Արքայութեան Աւետարանն էր քարոզում և ասում.— «Ժամանակը լրացած է և Աստուծու թագաւորութիւնը մօտեցած. ապաշխարեցէք և Աւետարանին հաւատացէք»:

Գալիլիացոց ծովեզրը պատելիս, նա տեսաւ Սիմօնին և նրա եղբայր Անդրիասին, որոնք ուռկան էին ձգել ծովը, որովհետև ձկնորս էին: Յիսուսը նրանց ասաց.— «Եկէք իմ յետեից և ես ձեզ մարդկանց որսորդ կդարձնեմ»:

Նրանք էլ անմիջապէս թողին իրենց ուռկաններն ու գնացին Նրա յետեից:

Մի փոքր առաջ գնալով, տեսաւ Զեբեթեան Յակովբոսին և նրա եղբայր Յովհաննէսին, որոնք նաւի մէջ նստած՝ իրենց ուռկաններն էին կարկատում:

Նրանց էլ կանչեց. և նրանք թողնելով իսկոյն նաւի մէջ իրենց հօրը— Զեբեթիային և ծառաներին, գնացին Նրա յետեից:

### 28.

ՅԻՍՈՒՍԸ ԿԱՓԱՌՆԱՌԻՄ ՔԱՂԱՔՈՒՄ: ԳԻԻԱՀԱՐԻ, ՊԵՏՐՈՍԻ ԶՈՔԱՆՉԻ ԵՒ ԱՅԼՈՑ ԲԺՇԿՈՒԹԻՒՆԸ:

Մատթ. դ. 13-16. Յիսուսը թողնելով Նազարէթը, եկաւ Գալիլիայի ծովեզրեայ քաղաքը Կափառնաում, որ

Զարուղոնի և Նեփթաղիմայի սահմաններումն էր: Որ կատարուի Նսայիա մարգարէի միջոցով ասուածը թէ.— Զարուղոնի երկրում և Նեփթաղիմայի երկրում, ծովի ճանապարհին, Յորդանանի միւս կողմը և Հեթանոսների Գայիլիայում խաւարի մէջ նստած ժողովուրդը՝ մեծ լոյս տեսաւ և մահի երկրում և ստուէրի մէջ նստողների վերայ՝ լոյս ծագեց:<sup>1)</sup>

Ղուկ. 31-37 Դ. Եւ երբ Կափառնաում եկաւ, շաբաթ օրերը ուսուցանում էր ժողովրդին: Եւ ժողովուրդը գարմանում էր Նրա վարդապետութեան վերայ, որովհետեւ իշխանութեամբ էր խօսում: Ժողովարանում պիղծ դեի ոգի ունեցող մի մարդ կար, նա բարձր ձայնով աղաղակեց ու ասաց.— «Թո՛ղ մեզ, ի՞նչ գործ ունիս մեզ հետ, Յիսուս Նազովրեցի, եկար որ մեզ ջնջես. զիտեմ թէ ով ես դու Սուրբ Աստուծոյ»: Յիսուսը սաստեց նրան ու ասաց.— «Պապանձուփր և դուքս եկ դրա միջից»: Եւ դեր ժողովարանի մէջ տեղը, գեանովը տուեց նրան և դուքս եկաւ նրա միջից:

Ամենքը գարմացած խօսում էին միմեանց հետ ու ասում.— «Ի՞նչ է նշանակում այս. նա իշխանութեամբ և զօրութեամբ հրամայում է պիղծ ոգիներին և նրանք դուքս են գալիս»:

Եւ Նրա համբաւը ամբողջ շրջակայքում տարածուեցաւ:

1) Մարգ Նսայի թ 1-2.

Մարկ. 29 Գիսուսը շուտով դուքս գալով ժողովարանից, Յակովբոսի և Յովհաննէսի հետ մտաւ Սիմոնի և Անդրիասի տուն:

Ղուկ. 39-41 Դ. Սիմոնի զոքանչը սաստիկ տանջւում էր ջերմից: Յիսուսին աղաչեցին որ նրան բժշկէ: Յիսուսը մօտեցաւ նրան, սաստեց ջերմին և ջերմը թողեց նրան: Նա իսկոյն վեր կացաւ և սկսեց ծառայել նրանց: Արևը մայր մտնելու ժամանակ, ամենքն էլ, որոնք զանազան ցաւերով հիւանդներ ունէին, բերին Նրա մօտ և Նա ամեն միւսի վերայ դնելով իւր ձեռքը՝ բժշկում էր նրանց:

Մատթ. 17 Որ կատարուի Նսայիա մարգարէի միջոցով ասուածը, թէ նա մեր հիւանդութիւնները վերացրեց և մեր ցաւերը կրեց:<sup>1)</sup>

Ղուկ. 42-45 Դ. Շատերից դեեր էին դուքս գալիս, որոնք աղաղակում էին ու ասում.— «Դու Քրիստոսն ես, Աստուծու Որդին»:

Յիսուսը սաստում էր նրանց և թոյլ չէր տալիս ասելու, որ իրենք վիտեն թէ Նա Քրիստոսն է:

Հետեւեալ օրը Նա դուքս եկաւ տնից և զրնաց մի անապատ տեղ: Ժողովուրդը որոնում էր նրան և գալով նրա մօտ՝ չէին թողնում հեռանալու:

Յիսուսը նրանց ասաց.— «Ուրիշ քաղաքներ

1) Այս վկայութիւնը բերուած է Նսայի մարգարէութիւնից համաձայն երրայական բնագրի. եօթանասնից բնագրին ասում է. «Նա մեր մեղքերը վերացրեց և մեզ համար շարձարուեց»: (Նսայի. ծգ. 4): Համեմատել նաև զլ. ծգ. 5-ի հետ: Տես 46-րդ մարգ.

րին էլ պէտք է աւետարանեմ Աստուծու Արքայութիւնը, որովհետեւ ես հէնց դրա համար եմ ուղարկուած»:

Եւ քարոզում էր Գալիլիայի ժողովարաններում:

**29.**

Չ Կ Ա Ն Ո Ր Ս Ը

<sup>Ղուկ. Ե. 1-11</sup> Երբ Յիսուսը կանգնած էր Գենեսարէթի ծովափի մօտ և Աստուծու խօսքերը լսելու համար նրա շուրջը մեծ բազմութիւն էր խոնուած, ծովակի ափին երկու նաւ տեսաւ: Ձկնորսները դուրս էին եկել նաւից և իրենց գործիքներն էին լուանում: Նա մտաւ Սիմոնի նաւը և խընդրեց մի փոքր ափից հեռացնել և ապա նստելով սկսեց նաւի միջից ժողովուրդին ուսուցանել:

Երբ խօսքը վերջացրեց, Սիմոնին ասաց.— «Նաւը դէպի խորը խաղացուր և ձգեցէք գործիքները՝ ձուկ որսալու»:

Սիմոնը պատասխանեց ու ասաց.— «Վարդապետ, ամբողջ գիշեր աշխատեցինք և ոչինչ չորսացինք. բայց որ ասում ես, կձգենք գործիքները»:

Երբ ձգեցին, այնքան շատ ձուկ որսացին, որ փոքր էր մնում թոռերը պատառուէին: Իսկոյն նշան տուին միւս նաւի մէջ եղող որսակից ընկերներին որ օգնեն իրենց, նրանք եկան և երկու նաւերն էլ ձկներով լցրին, այնպէս որ փոքր

էր մնում նաւերը խորասուզուէին: Երբ Սիմոն Պետրոսը տեսաւ այդ բանը, Յիսուսի ոտքերն ընկաւ ու ասաց.— «Տէր, ինձնից հեռու կաց, որովհետեւ ես մի մեղաւոր մարդ եմ»:

Այդ հրաշալի ձկան որսը երկիւղ ազդեց ոչ միայն Սիմոնին և նրա հետ եղողներին, այլ և Ձերեթիայի որդոց—Յակովբին ու Յովհաննէսին:

Յիսուսն ասաց Սիմոնին.— «Մի վախենայ, սրանից յետոյ մարդիկ կորսաս»:

Եւ նաւերը ցամաք հանելով ամեն բան թողին և գնացին նրա յետևից:

**30.**

ԳԱԼԻԼԻԱՅԻ ԲՈՐՈՏԻ ԵՒ ԿՍՓԱՌՆԱՌԻՄԻ ԱՆԴԱՄԱԼՈՒԾԻ ԲԺՇԿՈՒԹԻՒՆԸ

<sup>Ղուկ. Ե. 12-16</sup> Երբ Յիսուսը հասաւ Գալիլիայի քաղաքներից մինը, մի բորոտ մարդ եկաւ և տեսնելով Յիսուսին, երեսի վերայ ընկաւ, աղաչեց նրան ու ասաց.— «Տէր, եթէ կամենաս, կարող ես ինձ սրբել»: Յիսուսն իւր ձեռքը մեկնեց, մօտեցրեց նրան ու ասաց.— «Կամենում եմ, սրբուիր»: Բորոտութիւնն իսկոյն անցաւ: Յիսուսը պատուիրեց նրան ու ասաց.— «Ոչ ոքի չասես, այլ գնա և ՚ի վկայութիւն նոցա, ցոյց տուր քեզ քահանային և ինչպէս հրամայել է Մովսէսը, սուր մաքրուելուդ ընծան»: Նրա համբաւը աւելի և աւելի տարածուելով, ժողովրդի մեծ բազմութիւն էր հաւաքւում նրա քարոզները լսելու և իրենց հիւանդութիւններից բժշկուելու: Բայց

Նա անապատ տեղերն էր քաշուում և այնտեղ աղօթում:

Մարկ. ր. Մի քանի օրից յետոյ դարձեալ Կափառնա-  
1 ում եկաւ և լուր տարածուեցաւ որ Նա տանն է:

Ղուկ. Ե. Երուսաղէմից, Գալիլիայից և Հրէաստանի  
17-26 բոլոր քաղաքներից ժողովուած փարիսեցիներն ու  
օրինաց վարդապետները Նրա մօտ եկան, Նրա  
խօսքերը լսելու. և Տիրոջ զօրութիւնը (ներկայ  
էր<sup>1)</sup>) նրանց հիւանդներին բժշկելու:

Այդ միջոցին մարդիկ մահճի մէջ դրած մի  
անդամալոյծ բերին և կամենում էին տուն մըտ-  
ցնել և Յիսուսի առաջ գնել, բայց բազմութեան  
պատճառով չկարողացան ներս տանել. այն ժա-  
մանակ տանիք բարձրացրին և երդիկը քան-  
դելով անդամալուծին մահճով Քրիստոսի առաջ  
իջեցրին:

Յիսուսը տեսնելով նրանց հաւատը՝ ասաց  
անդամալուծին. — Այ մարդ, քո մեղքերդ ներուում  
են քեզ:

Դպիրներն ու փարիսեցիները սկսեցին դա-  
տողութիւններ անել և ասել. — Ո՞վ է այս հայ-  
հոյութիւններ խօսողը: Բացի Աստուծուց, ո՞վ  
կարող է մեղքեր ներել»:

Յիսուսն հասկանալով նրանց խորհուրդը  
պատասխանեց ու ասաց. — Ի՞նչ էք մտածում  
ձեր սրտերում: Ո՞րն է հեշտ ասել. ներուում են

1) Տիրոջ զօրութիւնը երեւում էր յանձին Յիսուս Քրիստո-  
սի, որ հիւանդներին բժշկելով յայտնի էր կացուցանում Տիրոջ  
զօրութեան ներկայութիւնը:

քեզ քո մեղքերը թէ՛ վեր կաց ու գնա: Բայց  
որպէս զի իմանաք, որ Մարդու Որդին իրաւունք  
ունի երկրի մէջ մեղքեր ներելու. ասաց անդա-  
մալուծին. — Վեր կաց, վերցրու մահիճդ և գնա  
քո տուն»:

Անդամալոյծն իսկոյն, ամենքի ներկայու-  
թեամբ վեր կացաւ, վերցրեց մահիճը և Աստու-  
ծուն փառաբանելով՝ գնաց իւր տուն:

Ամենքն էլ զարմացան, փառաւորեցին Աս-  
տուծուն և երկիւղով լցուած՝ ասացին. — «Այսօր  
նոր հրաշք տեսանք»:

Մարկ. ր. Շատերն էլ ասում էին. — «Այսպիսի բան  
12 մենք երբէք չենք տեսել»:

### 31.

#### ՄԱՏԹԷՈՍ ՄԱՔՍԱՒՈՐԻ ԿՈՉՈՒՄԸ

Մարկ. ր. Յիսուսը կրկին դուրս եկաւ ծովեզրը և  
13-22 բոլոր ժողովուրդը գնաց նրա յետևից և նա  
ուսուցանում էր նրանց: Անցնելիս նա տեսաւ  
Ալփիայի որդի Ղևիին,<sup>1)</sup> որ նստած մաքսի տուր-  
քըն էր գանձում և ասաց նրան. — «Ե՛կ իմ յե-  
տևից»: Երբ Յիսուսը մտնելով նրա տուն՝ նստեց,  
Նրա հետ նստեցին նաև նրա աշակերտներն ու  
շատ մաքսաւորներ, որոնք հետևում էին Նրան:

Երբ դպիրներն ու փարիսեցիները տեսան  
որ Յիսուսը մաքսաւորների և մեղաւորների հետ  
է ուտում, նրա աշակերտներին ասացին. — Ի՞նչ-

1) Ղևին—Մատթէոսի հրէական անունն էր:

պէս բան է, որ դուք մաքսաւորների ու մեղաւորների հետ էք ուտում և խմում»: Յիսուսը լսելով այդ՝ ասաց. — «Բժիշկն հիւանդներին է հարկաւոր և ոչ առողջներին: Ես եկայ ապաշխարութեան կանչելու մեղաւորներին և ոչ արդարներին»:

Յովհաննէսի աշակերտներն ու փարիսեցիները ծոմ էին. եկան և Յիսուսին ասացին. — «Ի՞նչն է պատճառը, որ Յովհաննէսի աշակերտները և փարիսեցիները ծոմ են պահում, իսկ քո աշակերտները չեն պահում»:

Յիսուսը պատասխանեց. — «Մի՞թէ առաքաւորը որդիքը փեսան իրենց մօտ եղած ժամանակ կարող են ծոմ պահել: Քանի որ փեսան իրենց մօտ է չեն կարող պահել: Բայց կգան օրեր, երբ փեսան կբաժանուի նրանցից, այն ժամանակ նրանք կպահեն»:

Ոչ ոք հին շորը նոր կտորով չի կարկատի, որովհետև նոր կտորը կձգէ հինը և պատառուածքըն աւելի վատ կլինի: Եւ ոչ ոք նոր զինին հին տկերի մէջ չի ամի, որովհետև զինին տկերը կճաքեցնի և այդպիսով թէ զինին կթափուի և թէ տկերը կոչնչանան:

Նոր զինին, պէտք է նոր տկերի մէջ ամել:



32.

ՊՐՈՊԱՏԻԿԷԻ ԱՆԿԱՄԱԼՈՒԹԻ ԲԺՇԿՈՒԹԻՒՆԸ

Յովհ. և. 1-15 **Մրանից յետոյ սկսուեց չրէից տօնը (Զատիկը) և Յիսուսն Երուսաղէմ գնաց:**

Երուսաղէմում, Պրոպատիկէ <sup>1)</sup> աւագանի մօտ, որ երբայեցերէն Բեթհեզդա էր կոչուում, հինգ սրահ կար, ուր հաւաքուած էին հիւանդների, կոյրերի, կաղերի և զոսացածների մեծ բազմութիւն, որոնք ջրի յուզուելուն էին սպասում:

Տիրոջ հրեշտակը ժամանակին աւագանն էր իջնում և ջուրը յուզում և ով որ ջրի յուզուելու ժամանակն էր մտնում, բժշկուում էր այլ ևս հիւանդութեան ոչ մի նշան չունենալով:

Այնտեղ մի մարդ կար, որ երեսուն և ութ

<sup>1)</sup> Պրոպատիկէ յունարէն բառ է, նշանակում ոչ իսա-րային: Զոհուելիք ոչխարներն այդ աւագանից էին խմում, յուացում և սրբում: Չրէաներն իրանց լեզուով այդ աւագանը կոչում էին Բեթհեզդա, որ նշանակում է Ողորմութեան տուն. այդ աւագանի ջրով էին բժշկուում հիւանդները և այդպիսով յայտնում Աստուծու սղորմութիւնը:

տարուց ի վեր հիւանդ էր: Յիսուսը տեսնելով նրան ընկած և իմանալով որ երկար ժամանակ է ինչ պառկած է, ասաց նրան. — «Կամենում ես առողջանալ»:

Հիւանդը պատասխանեց ու ասաց. — «Տէր, ոչ ոք չունիմ որ ջրի յուզուելու ժամանակն ինձ աւազանը ձգէ և մինչև իմ շարժուելը, ինձնից առաջ մի ուրիշն է իջնում»:

Յիսուսն ասաց. — «Վեր կաց, մահիճդ վերցրու և գնա»:

Նա առողջացաւ, վեր կացաւ, վերցրեց իւր մահիճն ու գնաց: Այն օրը շաբաթ էր: Հրէաները բժշկուածին ասացին. — «Այսօր շաբաթ է և դու չպէտք է մահիճդ վերցնես»: Նա պատասխանեց ու ասաց. — «Ինձ բժշկողն ասաց որ մահիճս վերցնեմ ու գնամ»:

Հարցրին նրան. — «Ո՞վ է այն մարդը, որ ասաց քեզ մահիճդ վերցրու և գնա»:

Բժշկուածն ինքն էլ չգիտէր, թէ ով էր իրեն բժշկողը, որովհետև մեծ բազմութիւն լինելու պատճառով, Յիսուսն արդէն հեռացել էր այնտեղից:

Սրանից յետոյ Յիսուսը գտնելով նրան տաճարում, ասաց. — «Ահա դու առողջացար, այլևս մի մեղանչիր, որ էլ չար բան չպատահի քեզ»:

Նա գնաց և հրէաներին պատմեց, որ իրեն բժշկողն Յիսուսն էր:

33.

Պ Բ Ո Պ Ա Տ Ի Կ Է Ի Ք Ա Ր Ո Ջ Ը

Յովհ. և. 36-47. Հրէաները տեսնելով, որ Յիսուսը շաբաթ օրերն է բժշկութիւններ անում, սկսեցին հալածել նրան:

Յիսուսն ասաց նրանց. — «Հայրս մինչև այժմ գործում է ես էլ եմ գործում». Հրէաներն աւելի ևս բորբոքուեցան և կամեցան սպանել նրան, որովհետև նա ոչ միայն շաբաթ օրերն էր լուծում, այլ և Աստուծուն իւր հայրն էր անուանում և իրեն Աստուծուն հաւասարեցնում:

Իրա համար Յիսուսն ասաց նրանց. — «Ծըշմարիտ, ճշմարիտն եմ ասում ձեզ, որ Մարդու Որդին ինքն իրենից ոչինչ չի կարող անել, եթէ չտեսնի որ Հայրն անում է: Որովհետև ինչ որ Հայրն է գործում, նոյնն և Որդին է գործում: Հայրը սիրում է Որդուն և ցոյց է տալիս իւր արած բոլոր գործերը. և սրանցից աւելի մեծ գործեր ցոյց կտայ, որի վրայ դուք կգարմանաք: Ինչպէս Հայրը յարութիւն է տալիս և կենդանացնում է մեռելներին, այնպէս էլ Որդին որին կամենայ կը կենդանացնէ: Հայրը ոչ ոքի չէ դատում, նա ամենայն մի դատաստան Որդուն տուեց, որպէսզի ամենքն էլ ինչպէս Հօրն են պատում, այնպէս էլ Որդուն պատուեն: Ով Որդուն չէ պատում, նշանակում է նա չէ պատում նրան ուղարկող Հօրը: Ծշմարիտ, ճշմարիտն եմ ասում, որ իմ խօսքը լսողը և ինձ Ու-



դարկողին հաւատացողը՝ յաւիտենական կեանք կունենայ. նա դատաստանի տակ չի ընկնի, այլ մահից դէպի կեանքը կերթայ:

Ճշմարիտ, ճշմարիտն եմ ասում ձեզ, որ կգայ ժամանակ և արգէն եկել է, երբ մեռելները կլսեն Աստուծու Որդու ձայնը և լսողները պէտք է ապրեն: Որովհետեւ ինչպէս Հայրն ինքն իւր մէջ կեանք ունի, այդպէս էլ Որդուն տուեց, որ ինքն իւր մէջ կեանք ունենայ: Եւ դատելու իշխանութիւն տուեց նրան, որովհետեւ նա Մարդու Որդին է: Այս բանի վերայ մի գարմանաք, որովհետեւ կգայ ժամանակ, երբ գերեզմաններում եղողները կլսեն Աստուծու Որդու ձայնը: Եւ յարութիւն առնելով՝ դուրս կգան գերեզմաններից. բարիք գործողները կեանքի, իսկ չարիք գործողները՝ դատապարտուելու համար:

Ես ինքս ինձնից ոչինչ չեմ կարող գործել: Ինչպէս լսում եմ, այնպէս էլ դատում եմ և իմ դատաստանը արդար է. որովհետեւ ես ոչ թէ իմ կամքն եմ որոնում, այլ ինձ ուղարկող Հօր կամքը: Եթէ ես ինձ համար վկայեմ, այն ժամանակ իմ վկայութիւնը ճշմարիտ չի լինի: Ուրիշն է որ վկայում է ինձ համար և դուք գիտէք որ ճշմարիտ է այն վկայութիւնը, որով ինձ համար վկայեց:

Դուք ուղարկեցիք Յովհաննէսի մօտ և նա վկայեց ճշմարտութեան մասին: Ասենք ես չեմ էլ ընդունում մարդկանց վկայութիւնը. բայց այս բանն այն պատճառով եմ ասում, որ դուք

փրկուէք: Նա վառուող և լոյս տուող մի ճրագ էր, բայց դուք քիչ ժամանակ միայն կամեցաք նրա լուսով ուրախանալ:

Ես Յովհաննէսի վկայութիւնից աւելի մեծ վկայութիւն ունիմ, այդ այն գործերն են, որ Հայրս տուեց ինձ կատարելու: Հենց այդ կատարածս գործերը վկայում են, որ Հայրն է ինձ ուղարկել:

Եւ ինձ ուղարկող Հայրն ինքը վկայեց ինձ համար: Իսկ դուք ոչ նրա ձայնն էք լսել և ոչ նրա կերպարանքն էք տեսել: Դուք ձեր մէջ չունիք բնական նրա խօսքը, որովհետեւ դուք նրա ուղարկածին չէք հաւատում:

Քննեցէք գրքերը, որոնցով և կարծում էք թէ յաւիտենական կեանք էք ունենալու: Հենց այդ գրքերն են որ վկայում են ինձ համար. բայց դուք չէք կամենում գալ ինձ մօտ, որ կեանք ունենաք: Ես մարդկանցից փառք չեմ ընդունում, բայց ես ճանաչում եմ ձեզ. դուք ձեր մէջ դէպի Աստուած սէր չունիք: Ես եկայ Հօրս անունով և դուք ինձ չէք ընդունում, եթէ մի ուրիշն իւր անունով գայ, նրան կընդունէք: Դուք ինչպէս կարող էք հաւատալ, քանի որ փառքն իրարից էք ստանում, իսկ այն փառքն որ մի Աստուծուցն է, դուք չէք որոնում:

Չկարծէք թէ ես պէտք է մեղադրեմ ձեզ Աստուծու առաջ. դուք ունիք մեղադրող և նա Մովսէսն է, որի վերայ դրել էք ձեր յոյսը: Որովհետեւ եթէ դուք հաւատայիք Մովսէսին, ինձ էլ

կհաւատայիք, որովհետեւ նա իմ մասին գրեց:<sup>1)</sup>  
Եւ եթէ նրա գրածներին չէք հաւատում, իմ  
խօսքերին ինչպէս պէտք է հաւատաք»:

34.

ԱՇԱԿԵՐՏՆԵՐԻ ՀԱՍԿ ԿՈՐՁԵԼԸ. — ԿԱՓԱՌՆԱՌԻՄԻ ԳՈՒՍԱՅԱՐԻ ԲԺՇԿՈՒԹԻՒՆԸ

<sup>1-8</sup> Մատթ. Ժ. Յիսուսը մի շաբաթ օր անցնում էր արտերի միջով: Նրա աշակերտները քաղցելով, սկսեցին հասկեր կտրել, փշրել և ուտել: Փարիսեցիները տեսնելով այդ՝ ասացին. — «Քո աշակերտներն անում են այն, որ չպէտք է շաբաթ օրն անել»:

Յիսուսն ասաց. — «Դուք չէք կարգացել արդեօք Դաւթի արածը, որ երբ ինքն ու իւր հետ եղողները քաղցեցան, Աստուծու տունը մտան և առաջաւորութեան հացերը կերան, որ օրէնքով<sup>2)</sup> միայն քահանաները կարող էին ուտել և ոչ ինքը կամ իրեն հետ եղողները<sup>3)</sup>: Կամ թէ չէք կարգացել արդեօք օրէնքում, որ շաբաթ օրերը քահանաները տաճարում շաբաթն են պղծում և անմեղ են<sup>4)</sup>: Բայց ասում եմ ձեզ, որ տաճարից մեծն այստեղ է:

Եւ եթէ հասկանայիք թէ ի՞նչ է նշանակում

1) Տես 17-րդ մարդ.

2) Ղևտ. իդ 5-9.

3) Թագ. իա 1-6.

4) Յիսուսն ակնարկում է որ քահանաները շաբաթ օրերը, զոհեր էին մատուցանում, կենդանիներ մորթում ողջակիզում և այլն (Թուոց իր. 9.):

— «Ողորմութիւն եմ կամենում և ոչ զոհ» — խօսքը,<sup>1)</sup> այն ժամանակ դուք անմեղներին չէիք դատապարտի: Որովհետեւ Մարդու Որդին նաև շաբաթի տէրն է»:

<sup>2-10</sup> Ղուկ. Դ. Հետեալ շաբաթ օրը ուսուցանելու համար, նրանց ժողովարանը մտաւ: Այնտեղ մի մարդ կար, որի աջ ձեռքը գոսացած էր: Դպիրներն ու փարիսեցիները հետևում էին, որ տեսնեն թէ կբժշկէ՞ արդեօք նրան շաբաթ օրը, որպէս զի շարախօսելու առիթ ունենան: Բայց Յիսուսն հասկանալով նրանց միտքը, գոսացածին ասաց. — «Վեր կաց և մէջ տեղը կանգնիր»:

Նա էլ վեր կացաւ ու կանգնեց:

Յիսուսն ասաց նրանց. — «Հարցնում եմ ձեզ. շաբաթ օրը բարիք պէտք է գործել թէ՞ չար. հոգի ապրեցնել թէ՞ կորցնել»:

Եւ զայրացած նայելով իրեն շրջապատողներին, զիմեց գոսացածին ու ասաց. — «Մեկնիր ձեռքդ»: Նա մեկնեց և միւսի նման առողջացաւ:

<sup>14</sup> Մատթ. Ժ. Փարիսեցիները դուրս գալով, խորհուրդ արին թէ ինչպէս կորցնեն նրան: Բայց Յիսուսն իմանալով այդ՝ այնտեղից հեռացաւ:

35.

ԱՌՆՔԵՍՆԵՐԻ ԸՆՏՐՈՒԹԻՒՆԸ.

<sup>7-8</sup> Մարկ. Դ. Յիսուսն իւր աշակերտներով դէպի ծովեզրը դնաց և ժողովուրդն էլ, որ եկել էր Գալիլիայից,

1) Ովսիայ գ. 6.

Հրէաստանից, Երուսաղէմից և Յորդանանի միւս կողմից՝ նրա յետևիցն էր գնում: Տիւրոսի և Սիդոնի շրջակայքում բնակուողները լսելով նրա կատարած գործերի մասին, մեծ բազմութեամբ գալիս էին նրա մօտ:

Մատթ. Ժբ. 15-21. Նա բժշկեց ամենքին և պատուիրեց որ իւր մասին ոչ ոքի բան չյայտնեն, որ կատարուի Նասայիա մարգարէի միջոցով ասուածը<sup>1)</sup>— «Ահա իմ մանուկը որին ընտրեցի և իմ սիրելին որին հաւանեցի: Իմ Հոգին նրա վերայ կրնեմ և հեթանոսներին իրաւունք կպատմի: Չի հակառակուի, չի աղաղակի և նրա ձայնը հրապարակներում ոչ ոք չի լսի: Չախջախուած եղէզը չի փշրի և առկայծեալ պատրոյզը չի հանգցնի մինչև որ դատաստանը յաղթութեան հանէ: Եւ հեթանոսները նրա անուանը կյուսան

Ղուկ. 12-13. Յետոյ, աղօթելու համար լեառը բարձրացաւ և ամբողջ գիշերն Ասատուծուն աղօթելով անցկացրեց: Առաւօտը կանչեց իւր աշակերտներին և նրանցից տամուկերու հոգի ընտրեց, որոնց առաքեալներ անուանեց:

Մարկ. 4. 14-19. Դրանք պէտք է միշտ իւր հետ լինէին, քա-

1) Նասայիա մարգ. գլխ. խբ. 1-4. Յիշեալ մարգարէութիւնը բաղկացած է երեք մասից, առաջին մասը ցոյց է տալիս Յիսուսի Աստուծու Որդի լինելը և նրա պաշտօնի բարձրութիւնը: Միջին մասը ցոյց է տալիս, որ Յիսուսը իւր պաշտօնը խոնարհութեամբ, հեզութեամբ և քաղցրութեամբ պէտք է կատարէր. իսկ վերջին մասը, որ նա իւր խաչով, կատարեալ յաղթութիւն պիտի տանէր: Բառացին (տես 23-րդ մարգ.) վերցրած է եօթանասնից թարգմանութիւնից: Մատթէոսը յիշեալ մարգարէութիւնը երբայական օրինակի համեմատ է առաջ բերել:

րողելու ուղարկուէին և ցաւեր բժշկելու ու դեք հանելու իրաւունք ունենային: Որոշեց.— Սիմոնին, որին Պետրոս անուանեց: Չեբեթիայի որդի Յակովբին և սրա եղբայր Յովհաննէսին, որոնց անունները Բաներգէս դրեց, որ նշանակում է Որդի Որոտման: Անգրիասին ու Փիլիպպոսին: Բարգուղիմէոսին և Մատթէոս մաքսաւորին: Թովմասին և Ալփիայի որդի Յակովբոսին: Թաղէոսին, Սիմոն Կանանացուն և Յուդա Իսկարիովտացուն, որն և մատնեց նրան:



36.

Լ Ե Ր Ա Ն Ք Ա Ր Ո Ջ Ր<sup>1)</sup>.

Ղուկ. 4. 17-19. Յիսուսն իւր առաքեալներին հետ իջաւ մի տափարակ տեղ, ուր նրա աշակերտներն էին ժողովուած. և նրա խօսքերը լսելու և իրենց հի-

1) Յիշեալ քարոզը, որ Յիսուսի խօսած գլխաւոր քարոզներից միսն է. յայտնի է «Լեւրան քարոզ» անունով, սրբահեռ Յիսու-

ւանդութիւններից բժշկուելու համար Հրէաստանից, Երուսաղէմից և Տիւրոսի ու Սիդոնի ծովեզրից մեծ բազմութիւն էր հաւաքուած: Եկած էին նաև պիղծ ոգի ունեցողներ, որոնք բժշկուում էին: Եւ ամբողջ ժողովուրդը ուզում էր դիպչել Նրան, որովհետև նրանից զօրութիւն էր դուրս գալիս և ամենքին բժշկում:

Մատ. Լ. 2. — Նա բանալով իւր բերանը՝ խօսքն ուղղեց իւր աշակերտներին և ասաց.

Ա.

Մատթ. Լ. 3-12 — Երանի հոգով աղքատներին, որովհետև նրանցն է Երկնքի Արքայութիւնը:

Երանի սպաւորներին, որովհետև նրանք պէտք է մխիթարուին:

սըն այդ քարոզը խօսել է կախառնաումի լերան վերայ, որի երկու գագաթների մէջ տեղը գտնուած տափարակում ժողովուել էին Նրա առաքեալները, աշակերտներն ու ժողովրդի մեծ բազմութիւն:

Քրիստոնեաներն այդ լերանը «Երանութեանց լեռն» են անուանում, որովհետև քարոզը սկսուած է «Երանութիւններով»: Այդ ընդարձակ քարոզը, որ Մատթէոսն առաջ է բերում երեք ամբողջ գլխների մէջ, իսկ Ղուկասը՝ համառօտ կերպով, բաժանուած է հինգ մասի:

Ա. մասն ուսուցանում է, որ մարդուս ոչ թէ արտաքին, այլ ներքին առաւելութիւններն են բարձրացնում: Մարդուս բարոյական և առաքինի յատկութիւններն ու գործերն են, որ «Երանելի» են դարձնում:

Բ. մասը վերաբերում է այն մեծ նշանակութեանը, որ ստացան Հին-Ուխտի սրատուիրանները Նոր-Ուխտի մէջ:

Գ. մասը վերաբերում է երեք մեծ բարեպաշտական գործեր կատարելու ձևին:

Դ. մասը առաջ է բերում անհատական կեանքի կատարելութեան պայմանները. և

Ե. մասը շօշափում է ընկերական կեանքի մէջ նկատուելիք սկզբունքները և տալիս է քարոզի վերջաբանը:

Երանի հեղահոգիներին, որովհետև նրանք պէտք է ժառանգեն երկիրը:

Երանի նրանց, որոնք արդարութեան համար քաղցած ու ծարաւ են, որովհետև նրանք պէտք է կշտանան:

Երանի ողորմածներին, որովհետև նրանք պէտք է ողորմութիւն գտնեն:

Երանի նրանց որոնք սրտով սուրբ են, որովհետև նրանք պէտք է Աստուծուն տեսնեն:

Երանի խաղաղարարներին, որովհետև նրանք պէտք է Աստուծու որդիք կոչուին:

Երանի արդարութեան համար հալածուածներին, որովհետև նրանցն է Երկնքի Արքայութիւնը:

Երանի է ձեզ, երբ իմ պատճառով կնախատեն ձեզ, կհալածեն և վրաներդ չարախօսութիւն կանեն:

Ցնծացէք և ուրախացէք, որովհետև շատ մեծ է ձեր վարձքը երկնքում. այդպէս հալածեցին նաև ձեզնից առաջ եղող մարգարէներին:

Մատթ. Լ. 13-16 Դուք երկրի աղն էք, եթէ աղն իւր համը կորցնէ, էլ ինչպէս կարելի է նրան իւր համը տալ. չէ՞ որ բացի դէն ձգելուց և մարդկանցից ոտնակոխ լինելուց, էլ ուրիշ բանի պէտք չի գայ:

Դուք աշխարհի լոյսն էք: Լերան վերայ կանգնած քաղաքը չի կարող թաղնուել: Եւ վաւելով ճրագը, զրուանի<sup>1)</sup> տակ չեն դնում, այլ

1) Դրուան. ցորեն չափելու փայտեայ աման—չանախ.

աշտանակի վերայ և նա լուսաւորում է տան մէջ եղողներին:

Թող ձեր լոյսն այդպէս լուսաւորէ մարդկանց առաջ, որպէս զի ձեր բարի գործերը տեսնեն և ձեր Երկնաւոր Հօրը փառաւորեն:

Ղուկ. 7. 24-26  
Բայց վայ ձեզ հարուստներիդ, որովհետև ձեր մխիթարութիւնն արդէն ստացել էք:

Վայ ձեզ, որ կուշտ էք այժմ, որովհետև յետոյ պէտք է քաղցէք:

Վայ ձեզ, երբ մարդիկ ձեր մասին լաւը կասեն, որովհետև նրանց հայրերն այդպէս էին վարուում սուտ մարգարէների հետ:

Բ

Մատթ. և. 17-42  
**Չկարծէք թէ ես (Մովսէսի) օրէնքներն ու մարգարէների գրուածները քանդելու եմ եկել. ոչ, քանդելու չեմ եկել այլ լրացնելու:** Ճըշմարիտն եմ ասում, որ թերևս երկիրքն ու երկիրը ջնջուին, բայց օրէնքներից ու մարգարէների գրուածներից յովտի<sup>2)</sup> չափ մի կէտ անգամ չի ջնջուիլ, որովհետև բոլորն էլ պէտք է կատարուի:

Ով այս փոքրիկ պատուիրաններից մի բան անգամ քանդէ և մարդկանց այնպէս ուսուցանէ, նա Երկնքի Արքայութեան մէջ փոքր կը կոչուի:

2) Յովտ—հայերէն նշանակեց, երբայցեցեղն իօտ և յունարէն իօտա. առհասարակ գործ էր դրւում ամենափոքր կամ ամենահնչին բան ցոյց տալու համար: Յովտը երբայցեցոց այբբենարանի ամենափոքրիկ նշանադիրն էր:

իսկ ով կը կատարէ և կուսուցանէ, նա մեծ կը կոչուի: Բայց ասում եմ ձեզ, որ եթէ ձեր արդարութիւնը դպիրների և փարիսեցիների արդարութիւնից չի գերազանցի, չէք կարող Երկնքի Արքայութիւնը մտնել:

Դուք լսեցիք որ ձեր նախնիքներին ասուեցաւ.—Մի սպանիր. ով որ սպանէ պարտական կլինի դատաստանին:<sup>1)</sup> Բայց ես ասում եմ ձեզ.—Եթէ մինը զուր տեղը բարկանայ եղբօր վերայ, պարտական կլինի դատաստանին: Ով իւր եղբօրը յիմար ասէ, պարտաւոր կլինի Ատե նին<sup>2)</sup>. իսկ ով իւր եղբօրը խենթ ասէ, պարտական կլինի գեհենի կրակին<sup>3)</sup>: Եթէ զու ընծադ գոհի սեղանի վերայ մատուցանելու ժամանակն յիշես, որ եղբայրդ քո դէմ մի խէթ ունի, ընծադ սեղանի առաջ թող և զնա, նախ եղբօրդ հետ հաշտուիր և ապա եկ ընծադ մատուցանելու:

Հակառակորդիդ հետ շուտով, քանի որ նը-

1) Ելից Ժ. 13.

2) Այսինքն հրէից բարձրագոյն դատաստանին—Մինեղրիօնին:

3) Այդ կրակը նոր - կտակարանի մէջ գեհեն բառով է բացատրուած: Գեհեն բառը Գէ-Եննոմ բառի աղաւարտած ձևն է, որ նշանակում է Ջոր—Ենոմի և զանուում է երուսաղէմի մօտ. որ արևմտեան կողմից սկսուելով իջնում է դէպի հարաւ և խառնուում է Կեղրոնի ձորի հետ: Աքաղի և Մանասէի ժամանակ այդ ձորը կուռքերի նուիրուեցաւ. իսկ Յովսիան կործանելով այդ կուռքերը՝ ձորը պղծեց և նրանից յետոյ Գէ-Եննոմ կամ Գեհեն անունը պիղծ տեղի համանիշն եղաւ (տես Բ. մնաց. իր. 3. լգ. 6. գ. Թագ. իգ. 10) նոր կտակարանի մէջ Գեհեն բառը գործածուեցաւ իբրև դատապարտալների դժոխք:

րա հետ ճանապարհունն ես՝ հաշտուիր. որպէս-  
զի, չլինի թէ հակառակորդդ դատաւորի ձեռքը  
մասնէ քեզ և դատաւորն էլ դահճի և բանար  
ձգուիս: Ճշմարիտն եմ ասում քեզ, որ մինչև  
վերջին նաքարակիրդ (մօտ 1<sup>1</sup>/<sub>2</sub> կող.) չվճարես,  
այնտեղից չես կարող դուրս գալ:

Լսեցիք որ ձեր նախնիքներին ասուեցաւ.—  
Մի շնար: <sup>1)</sup> Բայց ես ասում եմ ձեզ, որ ով կը-  
նայէ որ և է կնոջ նրան ցանկանալու մտքով,  
նա արդէն իւր սրտի մէջ շնացաւ նրա հետ:  
Եթէ աջ աչքդ գայթակղեցնէ քեզ, հանիր ու  
դէն ձգիր, որովհետև լաւ է անդամներիցդ մինը  
կորչի, քան ամբողջ մարմինդ գեհեհնի մէջ ընկնի:  
Եւ եթէ աջ ձեռքդ գայթակղեցնէ քեզ, կտրիր  
ու դէն ձգիր, որովհետև լաւ է որ անդամների-  
ցըդ մինը կորչի, քան ամբողջ մարմինդ գեհեհն  
ընկնի:

Ասուեցաւ նոյնպէս, որ ով իւր կնոջն ար-  
ձակէ, թող նրան արձակման թուղթ տայ <sup>2)</sup>:  
Բայց ես ասում եմ ձեզ.— ով որ արձակէ իւր  
կնոջն առանց պոռնկութեան պատճառի, նա ա-  
ռիթ է տալիս նրան պոռնկութիւն անելու. և ով  
արձակուած կնոջն է առնում, նա էլ է պոռնը-  
կութիւն անում:

Լսեցիք դարձեալ որ ձեր նախնիքներին  
ասուեցաւ թէ.— Սուտ մի երդուիր և Տիրոջը

1) Ել. Է. 14.

2) Բ. Օր. Խդ. 1:

տուած երդումդ կատարիր: <sup>1)</sup> Բայց ես ասում  
եմ,— ամենևին մի երդուէք. ոչ երկնքով, որով-  
հետև Աստուծու աթոռն է և ոչ երկրով, որով-  
նրա ոտքի պատուանդանն է. ոչ Երուսաղէմով,  
որովհետև Մեծ Թագաւորի քաղաքն է: Եւ մի  
երդուիր գլխովդ, որովհետև չես կարող մէկ մա-  
ղըդ անգամ սպիտակ կամ թուխ դարձնել: Եւ  
թող ձեր խօսքը լինի.— այոն՝ այո և ոչն՝ ոչ. և  
սրանից աւելին՝ չարիցն է: Լսեցիք որ ասուե-  
ցաւ.— Աչքն՝ աչքի և տտամն ատամի տեղ: <sup>2)</sup>  
Բայց ես ասում եմ ձեզ,— չարին մի հակառակէք,  
այլ եթէ մէկն աջ ծնոտիդ ապտակ խփէ, միւսն  
էլ դարձրու: Ով որ կամենայ քեզ հետ դատուել  
և շապիկդ առնել, նրան բաճկոնդ էլ տուր: Եւ  
ով որ ստիպէ քեզ իւր հետ մի մզոն գնալ, նրա  
հետ երկուսը գնայ:

Քեզանից ուզողին տուր և փոխ առնել կա-  
մեցողից երեսդ մի դարձնի:

<sup>30</sup> Դուկ. 4. Եթէ մէկին փոխ տուիր, էլ ետ մի պահանջիր:  
<sup>43-45</sup> Մատթ. 5. Յետոյ լսեցիք որ ասուեցաւ.— Սիրբը ըն-  
կերոջդ և առիր թշնամուդ: <sup>3)</sup> Բայց ես ասում  
եմ ձեզ,— սիրեցէք ձեր թշնամիներին, օրհնեցէք  
ձեզ անիծողներին. բարի արէք ձեզ ատողներին  
և աղօթեցէք ձեզ տանջողների և հալածողների  
համար, որ ձեր Երկնաւոր Հօր որդիքը լինէք,  
որովհետև իւր արեգակը և շարերի և բարինե-

1) Դևտ. ԺԺ. 12.  
2) Ել. Խա. 23-25:  
3) Դևտ. ԺԺ. 18:

րի վերայ է ծագում և անձրև է թափում թէ արդարների և թէ մեղաւորների վերայ: Եթէ սիրէք նրանց, որոնք ձեզ են սիրում, ինչ վարձ կունենաք, չէ՞ որ մաքսաւորներն էլ նոյնն են անում:

Ղուկ. 7. 33-36 Եթէ ձեր բարերարներին բարութիւն անէք, ինչ վարձ կունենաք, չէ՞ որ մեղաւորներն էլ նոյնն են անում:

Եւ եթէ նրանց էք փոխ տալիս, որոնցից ետ ստանալու յոյս ունիք, ինչ վարձ կունենաք, չէ՞ որ մեղաւորներն էլ մեղաւորներին են փոխ տալիս, որպէս զի նոյն չափով ետ ստանան:

Բայց դուք փոխ տուէք և ոչինչ մի սպասէք. և դուք մեծ վարձ կստանաք և Բարձրեալի որդիք կլինէք, որովհետև նա բարի է դէպի ապերախսներն ու չարերը: Ուրեմն, եղէք ողորմած՝ ինչպէս ձեր Հայրը ողորմած է:

Մատթ. 5. 47-48 Եթէ միայն ձեր բարեկամներին ողջոյն տաք, ինչ աւելի բան էք անում, չէ՞ որ մաքսաւորներն ու մեղաւորներն էլ նոյնն են անում:

Ուրեմն, եղէք կատարեալ՝ ինչպէս ձեր Երկնաւոր Հայրը կատարեալ է:

Գ.

Մատթ. 4. 1-18 Զգոյ՛ջ կացէք ողորմութիւն տալու ժամանակ, չլինի թէ մարդկանց ներկայութեամբ անէք, նրանց ցոյց տալու նպատակով, այս դէպքում ձեր Երկնաւոր Հօրից վարձ չէք ստանայ: Երբ ողորմութիւն տալու լինիս, առաջդ փող մի

փշիր, ինչպէս այդ մարդկանցից փառաւորուելու համար կեղծաւորներն են անում՝ ժողովարաններում և հրապարակներում: Ճշմարիտն եմ ասում ձեզ, որ նրանք ստանում են արդէն իրենց վարձը:

Իսկ ողորմութիւնդ այնպէս տուր, որ աջ ձեռքդ չիմանայ, թէ ինչ է գործում ձախդ, որպէս զի տուած ողորմութիւնդ ծածուկ լինի և քո Հայրը, որ տեսնում է ծածուկը, յայտնապէս կհատուցանէ քեզ:

Եւ երբ աղօթում ես, կեղծաւորների նման մի լինիր, որոնք սիրում են մարդկանց ցոյց տալու համար ժողովարաններում և հրապարակների անկիւններում աղօթել. ճշմարիտն եմ ասում ձեզ, որ նրանք ստանում են արդէն իրենց վարձը:

Իսկ դու, երբ աղօթել կամենաս, սենեակդ մտիր, դուռդ փակիր և ծածուկ աղօթիր, և Հայրդ, որ տեսնում է ծածուկը, յայտնապէս կհատուցանէ քեզ:

Աղօթելու ժամանակ հեթանոսների նման մի շատախօսէք, որովհետև նրանք այնպէս են կարծում, թէ իրենց շատախօսութեամբ կարող են լսելի լինել:

Ուրեմն նրանց մի նմանուէք, որովհետև Հայրը մինչև ձեր խնդրելն արդէն գիտէ, թէ ձեզ ինչ է հարկաւոր:

Իսկ քո այսպէս աղօթեցէք.

Հայր մեր, որ յերկինս ես. սուրբ եղիցի անուն քո. եկեսցէ արքայութիւն քո. եղիցին կամք քո որպէս յերկինս և յերկրի. զհաց մեր հանապազորդ՝ տո՛ւր մեզ այսօր. և թող մեզ զպարտիս մեր, որպէս և մեր թողումք մերոց պարտապանաց. և մի՛ տանիր զմեզ ՚ի փորձութիւն, այլ փրկեան զմեզ ՚ի շարէն, զի քո է արքայութիւն և զօրութիւն և փառք յաւիտեանս ամէն<sup>1)</sup>։

Որովհետև եթէ դուք մարդկանց իրենց յանցանքները ներէք, ձեր Երկնաւոր Հայրն էլ ձեզ կներէ։ Իսկ եթէ չներէք մարդկանց իրենց յանցանքները, ձեր Հայրն էլ չի ների ձեր յանցանքները։

Պաս պահելու ժամանակն էլ կեղծաւորների նման մի արամէք, որոնք իրենց տխուր զէմքով կամենում են ցոյց տալ մարդկանց թէ իրենք պաս են պահում։ Ծշմարիտն եմ ասում ձեզ, որ հէնց այդ է նրանց վարձը։

Իսկ դու երբ պաս պահելու լինիս, օծի՛ր գլուխդ իւղով, լուսն երեսդ, որպէս զի պաս պա-

1) Մեր երկնաւոր Հայր, սուրբ լինի քո անունը. քո թագաւորութիւնը գայ. լինի քո կամքը ինչպէս երկնքում, այնպէս էլ երկրիս վերայ. մեր ամենօրեայ հացը, այսօր էլ տուր մեզ. և ների՛ր մեր պարտքերը, ինչպէս մենք էլ մեր պարտապաններին ենք ներում. մեզ փորձութեան մէջ մի ձգիր, այլ ազատիր մեզ շարից. որովհետև քոնն է արքայութիւնը, զօրութիւնն ու փառքը յաւիտեանս. ամէն։

հող երևաս ո՛չ թէ մարդկանց, այլ Հօրդ առաջ. և Հայրդ որ տեսնում է ծածուկը՝ յայտնապէս կհատուցանէ քեզ։

Գ.

Մատթ. Գ. 19-34. **Չ**եր գանձերն երկրիս վերայ մի հաւաքէք, ուր ցեցն ու ուտիճն են ապականում և ուր գողերը գետնի տակ փորում են ու գողանում։ **Չ**եր գանձերն երկնքումն հաւաքեցէք, ուր ոչ ցեցն ու ուտիճը կապականեն և ոչ գողերը գետնի տակը կփորեն և կգողանան։<sup>1)</sup> Որովհետև ուր ձեր գանձերն են հաւաքուած, այնտեղ էլ ձեր սրտերը կլինեն։ Մարմնի ճրագը աչքն է, եթէ աչքդ պարզ է, ամբողջ մարմինդ լուսաւոր կլինի, իսկ եթէ աչքդ խաւար է, ամբողջ մարմինդ խաւար կլինի։ Այսպէս ուրեմն, եթէ քո մէջ եղած լոյսը խաւար է, խաւարն սրչափ աւելի։

Ոչ ոք չէ կարող երկու տիրոջ ծառայել կամ մինին պէտք է սիրէ՝ միւսին ատէ, կամ միւսին պէտք է պատուի՝ միւսին արհամարէ։

**Չէք կարող և՛ Աստուծուն և՛ մամոնային ծառայել։**<sup>2)</sup> Դրա համար էլ ասում եմ ձեզ, հո-

1) Այսինքն ձեր գանձերը ողորմութեան և բարի գործերի վերայ գործ դրէք, որովհետև ով որ ողորմութիւն է տալիս, նա իւր գանձը Աստուծուն է յանձնում, ուր մնում է ապահով։ Համեմատել—«Ով որ ողորմութիւն է տալիս անանկին՝ Աստուծուն է փոխ տալիս» (Առակ. ԺԹ. 17)։

2) Մամոնայ բառը ասորական ծագումն ունի և նշանակում է ստացուածք, ինչք, գանձ։



գու համար հոգ մի անէք, թէ ինչ պէտք է ուտէք կամ ինչ պէտք է խմէք. և ոչ էլ ձեր մարմիններէի համար, թէ ինչ պէտք է հագնէք: Չէ որ ոգին կերակուրից և մարմինը հագուստից բարձր է:

Նայեցէք երկնքի թռչուններին, որոնք ոչ վարում, ոչ հնձում և ոչ էլ շտեմարաններումն են ժողովում, բայց ձեր Երկնաւոր Հայրը կերակրում է նրանց. միթէ գուք նրանցից աւելի չէք: Ձեզանից ո՞րն իւր վերայ հոգս անելով, կարող է իւր հասակի վերայ մի կանգուն աւելցնել: Հագուստի համար ինչո՞ւ էք հոգս անում: Նայեցէք վայրի շուշանին թէ ինչպէս է աճում. ոչ աշխատում է և ոչ մանում: Ասում եմ ձեզ, Սողոմոնն անգամ իւր բոլոր փառքերի մէջ նըրանցից և ոչ միին պէս շոր չհագաւ: Եթէ վայրի խոտը, որ այսօր կայ և վաղը կրակը պէտք է ձգուի Աստուած այդպէս է հագցնում, հապս ո՞րչափ աւելի ձեզ համար կհոգայ, թերահաւատներ:

Այսուհետև հոգս մի անէք և ստէք, թէ ինչ ուտենք, կամ ինչ խմենք և կամ ինչ հագնենք: Այդ բաները միայն հեթանոսներն են խնդրում, որովհետև ձեր Երկնաւոր Հայրը զիտէ, որ այդ ամենը հարկաւոր է ձեզ: Դուք նախ Աստուծու Արքայութիւնը և նրա արգարութիւնը խնդրեցէք և այդ ամենը կարուի ձեզ:

Այսուհետև հոգս մի անէք վաղուան համար, որովհետև վաղն ինքն իւր համար կհոգայ. իւ-

րաքանչիւր օրուան համար՝ իւր նեղութիւններն էլ բաւական է:

Ե.

Մատթ. է. <sup>1-6</sup> Մի դատէք, որ չդատուիք, որովհետև ինչ դատաստանով դատէք, նրանով պէտք է դատուիք և ինչ չափով չափէք, նրանով պէտք է չափուէք: Ինչո՞ւ եղբօրդ աչքի շիւղը տեսնում ես և քո աչքի գերանը չես տեսնում: Կամ ինչպէս ես ասում եղբօրդ թող քո աչքի շիւղը հանեմ, այն ինչ քո աչքում գերան կայ:

Կեղծաւոր, առաջ քո աչքի գերանը հանիր և յետոյ նայիր եղբօրդ աչքի շիւղը հանելու:

Սրբութիւնները շներին մի տաք և ձեր մարգարիտները խոզերի առաջ մի թափէք, որպէս զի նրանք ոտնակոխ չանեն և յետ դառնան ու ձեզ պատառոտեն:

Ղուկ. <sup>5-8</sup> Ժա. Ձեզանից ո՞վ է այն մարդը, որ եթէ բարեկամ ունենայ և այդ բարեկամը կէս գիշերին գայ նրա մօտ և ասէ.— Բարեկամ, երեք հաց փոխ տուր, որովհետև բարեկամս եկել է ճանապարհից և ոչինչ չունեմ նրա առաջ դնելու, նա ներսիցն ասէ.— Մի նեղացնիր ինձ, որովհետև դուռն արդէն փակ է և մանուկներս էլ հետս պառկած են անկողնում, չեմ կարող վեր կենալ ու քեզ հաց տալ: Ասում եմ ձեզ, որ եթէ այդ մարդը յանուն բարեկամութեան էլ վեր չըկենայ ուղածը տալու, գոնէ նրա թախանձանքներին զիջանելով՝ վեր կը կենայ և կտայ:

Մատթ. է. 7-29  
 Խնդրեցէք և կտրուի ձեզ, որոնեցէք և կը  
 գտնէք, բաղխեցէք դուռը և կը բացեն: Որով-  
 հետև խնդրողը՝ կստանայ, որոնողը՝ կգտնի և  
 բաղխողի առաջ՝ կբացուի դուռը: Արդեօք ո՞վ է  
 ձեզանից այն մարդը, որ եթէ իւր որդին հաց  
 խնդրէ, քար տայ նրան և կամ ձուկ խնդրէ՝ օձ  
 տայ նրան:

Ուրեմն, դուք որ չար էք, գիտէք ձեր որդոց  
 բարի պարգևներ տալ, հապա սրբան աւելի ձեր  
 Երկնաւոր Հայրը բարի բաներ կտայ նրանց,  
 որոնք խնդրում են իրենից:

Այսպէս, այն ամենն ինչ որ կամենում էք  
 որ մարդիկն անեն ձեզ, այնպէս էլ դուք արէք  
 նրանց, որովհետև հենց սա է օրէնքն ու մար-  
 գարէութիւնը:

Նեղ դռնով մտէք, որովհետև լայն է այն  
 դուռը և ընդարձակ այն ճանապարհը, որ դէպի  
 կորուստն է տանում. և շատերն են այդ ճանա-  
 պարհով գնում: Բայց նեղլիկ է այն դուռը և  
 նեղ այն ճանապարհը, որ դէպի կեանքն է տա-  
 նում և քչերն են նրան գտնում:

Զգուշացէք սուտ մարգարէներից, որոնք  
 ոչխարի զգեստներով են գալիս ձեզ մօտ, իսկ  
 ներսից յափշտակող գայլեր են: Իրենց պողից  
 ճանաչեցէք նրանց: Մի՞թէ կարելի է փշից խա-  
 դող քաղել կամ տատասկից թուզ: Այսպէս, ամեն  
 բարի ծառ՝ բարի պտուղ է բերում, իսկ չար  
 ծառը՝ չար պտուղ է տալիս: Բարի ծառը, չի  
 կարող չար պտուղ տալ և ոչ էլ չար ծառը՝ բա-

րի պտուղ տալ: Այն ծառը, որ բարի պտուղ չէ  
 բերում՝ կը կտրուի և կրակը կը ձգուի: Ուրե-  
 մն իրենց պողից ճանաչեցէք նրանց:

Ամեն մարդ, որ ինձ Տէր—Տէր է կանչում  
 չի մտնի Երկնքի Արքայութիւնը, այլ նա միայն,  
 ով որ կատարում է Երկնաւոր Հօրս կամքը:

Շատերն ինձ այն օրը կասեն.—«Տէր, Տէր,  
 չէ որ Քո անունով մարգարէացանք և Քո տնու-  
 նով դևեր հանեցինք ու հրաշքներ գործեցինք»:  
 Այն ժամանակ նրանց կասեմ.—«Երբէք ձեզ չեմ  
 ճանաչել. հեռացէք ինձնից անօրէնութիւն գոր-  
 ծողներ»:

Նա, որ իմ խօսքերը լսում ու կատարում  
 է, նման է այն իմաստուն մարդուն, որ իւր  
 տունը քարի վերայ շինեց: Եկան անձրևները,  
 վարարեցին գետերը, փչեցին քամիները, խփե-  
 ցին տանը և տունը չկործանուեց, որովհետև  
 հիմքը քարի վերայ էր դրուած:

Եւ նա, որ իմ խօսքերը լսում է, բայց չէ  
 կատարում, նման է այն յիմար մարդուն, որ  
 իւր տունը ավազի վերայ շինեց: Եկան անձրև-  
 ները, բարձրացան գետերը, փչեցին քամիները,  
 խփեցին տանը և տունն ընկաւ:—Նրա կործա-  
 նումը խիստ մեծ էր:

Երբ Յիսուան իւր քարոզը վերջացրեց, ժո-  
 դովուրդը զարմացաւ Նրա վարդապետութեան  
 վերայ, որովհետև նա ուսուցանում էր ոչ որ-  
 պէս գալիւրները, այլ որպէս իշխանութիւն ու-  
 նեցող:

37

ՀԱՐԻԻՐԱՊԵՏԻ ԵՄՈՒՅԻ ԲԺՇԿՈՒԹԻՒՆԸ ԵՒ ՆԱՅԻՆԻ ՊԱՏԱՆՈՒ ՅԱՐՈՒԹԻՒՆԸ

Ղուկ. է. 1-17 **Յիսուսը վերջացնելով քարոզը՝ Կափառնա-**  
ում մտաւ:

Մի հարիւրապետի ծառայ, որ շատ սիրելի էր իւր տիրոջը, մահամերձ հիւանդ էր: Երբ հարիւրապետը լսեց Յիսուսի մասին, հրէաների ծերերից ոմանց Նրա մօտ ուղարկելով, աղաչեց որ գայ և իւր ծառային բժշկէ:

Նրանք գալով Յիսուսի մօտ, թախանձանօք աղաչեցին և ասացին.— «Նա արժանի է որ այդ շնորհն անես, որովհետև նա սիրում է մեր ազգը և մեզ համար ժողովարան շինեց»: Յիսուսը նրանց հետ գնաց և երբ մօտեցաւ տանը, հարիւրապետն Յիսուսի մօտ բարեկամներ ուղարկեց՝ ասելու.— Տէր, դու նեղութիւն մի քաշիր, որովհետև ես արժանի չեմ, որ դու յարկիս տակ մտնես: Այդ պատճառով էլ ես ինձ արժանի չհամարեցի քեզ մօտ գալու: Եթէ դու մի խօսք ասես, ծառաս կբժշկուի: Որովհետև ես էլ իշխանութեան տակ գտնուող մարդ եմ. բայց ձեռքիս տակ զինուորներ ունենալով, մէկին ասում եմ—Գնա, և գնում է. միւսին—Ե՛կ. և դալիս է. ծառայիս պատուիրում եմ—այս բանն արա՛. և անում է»:

Յիսուսը լսելով այս՝ զարմացաւ և դառնալով իրեն հետևող ժողովրդին՝ ասաց.— «Ճշշ-

մարիան եմ ասում ձեզ, որ Իսրայէլի մէջ անգամ, այսչափ հաւատք չգտայ»:

Ուղարկուածները տուն վերադառնալով՝ հիւանդ ծառային բժշկուած գտան:

Հետևեալ օրն երբ Նա գնում էր Նային քաղաքը, Նրան հետևում էին իւր աշակերտները և ժողովրդի մեծ բազմութիւն: Երբ քաղաքի դռանը մօտեցան, այնտեղից մի մեռեալ էին դուրս բերում, որ մի այրի մօր միակ որդին էր: Քաղաքից շատ ժողովուրդ էր գնում նրա յետևից:

Երբ Յիսուսը մօրը տեսաւ խղճաց ու ասաց.— «Լաց մի լինիր»: Եւ առաջ անցնելով, մօտեցաւ դագաղին. տանողները կանգ առան. և Յիսուսն ասաց.— «Պատանի քեզ եմ ասում, վեր կաց»:

Մեռեալը վեր կացաւ, նստեց և սկսեց խօսել: Յիսուսը նրան իւր մօրն յանձնեց: Ամենքն էլ վախեցան, փառաւորում էին Աստուծուն և ասում.— «Մեր մէջ մեծ մարգարէ է երևացել և Աստուած այցելութիւն արաւ իւր ժողովրդին»:

Յիսուսի մասին եղած այս կարծիքը տարածուեցաւ Հրէաստանում և ամբողջ շրջակայքում:

38.

ՅՈՎՀԱՆՆԷՍ ՄԿՐՏԻԶԸ ՊԱՏԳԱՄԱԽՈՐՈՒԹԻՒՆ Է ՈՒՎԱՐԿՈՒՄ ՅԻՍՈՒՍԻ ՄՕՏ:—ՅԻՍՈՒՍԸ ԳՈՎՈՒՄ Է ՅՈՎՀԱՆՆԷՍ ՄԿՐՏԻՆ

Ղուկ. է. 18-35 **Յովհաննէս մկրտչի աշակերտներն այս ա-**  
մենը իրենց վարդապետին պատմեցին: Նա կան-

չելով իւր աշակերտներից երկուսին, ուղարկեց Յիսուսի մօտ, որ հարցնեն.— «Այն դու ես, որ պէտք է գայ, թէ՞ ուրիշին սպասենք»:

Նրանք Յիսուսի մօտ գալով ասացին.— «Մեզ Յովհաննէս Մկրտիչն է ուղարկել քեզ մօտ, որ հարցնենք թէ՛ դու այն ես որ պէտք է գայ, թէ՛ ուրիշին սպասենք»:

Յիսուսն հենց այդ ժամանակ շատերին հիւանդութիւններից, ցաւերից և չար ոգիներից բժշկեց և շատ կոյրերի էլ տեսողութիւն շնորհեց: Ապա դարձաւ Յովհաննէսի աշակերտներին և ասաց.— «Գնացէք և Յովհաննէսին պատմեցէք ինչ որ տեսաք. կոյրերը տեսնում են, կազերը գնում, բորոտները սրբւում են և խուլերը լսում. մեռելները յարութիւն են առնում և աղքատներին Աւետարան է քարոզւում: Երանելի է նա, որ իմ մասին չէ գայթակղւում»:

Երբ Յովհաննէսի աշակերտները վերադարձան՝ Յիսուսն սկսեց խօսել ժողովրդի հետ Յովհաննէսի մասին:

— «Ի՞նչ տեսնելու գնացիք անապատը. արդեօք մի եղէ՞գն, որ շարժւում է քամուց: Արդեօք փափուկ հանդերձներով զարդարուած մի մարդ: Բայց փափուկ կեանք վարող և երևելի հանդերձներով զարդարուածները՝ թագաւորական պալատներում են ապրում: Հապա ի՞նչ տեսնելու գնացիք, արդեօք մի մարգարէ: — Այո, ասում եմ ձեզ, աւելի մեծ քան մարգարէն:

Սա է որի համար գրուած է.— «Ահա ու-

ղարկում եմ հրեշտակս քո առջևից, որ քո ճանապարհը պատրաստէ»:<sup>1)</sup> Ճշմարիտն եմ ասում ձեզ, որ կանանց ծնունդների մէջ Յովհաննէսից մեծ մարգարէ չկայ, բայց Աստուծու Արքայութեան միջի փոքրագոյնը՝ նրանից մեծ է»:

Բոլոր ժողովուրդն ինչպէս և մաքսաւորները լսելով այս, փառաւորեցին Աստուծուն, որովհետև Յովհաննէսի մկրտութեամբ էին մկրտուել: Իսկ փարիսեցիներն ու օրինականներն իրենց վերաբերմամբ անարգեցին Աստուծու խորհուրդը՝ նրանից չմկրտուելով:

Այն ժամանակն Յիսուսն ասաց.— «Արդ, ո՞ւմ նմանեցնեմ այս ազգի մարդկանց և ո՞ւմ են նման: Սրանք նման են այն մանուկներին, որոնք հրապարակներում նստած, կանչում են իրար և ասում.— «Ձեզ համար փող փչեցինք և պար չեկաք. ողբ երգեցինք և լաց չեղաք»: Յովհաննէս Մկրտիչն եկաւ, ո՞չ հաց էր ուտում և ո՞չ զինի խմում և ասում էիք դե կայ նրա մէջ: Մարդու Որդին եկաւ, ուտում է և խմում. և ասում էք.— «Ահա ուտող և արբեցող մարդ, մաքսաւորների և մեղաւորների բարեկամ»: Եւ իմաստութիւնն արդարացաւ իւր որդիներով:<sup>2)</sup>

39.

ՄԵՂԱՒՈՐ ԿԻՆՐ. — ՄԻՋՆԱԻԼՊ ՓԱՐԻՍԵՅԻ ՍԻՄՈՆԻ ՏԱՆՐ:

Ղուկ. է. 36-50. **Փ**արիսեցիներից մինը (որի անունը Սիմոն

<sup>1)</sup> Մարգ. մարգ. գ. 1.

<sup>2)</sup> Այսինքն.— Երկնքի արքայութեան իմաստութիւնը փառաբուրեցաւ իւր հետնորդներով:

էր) խնդրեց Յիսուսին իւր մօտ ճաշելու: Յիսուսը մտնելով փարիսեցու տունը, ճաշի նստեց: Այս քաղաքում մի մեղաւոր (պոռնիկ) կին կար, երբ տեղեկացաւ, որ Յիսուսը փարիսեցու տանն է, մի շիշ թանկագին իւղ վերցրեց, եկաւ փարիսեցու տուն և Յիսուսի ետևի կողմից, նրա ոտքերի մօտ կանգնելով՝ սկսեց լաց լինել, իւր արտասուքներով թրջել նրա ոտքերը, իւր գլխի մազերով սրբել և համբուրելով ոտքերը՝ իւղով օծել:

Յիսուսին հրաւիրող փարիսեցին տեսնելով այս՝ ասաց իւր մտքում.— Եթէ սա մարգարէ լինէր, կիմանար թէ ո՞վ է և ինչպիսի կին է իրեն մօտեցող այս մեղաւոր կինը:

Յիսուսն հասկանալով փարիսեցու մտքինն ասաց.— «Միմոն, ուզում եմ քեզ մի բան ասել»: Փարիսեցին ասաց.— «Ասո՛ւ, վարդապետ»:

Յիսուսն ասաց.— «Մի փոխատու երկու պարտապան ունէր, մինը հինգ հարիւր դահեկան<sup>1)</sup> էր պարտ, իսկ միւսը՝ յիսուն: Բայց որովհետև նրանք վճարելու կարողութիւն չունէին, փոխատուն երկուսին էլ ներեց իրենց պարտքը: Այժմ ասո՛ւ ինձ, նրանցից ո՞րն աւելի կսիրէ փոխատուին»:

Միմոնը պատասխանեց.— «Կարծում եմ նա, որին շատ ներեց»:

Յիսուսն ասաց.— «Ուղիղ դատեցիր» և ցոյց տալով կնոջն՝ ասաց Միմոնին.— «Տեսնո՞ւմ ես

1) Դահեկանը = 60 կոպ.

այս կնոջը: Ես եկայ քո տուն, դու ոտքերս լուսնալու շուր չտուիր, իսկ սա իւր արտասուքով թրջեց ոտքերս և իւր մազերով սրբեց: Դու ինձ մի համբոյր էլ չտուիր, իսկ սա այստեղ գալուց մինչև այժմ չի դադարում ոտքերս համբուրելուց: Դու հասարակ իւղով անգամ չօծեցիր գլուխս, իսկ սա ոտքերս անուշահոտ իւղով օծեց: Ուստի, ասում եմ քեզ, որ ներում են սրա շատ մեղքերն հենց այն պատճառով, որ շատ սիրեց: Իսկ քիչ սիրողին՝ քիչ էլ կներուի»:

Եւ կնոջն ասաց.— «Ներում են քեզ քո մեղքերը»:

Յիսուսի հետ ճաշի նստողներն սկսեցին իրենց մտքումն ասել.— Ո՞վ է սա, որ մեղքերն էլ է ներում:

Յիսուսը դարձաւ կնոջ ու ասաց.— «Քո հաւատը քեզ փրկեց, զնա խաղաղութեամբ»:

### 40.

ՅԻՍՈՒՍԻՆ ՀԵՏԵՒՈՂ ԿԱՆԱՅԻ:—ԿՈՅՐ ՈՒ ՀԱՄԲ ԳԻՒԱ-  
ՀԱՐԻ ԲԺՇԿՈՒԹԻՒՆԸ

Ղուկ. Է. 1-3. Մրանից յետոյ Յիսուսն իւր տասներկու աշակերտների հետ սկսեց շրջել քաղաքներն ու գիւղերը, քարոզում և աւետարանում էր Աստուծու Արքայութիւնը:

Նրա հետ էին նաև մի քանի կանայք, որոնց բժշկել էր չար ոգիներից և հիւանդութիւններից, ինչպէս Մարիամ Մագթաղինացին որից եօթն

դևեր էին գուր եկել, Հերովդէսի հազարապետ Քուղայի կին Յովաննան, այնուհետև Շուշանը և ուրիշ շատ կանայք, որոնք իրենց ստացուածքով ծառայում էին Յիսուսին:

Մարկ. 9.  
20-21 Կերջապէս եկան տուն և իսկոյն ահագին բազմութիւն հաւաքուեցաւ, այնպէս որ նոյն իսկ հաց ուտել չկարողացան: Իւր մերձաւորները տեսնելով այդ, գնացին որ նրան բռնի կերպով տուն բերեն, որովհետև կարծում էին, թէ նա իրեն կորցրել է:<sup>1)</sup>

Մատթ. 22-23 Եւ յն ժամանակ մօտեցաւ մի կոյր ու համր դիւահար և Յիսուսը բժշկեց նրան, այնպէս որ համր ու կոյր դիւահարը սկսեց խօսել ու տեսնել: Ժողովուրդը զարմացած ասում էր՝.— «Զըլինի՞ թէ սա Դաւթի որդի Քրիստոսն է»:

### 41.

ՅԻՍՈՒՍԸ ՀԵՐՔՈՒՄ Է ԳԻՒԱԿԱՆ ԶՕՐՈՒԹԻՒՆԸ ԵՒ ՆԱԽԱՏՈՒՄ ՓԱՐԻՍԵՅԻՆԵՐԻՆ:

Մատթ. 24-27 Երբ փարիսեցիները լսեցին այդ՝ ասացին. — «Դա, դևերի իշխան Բեհեզբուղի զօրութեամբ<sup>2)</sup> է դևեր հանում»: Յիսուսն իմանալով

1) Թէ նա իրեն կորցրել է. այսինքն ընկել է ինքնամոռացութեան մէջ: Յիսուսը տուն վերադառնալով, պէտք է հանգստանար և ճաշէր. բայց ահագին բազմութիւն տեսնելով, նա ստիպուեցաւ խօսել ու նրանց հիւանդներին բժշկել. տանեցիք տեսնելով այդ, գուրս եկան և զօրով տուն մտցրին որ նրան հանգստանալու և ճաշելու միջոց տան:

2) Հրէաները ստատանաների կամ դևերի մեծին Բեհեզբուղ էին կոչում, վերցնելով փղտապիւնների Բահադ-ղերուր աստուծու անունից:

նրանց խորհուրդն՝ ասաց. — «Ամենայն մի թագաւորութիւն, որ ինքն իւր մէջ է բաժանուում կը կործանուի և ամենայն մի քաղաք կամ տուն, որ ինքն իւր մէջ է բաժանուում՝ չէ կարող հաստատուն մնալ:

Եւ եթէ սատանան կարողանայ ստատանայ հանել, նշանակում է ինքն իւր դէմ է գործում, ուրեմն էլ ինչպէս կարող է մնալ նրա իշխանութիւնը: Եթէ ես Բեհեզբուղի զօրութեամբ եմ դևեր հանում, հապա ձեր որդիքն<sup>1)</sup> ո՞ւմ զօրութեամբ են հանում: Ահա այս պատճառով նրանք ձեր դատաւորները կլինեն: Իսկ եթէ ես Աստուծու Հոգով եմ դևեր հանում, ապա ուրեմն հասել է ձեզ Աստուծու Արքայութիւնը: Կամ ինչպէս կարող է ոք մին ուժեղ մարդու տուն մտնել և յափշտակել նրա կայքը. չէ՞ որ նախ պէտք կլինի կապել այդ ուժեղ մարդուն և ապա թէ կողոպտել տունը:

Ով ինձ հետ չէ, նա հակառակ է ինձ. և ով որ ինձ հետ չէ ժողովում՝ նա ցրւում է: Այդ պատճառով ասում եմ ձեզ. — ամենայն մի մեղք և հայհոյութիւն կնեւրուի մարդկանց, բայց Հոգու դէմ ուղղուած հայհոյութիւնը՝ չի նեւրուի:

Եթէ մինը որևէ բան խօսի Մարդու Որդու վերայ, կնեւրուի նրան. բայց եթէ Սուրբ Հոգու վերայ խօսի, ո՞չ այս աշխարհում կնեւրուի և ո՞չ

3) Այսինքն ձեր երգմանցուցիչները: Հրէաների մէջ երգմանցուցիչ էին կոչուում այն անձինք, որոնք Աստուծու անունով և ս. Գրքի ընթերցմամբ զիւահարներ էին բժշկում: (տես զբեր. 66-րդ գլուխը):

հանդերձեալու՞մ: Կամ ծառը բարի ընդունեցէք  
և նրա պտուղն էլ բարի. և կամ ծառը չար ըն-  
դունեցէք և նրա պտուղն էլ չար, որովհետև  
ծառն իւր պտղիցն է ճանաչուում:

Օձի գաւազներ, ինչպէս կարող էք դուք  
բարի խօսել, քանի որ չար էք. որովհետև բե-  
րանը սրտի աւելացածիցն է խօսում: Բարի  
մարդն իւր սրտի բարի գանձից՝ բարիք է հա-  
նում, իսկ չար մարդը՝ չարիք: Բայց ասում եմ  
ձեզ, որ ամենայն մի դատարկ խօսքի համար,  
որ կասեն մարդիկ, դատաստանի օրը հաշիւ պէտք  
է տան: Որովհետև քո խօսքերով պէտք է ար-  
դարանաս և քո խօսքերով դատապարտուիս»:

42.

ՓԱՐԻՍԵՅԻՆԵՐԸ ՅԻՍՈՒՍԻՅ ԼՐԱՇՔ ԵՆ ՊԱՀԱՆՋՈՒՄ:  
ՅԻՍՈՒՍԻ ՅԱՆՂԻՄԱՆԱԿԱՆ ՊԱՏԱՍԽԱՆԸ:—ՅԻՍՈՒՍԻ  
ՄՕՐՆ ԵՐԱՆՈՂ ԿԻՆԸ

<sup>Մատթ.ժբ</sup>  
<sup>38-45</sup> **Փ**արիսեցիներից և դպիրներից ոմանք, այդ  
նախաճական խօսքերը լսելուց յետոյ՝ ասացին  
Յիսուսին.—Վարդապետ, ուզում ենք քեզնից  
մի նշան տեսնել»:

Յիսուսը պատասխան տուեց և ասաց.—  
«Շնացող և չար ազգը նշան է խնդրում և բացի  
Յովնան մարգարէի նշանից, ուրիշը չի տրուի»:

Ինչպէս Յովնան մարգարէն երեք օր ու  
երեք գիշեր կէս ձկան փորի մէջ էր, այնպէս  
էլ Մարգու Որդին երեք օր ու երեք գիշեր եր-  
կրբի սրտի մէջ կլինի: Նինուէացիները վեր կը

կենան դատաստանի օրն այս ազգի դէմ և կը  
դատապարտեն սրան, որովհետև նրանք Յովնանի  
քարոզութեամբ զղջացին. բայց անա Յովնանից  
մեծն այստեղ է:

Չարաւի թագուհին վեր կը կենայ դատաս-  
տանի օրն այս ազգի դէմ և կդատապարտէ սը-  
րան, որովհետև նա հեռաւոր երկրից եկաւ Սո-  
ղոմոնի իմաստուն խօսքերը լսելու. բայց անա  
Սողոմոնից մեծն այստեղ է: Երբ պիղծ աստանան  
դուրս է գալիս մարգու միջից, անջրդի տեղերն  
է շրջում, հանգստութիւն է որոնում և չէ զրա-  
նում: Այն ժամանակն ասում է. — Վերագտնամ  
իմ տուն, որտեղից դուրս եկայ և գալով, գտնում  
է այն պարսպ, մաքրուած և կարգի ձգուած:  
Այն ժամանակ գնում է ու վերցնում իւր հեռ  
եօթը սատանայ իրենից աւելի չար. և մանելով՝  
բնակուում է այնտեղ և այն մարգու վերջը  
առաջուկանից վատթար է լինում: Ահա այս չար  
ազգի հեռ էլ այսպէս կլինի»:

<sup>Ղուկ.</sup>  
<sup>27-28</sup> Երբ Յիսուսն այս բաներն էր խօսում, ժո-  
ղովրդի միջից մի կին բարձրացնելով ձայնը՝  
աղաղակեց.—«Երանի՛ այն որովայնին, որ քեզ  
կրեց և այն ստինքներին որ քեզ կերակրեցին»:

Յիսուսն ասաց.—«Մանաւանդ երանի՛ նրանց  
որոնք լսում ու կատարում են Աստուծու խօսքը:

43.

Ք: ՈՐՈՆՔ ԵՆ ՅԻՍՈՒՍԻ ՄԱՅՐՆ ՈՒ ԵՂՐԱՅՐՆԵՐԸ

<sup>Մատթ.ժբ</sup>  
<sup>46-50</sup> Երբ Յիսուսը խօսում էր ժողովրդի հետ,  
նրա մայրն ու եղբայրները կանգնել էին այն-

տեղ և կամենում էին նրա հետ խօսել:

Ժողովրդականներից մինը դարձաւ Յիսուսին և ասաց.— «Ահա քս մայրն ու եղբայրներն<sup>1)</sup> եկել են և ուզում են քեզ հետ խօսել»:

Յիսուսը պատասխանեց նրանց ու ասաց.— «Ո՞վ է իմ մայրը և ո՞վքեր են իմ եղբայրները»:

Նա ձեռքը մեկնեց զէպի աշակերտներն ու ասաց.— «Ահա սրանք են իմ մայրն ու եղբայրները: Ով որ կը կատարէ իմ երկնաւոր Հօր կամքը, նա է իմ եղբայրը, քոյրը և մայրը»:

44.

ՍԵՐՄԱՆԱՅԱՆԻ ՍՌԱԿԸ

Մատթ. 1-23 Ժ Երուսաղիմի մտնող ժողովուրդը: Այնտեղ մեծ բազմութիւն էր հաւաքուել, որոնք մինչև նրա նաւ մտնելն ու նստելը՝ կանգնած սպասում էին:

Յիսուսն սկսեց առակներով խօսել նրանց

1) Այստեղ «եղբայրներ» անելով աւետարանիչներն ակնարկում են Յակոբին, Յովսէսին, Սիմօնին և Յուդային, որոնք ոչ թէ Մարիամից և Յովսէփից ծնուած հարազատ եղբայրներ էին կամ Յովսէփի առաջին կնոջից ծնուածները՝ ինչպէս այդ կարծում էր, այլ Յիսուսի ազգականներն էին, ծնուած Յովսէփի եղբայր կղեւիցասի և ոմն Մարիամի ամուսնութիւնից, ինչպէս այդ յիշում են Մատթէոսը (Իէ. 56), Մարկոսը, (Ժե, 40) և Յովհաննէսը (Ժթ. 25): Յիշեալ Յակովբը, Յովսէսը, Սիմօնը և Յուդան իրենց քոյրերով որոնց յիշում են աւետարանիչները բաց առանց անունները տալու, իբրև Յիսուսի հօրեղբօր որդիք բաց առանց անունանոց արեւելեան ազգերի և մասնաւորապէս ժամանակի, մասնաւորապէս արեւելեան համաձայն, իբարու «եղբայր» էին հանրէից ազգի սովորութեան համաձայն, իբարու «եղբայր» էին համարում (տես նաև զբրիս 133 գլխի ծանօթութիւնը):

հետ և ասաց.— «Ահա, դուք եկաւ սերմանացանք սերմ ցանելու: Սերմանելու ժամանակ, սերմերից մինն ընկաւ ճանապարհի վերայ, թռչունն եկաւ ու կերաւ: Մինն էլ ընկաւ քարքարոտ տեղ, ուր շատ հող չկար և հողի պակասութեան պատճառով՝ շուտ բուսաւ: Բայց երբ արևը ծագեց, այրուեցաւ և որովհետև արմատ չունէր՝ չորացաւ: Մի ուրիշն ընկաւ փշերի մէջ, փշերը դուրս եկան ու խեղդեցին նրան:

Իսկ այն սերմերը, որ լաւ հողի մէջ ընկան՝ բուսան ու պտուղ տուին որը հարիւր, որը վաթսուն և որն՝ երեսուն:

Ով լսելու ականջ ունի՝ թո՛ղ լսէ:

Աշակերտները մօտենալով նրան՝ ասացին.— «Ի՞նչու ես նրանց հետ առակներով խօսում»: Յիսուսը պատասխան տուեց ու ասաց.— «Այն պատճառով, որ ձեզ տուած է երկնքի Արքայութեան խորհուրդն հասկանալու շնորհք, իսկ նրանց չէ տուած: Որովհետև ով որ ունի նրան կտրուի և կաւելանայ. իսկ ով որ չունի, նրանից ունեցածն էլ կխլուի: Այն պատճառով եմ առակներով խօսում նրանց հետ, որ տեսնում են ու չեն տեսնում, լսում են ու չեն լսում և մտքումը չեն պահում: Եւ այսպիսով կատարուում է նրանց վերայ Եսայիայի մարգարէութիւնը, որ ասում է.— Լսելով կլսէք և չէք իմանայ, տեսնելով կտեսնէք ու չէք տեսնի: Որովհետև թանձրացաւ այս ժողովուրդի սիրտը և ականջներով ծանր են լսում: Փակեցին իրենց ականջները որ չլսեն.



չեն իմանում սրտով և դարձի չեն գալիս, որ ես նրանց բժշկեմ: <sup>1)</sup>

Բայց երանի՜ ձեր աչքերին, որ տեսնում են և ձեր ականջներին՝ որ լսում են: Ճշմարիտն եմ ասում ձեզ, որ շատ մարգարէներ և արդարներ ցանկացան տեսնել ձեր տեսածներն ու շատն և լսել ձեր լսածներն ու չլսեցին:

Իսկ այժմ լսեցէք դուք սերմանացանի առակի քաջասրտիկներ:

Ճանապարհին ընկած սերմը, օրինակ է ա՛յն մարդուն, որ լսում է Արքայութեան մասին ասած խօսքերն ու մտքումը չէ պահում. չարը գալիս է և յափշտակում է նրա սրտի մէջ սերմանածը:

Քարքարոտ հողի վերայ սերմանածն այն է, որ խօսքը լսելուն պէս, ուրախութեամբ ընդունում է այն, բայց որովհետև արմատ չունի և ժամանակաւոր է, հենց որ խօսքի համար նեղութիւն կամ հալածանք է լինում՝ շուտով գայթակղւում է:

Փշերի մէջ սերմանածն այն է, որ թէև լըսում է խօսքը, բայց աշխարհիս հոգսերն ու հարստութեան հրապոյրը խեղդում ե խօսքը և տնպտուղ է լինում:

Բայց լաւ հողի մէջ սերմանածն այն է, որ լսում է խօսքը և մտքումն է պահում ու պտուղ տալիս, որը հարիւր, որը վաթսուն և որն՝ երեսուն:

<sup>1)</sup> Մարգ. Եսայի զ. 9-10.

45.

ՅԻՍՈՒՍԸ ՍԵՐՄԵՐԻ, ՄԱՆԱՆՆԵՒԻ ՍԵՐՄԻ, ԽՄՈՐԻ, ԳԱՆՁԻ ՄԱՐԳԱՐՏԻ ԵՒ ՈՒՌԿԱՆԻ ԱՌԱԿՆԵՐՈՎ ԲԱՅԱՏՐՈՒՄ Է ԵՐԿՆՔԻ ԱՐԲԱՅՈՒԹԵԱՆ ԿԱՄ ԱԻՆՏՏՐԱՆԻ ՏԱՐԱԾՈՒՄՆ ՈՒ ԿԱԶՄՈՒԹԻՒՆԸ

<sup>26-29</sup> Մարկ. զ. Այսպէս է Աստուծու Արքայութիւնը. ինչպէս եթէ մի մարդ սերմ ձգէր հողի մէջ, և աշիւս խնամք սանեղա պէտք չզգարով ինքը քնէր և վեր կենար. աղոյսն գիշեր ու ցերեկ յայտնողիկ իրար իսկ սերմերն իրենք իրենց բուսնէին ու աճէին: Նա չգիտէ թէ երկիրն ինքն է պտղաբերողը, որը նախ կանաչն է արտադրում, յետոյ հասկը և ապա հասկը ցորենով լցնում: Բայց երբ պտուղ է տալիս, իսկոյն մանկազ է ուղարկում, որովհետև հուճն հասել է:

<sup>31-33</sup> Մատթ. յգ Մի ուրիշ առակ էլ պատմեց նրանց՝ ասելով.— Երկնքի Արքայութիւնը նման է մանանեխի սերմին, որ մի մարդ վերցրեց և իւր արտի մէջ ցանեց: Նա թէև սերմերից փոքրագոյնն է, բայց երբ աճում է, բոլոր բանջարներից աւելի է մեծանում և ծառ դառնում, այնպէս որ երկնքի թռչունները գալիս ու հանգստանում են նրա ոտերի վերայ:

Մի ուրիշ առակ էլ ասաց նրանց.— Երկնքի Արքայութիւնը նման է խմորի, որ մի կին վերցրեց և երեք գրիւ <sup>1)</sup> ալիւրի հետ խառնեց, մինչև որ ամենն էլ խմորուեցաւ:

<sup>1)</sup> Գրիւ ալիւրը = մօտ 20 ֆ. ալիւրին.

Մատթ. 24  
44-50 Երկնքի Արքայութիւնը նման է դարձեալ արտի մէջ ծածկուած դանձին, որ մի մարդ գրանելով այն՝ թագցրեց և գնաց, ուրախութիւնից ծախեց իւր բոլոր ունեցածն ու այն արտը գնեց:

Երկնքի Արքայութիւնը նման է դարձեալ գեղեցիկ մարգարիտներ որոնող վաճառականին, որ մի պատուական մարգարիտ գտնելով, գնաց իւր բոլոր ունեցածը ծախեց ու այն մարգարիտը գնեց:

Երկնքի Արքայութիւնը նման է դարձեալ ծովի մէջ ձգուած և ամեն տեսակի ձուկ բռնող ուռկանին, որն երբ լցուեցաւ ցամաք հանեցին և նստելով՝ լաւերն ամանների մէջ ժողովեցին, իսկ անպէտքները՝ դէն ձգեցին: Այդպէս կլինի նաև աշխարհիս վերջը: Հրեշտակները դուրս կգան և չարերին արդարների միջից ջոկելով՝ կրակի հնոցի մէջ կձգեն. այնտեղ նրանք լաց կլինեն և ատամները կը կրճտացնեն:

46.

Ո Ր Ո Մ Ի Ա Ռ Ա Կ Ը

Մատթ. 24  
24-30 Մի ուրիշ առակ էլ պատմեց նրանց.— Երկնքի Արքայութիւնը նման է այն մարդուն, որն իւր արտի մէջ բարի սերմ ցանեց: Երբ մարդիկ քնած էին, նրա թշնամին եկաւ, ցորենի մէջ որոմ ցանեց ու գնաց:

Երբ կանաչն երևեցաւ և պտուղ տուեց, որոմն էլ երևեցաւ: Տանտիրոջ ծառաներն եկան

ու ասացին.— «Տէր, չէ՞ որ քո արտի մէջ բարի սերմ ցանեցիր, զորտեղիցն է նրա միջի որոմը»: Նա պատասխանեց.— «Թշնամի մարդն է արել այդ»: Ծառաները նրան ասացին.— «Եթէ կամենում ես կերթանք ու քաղահան կանենք»: Նա պատասխանեց.— «Ո՛չ, մի դուցէ որոմը քաղելու ժամանակ, ցորենն էլ հետը քաղէք: Թողէք որ մինչև հունձը միասին աճեն. հնձի ժամանակ՝ հնձողներին կասեմ.— Առաջ որոմը քաղեցէք և խուրձեր կապեցէք այրելու համար, իսկ յետոյ ցորենն իմ ամբարներում ժողովեցէք»:

Մատթ. 24  
34-43 Յիսուան այս բոլորն առակներով խօսեց ժողովրդի հետ և առանց առակի ոչինչ չէր խօսում, որ կատարուի մարգարէի ասածը թէ.— Առակներով կբանամ իմ բերանը և դուրս կը բղխեմ աշխարհի սկզբիցն ՚ի վեր ծածկուած բաները:<sup>1)</sup>

Արանից յետոյ Յիսուսը թողեց ժողովրդին ու տուն եկաւ: Աշակերտները մօտեցան նրան և ասացին.— «Բացատրիր մեզ արտի մէջ ցանած որոմների առակը»: Յիսուսը պատասխան տուեց ու ասաց.— «Բարի սերմ ցանողը Մարդու Որդին է. արտը աշխարհն է. բարի սերմը արքայութեան որդիքն են, իսկ որոմը՝ չարի որդիք: Որոմ ցանողը սատանան է. հունձը աշխարհիս վերջն է, իսկ հնձողները հրեշտակներն են:

Ինչպէս որոմը ժողովուում և կրակումն է այրում, այնպէս էլ աշխարհիս վերջը կլինի:

<sup>1)</sup> Մաղմու հէ. 2.

Մարդու Որդին կուղարկէ իւր հրեշտակներին, որոնք կ'ժողովեն նրա արքայութիւնից բոլոր գայթակղութիւններն ու անօրէնութիւն գործողներին և նրանց կրակի հնոցի մէջ կ'ձգեն, այնտեղ նրանք լաց կլինեն և ատամները կը կրճրտացնեն:

Այն ժամանակն արդարները արևի պէս պէտք է փայլեն Արքայութեան մէջ»):

Ով լսելու ականջ ունի՝ թող լսէ»:

Մատթ. ԺԳ 51-52 Եւ ասաց աշակերտներին. — «Հասկացա՞ք այս բոլորը»: Նրանք պատասխանեցին. — «Այո, Տէր»: Յիսուան ասաց. — «Այս պատճառով էլ, Երկնքի Արքայութեանն աշակերտող ամենայն մի գալիք, նման է այն տանուտէրին, որն իւր գանձից հին ու նոր բաներ է հանում»:

47.

ԱԼԵԿՍԱՆԴՐՈՒԹԵԱՆ ՀԱՆԴԱՐՏՈՒԻԼԸ:--ԳԵՐԳԵՍՍՍՅԻ ԴԻԻԱՀԱՐԻ ԲԺՇԿՈՒԹԻԻՆԸ

Մատթ. Ը 18, 23-27 Յիսուան իւր շուրջը շատ ժողովուրդ տեսնելով, աշակերտներին հրամայեց ծովի միւս կողմն անցնել: Երբ նաւ մտաւ, աշակերտներն էլ հետևեցին նրան: Եւ ահա ծովի վերայ մեծ ալէկոծութիւն սկսուեց, այնպէս որ ալիքները ծածկում էին նաւը: Իսկ նա քնած էր:

Այն ժամանակ աշակերտները մօտենալով նրան՝ արթնացրին ու ասացին. — «Տէր փրկի՛ր մեզ, կորչում ենք»: Յիսուան ասաց նրանց. — «Ի՞նչու կորչում ենք»:

2) Յունարէնում. — «Իրենց Հօր Արքայութեան մէջ»:

էք այդքան վախկոտ, թերահաւատներ»: Եւ վեր կենալով, աստեց հողմերին ու ծովին և խաղաղութիւն տիրեց:

Մարդիկ զարմացան ու ասացին. — «Մա ի՞նչ է որ հողմերն ու ծովն անգամ հնազանդում են սրան»:

Մարկ. Է 1-5 Եւ անցնելով ծովի միւս կողմը, եկան Գերգեսացոց երկիրը:

Երբ Յիսուսը նաւից դուրս եկաւ, գերեզմաններից դուրս եկած և պիղծ դեով բռնուած մի մարդ պատահեց նրան: Նա գերեզմաններումն էր բնակւում և ոչ ոք չէր կարողանում նրան շղթայել, որովհետեւ թէ և շատ անգամ էին նրան կապանքի ու շղթայի զարկել, բայց նա փշրել էր կապանքներն ու շղթաները և ոչ ոք չէր կարողանում նրան զսպել: Նա գիշեր ու ցերեկ գերեզմաններում և լեռներումն էր անցկացնում, աղաղակ բարձրացնելով և իրեն քարակոծ անելով:

Մատթ. Ը 28 Եւ այնպիսի սարսափ էր տարածել, որ ոչ ոք չէր համարձակւում այն ճանապարհով անցնել:

Մարկ. Է 6-20 Նա հեռուից Յիսուսին տեսնելով, վազեց և երկրպագութիւն տուեց նրան:

Եւ երբ Յիսուան ասաց. — «Պիղծ ոգի, դուրս եկ այդ մարդուց». դէր բարձր ձայնով գոռաց ու ասաց. — «Ի՞նչ գործ ունիս ինձ հետ Յիսուս, բարձրեալ Աստուծու Որդի, երդուեցնում եմ քեզ Աստուծու անունով, մի տանջի՛ր ինձ»:

Յիսուսը հարցրեց նրան. — «Անուշակ ի՞նչ է»:  
Նա պատասխանեց. — «Իմ անուշակը (էգէօն<sup>1)</sup>)  
է, որովհետև մենք շատ ենք»:

Եւ աղաչում էին, որ երեսնց այդ երկրից  
գուրս չանէ:

Այնտեղ լերան մօտ, խոզերի երամակ էր  
արածում: Դեերն աղաչեցին նրան ու ասացին.  
— «Մեզ երամակն ուղարկիր, որ խոզերի մէջ  
մտնենք»:

Յիսուան խկոյն իրաւունք տուեց. և պիղծ  
դեերը գուրս եկան ու խոզերի մէջ մտան: Երա-  
մակը, որ երկու հազար խոզերից էր բաղկացած,  
բարձր տեղից դէպի ծովը դիմեց ու խեղդուեցաւ:

Խոզարածները փախան և այդ բանը քաղա-  
քում և ագարակներում պատմեցին:

Բնակիչներն իսկոյն գուրս եկան, որ տես-  
նեն թէ ինչ է պատահել: Եկան Յիսուսի մօտ և  
տեսան լէգէօն ունեցող դիւանարին, որ հագնուած  
ու զգաստացած նստել էր այնտեղ: Բոլորն էլ  
վախեցան:

Ականատեսները պատմեցին նրանց դիւանա-  
րին և խոզերին պատահածը: Եւ նրանք էլ աղա-  
չեցին Յիսուսին որ իրենց սահմաններից հե-  
ռանայ:

Երբ Յիսուան ուզում էր նաև մտնել, դիւա-  
նարն աղաչեց, որ իրեն էլ հետը վերցնի: Բայց

1) Լէգէօն (ընտրեալ գունդ) — այսպէս էին կոչուում Հռովմայե-  
ցոց զինուորական գնդերը. իւրաքանչիւր Լէգէօնը 6000 զինուո-  
րից էր բաղկացած: Այստեղ Լէգէօն բառը գրուած է ոչ թէ թիւը,  
այլ բազմութիւնը ցոյց տալու:

մերժեց ու ասաց. — «Գնա՛ տուն՝ ընտանիքիդ  
մօտ և պատմիր նրանց թէ ինչ արաւ Տէրը և  
ինչպէս խղճաց քեզ»:

Դիւանարը Դեկապօլիս գնաց և սկսեց պատ-  
մել ինչ որ Յիսուան արել էր իրեն: Ամենքն էլ  
զարմանում էին:

48.

ՏՆՈՒՍՏՅՍ ԿՆՈՋ ԲԺՇԿՈՒԹԻՒՆԸ ԵՒ ՅԱՅՐՈՍԻ ԱՂՋԿԱՅ  
ՅԱՐՈՒԹԻՒՆԸ

Մարկ. Ե. Երբ Յիսուսը դարձեալ ծովի միւս կողմն  
21-29 անցաւ, նրան մեծ բազմութիւն շրջապատեց:  
Նա կանգնած էր ծովեզրում:

Յայրոս անունով մի մարդ, որ ժողովարա-  
նի իշխաններից մինն էր, տեսնելով Յիսուսին,  
մօտեցաւ, ընկաւ նրա ոտքերն ու թախանձելով՝  
ասաց. — «Աղջիկս մերձիմահ է, եկ, ձեռքդ դիր  
նրա վերայ, որ առողջանայ ու ապրի»: Յիսուսը  
նրա հետ գնաց: Նրան շատ ժողովուրդ էր հե-  
տևում, որն և նեղութիւն էր պատճառում նրան:  
Մի կին, որ տասներկու տարի շարունակ տեւա-  
տեսութեամբ<sup>1)</sup> էր տանջում, որն արդէն նեղա-  
ցել էր բժիշկներին դիմելուց և որն իւր ամ-  
բողջ կարողութիւնը փչացրել էր բայց և ոչ մի  
օգուտ չէր ստացել՝ այլ ընդհակառակն սաստ-  
կացել էր հիւանդութիւնը, լսելով Յիսուսի մա-  
սին, բազմութիւնը ձեղքելով՝ Յիսուսի յետևիցն

1) Տեսատեսութիւն նշ. արեան ծորում արգանդից:

եկաւ և ձեռքը նրա հանդերձին դիպցրեց: Ուրովհետև ասում էր— «Եթէ ձեռքս նրա հանդերձին դիպցնեմ կբժշկուեմ»: Իսկոյն արիւնհոսութիւնն ընդհատուեց և ինքն էլ զգաց, որ հիւանդութիւնից բժշկուեցաւ:

Ղուկ. Ը. Յիսուան ասաց.— Ո՞վ էր ինձ դիպչողը»: Երբ ամենքն էլ ուրացան, Պետրոսն և նրա հետ եղողներն ասացին.— «Վարդապետ, բազմութիւնը հրում և նեղում է քեզ և դեռ հարցնում ե՞ս թէ ով դիպաւ քեզ»:

Յիսուան ասաց.— «Մէկն ինձ դիպաւ և ես զգացի որ ինձնից զօրութիւն դուրս եկաւ»:

Կինը տեսնելով որ իւր արածը չձածկուեցաւ, դողալով եկաւ և ընկաւ Յիսուսի առաջ և ժողովրդի ներկայութեամբ պատմեց թէ ինչո՞ւ դիպաւ նրան և թէ ինչպէս բժշկուեց իսկոյն:

Մարկ. Ը. Յիսուան ասաց.— «Աղջիկս, քո հաւատը փրկեց քեզ. գնա խաղաղութեամբ, արդէն բըժշկուած ես քո հիւանդութիւնից»:

Յիսուսը դեռ խօսքը չէր վերջացրել, որ Յայրօսի տնից մարդիկ եկան ու ասացին.— «Աղջիկդ մեռաւ և զուր է այլ ևս վարդապետին նեղացնելը»:

Յիսուսը լսելով այդ, ասաց նրան.— «Մի վախենայ, միայն հաւատա՛»:

Եւ բացի Պետրոսից, Յակովբոսից և վերջինիս եղբայր Յովհաննէսից ոչ ոքի չթողեց իւր հետ գալու:

Գալով Յայրօսի տուն, տեսաւ մեծ ամբոխ և լաց և կոծ անող լալկանների մեծ բազմութիւն: Ներս մանելով ասաց նրանց.— «Ի՞նչու էք շփոթուել և լաց լինում, մանուկը մեռած չէ, այլ քնած է»:

Եւ սկսեցին ծագրել նրան:

Յիսուսը բոլորին էլ դուրս հանելով, վերցրեց իւր հետ մանկան հօրն ու մօրը և իւր աշակերտներին, մտաւ մանկան սենեակը և նրա ձեռքից բռնելով ասաց.— «Տալիթա կուամի»,<sup>1)</sup> (որ նշանակում է աղջիկ, վեր կաց): Աղջիկն իսկոյն վեր կացաւ և սկսեց ման գալ: Նա մօտ տասներկու տարեկան էր:

Տեսնողները չափազանց զարմացան: Յիսուսը խստիւ պատուիրեց որ ոչ ոք չիմանայ այդ բանը. և հրամայեց կերակրել աղջկան:

49.

ԵՐԿՈՒ ԿՈՅՐՅՐԻ ԵՒ ԵՈՒԼ ՈՒ ՀԱՄԲ ԴԻԻԱՀԱՐԻ ԲԺՇԿՈՒԹԻՒՆԸ

Մատթ. Թ. Երբ Յիսուան այնտեղից դուրս եկաւ, երկու կոյրեր նրա յետեիցն ընկած աղաղակում էին ու ասում.— «Ողորմիր մեզ, Դաւթի որդի»: Երբ տուն եկաւ, կոյրերը մօտեցան նրան: Յիսուան հարցրեց նրանց.— «Հաւատում էք որ կարող եմ այդ անել»:

Կոյրերը պատասխանեցին.— «Այո, Տէր»:

1) Արամերէն է, հրէաների այն ժամանակուան խօսած լեզուն:

Այն ժամանակ Յիսուսն իւր ձեռքը նրանց աչքերին մօտեցրեց և ասաց.— «Ձեր հաւատի համեմատ թնօլ լինի ձեզ»: Եւ նրանց աչքերը բացուեցան:

Յիսուսը սաստեց նրանց ու ասաց. — «Ձգոյ՛ջ կացէ՛ք, թող ոչ ոք չիմանայ»:

Իսկ նրանք դուրս գալով տնից, ամբողջ երկրի մէջ հուշակեցին նրան:

Նրանց դուրս գալուց յետոյ, Նրա մօտ մի համր դիւահար բերին: Դեի դուրս գալուն պէս, համրն սկսեց խօսել:

Ժողովուրդը զարմացաւ ու ասաց.— «Ինչո՞ւ յէլի մէջ երբէք սրա նմանը չէ երևացել»:

Իսկ փարիսեցիներն ասում էին.— «Դա դեւերի իշխանի զօրութեամբ է դեեր հանում»:

### 50.

ՅԻՍՈՒՍԻ ԵՐԿՐՈՐԴ ԱՅՑՅԵԼՈՒԹԻՒՆԸ ԵՎ ՆԱԶԱՐԷԹ:—  
ՔԱՐՈՉՈՒԹԻՒՆՆԵՐԻ ՏԱՐԱԾՈՒԻԼԸ

Մարկ. 7.  
1-6  
Յիսուսն այստեղից դուրս գալով, եկաւ իւր հայրենիքը (Նազարէթ), նրան հետևում էին իւր աշակերտները:

Երբ շաբաթն հասաւ, Նա սկսեց ժողովաւորանում ուսուցանել և լսողներից շատերը զարմացմամբ ասում էին.— «Սրան ճիշտեղից է այս բաները, կամ այս ի՞նչ իմաստութիւն է, որ տըրուած է սրան, որ սրա ձեռքով այսպիսի հրաշքներ են գործուում: Մի՞թէ սա հիւան Յովսէփի և Մարիամի որդին չէ. Յակովբի, Յովսէսի,

Յուզայի և Միմօնի եղբայրը. և չէ՞ որ սրա քոյրերն էլ այստեղ—մեզ մօտ են»: Եւ նրա վերաբերմամբ գայթակղուում էին:

Յիսուսն էլ ասաց նրանց.— «Մարգարէն չէ կարող իւր հայրենիքում և իւր ազգականների ու տան մէջ յարգ ունենալ»:

Եւ այստեղ ոչ մի հրաշք չգործեց: Միայն մի քանի հիւանդների վերայ ձեռք դրեց և բժշկեց նրանց: Եւ զարմանում էր նրանց անհաւատութեան վերայ:

Մատթ. 23.  
35-38  
Եւ շրջում էր Յիսուսը բոլոր քաղաքներն ու գիւղերը և ուսուցանում էր ժողովրդին իրենց ժողովարաններում, քարոզում էր Արքայութեան Աւետարանը և բժշկում էր նրանց ամեն տեսակ ախտերն ու հիւանդութիւնները:

Եւ ժողովրդին անհովիւ ոչխարների նման յողնած ու ցրուած տեսնելով՝ խղճաց նրանց: Այն ժամանակն իւր աշակերտներին ասաց.— «Հոռնձն առատ է, իսկ մշակները սակաւ: Ուրեմն, աղաչեցէք հոռնձի Տիրոջը, որ իւր հոռնձի համար մշակներ ուղարկէ»:

### 51.

ՅԻՍՈՒՍԸ ՊԱՏՈՒԷՐՆԵՐ Է ՏԱԼԻՍ ԻՐ ԱՇԱԿԵՐՏՆԵՐԻՆ

Մատթ. 23.  
1  
Յիսուսը կանչելով իւր տասներկու աշակերտներին, իշխանութիւն տուեց նրանց չոր ոգիներ հանելու և ամեն տեսակ ցաւեր ու հիւանդութիւններ բժշկելու: Եւ ապա սկսեց պատուէրներ տալ՝ ասելով.— «Հեթանոսների ճանա-

Մատթ.  
23. 42

պարհով մի գնաք և Սամարացոց քաղաքը մի մտնէք, այլ աւելի Իսրայէլի տան կորած ոչխարների մօտ գնացէք:

Երբ գնաք, քարոզեցէք ու ասացէք որ մօտեցել է Երկնքի Արքայութիւնը: Հիւանդներին բժշկեցէք, բորոտներին սրբեցէք և զևերին հանեցէք: Զրի ստացաք և ձրի էլ տուէք:

Մի վերցնէք ձեր գօտիների մէջ ոչ ոսկի, ոչ արծաթ և ոչ պղինձ, ոչ ճանապարհի պարկ և ոչ երկու շոր, ոչ կօշիկ և ոչ գաւազան. որովհետև մշակն արժանի է իւր կերակրին: Որ քաղաք կամ գիւղ մտնէք, նախ հարցրէք թէ նրա մէջ ո՞վ է արժանաւորը և նրա մօտ մնացէք մինչև աշտեղից դուրս գալը:

Երբ տուն մտնէք, ողջունեցէք նրան ու ասացէք.— «Ողջոյն այս տանս»: Եթէ տունն արժանի է, ձեր ողջոյնը նրա վերայ կգայ, իսկ եթէ արժանի չէ, ձեր ողջոյնը յետ կդառնայ ձեզ:

Եթէ մինը ձեզ չընդունեց և չլսեց ձեր խօսքերը, այնտեղից կամ այն քաղաքից դուրս գալիս, թափ տուէք ձեր ոտքերի փոշին:

Ճշմարիտն եմ ասում ձեզ, որ դատաստանի օրը Սողոմացոց և Գոմորացոց երկրի համար աւելի դիւրին կլինի, քան այդ քաղաքի համար: Ահա ես ուղարկում եմ ձեզ ինչպէս ոչխարներ գայլերի մէջ, այսուհետև օձերի նման՝ խորագէտ եղէք և աղաւնիների նման՝ միամիտ:

Զգուշացէք մարդկանցից, որովհետև նրանք

ձեզ պէտք է դատաստանի մատնեն և իրենց ժողովարաններում տանջեն: Իմ պատճառով ձեզ դատաւորների ու թագաւորների մօտ կտանեն, նրանց և հեթանոսների առջ վկայելու համար:

Բայց երբ մատնեն ձեզ, մի մտածէք թէ ինչպէս կամ ինչ պէտքէ խօսէք, որովհետև հենց այն ժամին կտրուի ձեզ, ինչ որ պէտք է խօսէք:

Որովհետև խօսողը ոչ թէ դուք պէտք է լինիք, այլ ձեր Հօր Հոգին, որ ձեր մէջ պէտք է խօսի: Եղբայրն եղբօրը մահուան կմատնի և հայրը՝ որդուն. որդիք վեր կը կենան ծնողների դէմ և կսպանեն նրանց: Եւ ամենից ատուած կլինիք իմ անուան համար. բայց մինչև վերջն համբերողը՝ կապրի:

Եթէ մի քաղաքում հալածեն ձեզ, փախէք մի ուրիշ քաղաք, եթէ այնտեղից էլ հալածեն՝ փախէք միւսը: Ճշմարիտն եմ ասում ձեզ, որ չէք կարող սպառել Իսրայէլի քաղաքները. նոյնիսկ մինչև Մարգու Որդու գալը:<sup>1)</sup>

Ոչ աշակերտն է իւր վարդապետից աւելի և ոչ ծառան իւր տիրոջից: Այն էլ բաւական է, որ աշակերտն իւր վարդապետի նման լինի և ծառան իւր տիրոջ: Եթէ տանտիրոջը բեհեզգեբուղ կոչեցին, որչափ աւելի նրա ընտանիքին: Այսուհետև մի վախենաք նրանցից. որովհետև չկայ ծածուկ բան, որ չյայտնուի և գաղտնիք՝

<sup>1)</sup> Այսինքն, աշխարհի մէջ տեղի պակասութեան չէք հանդիպի, եթէ նոյն իսկ ստիպուած լինիք մինչև Մարգու Որդու (Յիսուս Քրիստոսի) միւս անգամ գալուստը՝ փախտական թափառելու:

որ չբացուի: Ինչ որ ձեզ մթնու մն եմ ասում, դուք լոյսի մէջ ասացէք. և ինչ որ ձեր ականջին եմ ասում, դուք տանիքների վերայ քարոզեցէք:

Մի վախենաք նրանցից, որ սպանում են մարմինը, բայց չեն կարողանում հոգին սպանել. դուք վախեցէք նրանից, որը կարող է հոգին ու մարմինը գեհեների մէջ կորցնել:

25<sup>o</sup> որ երկու ճնճողուկը մի դանկով (մօտ 5 կոպ.) է ծախուում և նրանցից ոչ մինը առանց ձեր Հօր կամքի գետին չէ ընկնում: Բայց ձեր գլխի բոլոր մազերն էլ հաշուած են: Ուրեմն, մի վախենաք, որովհետև դուք շատ ճնճողուկներիցն աւելի լաւ էք:

Այսպէս, ով որ կգաւանէ ինձ մարդկանց առաջ, ես էլ կգաւանեմ իմ Երկնաւոր Հօր առաջ: Իսկ ով որ կուրանայ ինձ մարդկանց առաջ, ես էլ նրան կուրանամ Երկնաւոր Հօրս առաջ:

Չկարծէք թէ ես երկրի վերայ խաղաղութիւն ձգելու եկայ, չեկայ խաղաղութիւն ձգելու այլ սուր: Ես եկայ մարդուն իւր հօրից բաժանելու, աղջկան իւր մօրից և հարսին իւր սկեսուրից: Եւ մարդու թշնամին իւր ընտանիքն է:

Ով որ իւր հօրն ու մօրը ինձնից աւելի է սիրում, ինձ արժանի չէ. և ով որ իւր սողային կամ աղջկան ինձնից աւելի է սիրում՝ ինձ արժանի չէ: Եւ ով որ չէ վերցնում իւր խաչը և չէ գալիս իմ հետեից՝ ինձ արժանի չէ: Իւր անձը գտնողը՝ կը կորցնէ նրան, իսկ իմ պատճա-

ռով իւր անձը կորցնողը՝ կը գտնէ նրան: Չեզընդունողը՝ ինձ է ընդունում, իսկ ինձ ընդունողը՝ ընդունում է ինձ Ուղարկողին:

Ով որ մարգարէ է ընդունում, մարգարէի անունով՝ մարգարէի վարձ կստանայ. և ով որ արդար է ընդունում, արդարի անունով՝ արդարի վարձ կստանայ:

Ով որ այս փոքրիկներից մինին մի բաժակ սառն ջուր խմեցնի աշակերտի անունով, ճշմարիտն եմ ասում ձեզ, որ իւր վարձը չի կորցնի».

52.

ՅՈՎՀԱՆՆԷՍ ՄԿՐՏՁԻ ԳԼԽԱՏՈՒԻԼԸ

Մարկ. 9.  
21-29  
**Երբ** Հերովդէսն իւր ծննդեան տօնի օրը ինձոյք էր տալիս իւր նախարարներին, հազարապետներին ու գալիլիացոց մեծամեծներին, Հերովդէսի աղջիկը (Սաղոմէն) դահլիճ մտաւ ու կաքաւեց: Աղջկայ պարը շատ դիւր եկաւ թէ Հերովդէսին և թէ հանդիսականներին:

Թագաւորն աղջկան ասաց. — «Խնդրիր ինչ որ կամենում ես և կտամ քեզ»: Եւ մի քանի անգամ երգուեց, որ ինչ խնդրէ՝ կտայ, մինչև իսկ իւր Թագաւորութեան կէսը:

Աղջիկը դուրս գալով, դիմեց իւր մօրն՝ ասելով. — «Ի՞նչ խնդրեմ»: Մայրն իւր վրեժը լուծելու յարուար առիք գտնելով, աղջկան ասաց. — «Խնդրիր Յովհաննէս Մկրտչի գլուխը»:

Աղջիկն իսկոյն ներս մտաւ Թագաւորի մօտ





անցնեն, մինչև որ ինքն էլ ժողովրդին կարձակէ:



«Տէ՛՛, փրկի՛ր ինձ».

54.

ՅԻՍՈՒՍԸ ԾՈՎԻ ՎԵՐԱՅ

Մատթ. ԺԳ 23-36 **Ժողովրդին արձակելուց յետոյ, առանձին աղօթելու համար՝ լեռու բարձրացաւ. և երբ միջնեց, այստեղ միայն ինքն էր:**

Որովհետև քամին հակառակ էր, այդ պատճառով էլ նաւն ալիքներէց քշուելով, բաւական հեռացել էր ափից: Գիշերուան չորրորդ պահուն, Յիսուսը ծովի վերայ քայլելով՝ գնաց նրանց մօտ:

Երբ աշակերտները տեսան նրան ծովի վերայով գալիս, շփոթուեցան և ասացին. — «Աչքի երևոյթ կլինի»: Եւ վախից աղաղակեցին:

Յիսուսը խօսեց նրանց հետ և ասաց. — «Քաշացէք, ես եմ, մի վախենաք»: Պետրոսը պատասխան տուեց ու ասաց. — «Տէր, եթէ դու ես, հրամայիր ինձ, որ ջրի վրայով քեզ մօտ գամ»: Յիսուսն ասաց. — «Ե՛կ»: Պետրոսն իջնելով նաւից, սկսեց ջրի վրայով մօտենալ Յիսուսին, բայց տեսնելով սաստիկ հողմը, վախեցաւ և երբ սկսեց ընկղմիլ աղաղակեց ու ասաց. — «Տէր, փրկիր ինձ»:

Յիսուսը մեկնեց իւր ձեռքը, բռնեց նրան ու ասաց. — «Թերահաւաս, ինչո՞ւ երկմտեցիր»:

Երբ նաւ մտան, քամին հանդարտեց: Նաւի մէջ եղողները մօտեցան նրան, երկրպագութիւն տուին ու ասացին. — «Արդարև, դու Աստուծու Որդին ես»:

Մարկ. 4.  
53-56  
Անցնելով ծովի միւս կողմը, եկաւ Գենեսարէթի երկիրը: Երբ նաւից դուրս եկան, բընակիչներն իսկոյն ճանաչեցին նրան: Եւ վազելով գաւառի գանազան կողմերը, իմաց տուին Յիսուսի գալը: Լսողներն սկսեցին մահիճներով բերել իրենց հիւանդներին:

Եւ ուր էլ գնում էր, թէ գիւղերը, թէ քաղաքներն և թէ ագարակները, հիւանդներին գրնում էին հրապարակներում և աղաչում էին նրան, որ թոյլ տայ նրանց գոնէ հանդերձի փեշերին մօտենալու: Եւ որոնք մօտենում էին՝ բժշկւում էին:

55.

ՅԻՍՈՒՍԸ ՔԱՐՈԶՈՒՄ Է ԿԱՓԱՌՆԱՌԻՄԻ ԺՈՂՈՎԱՐԱՆՈՒՄ

Յովհ. 4.  
22-59  
Հետեալ օրն այն ժողովուրդը, որ ծովի միւս կողմն էր և տեսել էր որ այնտեղ բացի այն նաւակից (որի մէջ աշակերտներն էին նստել և մենակ, առանց Յիսուսի, գնացել) էլ ուրիշ նաւակ չկայ. և նկատելով որ ոչ Յիսուսն է այնտեղ և ոչ նրա աշակերտները, իրենք էլ այդ միջոցին, Տիրբերիայից եկած (և հացը կերած տեղի մօտ կանգնած) նաւակների մէջ նստելով, կափառնաւում եկան՝ Յիսուսին որոնելու: Երբ նրան ծովի միւս կողմը գտան՝ պատգին.— «Ռաբբի Էրբ եկար այստեղ»:

Յիսուսը պատասխան տուեց ու ասաց.—

Ճշմարիտ, ճշմարիտն եմ ասում ձեզ, որ դուք ոչ թէ այն պատճառով էք որոնում, որ հրաշքներ տեսաք, այլ որ հացերից կերաք ու կշտացաք: Գնացէք և աշխատեցէք ոչ թէ կորստական կերակուրի, այլ յաւիտենական կեանքի մէջ մնացող այն կերակուրի համար, որ կտայ ձեզ Մարդու Որդին, որովհետեւ Հայր Աստուածը իւր կրնիքը նրա վրայ դրեց»:

Ասացին նրան.— «Ուրեմն, ի՞նչ անենք, որ Աստուծու գործերը կատարենք»:

Պատասխան տուեց Յիսուսն ու ասաց.— Հաւատացէք նրա ուղարկածին. ահա Աստուծու գործը»:

Ասացին նրան.— «Ի՞նչ նշան կտաս մեզ, որ մենք տեսնենք ու հաւատանք: Մեր հայրերը անապատում մանանայ կերան, ինչպէս և գրուած է.— Երկնքից հաց տուեց նրանց ուտելու»:<sup>1)</sup>

Յիսուսն ասաց նրանց.— «Ճշմարիտ, ճշմարիտն եմ ասում ձեզ, որ Մովսէսը երկնքից հաց չտուեց ձեզ, բայց իմ Հայրը երկնքից ձեզ ճրշմարիտ հաց է տալիս: Որովհետեւ Աստուծու հացը նա է, որ իջնում է երկնքից և աշխարհին կեանք է տալիս»:

Ասացին նրան.— «Տէր, ամեն ժամանակ մեզ այդ հացից տուր»: Յիսուսն ասաց.— «Ես եմ կեանքի հացը. ինձ մօտ եկողը չի քաղցի և ինձ հաւատացողը երբէք չի ծարաւի:

<sup>1)</sup> Սաղմոս 5է. 24-25.— Բառացին— «Նրանց կերակրելու համար մանանայ ուղարկեց: Երկնքից հաց տուեց նրանց. մարդիկ հրեշտակների հացը կերան»:

Բայց ես ասացի ձեզ, որ դուք տեսնում էք ինձ և չէք հաւատում: Բողոքն ինչ որ տալիս է ինձ իմ Հայրը, ինձ մօտ է գալու և ինձ մօտ եկողին դուքս չեմ անի: Որովհետև ես ոչ թէ իմ կամքը կատարելու համար իջայ երկնքից, այլ ինձ Ուղարկողի կամքը: Եւ ինձ ուղարկող Հօր կամքն այն է, որ ես իմ Հօր տուածներից ոչինչ չկորցնեմ, այլ վերջին օրը յարուցանեմ: Իմ Հօր կամքն այն է, որ Որդուն տեսնողը և նրան հաւատացողը՝ յաւիտենական կեանք ունենայ և ես վերջին օրը կյարուցանեմ նրան»: Հրէաները արանջում էին, որ նա ասաց թէ ես եմ երկնքից իջած հացը. և ասում էին. — «Ձէ որ սա Յովսէփի որդի Յիսուան է, որի հօրն ու մօրը ճանաչում ենք. հապա ի՞նչու է ասում, ես երկնքից իջայ»: Յիսուսը պատասխան տուեց ու ասաց. — «Մի քրթմնջէք իրար հետ: Ոչ ոք չէ կարող ինձ մօտ գալ, եթէ ինձ ուղարկող Հայրը չըքաշէ նրան. և ես վերջին օրը կյարուցանեմ նրան: Մարգարէութիւնների մէջ ասուած է (ամենքն էլ ուսած կլինեն Սասուծուց)<sup>1)</sup> թէ նա, որ Հօրիցն է լսում և ուսանում, ինձ մօտ է գալիս: Եւ այդ չէ նշանակում թէ որևէ մէկը տեսել է Հօրը, այլ այն, որ սով Հօր էութիւնիցն է, նա տեսաւ Հօրը:

Ճշմարիտ, ճշմարիտն եմ ասում ձեզ, որ ինձ հաւատացողը՝ յաւիտենական կեանք կունենայ:

<sup>1)</sup> Մարգ. Եսայի ծղ. 13.

Ես եմ կեանքի հացը:

Ձեր հայրերն անապատում մանանայ կերան ու մեռան: Իսկ երկնքիցն իջած հացն այն հացն է, որից ուտողը՝ չի մեռնի:

Ես եմ երկնքից իջած կենդանի հացը: Այս հացն ուտողը յաւիտեան կապրի և այն հացը, որ ես կտամ՝ իմ մարմինն է, որ ես կտամ աշխարհի կեանքի համար»:

Այդ ժամանակ հրէաներն սկսեցին իրար հետ վիճել ու ասել. — «Սա ի՞նչպէս կարող է իւր մարմինը մեզ ուտելու տալ»:

Յիսուան ասաց նրանց. — «Ճշմարիտ, ճշմարիտն եմ ասում ձեզ, որ եթէ չուտէք Մարդու Որդու մարմինը և չխմէք նրա արիւնը՝ կեանք չէք ունենայ: Իմ մարմինն ուտողը և իմ արիւնը խմողը միայն յաւիտենական կեանք կունենայ. և ես վերջին օրը կյարուցանեմ նրան: Որովհետև իմ մարմինն է ճշմարիտ կերակուրը և արիւնս է ճշմարիտ խմելիքը: Իմ մարմինն ուտողը և իմ արիւնը խմողը իմ մէջ է բնակւում և ես նրա մէջ:

Ինչպէս որ կենդանի Հայրն ուղարկեց ինձ և ես կենդանի եմ Հօրովս, այնպէս էլ ինձ ուտողը՝ կենդանի կլինի ինձնով:

Այս այն հացն է, որ երկնքից իջաւ: Այս հացը մանանայ չէ, որ ձեր հայրերը կերան ու մեռան, այլ այս հացիցն ուտողը՝ յաւիտեան կապրի»:

Յիսուան այս ամենը ժողովարանունն ասաց, երբ նա քարոզում էր Կափառնաուամի մէջ:

56.

ՅԻՍՈՒՍԻՆ ՀՅՏԵՒՈՂ ԱՇՍԱԿԵՐՏՆԵՐԻ ՎԱՐԱՆՈՒՄԸ

Յովհ. 7.  
61-72

Աշակերտներից շատերը, Կափառնաուամի քարոզը լսելուց յետոյ՝ ասացին.— «Օտարօտի խօսքեր են ասածները. ո՞վ կարող է լսել դրան»:

Յիսուան հասկանալով, որ աշակերտները արանջում են՝ ասաց.— «Մի՞թէ իմ խօսքերը գայթակղեցնում են ձեզ: Ի՞նչ կասէք եթէ տեսնէք Մարդու Որդուն բարձրանալիս այնտեղ, որտեղ առաջ էր»:

Հոգին է կենդանացնողը, մարմինը ոչինչ չէ օգնում: Այն խօսքերը որ ասում եմ ձեզ, Հոգի է և կեանք: Բայց ձեր մէջ կան ոմանք, որոնք չեն հաւատում. (Յիսուսը հենց սկզբից գիտէր, թէ ովքեր են չհաւատացողները և թէ ո՞վ է իրեն մասնելու). և աւերացրեց.— «Հէնց այդ պատճառով ասացի ձեզ, թէ ոչ ոք չէ կարող ինձ մօտ գալ, եթէ իմ Հօրից տուած չլինի նրան»:

Այդ օրուանից նրա աշակերտներից շատերը հեռացան նրանից և այլ ևս նրա հետ չէին շրջում:

Այդ ժամանակ Յիսուսը դիմեց իւր տասներկու աշակերտներին.— «Արդեօք, դուք ևս չէք ցանկանայ գնալ»:

Պատասխան տուեց նրան Սիմոն Պետրոսն

ու ասաց.— «Տէր, էլ ո՞ւմ մօտ պէտք է գնանք, դու յաւիտենական կեանքի խօսքեր ունիս: Մենք հաւատացինք ու ճանաչեցինք, որ դու ես Քրիստոսը՝ Աստուծու Որդին»:

Յիսուսը պատասխանեց.— «Չէ՞ որ ես ձեզ տասներկուսիդ ընտրեցի, բայց ձեզնից՝ մինը սատանայ է»:

Այս խօսքը Սիմոնեան Յուդա Իսկարիովտացու համար ասաց (որ տասներկուսից մինն էր) որովհետև նա պէտք է մատնէր նրան:



57.

ԽՕՍԱԿՑՈՒԹԻՒՆ ԱՒԱՆԴՈՒԹԻՒՆՆԵՐԻ ՄԱՍԻՆ.—ԱՐՏԱՔԻՆ ԵՒ ՆԵՐՔԻՆ ՊՂԾՈՒԹԻՒՆ

Յովհ. 7. 1 Մօտեցել էր հրէաների գառի տօնը:  
Յովհ. 8. 1 Յիսուսը շրջում էր Գալիլիայում և չէր կամենում Հրէաստան գնալ, որովհետև հրէաներըն ուզում էին նրան սպանել:

Մատթ. 26. 1-20 Այն ժամանակ մօտեցան Յիսուսին երուսաղէմից եկած փարիսեցիներն ու զպփրները և

ասացին. — «Ի՞նչու քո աշակերտները հաց ուտելիս ձեռքերը չեն լուանում և այդպիսով անցնում են ձերերի աւանդութիւնից»: Նա պատասխան տուեց ու ասաց. — «Իսկ դուք ձեր աւանդութիւնների պատճառով, ի՞նչու էք Աստուծու պատուիրաններին անցնում: Չէ՞ որ Աստուծո՞ւ ասաց. — «Պատուիր քո հօրն ու մօրը. և ով որ իւր հօրը կամ մօրը բամբասէ, պէտք է մեռնի.<sup>1)</sup> Իսկ դուք ասում էք. — ո՞վ որ իւր հօրը կամ մօրն ասէ թէ պատարապէ՞»<sup>2)</sup> այն, ինչով որ օգտուում ես ինձնից, այդպիսին կարող է և չպատուել հօրը կամ մօրը: Այդպիսով դուք ձեր աւանդութեան համար, խափանում էք Աստուծու պատուէրը: Կեղծաւորներ, Եսային շատ լաւ մարգարէացաւ ձեր մասին, որ ասաց. — «Այս ժողովուրդը շրթունքներով է պատուում ինձ, իսկ սրտով հեռացած է ինձնից: Բայց ի՞նչու ես պաշտում ինձ, մարդկանց պատուէրներն իբրև վարդապետութիւն սովորեցնելով»: <sup>3)</sup>

Եւ կանչելով ժողովրդին՝ ասաց. — «Լսեցէք և իմացէք, որ ոչ թէ բերան մտածն է պղծում մարդու, այլ բերանից դուրս եկածը»: Այն ժամանակ մօտենալով նրա աշակերտներն՝ ասացին. — «Գիտե՞ս, երբ փարիսեցիները խօսքերդ լսեցին՝ գայթակղուեցան»:

Յիսուսը պատասխան տուեց ու ասաց. —

1) Ելից ի. 12 և իա. 17:

2) Պատարագ բար ստորերէն է և նշանակում է զ ո ս:

3) Մարգ. Եսայի իթ. 13:

«Այն տունկը, որ երկնաւոր Հօրիցս չէ անկուած, արմատախիլ կլինի: Թողէք նրանց, նրանք կոյր են և կոյրերի առաջնորդ: Իսկ երբ կոյրն առաջնորդէ կոյրին, երկուսն էլ կմոլորուեն և փոսր կընկնեն»:

Պետրոսը պատասխանեց ու ասաց. — «Բացատրիր մեզ այդ առակը»:

Յիսուսն ասաց. — Մի՞թէ դուք տակաւին չէք իմանում և չէք հասկանում, որ բերան մտածը փորն է գնում և այնտեղից դուրս գալիս: Իսկ բերանից դուրս եկածը սրտիցն է գալիս և այն է պղծում մարդուն: Որովհետև սրտիցն են դուրս գալիս շար խորհուրդները, սպանութիւնները, շնութիւնները, պոռնկութիւնները, գողութիւնները, սուտ վկայութիւններն ու հայհոյութիւնները: Ահա սրանք են մարդուն պղծողը և ոչ թէ անլուայ ձեռքով հաց ուտելը»:

58.

ՔԱՆԱՆԱՑԻ ԱՂՁԿԱՅ ԵՒ ԱՅԼ ՀԻՒԱՆԴՆԵՐԻ ԲԺԸԵ-ԿՈՒԹԻՒՆԸ

Մատթ. 21-31 Յիսուսը դուրս գալով այնտեղից, գնաց Տիւրոսի կողմերը: Մի քանանացի կին Յիսուսի յետևից ընկած՝ աղաղակում էր և ասում. — «Տէր, Դաւթի որդի, ողորմիր ինձ, աղջիկս սաստիկ դիւահարում է»: Յիսուսը պատասխան չտուեց նրան:

Աշակերտները մօտեցան նրան և աղաչելով

ասացին.— «Արձակիր այդ կնոջը. ինչ է յետևերիցս աղաղակում»:

Յիսուսը պատասխանեց ու ասաց. — «Ես միայն Իսրայէլի տան կորած ոչխարների մօտ եմ ուղարկուած»: Իսկ կինը մօտենալով, երկրպագութիւն էր տալիս ու ասում.— «Տէր, օգնիր ինձ»: Յիսուսը նրան պատասխանեց.— «Լաւ չէ մանուկներից հացն առնել ու շներին ձգել»:

Կինն ասաց.— «Տէր, չէ՞ որ շներն էլ իրենց տիրոջ սեղանից թափուած փշրանքներովն են կերակրուած»: Այն ժամանակ Յիսուսը պատասխան տուեց նրան ու ասաց.— «Ո՛վ կին, մեծ է քո հաւատը. ինչպէս որ կամեցար, թող այնպէս լինի»:

Եւ նոյն ժամին բժշկուեցաւ նրա աղջիկը:

Յիսուսն հեռանալով այնտեղից, եկաւ Գալիլիացոց ծովեզրը և բարձրանալով լեռոր՝ նրստեց այնտեղ: Իսկոյն մեծ բազմութիւն հաւաքուեց նրա շուրջը, որոնք իրենց հետ կաղեր, կոյրեր, համբեր, հաշմանդամներ և ուրիշ հիւանդներ բերելով՝ ձգեցին Յիսուսի առաջ և նա ամենքին էլ բժշկեց. այնպէս որ ժողովուրդը զարմացաւ, տեսնելով որ՝ համբերը խօսում են, կաղերը շրջում, կոյրերը տեսնում, հաշմանդամները բժշկուում և փառաւորում են Իսրայէլի Աստուծուն:

59.

ՉՈՐՍ ՀԱՉԱՐԻՆ ԿԵՐԱԿՐԵԼԸ.— ՓԱՐԻՍԵՑԻՆԵՐԸ ԵՐԿՆԱՅԻՆ ՆՇԱՆ ԵՆ ՊԱՀԱՆՁՈՒՄ

Մարկ. ք. Դարձեալ մեծ բազմութիւն էր հաւաքուել

1-12 Յիսուսի շուրջը և ուտելու բան չունէին: Յիսուսն իւր աշակերտներին կանչեց ու ասաց.— «Սղճում եմ այդ ժողովրդին, անա երեք օր է ինձ մօտ է և ոչինչ չունի ուտելու: Եթէ անօթի արձակեմ, ճանապարհին կնուաղին, որովհետև դրանցից շատերն հեռու տեղերից են եկել»:

Աշակերտները պատասխանեցին նրան.— «Այս անապատում ո՞րտեղից կարող ես դրանց հացով կշտացնել»:

Յիսուսը հարցրեց նրանց.— «Քանի՞ նկանակ ունիք»: Նրանք ասացին.— «Եօթն»: Այն ժամանակ հրամայեց ժողովրդին գետնի վրայ նստել և վերցնելով եօթը նկանակը, գոհացաւ, կրտրատեց և տուեց աշակերտներին ժողովրդի առաջ շարելու և նրանք էլ շարեցին:

Մի քիչ էլ ձուկ ունէին, այն էլ օրհնեց և հրամայեց որ ժողովուրդին բաժանեն:

Կերան ու կշտացան և եօթը զամբիւղ փշրանքներ հաւաքեցին: Ուտողները մօտ չորս հազար հոգի էին. և Յիսուսն արձակեց նրանց:

Եւ իսկոյն աշակերտների հետ նաւ մտնելով, եկաւ Գաղմանութայի կողմերը:

Փարիսեցիներն եկան և սկսեցին վիճել նրա հետ և փորձելով՝ երկնային նշան պահանջեցին նրանից: Եւ նա զայրանալով՝ ասաց.— «Ի՞նչու

համար է այս ազգը նշան խնդրում. ճշմարիտն եմ ասում ձեզ, որ այս ազգին նշան կտրուի»։<sup>1)</sup>

**60.**

ՅԻՍՈՒՍՆ ԶԳՈՒՇԱՅՆՈՒՄ Է ԱՇԱԿԵՐՏՆԵՐԻՆ ՓԱՐԻՍԵՑԻՆԵՐԻ ԽՄՈՐԻՑ.—ԲԵԹՍԱՅԻԴԱՅԻ ԿՈՅՐԻ ԲԺՇԿՈՒԹԻՒՆԸ

Մարկ. Ը. 13-26 **Ե**ւ թողնելով նրանց, նորից նաւ մտաւ և անցաւ ծովի միւս կողմը—Բեթսայիդա:

Աշակերտները մոռացել էին հաց վերցնել և նաւի մէջ միայն մէկ նկանակ ունէին: Յիսուսը պատուիրեց նրանց և ասաց.—«Զգոյ՛ջ կացէք փարիսեցիների և հերովդիանոսների<sup>2)</sup> խմորից:

Աշակերտները կարծեցին, որ Յիսուսն այն պատճառով ասաց այդ, որ իրենք հաց չէին վերցրել:

Յիսուսն հասկացաւ նրանց միտքն ու ասաց.—«Թերահաւատներ, ի՞նչու էք մտածում որ հաց չունէք: Մի՞թէ մինչև այժմս էլ չէք հասկանում և չէք ըմբռնում. մի՞թէ դեռևս ապշուածիւն է պատել ձեր սրտերը: Աչք ունէք և չէք տեսնում, ականջ ունէք և չէք լսում. չէք իմանում և չէք յիշում: Երբ հինգ նկանակը հինգ

<sup>1)</sup> Յունարէնում. չի տրուի:

<sup>2)</sup> Հերովդիանոսներ կոչւում էին այն անձինք, որոնք Հերովդէսի կուսակից էին համարւում. և այս կուսակցութիւնը բազաբական մի զօրեղ կուսակցութիւն էր, որի նպատակն էր ժողովրդին մտեցնել Հռովմի դահին և զօրացնել Հռովմայեցոց ազդեցութիւնը Հրէաստանում:

հազարին բաժանուեցաւ, քանի՞ քթոց փշրանք վերցրիք»: Ասացին.—«Տասներկու»:

—«Երբ եօթը նկանակը չորս հազարին բաժանուեցաւ, քանի՞ դամբիւղ փշրանք վերցրիք»:

Նրանք պատասխանեցին.—«Եօթն»:

Եւ ասաց նրանց.—«Հապա էլ ի՞նչու չէք հասկանում»: Երբ Բեթսայիդա եկան, նրա մօտ մի կոյր բերին և աղաչում էին որ իւր ձեռքը դիպցնէ նրան: Յիսուսը բռնելով կոյրի ձեռքից, գիւղից դուրս տարաւ, թքեց նրա աչքերին, ձեռքը դրեց վրան ու հարցրեց, թէ տեսնում է արդեօք որևէ բան: Կոյրն աչքը բացեց ու ասաց.—«Տեսնում եմ շրջող մարդիկ, ինչպէս ծառերը»: Յիսուսը դրեց դարձեալ իւր ձեռքը նրա աչքերի վերայ և հրամայեց նայել: Նա բացեց արդէն առողջացած աչքերն և սկսեց ամեն բան պարզ տեսնել:

Յիսուսն արձակեց նրան իւր տուն և ասաց.— «Գիւղը չմտնես, այլ գնա՛ քո տուն. բայց եթէ գիւղը մտնես, այնտեղ ոչ ոքի չասես»:

**61.**

ՅԻՍՈՒՍԸ ԼՍՈՒՄ Է ԻԻՐ ՄԱՍԻՆ ԵՂԱՁ ԿԱՐԾԻՐՆԵՐԸ.—ՊԵՏՐՈՍԻ ԵՐԱՆՈՒԹԻՒՆԸ

Մարկ. Ը. 27-28 **Յիսուսն** իւր աշակերտներով Փիլիպպոսի կեսարիա գիւղը գնալիս, ճանապարհին հարցրեց աշակերտներին.—«Ո՞ւմ տեղ են ընդունում ինձ մարդիկ»: Նրանք պատասխանեցին ու ասացին.—«Ոմանք Յովհաննէս Մկրտչի, ոմանք Եղիայի



և մի քանիսն են էլ մարգարէներէից մինի տեղ»:

Ասաց նրանց:—«Իսկ դուք ո՞ւմ տեղ էք ընդունում ինձ: Ով եմ ես»:

Մատթ. 24  
16-20 Պետրոսը պատասխան տուեց ու ասաց:—

«Դու Քրիստոսն ես, կենդանի Աստուծու Որդին»:

Այն ժամանակ Յիսուսը պատասխան տուեց նրան ու ասաց:—«Երանի՛ քեզ Սիմոն, Յովնանի որդի, որովհետեւ քեզ այդ բանն յայտնողը, ո՛չ թէ մարմինդ էր և արիւնդ, այլ իմ Երկնաւոր Հայրը: Եւ ես ասում եմ քեզ, որ դու ես վէմը. և այդ վիմի վերայ կշինեմ իմ եկեղեցին և դըժոխքի զաները չեն կարող նրան յաղթել: Եւ կտամ քեզ Երկնքի Արքայութեան բանալիները. ինչ որ կապես երկրի վերայ, կապուած կլինի երկնքում. և ինչ որ արձակես երկրի վերայ, արձակուած կլինի երկնքում»:

Եւ սաստեց աշակերտներին, որ իւր մասին ոչ ոքի բան չասեն:

**62.**

ՅԻՍՈՒՍԸ ԲԱՅԱՅԱՅՏՈՒՄ Է ԻԻՐ ՎԱԽՃԱՆԸ:—ՄԻՋՆԱԴԷՊ ՊԵՏՐՈՍԻ ԵՒ ՅԻՍՈՒՍԻ ՄԷՋ:—ՅԻՍՈՒՍԸ ՓԱՐԱՏՈՒՄ Է ԱՇԱԿԵՐՏՆԵՐԻ ՏԱՐԱԿՈՒՍԱՆՔԸ

Մատթ. 24  
21 Այնուհետեւ Յիսուան յայտնեց աշակերտներին, որ ինքը պէտք է գնայ Երուսաղէմ, ուր շատ չարչարանքներ պէտք է կրէ ձերբերից, պէտք է անարգուի քահանայապետներից և դըպիրներից, պէտք է մեռնի և երրորդ օրը յարութիւն առնի:

Մարկ. 9. 32. Այս բանը նա համարձակ յայտնեց:

Մատթ. 9. Պետրոսը նրան մի կողմ տանելով սկսեց  
22 նրան յանդիմանել և ասել. — «Քաւ լիցի Տէր, թո՛ղ այդ բանը չպատահի քեզ»:

Մարկ. 9. Յիսուսը դառնալով նայեց իւր աշակերտներին  
33-37 և յանդիմանելով Պետրոսին՝ ասաց:— «Հեռացի՛ր ինձնից սատանայ, որովհետեւ դու ո՛չ թէ Աստուածայինն ես մտածում, այլ մարդկայինը»:

Եւ ժողովրդին իւր աշակերտների հետ իւր մօտ կանչելով ասաց:— «Ով որ կամենում է իմ յետևից գալ, թո՛ղ իւր անձն ուրանայ. վերցնի իւր խաչը և գայ իմ յետևից: Որովհետեւ, ով որ կամենում է իւր անձն սպրեցնել, կը կորցնէ նրան և ով որ Աւետարանի համար կորցնէ իւր անձը՝ կսպրեցնէ: Ի՛նչ օգուտ մարդուն, եթէ նա ամբողջ աշխարհը ձեռք բերէ, իսկ իւր անձը կորցնի. և կամ մարդս ի՛նչ փրկանք կարող է տալ իւր անձի համար:

Մատթ. 24 Որովհետեւ Մարգու Որդին գալու է իւր  
27 հրեշտակների հետ իւր Հօր փառքով, ամեն մէկին իւր դործերի համեմատ հատուցումն տալու:

Մարկ. 9. Ով որ ինձ և իմ խօսքերը ամօթ համարէ  
38-39 այս շնացող և մեղաւոր ազգի մէջ, Մարգու Որդին էլ ամօթ կհամարէ նրան երբ կըգայ սուրբ հրեշտակների հետ՝ իւր Հօր փառքով»:

Եւ ասաց նրանց. — «Ճշմարիտն եմ ասում ձեզ, որ այստեղ եղողներից մի քանիսը

մահ չեն ճաշակի, մինչև որ Աստուծու Արքայ-  
ուկթիւնը զօրութեամբ եկած չտեսնեն»:<sup>1)</sup>

**63.**

ՅԻՍՈՒՍԻ ԱՅԼԱԿԵՐՊՈՒԹԻՒՆԸ.— ՀԱՐՅՈՒՄ ԵՂԻԱՅԻ  
ՄԱՍԻՆ

Մատթ. Ժ 1-3 **Ա**յս օրից յետոյ, Յիսուսը վերցնելով իւր  
հետ Պետրոսին, Յակովբոսին և վերջինիս եղբայր  
Յովհաննէսին, հանեց նրանց առանձին մի բարձր  
լեռան<sup>2)</sup> գլուխը և նրանց առաջ այլակերպեցաւ:

Նրա երեսը արևի նման լուսաւորուեցաւ և  
նրա շորերը լոյսի նման սպիտակացան: Եւ ան  
փառքով երևեցան նրանց Մովսէսն ու Եղիան,  
որ խօսում էին նրա հետ:

Ղուկ. Թ. 31 Նրանց խօսակցութիւնը Յիսուսի մահուան  
մասին էր, որ Երուսաղէմումն էր տեղի ունե-  
նալու:

Ղուկ. Թ. 33 Պետրոսն առանց իմանալու թէ ինչ է խօսում  
Մատթ. Ժ 4-13 **Մ**ատթ. Ժ 4-13 **Մ**ատթ. Ժ 4-13 **Մ**ատթ. Ժ 4-13  
առաջ Յիսուսին.— «Տէր, լաւ է մեզ այստեղ  
մնալ. եթէ կամենում ես, երեք տաղաւար կը շի-  
նենք՝ մինը քեզ, միւսը Մովսէսի և երբորդը՝  
Եղիայի համար»: Մինչդեռ Պետրոսը խօսում էր.  
մի լուսաւոր ամպ ծածկեց նրանց և ամպի միջից  
ձայն լսուեց, որ ասում էր.— «Սա է իմ սիրելի  
Որդին որին հաճեցայ, սրան լսեցէք»:

1) Այսինքն աշակերտներից ոմանք դեռ չմեռած իրենց աչ-  
քով պէտք է տեսնեն Մարգու Որդու փառաւոր գալուստը և Եր-  
կնքի Արքայուկեան՝ յաղթանակը:  
2) Գալիլիայի Թարոր լեռը:

Աշակերտները լսելով այս, սաստիկ վախե-  
ցան և երեսների վերայ ընկան: Յիսուսը մօտե-  
նալով բռնեց նրանց ու ասաց.— «Ոտքի կանգնե-  
ցէք և մի վախենաք»:

Երբ նրանք աչքերը բարձրացրին, բացի Յի-  
սուսից ոչ ոքի չտեսան:

Երբ լեռնից իջնում էին, Յիսուսը պատուիրեց  
նրանց և ասաց.— «Այս տեսիլքը ոչ ոքի չյայտ-  
նէք, մինչև որ Մարգու Որդին մեռելների միջից  
յարուկիւն չառնի»:

Աշակերտները հարցրին նրան ու ասացին.  
— «Ի՞նչու են դպիրներն ասում, որ առաջ Եղիան  
պիտի գայ:<sup>1)</sup> Յիսուսը նրանց պատասխանեց.—  
«Ճիշտ է, առաջ Եղիան պիտի գայ և ամեն բան  
կարգի ձգէ: Բայց ասում եմ ձեզ, որ Եղիան  
արդէն եկել է և նրան չճանաչեցին, այլ նրա  
հետ վարուեցին այնպէս, ինչպէս կամեցան:  
Մարգու Որդին էլ այդպէս պէտք է շարձարուի  
նրանցից»:

Այդ ժամանակ միայն հասկացան աշակերտ-  
ները, որ նա Յովհաննէս Մկրտչի մասին է  
խօսում:

1) Հրէայ դպիրներն ասում էին, որ առաջ երկինք վերացած  
Եղիա մարգարէն պիտի գայ, իսկ յետոյ Մեսիան, ինչպէս այդ  
գուշակուած էր մարգարէից.— «Մնա ես կուղարկեմ ձեզ մօտ Եղիա  
Թեղբացուն, դեռ Տիրոջ մեծ և երևելի օրը չեկած, որ հայրերի  
սիրտը որդոց և որդոց սիրտը՝ հայրերին դարձնէ»: (Մարգ. Գ. 5-6)  
Աշակերտները խօսում են Յիսուսի հետ այս մասին. Յիսուսը բա-  
ցատրում է, որ յիշատի առաջ Եղիան պիտի գար, որ պատրաստէր  
Մարգու Որդու ճանապարհը և այդ Եղիան արդէն եկաւ. բայց ոչ  
անուամբ, այլ Եղիայի հոգով. և այդ Եղիան՝ Յովհաննէս Մկր-  
տիչն էր:

64.

ԼՈՒՄՆՈՏ ԴԻՒԱԼԱՐԻ ԲԺՇԿՈՒԹԻՒՆԸ:—ԲԸԺՇԿՈՒ-  
ԹԻՒՆՆԵՐ ԿԱՏԱՐԵԼՈՒ ՊԱՅՄԱՆԸ

Մարկ. Թ. 13-26  
Երբ Յիսուսն եկաւ աշակերտների մօտ, նը-  
րանց շուրջը շատ ժողովուրդ տեսաւ: Այստեղ  
դպիրներ էլ կային, որոնք վիճում էին աշակերտ-  
ների հետ: Ժողովուրդն Յիսուսին տեսնելով,  
զարմացաւ և առաջ վազելով՝ ողջունեց նրան: Յի-  
սուսը դպիրներին հարցրեց:— «Ի՞նչ էիք վիճում  
նրանց հետ»:

Ժողովրդի միջից մինն ասաց.— «Վարդապետ,  
որդուս, որ համր դեով է բռնուած՝ քեզ մօտ բե-  
րեցի: Դեք որտեղ բռնում է որդուս, իսկոյն  
դետնոջն է տալիս և նա սկսում է փրփրել, ա-  
տամները կրճտացնել և անզգայանալ: Քո աշա-  
կերտներին ասացի որ դեք հանեն, բայց նրանք  
չկարողացան»:

Յիսուսը պատասխանեց ու ասաց.— «Այ  
անհաւատ ազգ, մինչև երբ պէտք է ձեզ մօտ լի-  
նեմ, մինչև երբ պէտք է լսեմ ձեզ. բերէք նրան  
ինձ մօտ»: Նրանք բերին: Հենց որ դիւահարն  
Յիսուսին տեսաւ, դեն իսկոյն ցնցեց նրան և նա  
դետին ընկնելով՝ թաւարում և փրփրում էր:

Յիսուսը հարցրեց հօրը.— «Ո՞ր ժամանակից  
է պատահել դրան այդ հիւանդութիւնը»: Հայրը  
պատասխանեց.— «Մանկութիւնից»: Դեք դրան  
սպանելու համար, շատ անգամ է կրակի և ջրի

մէջ ձգել: Ուստի, Տէր, եթէ կարող ես, խղճա՛  
մեզ և օգնիր»:

Յիսուսն ասաց.— «Ասացիր թէ կարող ես.  
հաւատացողի համար ամեն բան հնարաւոր է»:  
Տղայի հայրն իսկոյն աղաղակեց ու ասաց.—  
«Հաւատում եմ, օգնիր իմ անհաւատութեան»:  
Յիսուսը տեսնելով որ ժողովուրդը դիզում է,  
պիղծ դեին սաստեց ու ասաց.— «Համր ու խուլ  
դե, ես քեզ հրամայում եմ դուրս եկ դրա մի-  
ջից և այլ ևս չմտնես»: Դեք աղաղակելով և  
սաստիկ շարժարելով տղային, դուրս եկաւ: Տը-  
ղան մեռածի պէս դարձաւ, այնպէս որ շատերը  
կարծեցին թէ արդէն մեռաւ: Բայց Յիսուսը նրա  
ձեռքից բռնեց ու բարձրացրեց և նա կանգնեց:

Այն ժամանակ աշակերտներն առանձին մո-  
տեցան Յիսուսին և ասացին.— «Մենք ի՞նչու  
չկարողացանք դեք հանել»: Յիսուսն ասաց նրան.  
— «Ձեր թերահաւատութեան պատճառով: Որով-  
հետև ճշմարիտն եմ ասում ձեզ, որ եթէ մանա-  
նեխի սերմի չափ հաւատ ունենաք և այս լերանն  
ասէք թէ տեղափոխուի այստեղից այնտեղ,  
կտեղափոխուի. և ձեզ համար ոչ մի բան ան-  
հնարին չի լինի: Բայց այս (դեերի) ազգը աղօթ-  
քով ու պահեցողութեամբ միայն կարող է  
դուրս գալ»:

Գալիլիայում շրջելու ժամանակ, Յիսուսն  
ասաց աշակերտներին.— «Մարդու Որդին մարդ-  
կանց ձեռքը պէտք է մատնուի, նրան պէտք

է սպանեն և նա երրորդ օրը յարութիւն պէտք է առնի»:

Եւ աշակերտները սաստիկ տրամեցան:

65.

ՅԻՍՈՒՍԻՑ ՀԱՐԿ ԵՆ ՊԱՀԱՆՁՈՒՄ

Մարկ. 16  
21-26  
Երբ կափառնաւում եկան, մօտեցան Պետրոսին երկղրամեան<sup>1)</sup> հարկ հաւաքողներն ու ասացին. — «Ձեր վարդապետը չի՞ վճարի արդեօք երկղրամեանը»: Պետրոսն ասաց. — «Այո»: Երբ տուն եկան, Յիսուսն ասաց. — «Միմոն, ի՞նչ ես կարծում. ազգերի թագաւորներն ու՞մից են հարկը կամ հասոյթն ստանում, իրենց որդիներից թէ՞ օտարներից»: Երբ Պետրոսն ասաց թէ օտարներից. Յիսուսն ասաց. — «Ուրեմն, որդիքն ազատեն: Բայց որպէս զի գայթակղութեան առիթ չտանք, զնա ծովը, կարթզ ձգիր և առաջին դուրս եկած ձկան բերանը բաց. բերանի մէջ դու մի սատեր<sup>2)</sup> կգտնես, վերցրո՛ւ այն և վճարիր նրանց թէ ինձ և թէ քեզ համար»:

66.

Թէ Ո՛վ է ՄԵՍ ԵՐԿՆՔԻ ԱՐՔԱՅՈՒԹԵԱՆ ՄԷՁ.—ՅԻՍՈՒՍԻՆ ՉՀԵՏԵՒՈՂ ԵՐԴՄՆԵՑՈՒՑԻՉԸ:—ՓՈՔՐԻԿՆԵՐԻՆ ԳԱՅԹԱԿԴԵՑՆԵԼՈՒ ՊԱՏԻԺԸ

Մարկ. 16  
32-47  
Յիսուսն եկաւ կափառնաւում և երբ տուն մտաւ, իւր աշակերտներին հարցրեց. — «Ի՞նչ էիք

1) Երկղրամեան = 2 դահեկան, մօտ 1 ր. 20 կոպ.  
2) Սատեր = 2 ր. 40 կ.

վիճում իրար հետ ճանապարհին»: Աշակերտները լռեցին, որովհետև ճանապարհին վիճում էին թէ ո՞վ է իրենցից մեծը: Յիսուսը նստելով ասաց նրանց. — «Ով որ կամենում է մեծ լինել, նա պէտք է ամենից յետինն ու ամենքի ծառան լինի»: Եւ մի մանուկ կանչելով, նրան իւր գիրկըն առաւ և ասաց. — «Ով որ սրա նման մանուկներից մինին ընդունի իմ անունով, ինձ է ընդունում. և ինձ ընդունողը ոչ թէ ինձ է ընդունում, այլ ինձ Ուղարկողին»:

Յովհաննէսը պատասխան տուեց ու ասաց. — «Վարդապետ, մենք մի մարդ (երդմեցուցիչ) տեսանք, որ քո անունով դեբեր էր հանում, բայց մեր յետևից չէր գալիս, ուստի և մենք նրան արգելեցինք»:

Յիսուսն ասաց. — «Մի արգելէք նրան, որովհետև իմ անունով հրաշք գործողներից չկայ այնպիսին, որ ինձ իսկոյն հայհոյէ: Որովհետև ով որ հակառակ չէ մեզ, նա մեր կողմն է: Ով որ ձեզ մի բաժակ ջուր խմեցնի իմ անունով. թէ դուք Քրիստոսինն էք, ճշմարիտն եմ ասում ձեզ նա իւր վարձը չի կորցնի: Ով որ ինձ հաւատացող այս փոքրիկներից մէկին կգայթակղեցնէ, լաւ կլինէր եթէ նրա պարանոցից իշու երկանաքար կախէին և ծովը ձգէին»:

Եթէ քո ձեռքը գայթակղեցնէ քեզ, կտրիր ու ղէն ձգիր, որովհետև աւելի լաւ է խեղ մտնես յաւիտենական կեանքը, քան երկու ձեռքով գեհեանը—մշտաժառ կրակն ընկնես. ուր նրանց

որդը չէ մեռնում և կրակը չէ հանգչում:<sup>1)</sup>  
Եթէ քո ոտքը գայթակղեցնէ քեզ, կտրիր  
ու դէն ձգիր. որովհետև աւելի լաւ է կաղ ոտ-  
քով յաւիտենական կեանքը մտնես, քան երկու  
ոտք ունենաս և գեհեանը—մշտավառ կրակն ընկ-  
նես. ուր նրանց որդը չէ մեռնում և կրակը չէ  
հանգչում:

Եւ եթէ քո աջ աչքը գայթակղեցնէ քեզ,  
հանիր ու դէն ձգիր. աւելի լաւ է մի աչքով յա-  
ւիտենական կեանքը մտնես, քան թէ երկու աչք  
ունենաս և գեհեանն ընկնես. ուր նրանց որդը չէ  
մեռնում և կրակը չէ հանգչում:

Մարկ. ք. 48-49. Որովհետև ամեն բան կրակով է աղւում և  
ամենայն մի գոհ ազով է աղւում:<sup>2)</sup> Աղը լաւ  
բան է, բայց եթէ իւր համը կորցնէ, էլ ի՞նչով  
կարող էք նրա համը վերականգնել: Այդ ունեցէք  
ձեր մէջ, խաղաղութիւն ունեցէք միմեանց հետ:

Մատթ. ք. 10-14. Զգոյ՛ջ կացէք, չլինի թէ անարգէք այս փոք-  
րիկներին մինին, որովհետև ասում եմ ձեզ, որ

1) — Երանք վեր կը կենան և կը տեսնեն իմ դէմ ապստամ-  
բող մարդկանց ոսկրները, որովհետև նրանց որդը պէտք է չմեռնի  
և նրանց կրակը պէտք է չհանգչի և նրանք ամեն մարմնի գոռելի  
պէտք է լինեն: (Նսալի կղ. 24): Յիսուսը մարդարէի յիշեալ խօս-  
քերն առաջ բերելով յարմարեցնում է գատապարտուած և անբա-  
րիշտ մարդկանց, որոնց խղճի ներքին տանջանքները (որդը) և  
մարմնի արտաքին տանջանքները (կրակը) յաւիտեան ու անվերջ  
պէտք է մնան:

2) Յիսուսը ուզում է հասկացնել իւր աշակերտներին, որ  
ինչպէս հին օրէնքի գոհերը կրակով էին մաքրում և ազով աղւում,  
որ Աստուծուն հաճելի լինի (Ղևտ. ք 13), այնպէս էլ իրենք կրա-  
կով մաքրուածի նման՝ մաքուր պիտի լինեն և ազով աղւում կե-  
րակի նման՝ հաճելի ու դուրեկան:

նրանց հրեշտակներն ամեն ժամանակ տեսնում  
են իմ Երկնաւոր Հօր երեսը:

Որովհետև Մարդու Որդին կորածներին փրկ-  
կելու եկաւ:

Ի՞նչ էք կարծում, եթէ մի մարդ հարիւր ոչ-  
խար ունենայ և նրանցից մինը մոլորուի; մի՞թէ  
իննսուն և ինն ոչխարը լեռների վերայ չի թող-  
նի ու գնայ մոլորուածին որոնելու: Եւ եթէ  
զանելու լինի նրան, ճշմարիտն եմ ասում ձեզ,  
որ նրա վերայ աւելի կուրախանայ, քան թէ  
չմոլորուած իննսուն և ինն ոչխարի վերայ:

Այսպէս էլ Երկնաւոր Հայրս չէ կամենում,  
որ այս փոքրիկներին մինը կորչի»:

**67.**

ՅԻՍՈՒՍԸ ՍՈՎՈՐԵՑՆՈՒՄ Է ՄԵՂԱՆՉՈՂՆԵՐԻՆ ՈՒՂ-  
ՂԵՆ ՈՒ ՆԵՐՅԵՆ:—ԱՆՆԵՐՈՂ ՆԻ ՉԱՐ ԾԱՌԱՅՅԻ ԱՌԱԿԸ

Մատթ. ք. 15-35. Յիսուս շարունակեցով իւր խօսքն ասաց.  
— «Եթէ եղբայրդ մեղանչէ քո դէմ, գնա և յան-  
դիմանիր նրան երբ մենակ էք:<sup>1)</sup> Եթէ նա քեզ  
լսեց, նշանակում է եղբորդ շահեցար: Իսկ եթէ  
չլսէ, հետո մէկ կամ երկու մարդ վերցրու, որ-  
պէս զի երկու կամ երեք վկաների բերանով  
ամեն բան հաստատուի:<sup>2)</sup> Եթէ նրանց էլ չի լսի,  
եկեղեցուն յայտնիր. և եթէ եկեղեցուն էլ չլսեց,  
այն ժամանակ թող նա քեզ համար հեթանոսի

1) Համեմատել ղևտ. ժթ. 17-ի հետ:  
2) Համեմատել ք. օր. ժթ. 15-ի հետ:

և մաքսաւորի պէս լինի: Ճշմարիտն եմ ասում ձեզ, որին կապէք երկրի վերայ, կապուած կըլինի երկնքում և որին արձակէք երկրի մէջ, արձակուած կլինի երկնքում:

Այս էլ եմ ասում ձեզ, որ եթէ ձեզնից երկուսը երկրի վերայ միաբանուին, ինչ էլ որ խնդրեն, կատանան իմ Երկնաւոր Հօրից: Որովհետև որտեղ երկու կամ երեք հոգի ժողոված լինեն իմ անունով, այնտեղ եմ և ես՝ նրանց մէջ»:

Այն ժամանակ մօտեցաւ Պետրոսն ու ասաց.—«Տէր, եթէ եղբայրս իմ դէմ մեղանչէ, քանի՞ անգամ ներեմ նրան, մինչև եօթն անգամ»:

Յիսուսն ասաց.—«Չեմ ասում քեզ մինչև եօթն անգամ, այլ մինչև եօթանասուն անգամ եօթը:

Այս պատճառով Երկնքի Արքայութիւնը նրման է այն թագաւորին, որ կամեցաւ իւր ծառաներից հաշիւ ստանալ:

Երբ հաշուի նստեց, մօտեցաւ նրան բիւր<sup>1)</sup> քանքար պարտ եղող ծառան: Եւ որովհետև նա վճարելու կարողութիւն չունէր, տէրը հրամայեց որ նրան, նրա կնոջն ու որդոց և նրա բոլոր ունեցածը ծախեն, որպէս զի պարտքը վճարուի: Այն ժամանակ ծառան ընկնելով նրա առաջ, երկրպագեց ու ասաց.—«Ժամանակ տուր ինձ և ամբողջ պարտքս կվճարեմ»:

<sup>1)</sup> Բիւրը = 10,000-ի: Քանքարը=2,000 ըտր.: Բիւր քանքարը = քսան միլիոն ըտրլուն:

Տէրը խղճալով ծառային, արձակեց նրան և պարտքն էլ ներեց: Այդ նոյն ծառան դուրս գալով տիրոջ անից, գտաւ իւր ընկերներից մէկին, որն իրեն հարիւր դահեկան<sup>1)</sup> էր պարտ և բռնելով նրան՝ խեղդում էր ասելով.—«Վճարիր ինձ պարտքը»: Այն ժամանակ ընկերն ընկաւ նրա ոտքերն և սկսեց աղաչել ու ասել.—«Ժամանակ տուր ինձ և կվճարեմ»:

Բայց նա չկամեցաւ, այլ քնաց և բանտը դրեց նրան, մինչև որ պարտքը վճարէ: Նրա միւս ընկերները տեսնելով այդ, սաստիկ վշտացան, եկան ու եղելութիւնը տիրոջն յայտնեցին:

Այն ժամանակ տէրը կանչեց նրան ու ասաց.—«Չար ծառայ, ես քո ամբողջ պարտքը ներեցի, որովհետև աղաչեցիր ինձ: Ուրեմն պէտք չէր, որ դու էլ ընկերոջդ ներէիր, ինչպէս որ ես քեզ ներեցի»: Եւ բարկանալով նրա տէրը, դահիճների ձեռքը մատնեց նրան, մինչև որ ամբողջ պարտքը վճարէ:

Այսպէս կվարուի ձեզ հետ իմ Երկնաւոր Հայրը, եթէ դուք էլ սրտանց չէք ների ձեր եղբոր յանցանքները:

**68.**

ՅԻՍՈՒՍԸ ՀՐԱՀԱՆԳՈՒՄ Է ԻԻՐ ԵՕԹԱՆԱՍՈՒՆ ԵՒ ԵՐԿՈՒ ԱՇՍԿԵՐՏՆԵՐԻՆ ԵՒ ՅԱՆԴԻՄԱՆՈՒՄ ԳԱԼԻԼԻԱՅԻՆԵՐԻՆ

Յիսուսն ուրիշ եօթանասուն և երկու ասակերաններ էլ ընտրեց, որոնց զոյգ զոյգ ուղար-

Ղուկ. Ժ. 1-16

<sup>1)</sup> Վաթսուն ոտքի:

կեց այն քաղաքներն ուր գնալու էր ինքը:

Եւ ասաց նրանց.— «Հունձը շատ է, մշակ-  
ները սակաւ. ուստի և աղաչեցէք հունձի Տիրո-  
ջը, որ իւր հունձի համար մշակներ ուղարկէ:

Գնացէք, ես ուղարկում եմ ձեզ ինչպէս  
գառների՝ գայլերի մէջ: Հետներդ ոչ քսակ վեր-  
ցրէք, ոչ պարկ և ոչ էլ կօշիկ. և ճանապարհին  
էլ ոչ ոքի չբարևէք: Ինչ տուն էլ մտնէք, առաջ  
ասացէք.— Ողջոյն այս տանս:

Երբ այդ տան մէջ ողջոյնի արժանի մարդ  
գտնուեց, ձեր ողջոյնը նրա վերայ կհանդչի, իսկ  
եթէ չգտնուեց՝ ձեզ կդառնայ: Հենց այն տանն  
էլ մնացէք և նրանց ունեցածից կերէք ու խմե-  
ցէք, որովհետև մշակն արժանի է իւր վարձին:  
Տնից-տուն մի փոխուէք: Եթէ որևէ քաղաք  
մտնէք և ձեզ ընդունեն. կերէք ինչ որ առաջ-  
ներդ գնեն: Այնտեղ գտնուած հիւանդներին բը-  
ժչկեցէք և ասացէք.— Մօտեցել է ձեզ Աստուծու  
Արքայութիւնը:

Բայց եթէ մտնէք որևէ քաղաք և այնտեղ  
ձեզ չընդունեն, փողոց դուրս եկէք ու ասացէք.  
— «Այն փողին էլ, որ ձեր քաղաքից կպել է մեր  
ոտքերին, ձեզ վերայ ենք թափ տալիս. բայց  
իմացէք, որ մօտեցել է ձեզ Աստուծու Արքայու-  
թիւնը»: Ասում եմ ձեզ, որ այն օրը Սողոմոն-  
ցիների համար աւելի մխիթարական կլինի, քան  
այն քաղաքի համար:

Վայ քեզ Քորազին, վայ քեզ Բեթսայիզա,  
եթէ ձեր մէջ գործուած հրաշքները Տիրոսի և

Սիրոնի մէջ գործուէին, նրանք վաղուց քուրձով  
ու մոխրի մէջ նստած՝ ապաշխարտ կլինէին:  
Բայց դատաստանի օրը Տիրոսի և Սիրոնի հա-  
մար աւելի մխիթարական կլինի, քան ձեզ հա-  
մար:

Եւ դու կափառնաւում, որ մինչև երկինքն  
ես բարձրացել, մինչև դժոխք կիջնես:

Ձեզ լսողն ինձ է լսում. և ձեզ անարգողն  
ինձ է անարգում. նա, որ ինձ է անարգում, ինձ  
Ուղարկողին է անարգում և ով ինձ է լսում,  
ինձ Ուղարկողին է լսում:

69.

ՎԵՐՋԻՆ ՕՐԵՐԸ ԳԱՂԱՎԱՅԻՄ

Յովհ. է. <sup>2-9</sup> Մօտենում էր հրէաների Տաղաւարահա-  
րաց<sup>1)</sup> տօնը: Մօտեցան Յիսուսին իւր եղբայր-  
ներն ու ասացին.— «Ինչու եկ այստեղից և  
գնա՛ Հրէաստան, որ քո աշակերտներն էլ տես-  
նեն քո արած գործերը, որովհետև ոչ ոք չէ կա-  
րող ծածկաբար գործելով իրեն յայտնի անել:  
Եթէ դու ես իսկապէս այդ գործերն անողը, այն  
ժամանակ յայտնիր քեզ աշխարհին»:

Նրա եղբայրներն այդ բանն այն պատճա-  
ռով ասացին, որ իրենք էլ չէին հաւատում նը-

1) Տաղաւարահարաց տօնը Հրէից նշանաւոր տօներից մինն  
էր, որ տևում էր եօթն օր. այդ եօթն օրը հրէաները ծառերի ձիւղերից  
տաղաւարներ (վրաններ) էին շինում և նրանց տակն անցկացնում:  
Այդ տօնն իրենց նախահայրերի Եգիպտոսից դուրս գալուց յետոյ  
քառասուն տարի անապատի մէջ վրանաբնակ կեանք վարելուն յի-  
շատակն էր:

րան: Յիսուսը պատասխանեց.—«Իմ ժամանակը դեռ չէ հասել, բայց ձեզ համար միշտ ժամանակ է: Աշխարհը ձեզ չէ կարող ատել, բայց ինձ ատում է, որովհետեւ ես վկայում եմ, որ իւր գործերը չար են: Դուք գնացէք տօնին, բայց ես դեռ չեմ գնայ, որովհետեւ դեռ չէ հասել իմ ժամանակը»

Եւ նա մնաց Գալիլիայում:

70.

Դ Է Պ Ի Ե Ր Ո Ի Ս Ա Ղ Է Մ

Ղուկ. Թ. 51-62 Արդէն մօտենում էր Յիսուսի այս աշխարհից վերանալու օրերը. և նա իւր երեսը դէպի Երուսաղէմ դարձրեց:

Նա առաջուց պատուիրակներ ուղարկեց, որոնք Սամարիա գնալով, մի գիւղ մտան, որպէսզի կարեւոր պատրաստութիւնները տեսնեն:

Բայց այնտեղ չնդունեցին Յիսուսին, որովհետեւ գիւղացիք չէին յատարակներէից, որ նա դէպի Երուսաղէմ է ճանապարհորդում:

Երբ նրա աշակերտները — Յակովբոսն ու Յովհաննէսը տեսան այդ՝ ասացին.—«Տէր, կուզես ասենք, որ երկնքից կրակ իջնի ու դրանց սատակեցնի:»<sup>1)</sup>

Յիսուսը դարձաւ նրանց և սաստելով ասաց.—«Դուք չգիտէք թէ որ հոգուցն էք: Մար-

1) Յունարէնում աւելացած է.—«Ինչպէս եղիան էլ արաւ»: (Դ. Թագ. ա. 9-12):

դու Որդին չեկաւ մարդկանց հոգիները կորցնելու, այլ փրկելու»:

Եւ գնաց մի ուրիշ գիւղ:

Երբ դեռ նրանք ճանապարհին էին, Յիսուսի հետեողներից մինն ասաց.—«Տէր, ուր էլ գնալու լինես, յետեիցդ կգամ»:

Յիսուսը նրան ասաց.—«Աղուէսներն իրենց որջերն ունին և երկնքի թռչուններն իրենց բները, իսկ Մարդու Որդին իւր գլուխը դնելու տեղ էլ չունի»:

Դառնալով մի ուրիշի ասաց.—«Ի՞նչ եկ իմ յետեից»: Իսկ նա պատասխանեց.—«Տէր, հրաման տուր, որ նախ գնամ հօրս թաղեմ»: Յիսուսն ասաց նրան.—«Թող մեռելները թաղեն իրենց մեռելներին, իսկ դու գնա և Աստուծու Արքայութիւնն աւետիր»:

Մի ուրիշն էլ ասաց.—«Տէր, ես կգամ քո յետեից, միայն իրաւունք տուր ինձ, որ գնամ տանեցիներէս հրաժեշտի ողջոյն տամ»:

Յիսուսը նրան էլ պատասխանեց.—«Նա, որ իւր ձեռքը մածի վերայ է դնում և յետ է նայում՝ այդպիսին անյարմար է Աստուծու Արքայութեան համար»:

71.

ՅԻՍՈՒՍԸ ՎԻՃԱԲԱՆՈՒՄ Է ՓԱՐԻՍԵՑԻՆԵՐԻ ՀԵՏ ՏԱՂԱԻՐԱՀԱՐԱՑ ՏՕՆԻՆ

Յիսուսը շրջում էր Գալիլիայում և չէր կա-  
1, 9-44 կամենում Հրէաստան գնալ, որովհետեւ հրէաներն



ուզում էին նրան սպանել: Բայց երբ նրա եղբայրները տօնին Երուսաղէմ գնացին, ինքն էլ գնաց, բայց ոչ յայտնի կերպով, այլ ծածկաբար: Հրէաները տօնի ժամանակ նրան էին որոնում և ասում.— «Ո՛ր է նա»: Նրա մասին ժողովուրդի մէջ էլ կար խօսակցութիւն: Ոմանք ասում էին թէ նա բարի է, ոմանք էլ՝ թէ նա ժողովուրդ մոլորեցնող է: Բայց այնուամենայնիւ, հրէաների վախից ոչ ոք չէր համարձակում նրա մասին համարձակ խօսել:

Երբ տօնն ընդմիջեցաւ, Յիսուսը տաճար գրնաց և սկսեց ուսուցանել: Հրէաները զարմանում էին ու ասում.— «Ի՞նչպէս բան է, որ թէև չէ ուսել, բայց բոլոր գրողածները գիտէ»:

Պատասխանեց Յիսուսն և ասաց.— «Իմ վարդապետութիւնը իմս չէ, այլ ինձ Ուղարկողինն է: Ով որ կամենում է նրա կամքը կատարել, նա կիմանայ թէ այս վարդապետութիւնը Աստուածանից է թէ՞ ես ինձնից եմ խօսում: Ինքն իրենից խօսողն իւր փառքն է որոնում, իսկ ով որ իւր Ուղարկողի փառքն է որոնում, նա ճշմարիտ է և նրա մէջ անիրաւութիւն չկայ: Չէ որ Մովսէսն օրէնք տուեց ձեզ. բայց ձեզնից և ոչ մինը չէ կատարում օրէնքը: Ինձ ինչու էք կամենում սպանել»:

Ժողովուրդը պատասխան տուեց ու ասաց.— «Իև կայ քո մէջ ինչէ, ով է ուզում քեզ սպանել»:

Յիսուսը պատասխանեց ու ասաց.— «Մէկ

գործ գործեցի և ամենքդ էլ զարմացել էք: Մովսէսը ձեզ թլպատութիւն տուեց (թէև ոչ թէ Մովսէսիցն էր, այլ ձեր նախածայրերից, և դուք օրը շաբաթ մարդ էք թլպատում: Եթէ մի մարդ, շաբաթ օրը թլպատութիւն է ընդունում, որպէս զի Մովսէսի օրէնքը չլուծուի, հապա ինձ վերայ ինչո՞ւ էք զարմանում, որ ես շաբաթ օրը մի ամբողջ մարդ բժշկեցի: Աչքի երևցածով մի դատէք, այլ արդարութեամբ դատեցէք»:

Այն ժամանակ Երուսաղէմացիներից ոմանք առացին.— «Արդեօք սա այն անձը չէ, որին կամենում էին սպանել: Ահա նա խօսում է յայտնապէս և ոչինչ չեն ասում նրան, երևի իշխաններն էլ համոզուեցին, որ սա իսկապէս Քրիստոսն է: Մենք գիտենք թէ Սա որտեղից է, իսկ երբ Քրիստոսը գայ, ոչ ոք չէ կարող իմանալ թէ որտեղից է»:

Այն ժամանակ Յիսուսն սկսեց բարձրաձայն ուսուցանել տաճարում և ասել.— «Ինձ էլ գիտէք, որտեղից լինելս էլ գիտէք: Ես ինքս ինձ չեմ եկել. բայց ճշմարիտը՝ ինձ Ուղարկողն է որին դուք չէք ճանաչում: Ես ճանաչում եմ նրան, որովհետև ես նրանից եմ և նա ուղարկեց ինձ»:

Կամենում էին նրան բռնել, բայց ոչ ոք ձեռք չտուեց, որովհետև նրա ժամը դեռ չէր հասել:

Ժողովուրդից շատերն հաւատացին նրան և ասում էին.— «Քրիստոսը որ գայ, միթէ սրանից

աւելի նշաններ է ցոյց տալու»:

Փարիսեցիները լսելով ժողովրդի մէջ նրա մասին եղած խօսակցութիւնը, քահանայապետների հետ միացած, ուղարկեցին իրենց սպասաւորներին, որ նրան բռնեն: Իսկ Յիսուսն ասաց. — «Ես երկար ժամանակ չեմ մնալու ձեզ մօտ, այլ գնալու եմ ինձ Ուղարկողի մօտ: Դուք ինձ կորոնէք և չէք գտնի և ուր որ գնալու եմ, դուք չէք կարող գալ»:

Հրէաներն ասացին իրար. — «Սա ո՞ւր պէտք է գնայ, որ մենք չկարողանանք գտնել: Չըլինի թէ ցիր ու ցան եղած հեթանոսների մօտ է ուզում գնալ՝ նրանց ուսուցանելու: Ուրիշ ի՞նչ կարող է նշանակել նրա խօսքը թէ. — ինձ կորոնէք և չէք կարող գտնել և ուր որ գնալու եմ, դուք չէք կարող գալ»:

Տօնի վերջին մեծ օրը, Յիսուսը կանգնած աղաղակեց ու ասաց. — «Ով որ ծարաւ է թող գայ ինձ մօտ և խմէ: Ով որ ինձ հաւատում է նրա փորից, ինչպէս ասում է գիրքը<sup>1)</sup>, կենդանի ջրի գետեր կբխեն»:

Նա այդ բանը Սուրբ Հոգու մասին ասաց, որ նրան հաւատացողները պէտք է ընդունէին,

<sup>1)</sup> Բնագրի կերպով Ս. Գրքի մէջ այդպիսի վկայութիւն չկայ: Յիսուսն ընդհանուր կերպով ակնարկում է Եսայի մարգարէի այն խօսքերը, որով ջրի ու հողու համեմատութիւններ են լինում. — «Անջրդի տեղերով գնացող ծարաւին՝ ես ջուր կտամ և իմ հոգին կզննեմ քո զաւակի վերայ»: (Մարգ. Եսայի խո. 3):

— «Եւ սրանից յետոյ բոլոր մարմինների վերայ կթափեմ իմ հոգուց» (Յովել ր. 28):

բայց որ դեռ ևս չէր տրուած նրանց, որովհետեւ Յիսուսը դեռ չէր փառաւորուել:

Ժողովրդականներից ոմանք լսելով այդ խօսքը՝ ասացին. — «Սա ճշմարիտ մարգարէ է»: Ուրիշներն ասում էին. — «Սա Քրիստոսն է»: Իսկ ոմանք էլ ասում էին. — «Միթէ Քրիստոսը Գալիլայից պէտք է գայ: Չէ՞ որ գրքի մէջ ասուած է, թէ Քրիստոսը Դաւթի սերունդից պիտի լինի և Դաւթի գիւղից — Բեթղեհէմից պէտք է գայ»: Եւ այս պատճառով ժողովրդի մէջ երկպառակութիւն ընկաւ:

Նրանցից ոմանք կամեցան նրան բռնել, բայց ոչ ոք ձեռք չտուեց:

## 72.

Փ Ա Ր Ի Ս Ե Յ Ի Ն Ե Ր Ի Ժ Ո Ղ Ո Վ Ը

Յովհ. է. 45-52 **Երբ** ուղարկուած սպասաւորներն եկան քահանայապետների և փարիսեցիների մօտ, վերջիններն ասացին. — «Ինչու նրան այստեղ չբերիք»:

Սպասաւորները պատասխան տուին ու ասացին. — «Ոչ ոք այդ մարդու նման չէ խօսել երբէք»:

Փարիսեցիները պատասխանեցին. — Միթէ դուք էլ մոլորուեցաք: Չլինի թէ բացի այս անիծեալ խաժամուժ ամբօխից որ օրէնք չգիտէ, իշխաններից կամ փարիսեցիներից որեւէ մէկը հաւատաց նրան»:

Նիկողիմոսը (որ գիշերով եկել էր նրա մօտ և նրանցից մինն էր) ասաց նրանց. — «Միթէ մեր

օրէնքը կարող է դատել մի մարդու, առանց նախապէս լսելու և իմանալու թէ նա ինչ է արել»:

Պատասխան տուին նրան ու ասացին. —

«Միթէ դու էլ Գալիլիացի ես: Քննիր և կըտես նես որ ոչ մէկ մարգարէ Գալիլիայից չէ եկել»:

Եւ ամենքն էլ ցրուեցան իրենց տները:

Յովհ. Ե. Իսկ Յիսուսը Չիթենեաց լեռու բարձրացաւ:

73.

Պ Ո Ռ Ն Ի Կ Կ Ի Ն Ը

Յովհ. Ե. 2-11 Զետեալ օրն առաւօտեան Յիսուսը դարձեալ տաճար եկաւ, բոլոր ժողովուրդը հաւաքուեցաւ նրա շուրջը: Նա նստեց և սկսեց ուսուցանել նրանց:

Իպիրները, քահանայապետներն ու փարիսեցիները Յիսուսի մօտ շուրթեան մէջ բռնուած մի կին բերին ու կանգնացնելով նրա առաջ՝ ասացին. — «Վարդապետ, այս կինը շուրթեան յանցանքի մէջ բռնուեցաւ. Մովսէսը օրէնքի մէջ պատուիրել է մեզ այդպիսիներին քարկոծել, դու ի՞նչ ես ասում»:<sup>1)</sup>

Այդ հարցը նրան փորձելու համար տուին, որպէս զի նրան ամբաստանելու պատճառ ունենան:

Յիսուսը ցած նայելով, մատով գրում էր

1) Ղևո. Ի. 10 և Ե. օր. Իբ. 23-24.

գետնի վերայ: Իսկ երբ ստիպելով հարցրին նրան, նա դէպի վեր նայեց և ասաց նրանց. — «Ով որ ձեզնից անմեղ է, առաջ նա թող քար ձգէ դրա վերայ»:

Եւ դարձեալ ցած նայելով, գրում էր գետնի վերայ: Իսկ նրանք լսելով այդ՝ մէկ-մէկ դուրս եկան, առաջիններից սկսած մինչև վերջինները: Յիսուսը միայն մնաց և կինը, որ կանգնած էր նրա առաջ:

Յիսուսը դիմելով կնոջն ասաց. — «Ա՛յ կին, ո՛ւր գնացին քեզ ամբաստանողները, ոչ ոք չէ դատապարտեց քեզ»: Կինն ասաց. — «Ո՛չ, Տէր»:

Յիսուսն ասաց. — «Ես էլ քեզ չեմ դատապարտում, գնա՛ այսուհետև մի մեղանչիր»:

74.

ՅԻՍՈՒՍԸ ՎԻՃԱԲԱՆՈՒՄ Է ՓՍԻՍԵՅԻՆԵՐԻ ԼԵՏ ՏԱՃԱՐԻ ԳԱՆՁԱՏԱՆԸ

Յովհ. Ե. 12-59 Յիսուսն սկսեց խօսել ժողովրդի հետ և ասաց. — «Ես աշխարհի լոյսն եմ, իմ յետևիցս եկողը՝ խաւարի մէջ չի շրջի, այլ կեանքի լոյս կունենայ»: Փարիսեցիներն ասացին, — «Քեզ համար ինքդ ես վկայում և քո վկայութիւնը ճշմարիտ չէ»:

Պատասխան տուեց Յիսուսն ու ասաց. — «Եթէ նոյն իսկ ինքս էլ վկայեմ ինձ համար, այնուամենայնիւ իմ վկայութիւնը ճշմարիտ է, որովհետև զիտեմ թէ որտեղից եկայ և ուր պէտ-

քէ գնամ. բայց դուք չգիտէք թէ որտեղիցն եմ ես և կամ ուր պիտի գնամ: Դուք ըստ մարմնոյ էք դատում, ես ոչ ոքի չեմ դատում. իսկ եթէ դատելու էլ լինեմ, իմ դատաստանը ճշմարիտ է. որովհետև դատողը ես չեմ մենակ այլ ես և ինձ ուղարկող Հայրը: Եւ ձեր օրէնքի մէջ էլ գրուած է, որ երկու մարդու վկայութիւնը ճշմարիտ է: <sup>1)</sup> Ինձ համար վկայողը ես եմ և իմ Երկնաւոր Հայրը, որ վկայում է ինձ համար»:

Այն ժամանակ ասացին նրան. — «Ո՛ւր է քո Հայրը»: Յիսուսը պատասխան տուեց ու ասաց. — «Ո՛չ ինձ էք ճանաչում և ո՛չ իմ Հօրը. եթէ ինձ ճանաչէիք՝ իմ Հօրս էլ կճանաչէիք»:

Յիսուսն այս խօսքը գանձատանն ասաց. երբ նա ուսուցանում էր տաճարում և ոչ ոք չըռնեց նրան, որովհետև ժամանակը դեռ չէր հասել:

Յիսուսը շարունակեց. — «Ես գնում եմ և դուք կորոնէք ինձ և ձեր մեղքերի մէջ կմեռնէք և ես, ուր որ գնում եմ, դուք չէք կարող գալ»:

Հրէաներն ասում էին. — «Մի՞թէ անձնասպանութիւն է գործելու, որ ասում է թէ, ուր որ գնում եմ, դուք չէք կարող գալ»:

Յիսուսն ասաց նրանց. — «Դուք ցածիցն էք, իսկ ես վերևից. դուք այս աշխարհիցն էք, իսկ

<sup>1)</sup> «Անիրաւութեան կամ յանցանքի մէջ որևէ մարդու մեղադրելու համար, մի վկայի հաստատութիւնը բաւական չպէտք է համարուի»:

«Մահապարտը երկու կամ երեք վկայի հաստատութեամբ թող մեռնի. մէկ վկայի հաստատութեամբ չմեռնի»: (Բ. օր. ԺԹ. 15. Ժէ. 6.)

եւ այս աշխարհից չեմ. այդ պատճառով էլ ասացի, որ ձեր մեղքերի մէջ կմեռնէք. որովհետև եթէ դուք չհաւատաք, որ Այն Ես եմ, այն ժամանակ դուք ձեր մեղքերի մէջ կմեռնէք»:

Հարցրին նրան. — «Ո՛վ էս դու»:

Յիսուսը պատասխանեց. — «Ես այն եմ, ինչ որ հէնց սկզբից խօսում եմ ձեզ հետ: <sup>1)</sup> Ձեզ համար խօսելու և դատելու բան շատ ունիմ, բայց ինձ Ուղարկողը ճշմարիտ է և ես ինչ որ նրանից լսեցի՝ այն էլ աշխարհիս մէջ եմ խօսում»:

Նրանք չհասկացան որ Հօր մասին է խօսում: Յիսուսն ասաց նրանց. — «Երբ Մարդու Որդուն բարձրացնէք, այն ժամանակ կիմանաք, որ Այն Ես եմ և որ ես ինձնից ոչինչ չեմ անում, այլ ինչպէս սովորեցրեց ինձ իմ Հայրը, այնպէս եմ խօսում: Եւ ինձ Ուղարկողն ինձ հետ է: Հայրն ինձ մենակ չի թողնի, որովհետև ես միշտ այն եմ անում, ինչ որ հաճելի է նրան»: Երբ Յիսուսն այս բաներն էր խօսում, շատերն հաւատացին նրան:

Եւ իրեն հաւատացող հրէաներին Յիսուսն ասաց. — «Եթէ իմ խօսքերիս մէջ մնաք, իմ ճշմարիտ աշակերտները կլինէք: Դուք կճանաչէք ճշմարտութիւնը և այդ ճշմարտութիւնը ձեզ ազատ կղարցնէ»:

Պատասխան տուին նրան ու ասացին. —

<sup>1)</sup> Այսինքն, որ իմ ով լինելս մինչև հիմայ բացատրում եմ ձեզ:

«Մենք Աբրահամի զաւակներն ենք և երբէք ոչ որքի ծառայած չենք: Ուրեմն ի՞նչո՞ւ ես ասում թէ ազատ կղա՞ննաք»: Յիսուսը պատասխանեց. — «Ճշմարիտ, ճշմարիտն եմ ասում ձեզ, ով որ մեղք է գործում՝ նա մեղքի ստրուկն է: Ստրուկը չի կարող տան մէջ յաւիտեան մնալ, բայց որդին յաւիտեան կմնայ: Ուստի, եթէ Որդին ձեզ ազատ դարձնէ, այն ժամանակ դուք իսկապէս ազատ կլինէք:

Գիտե՞մ որ դուք Աբրահամի զաւակներն էք, բայց ուզում էք ինձ սպանել, որովհետեւ իմ խօսքերը ձեր մէջ տեղ չունին: Ես ինչ որ Հօրս մօտ տեսայ, այն եմ խօսում. իսկ դուք ինչ որ ձեր հօր մօտ տեսաք՝ այն էք անում»:

Պատասխան տուին նրան ու ասացին. — «Մեր հայրն Աբրահամն է»:

Յիսուսն ասաց. — «Եթէ դուք Աբրահամի որդիքը լինէիք, Աբրահամի գործերը կգործէիք: Բայց դուք ուզում էք սպանել ինձ — այսինքն նրան, որ ձեզ իւր Հօրից լսած ճշմարտութիւնը խօսեց. Աբրահամն այդ բանը չարաւ: Դուք ձեր հօր գործերն էք անում»:

Այն ժամանակ ասացին նրան. — «Մենք պոռնիկութիւնից չենք ծնուած, մենք մի Հայր ունինք, որ է Աստուած»: Յիսուսը պատասխանեց. — «Եթէ Աստուած ձեր Հայրը լինէր, դուք ինձ պէտք է սիրէիք, որովհետեւ ես Աստուծուց ելայ ու եկայ. և ես ինքս ինձնից չեկայ, այլ նա ուղարկեց ինձ: Ի՞նչո՞ւ չէք հասկանում խօ-

սածներս, որովհետեւ չէք կարող խօսքերս լսել: Ձեր հայրը սատանան է և դուք կամենում էք ձեր հօր ցանկութիւնները կատարել: Նա սկզբից մարդասպան էր և ճշմարտութեան մէջ չմնաց, որովհետեւ նրա մէջ ճշմարտութիւն չկայ: Երբ նա սուտ է խօսում, նա իրեններից է խօսում, որովհետեւ նա ստախօս է և ստութեան հայրը: Իսկ ես որ ճշմարտութիւնն եմ խօսում, ինձ չէք հաւատում:

Ձեզնից որը կարող է ինձ մեղքի համար յանդիմանել: Իսկ եթէ ես ճշմարտութիւնն եմ խօսում, հապա ի՞նչո՞ւ չէք հաւատում ինձ: Ով Աստուծուցն է, նա լսում է Աստուծու խօսքերը: Դուք այն պատճառով չէք լսում, որ Աստուծուց չէք»:

Հրէաները պատասխան տուին նրան և ասացին. — «Ճիշտը չէինք ասում, որ դու Սամարացի ես և դե կայ քո մէջը»:

Յիսուսն ասաց. — «Իմ մէջ դե չկայ, բայց ես իմ Հօրս եմ պատուում, իսկ դուք ինձ անարգում էք: Ես չեմ որոնում իմ փառքը, կայ մինը, որ որոնում է ու դատում: Ճշմարիտ, ճշմարիտն եմ ասում ձեզ, ով իմ խօսքերը պահէ, նա յաւիտեան մահ չի ճաշակի»:

Հրէաներն ասացին նրան. — «Այժմ իմացանք, որ քո մէջը դե կայ: Աբրահամը մեռաւ, մարգարէները նոյնպէս և դու ասում ես, թէ ով իմ խօսքերս պահէ, յաւիտեան մահ չի ճաշակի: Մի՞թէ դու մեծ ես մեր հայր Աբրահա-

մից ու մարգարէներից՝ որ մեռան և քեզ ո՞ւմ տեղն ես գնում»:

Յիսուսը պատասխանեց. — «Եթէ ես ինձ փառաւորեմ, իմ փառքը ոչինչ է. իմ Հայրն է, որ փառաւորում է ինձ և Որի համար ասում էք, թէ ձեր Աստուածն է: Դուք Նրան չէք ճանաչում, իսկ ես ճանաչում եմ, և եթէ ասեմ թէ Նրան չեմ ճանաչում, ձեզ նման ստախօս կլինեմ: Բայց ես ճանաչում եմ Նրան ու պահում նրա խօսքերը: Չեր հայր Աբրահամը ցանկութիւն ունէր իմ օրը տեսնելու ու տեսաւ և ուրախացաւ»:

Հրէաներն ասացին նրան. — «Դու դեռ յիսուսն տարեկան էլ չկաս և Աբրահամին տեսա՞ր»:

Յիսուսն ասաց նրանց. — «Ճշմարիտ, ճշմարիտն եմ ասում ձեզ, որ ես Աբրահամի լինելուցն էլ առաջ եմ»:

Այն ժամանակ հրէաները քարեր վերցրին, որ քարկոծեն նրան.<sup>1)</sup> բայց նա խոյս տուեց և տաճարից դուրս եկաւ ու գնաց:

75.

Ի ԾՆԷ ԿՈՅՐԻ ԲԺՇԿՈՒԹԻՒՆԸ

Յովհ. Թ. 38  
Յիսուսն անցնելիս ի ծնէ կոյր մի մարդ տեսաւ: Աշակերտներն հարցրին Յիսուսից. — «Սա ո՞ւմ մեղքի համար է կոյր ծնուել. իւր թէ՞ իւր

<sup>1)</sup> Համեմատել Ղևո. իդ. 16-ի հետ: «Աստուծուն հայտնիչը մահով պէտք է մեռնի. ժողովուրդը նրան քարքնկեցութեամբ պէտք է քարկոծէ»:

հօր կամ մօր մեղքի համար»: Յիսուսը պատասխանեց. — «Սա կոյր է ծնուել ոչ իւր և ոչ էլ իւր հօր կամ մօր մեղքի համար, այլ որ դրա վերայ Աստուծու գործերն յայտնուին: Քանի որ դեռ ցերեկ է, ես պէտք է ինձ Ուղարկողի գործերը կատարեմ. գիշերը կգայ և այլ ևս ոչ ոք չէ կարող գործել: Քանի որ աշխարհումն եմ, աշխարհի լոյսն եմ»: Ասելով այս, թքեց գետնի վերայ, թքով ցելս շինեց և կոյրի աչքերին ձեփելով՝ ասաց. — «Գնա և Սելովմայ աւազանի մէջ լուացուիր»: Նա գնաց և լուացուեց. և երբ եկաւ, արդէն տեսնում էր:

Նրա դրացիներն ու առաջուց նրան մուրացկան տեսնողներն ասում էին. — «Արդեօք սա այն մուրացկանը չէ՞, որ նստած մուրացկանութիւն էր անում»: Ոմանք ասում էին թէ նա է, ոմանք էլ թէ նա չէ, այլ նրա նման է. իսկ ինքն ասում էր թէ՛ ես եմ: Ուստի և հարցրին նրան. — «Հապա ի՞նչպէս բացուեցան աչքերդ»: Նա պատասխանեց. — «Մի մարդ, որին Յիսուս են կոչում, ցելս շինեց և աչքերիս ձեփելով՝ ասաց. — «Գնա Սելովմա և լուացուիր: Ես գնացի, լուացուեցայ և այժմ տեսնում եմ»:

Հարցրին նրան. — «Ո՞րտեղ է նա»: Նա պատասխանեց. — «Չգիտեմ»:

Եւ այդ մարդուն, որ առաջ կոյր էր, փարիսեցիների մօտ տարան: Այն օրը որ Յիսուսը ցելս շինեց և կոյրի աչքերը բացեց, շաբաթ էր: Փարիսեցիներն էլ հարցրին նրան, թէ ի՞նչ

պէս է որ տեսնում է: Նա էլ պատասխանեց. — «Աչքերիս վերայ ցեխ դրեց, ես լուացուեցայ և այժմ տեսնում եմ»:

Փարիսեցիներին ոմանք ասացին. — «Այդ մարդն Աստուծոց չէ, որովհետև շաբաթը չէ պահում»: Ոմանք էլ ասում էին. — «Մեղաւոր մարդն ինչպէս կարող է այդպիսի հրաշք գործել»: Եւ մէջներն երկպառակուեցին ընկաւ: Նորից դիմեցին կոյրին՝ հարցնելով. — «Դու ի՞նչ կարող ես ասել նրա մասին, որովհետև նա է աչքերդ բացել: Կոյրն ասաց. — «Նա մարգարէ է»:

Հրէաները չհաւատացին, որ նա կոյր է եղել և բացուել են աչքերը: Ուստի և կանչեցին կոյրի ծնողներին ու հարցրին. — «Սա է՞ ձեր որդին, որի համար ասում էիք թէ կոյր ծնուեցաւ, հապա ի՞նչպէս է որ այժմ տեսնում է»:

Նրա ծնողներն էլ պատասխանեցին հրէաներին ու ասացին. — «Գիտենք որ սա մեր կոյր ծնուած որդին է, բայց թէ այժմ ի՞նչպէս է որ տեսնում է՝ չգիտենք. կամ թէ ո՞վ բացեց դրա աչքերը՝ նոյնպէս չգիտենք: Ինքն արդէն չափահաս է, հենց իրեն հարցրէք, թող ինքը խօսի իւր մասին»:

Ծնողներն այն պատճառով ասացին, որ «ինքը չափահաս է, իրենից հարցրէք» որովհետև վախենում էին հրէաներից, որոնք ուխտել էին նրան Քրիստոսի տեղ ընդունողներին՝ ժողովաւորանից հեռացնել: Փարիսեցիները նորից կանչեցին կոյր մարդուն և ասացին. — «Փառք տուր Աս-

տուծուն, մենք գիտենք որ այն մարդը մեղաւոր է»: Նա պատասխանեց. — «Մեղաւոր է թէ ոչ, ես այդ չգիտեմ. միայն այն գիտեմ, որ կոյր էի և այժմ տեսնում եմ»:

Նորից հարցրին նրան. — «Նա քեզ ի՞նչ արաւ. ի՞նչպէս բացեց աչքերդ»:

Պատասխան տուեց նրանց և ասաց. — «Ես արդէն ասացի ձեզ և դուք չլսեցիք՝ էլ ի՞նչ էք կամենում իմանալ, կամ գուցէ դուք էլ էք կամենում նրա աշակերտը լինել»:

Նրանք հայհոյեցին նրան ու ասացին. — «Դու ես նրա աշակերտը, մենք Մովսէսի աշակերտներն ենք, մենք գիտենք որ Աստուած Մովսէսի հետ խօսեց, բայց չգիտենք թէ սա ո՞րտեղից է»:

Պատասխան տուեց այն մարդն ու ասաց. — «Հենց զարմանալին էլ այդ է որ դուք չգիտէք թէ որտեղից է նա, բայց իմ աչքերը բացեց: Իսկ մենք գիտենք, որ Աստուած ոչ թէ մեղաւորներին է լսում, այլ նրան միայն որ պաշտում է Աստուծուն և նրա կամքը կատարում: Աշխարհի սկզբից մինչև օրս լսուած չէ, որ ոք մին ի ծնէ կոյր մարդու աչքեր բացած լինի: Եթէ այն մարդն Աստուածանից չլինէր, ոչինչ չէր կարող անել»:

Պատասխան տուին նրան ու ասացին. — «Դու ոտից գլուխ մեղքի մէջ ես ծնուել և ուղում ես մեզ բան սովորեցնել»: Եւ նրան դուրս վռնդեցին: Յիսուսը լսեց որ նրան վռնդել

են. և երբ նրան գտաւ՝ ասաց. — «Դու հաւատում  
էս Աստուծու Որդուն»:

Նա պատասխանեց . — «Տէր, ո՞վ է նա, որ  
հաւատամ»: Յիսուսն ասաց. — «Դու արդէն տե-  
սար նրան և նա այժմ խօսում է քեզ հետ»:

Նա պատասխանեց. — «Հաւատում եմ Տէր»:  
Եւ երկրպագեց նրան:

### 76.

#### ՔԱՋ ՀՈՎՈՒԻ ՕՐԻՆԱԿԸ

Յովհ. Թ. 39-41. Յիսուսը դարձաւ փարիսեցիներին ու ասաց. — «Ես դատաստանի համար եկայ այս աշխարհը, որպէս զի շտեմնողները՝ տեսնեն, իսկ տեսնողները՝ կուրանան»:

Փարիսեցիներից ոմանք լսելով այդ՝ ասացին. — «Մի՞թէ մենք էլ կոյր ենք»:

Յիսուսն ասաց. — «Եթէ կոյր լինէիք, ձեզ վերայ մեղք չէիք ունենայ, բայց որ ասում էք թէ տեսնում ենք, այդ պատճառով էլ ձեր մեղքը ձեր վերայ կմնայ»:

Յովհ. Ժ. 1-21. Ճշմարիտ, ճշմարիտն եմ ասում ձեզ, ով որ դռնից չէ մտնում ոչխարների գաւիթը և ուրիշ տեղից է բարձրանում, նա գող է և աւազակ: Իսկ ով դռնիցն է մտնում, նա ոչխարների հովիւն է: Դո՞նապանը բաց է անում դուռը նրա համար և ոչխարները լսում են նրա ձայնը և նա անուն-անուն կանչելով ոչխարներին՝ դուրս է հանում փարախից: Եւ երբ դուրս է հանում բո-



Ք Ա Ջ Հ Ո Վ Ո Ւ Մ Ե



լոր ոչխարներին, ինքը գնում է նրանց առջևից, իսկ ոչխարներն էլ նրա յետևից, որովհետև ճանաչում են նրա ձայնը: Օտարի յետևից չեն գնում և փախչում են նրանից, որովհետև չեն ճանաչում օտարի ձայնը»:

Յիսուսն այս օրինակը բերեց, բայց նրանք չհասկացան թէ ինչ էր խօսում:

Յիսուսը շարունակեց. — «Ճշմարիտ, ճշմարիտն եմ ասում ձեզ, որ ես եմ ոչխարների գուռը: Եւ բոլորն էլ, որոնք ինձնից առաջ եկան՝ գողեր էին և աւագակներ և ոչխարները չլսեցին նրանց: Ես եմ գուռը, ով որ ինձնով մտնի, նա կփրկուի և կմտնի ու գուրս կգայ և սնունդ կը գտնի: Գողն այն նպատակով է գալիս, որ գողանայ, սպանէ ու կորցնէ: Իսկ ես եկայ, որ կեանք ունենան և աւելորդով ունենան:

Ես եմ քաջ հովիւը, քաջ հովիւն իւր կեանքը գնում է իւր ոչխարների համար: Վարձկանը, որ հովիւ չէ և ոչխարներն էլ իրենը չեն, երբ տեսնում է որ գայլն եկաւ, թողնում է ոչխարներին ու փախչում. և գայլն յափշտակում և ցաքուցրիւ է անում ոչխարներին. վարձկանը փախչում է, որովհետև վարձկան է և ոչխարների համար հոգս չէ քաշում: Ես եմ քաջ հովիւը և ճանաչում եմ իմ ոչխարներին. իմ ոչխարներն էլ ինձ են ճանաչում: Ինչպէս Հայրս ճանաչում է ինձ, այնպէս էլ ես եմ ճանաչում Հօրըս և կեանքս գնում եմ ոչխարներին համար: Ես ուրիշ ոչխարներ էլ ունեմ, որ այս փարա-

խից չեն, նրանց էլ պէտք է բերեմ այստեղ. նրանք կլսեն իմ ձայնը և կլինի մի հօտ և մի հովիւ: Հայրս այն պատճառով է սիրում ինձ, որ ես տալիս եմ կեանքս, որպէս զի նորից ընդունեմ այն: Ոչ ոք չէ խլում այն ինձնից, այլ ես ինքս եմ տալիս: Իշխանութիւն ունիմ տալու այն և իշխանութիւն ունիմ նորից ընդունելու: Աս պատուէրն ես Հօրիցս ստացայ»:

Այս խօսքերի համար, նորից երկպառակութիւն ընկաւ հրէաների մէջ. նրանցից շատերն ասում էին. — «Դե կայ սրա ներսը և խելագարւում է, ի՞նչու էք սրան լսում»: Ոմանք էլ ասում էին. — «Այս խօսքերը դիւանարի խօսքեր չեն, մի՞թէ դէր կարող է կոյրի աչքերը բանալ»:

77.

Մ Ա Ր Թ Ա Ե Ի Մ Ա Ր Ի Ա Մ

Ղուկ. Ժ. 38-42. **Ժողովրդի ցրուելոց յետոյ Յիսուսը գրնաց մի գիւղ (Բեթանիա) ուր Մարթա անունով մի կին՝ նրան իւր տունն ընդունեց:**

Մարթան մի քոյր էլ ունէր Մարիամ անունով, որ Յիսուսին տեսնելուն պէս, նրա ոտքերի մօտ նստեց և սկսեց նրա խօսքերը լսել: Մարթան որ ծառայութիւն անելով էր զբաղուած, եկաւ Յիսուսի մօտ և ասաց. — «Տէր, մի՞թէ հոգրդ չէ, որ քոյրս ինձ գործի մէջ մեկնակ է թողել. ասա, որ գայ և օգնէ ինձ»: Յիսուսը պատասխանեց ու ասաց. — «Մարթա, Մարթա, դու

հոգում ես և շատ բաներով ես զբաղուած, այն ինչ այստեղ քիչ բան է պէտք: Մարիամը բարի բաժինն ընտրեց և այն չի խլուի նրանից»:

78.

ԵՕԹԱՆԱՍՈՒՆ ԵՒ ԵՐԿՈՒ ԱՇԱԿԵՐՏՆԵՐԻ ՎԵՐԱԴԱՐՁԸ

Ղուկ. Ժ. 17-22 Եօթանասուն և երկու աշակերտները ուրախութեամբ վերադարձան և ասացին Յիսուսին. — «Տէր, քո անունով մինչև անգամ դեներն են հնազանդուում մեզ»:

Յիսուսն ասաց նրանց. — «Սատանային փայլակի պէս երկնքից վայր ընկնելիս էի տեսնում: Սրանով իշխանութիւն եմ տալիս ձեզ օձերին, կարիճներին և թշնամու բոլոր զօրութիւնները ոտնակոխ անելու. և ոչ մի բան ձեզ չէ կարող փնասել: Դուք մի ուրախանաք, որ սատանաները հնազանդուում են ձեզ, այլ ուրախացէք որ ձեր անուններն երկնքում են գրուած»:

Նոյն ժամին Յիսուսը ցնծաց Սուրբ Հոգով և ասաց. — «Շնորհակալ եմ Քեզնից երկնքի և երկրի Հայր, որ այս բաները իմաստուններից և գիտուններից ծածկեցիր և տղաներին յայտնեցիր: Այո՛ Հայր, որովհետև Դու այդպէս հաճեցար:

Ամեն բան տրուեցաւ ինձ իմ Հօրից և ոչ ոք բացի Հօրից, չգիտէ թէ ո՞վ է Որդին. և ոչ ոք չգիտէ թէ ո՞վ է Հայրը՝ բացի Որդուց և նրանից, որին Որդին կը կամենայ յայտնել:

Մատթ. Ժա 28-30 Եկէք ինձ մօտ նեղութիւններից յոգնածներ և բեռան տակ ընկճուածներ, ես ձեզ կհանգրստացնեմ: Իմ լուծը ձեզ վերայ առէք և ինձնից սովորեցէք, որ հեզ եմ և սրտով խոնարհ և դուք հանգիստ կգտնէք, որովհետև իմ լուծը քաղցր է և իմ բեռը՝ թեթև»:

Ղուկ. Ժ. 23-24 Եւ ապա դառնալով իւր աշակերտներին առանձին՝ ասաց. — «Երանի՛ր այն աչքերին, որ ձեր տեսածները կտեսնեն: Որովհետև ասում եմ ձեզ, որ շատ մարգարէներ ու թագաւորներ կամեցան ձեր տեսածները տեսնել ու շտեսան. և ձեր լսածները լսել ու չլսեցին»:

79.

ՅԻՍՈՒՍՆ ՈՒ ՕՐԻՆԱԿԱՆԸ:—ՍՍՄԱՐԱՑՈՒ ԱՌԱԿԸ

Ղուկ. Ժ. 25-37 Մի օրինական, Յիսուսին փորձելու նրպատակով հարցրեց. «Վարդապետ, ի՞նչ անեմ որ յաւիտենական կեանք ժառանգեմ»: Յիսուսը պատասխանեց. — «Օրէնքի մէջ ի՞նչ է գրուած. ի՞նչ ես կարդում»:

Նա պատասխան տուեց ու ասաց. — «Միրի՛ր քո Տէր Աստուծուն բոլոր սրտովդ, բոլոր անձովդ, բոլոր զօրութեամբդ և բոլոր մտքովդ.<sup>1)</sup> և ընկերոջդ էլ ինչպէս քո անձը»:<sup>2)</sup> Յիսուսն ասաց. — «Ուղիղ պատասխանեցիր, կատարիր այդ և կապրես»:

1) Բ. օր. դ. 5.

2) Ղևտ. ԺԹ. 19.

Բայց նա իրեն արդարացնել կամենալով՝  
Յիսուսին ասաց. — «Իսկ ո՞վ է իմ ընկերը»:

Պատասխան տուեց Յիսուսն ու ասաց. —  
«Մի մարդ Երուսաղէմից Երիքով գնալիս աւա-  
զակների ձեռքն ընկաւ, որոնք նրան մերկացրին,  
վիրաւորեցին և կիսամահ թողնելով՝ գնացին:  
Պատահմամբ մի քահանայ էր գնում այդ ճանա-  
պարհով և տեսնելով նրան, առանց ուշադրու-  
թիւն դարձնելու, անցաւ դնաց:

Անցաւ նոյնպէս մի դետացի, որ հասնելով  
նոյն տեղը մօտեցաւ, նայեց վիրաւորեալին և  
ուշադրութիւն չդարձնելով՝ հեռացաւ:

Մի Սամարացի այդ ճանապարհովն անց-  
նելիս, հէնց որ տեսաւ վիրաւորեալին, խղճաց:  
Իսկոյն մօտեցաւ, դինի տուեց, վերքի վերայ  
ձէթ քսեց, վերքերը փաթաթեց և իւր զրաստի  
վերայ դնելով, մի պանդոկ տարաւ և սկսեց  
նրան խնամել: Հետեւեալ օրը, երբ նա այնտե-  
ղից դուրս պէտք է գար, երկու դահեկան հանեց  
և պանդոկապետին տալով՝ ասաց. — «Խնամիր  
սրան և եթէ աւելին ծախսես, վերագարձիս կը-  
վճարեմ:

Այժմ ի՞նչ ես կարծում, այս երեքից ո՞րն  
է աւագակների ձեռքն ընկած մարդու ընկերը»:

Օրինականը պատասխանեց. — «Նա, որ նրան  
ողորմութիւն արաւ»: Յիսուսն ասաց նրան. —  
«Գնա և դու էլ այնպէս արա»:



«ՈՂՈՐՄԱԾ ՍԱՄԱՐԱՅԻՆ»

80.

ԺԱՌԱՆԳՈՒԹԵԱՆ ՀԱՄԱՐ ԲՈՂՈՔՈՂԸ.—ԱՆՄԻՏ ՀԱ-  
ՐՍՏԻ ԱՌԱԿԸ.—ՅԻՍՈՒՍԸ ԽՕՍՈՒՄ Է ԳԱՆՁԻ ՄԱՍԻՆ

Ղուկ. Ժբ. 13-21. **Պ**ողովրդականներից մինը դիմեց Յիսուսին  
և ասաց.— «Վարդապետ, եղբորս ասան, որ ժա-  
ռանգութիւնն ինձ հետ բաժանէ»:

Յիսուսը պատասխանեց նրան ու ասաց.—  
Այ մարդ, ո՞վ է ինձ ձեզ վերայ դատաւոր կամ  
բաժանարար կարգել: Եւ դառնալով նրանց ա-  
սաց.— «Տեսէք և զգոյ՛շ կացէք շահաւիրութիւ-  
նից, որովհետեւ մարդու կեանքը ստացուածքի  
շատութիւնից չէ կախուած»:

Եւ նրանց հետեեալ առակն ասաց.— «Տոհ-  
մական հողեր ժառանգած մի հարուստ մարդ,  
որի առեւոյր առաս պտուղ եիկն տուել, ինքն  
իրեն մտածում էր.— ի՞նչ անեմ, պտուղներս հա-  
ւաքելու տեղ չունեմ: Եւ ասաց.— «Գիտեմ ինչ  
կանեմ. ամբարներս կքանդեմ և աւելի մեծերը  
կշինեմ և ցորենս ու բոլոր բարիքներս այնտեղ  
կժողովեմ: Եւ կասեմ անձիս, ո՞վ իմ անձն, շատ  
բարիքներ ունիս երկար տարիների համար ամ-  
բարած. հանգատացի՛ր, կէր, խմի՛ր և ուրախա-  
ցի՛ր»: Բայց Աստուած նրան ասաց. «Անմիտ, այս  
գիշեր հողիդ կառնեն քեզնից, յետոյ ումն են  
մնալու քո այդ պատրաստութիւնները»:

Այդպէս է լինում այն ամենի հետ, որն ի-  
րեն համար է գանձ դիզում և Աստուծով չէ  
հարստանում:

Ղուկ. Ժբ. 32-34. **Մ**ի վախենար փոքրիկ հօտ, որովհետեւ ձեր  
հայրը հաճեցաւ ձեզ տալ Արքայութիւնը: Ծախե-  
ցէք ձեր ստացուածքը և ողորմութիւն տուէք:  
Ձեզ համար շնացող քսակներ և չպակասող գանձ  
պատրաստեցէք երկնքում, ուր ոչ գողն է մօ-  
տենում և ոչ ցեցն ապականում: Որովհետեւ որ-  
տեղ ձեր գանձն է, այնտեղ էլ ձեր սրտերը կը  
լինեն»:

81.

ՅԻՍՈՒՍԸ ԽՕՍՈՒՄ Է ԱՐԹՈՒՆ ԵՒ ՊԱՏՐԱՍՏ ԼԻՆԵ-  
ՂՈՒ ԵՒ ՀԱՒԱՏԱՐԻՄ ԾԱՌԱՅՈՒԹԵԱՆ ԱՆՀՐԱԺԵՇ-  
ՏՈՒԹԵԱՆ ՄԱՍԻՆ

Ղուկ. Ժբ. 35-48. **Չ**եր մէջքերը թող գօտևորուած<sup>1)</sup> լինեն և  
ճրագները վառած: Դուք այն մարդկանց նման-  
ուեցէք, որոնք իրենց աիրոջ հարսանիքից վե-  
րագառնալուն են սպասում, որպէս զի երբ գայ  
և դուռը թակէ, իսկոյն բանան: Երանի՛ այն ծա-  
ռաներին որ երբ տէրը գայ, նրանց արթուն կը  
գտնի: Ճշմարիտն եմ ասում ձեզ, որ գօտին  
մէջքին կապելով սեղան կնստեցնի և առաջ ան-  
ցնելով, կժառայի նրանց: Եւ եթէ երկրորդ կամ

1) Հրէից մէջ «գօտևորուած» լինելը փոխաբերական մտքով  
նշանակում էր պատրաստ գտնուել որ և է գործի համար, զօրանալ  
համբերութեամբ տանելու ամեն ծանրութիւն և վիշտ: Ընդհակա-  
ռակը գօտին բացարձակ ունենալ, նշանակում էր անպատրաստ գրտ-  
նուել գործի համար, թուլանալ և խեղճանալ:

Յիսուսն հրաւիրում է իւր հաւատացեալներին, որ գօտևոր-  
ուած լինեն, այսինքն ժրանան և զօրանան Քրիստոնէութեան մէջ,  
համբերութեամբ տանեն ամենայն մի վիշտ և նեղութիւն: (Դ. Թագ.  
դ. 29. Յովբ. լը 3. Երեմիա ա. 17. Թղթ. առ Եփես. գ. 14 և այլն):

երրորդ պահուն<sup>1)</sup> գայ և նրանց արթուն գտնէ, այն ժամանակ երանելի են այն ծառաները: Բայց դուք զիտէք, որ եթէ տանուտէրն իմանար, թէ որ ժամին է գողը գալու, արթուն կը մնար և թոյլ չէր տայ, որ իւր տունը ծակեն:

Դուք էլ պատրաստ կացէք, որովհետև որ ժամին չէիք սպասում, այն ժամին կգայ Մարդու Որդին»:

Պետրոսն ասաց. — «Տէր, այդ առակը մեզ ես ասում միայն թէ՞ ամենքին»:

Եւ Տէրն ասաց. — «Ո՞վ է այն հաւատարիմ և իմաստուն տնտեսը, որին իւր տէրը կարողանայ իւր գերգաստանի վերայ կարգել, որպէս զի ժամանակին նրան կերակուր տայ: Երանելի է այն ծառան, որ երբ իւր տէրը գայ, նրան այդպէս արած կգանի: Ճշմարիտն եմ ասում ձեզ, որ նրան իւր բոլոր ունեցածի վերայ կը կարգի:

Բայց եթէ այն ծառան իւր սրտումն ասէ, թէ տէրս շուտ չէ գալու և սկսէ ծառաներին ու աղախիններին ծեծել, ուտել, խմել ու արբենալ, նրա տէրն այն օրը կգայ որ չէր սպասում և այն ժամին որ չզիտէր, նրան միջից

<sup>1)</sup> Հին հրէից մէջ գիշերը երեք մաս էր բաժանուում և իւրաբանչիւրը տևում էր մօտաւորապէս 4 ժամ և կոչւում էր պահ: Հռովմայեցոց տիրապետութեան ժամանակ, ըստ հռովմէականի գիշերը չորս պահի բաժանուեցաւ և իւրաբանչիւրը քառորդը տևում էր 3 ժամ: Այսպէս երեկոն, որ ամբողջ գիշերուան մի քառորդն էր կազմում՝ կոչւում էր առաջին պահ: Երեկոյից յետոյ մինչև կէս գիշերը՝ կոչւում էր երկրորդ պահ. կէս գիշերից մինչև հաւախօսը՝ երրորդ պահ և հաւախօսից մինչև արշալոյսը՝ չորրորդ պահ:

կը կտրէ<sup>1)</sup> և անհաւատների վիճակին կենթարկէ:

Եւ այն ծառան, որ իւր տիրոջ կամքը զիտէր, բայց պատրաստ չէր նրա կամքի համաձայն գործելու, շատ կծեծուի. իսկ նա, որ չզիտէ և ծեծի արժանի գործ է բռնում՝ քիչ կը ծեծուի: Որին շատ տրուեցաւ, շատ էլ կպահանջուի նրանից և որին շատ յանձնուեցաւ, նրանից էլ աւելի կպահանջուի»:

82.

Ա Ի Ե Տ Ա Ր Ա Ն Ի Ն Շ Ա Ն Ն Ե Ր Ը

Ղուկ. 49-59

Ես եկայ երկրի վերայ կրակ ձգելու և ինչպէս եմ ցանկանում, որ հենց այժմեանից բորբոքուէր: Եւ մի մկրտութիւն ունիմ, որով պէտք է մկրտուեմ և ինչպէս եմ շտապում, որ կատարուի: Մի՞թէ կարծում էք, որ ես եկայ, որպէս զի երկրին խաղաղութիւն տամ. ոչ, ասում եմ ձեզ, այլ բաժանութիւն: Որովհետև սրանից յետոյ, մի տան մէջ հինգն իրարից պէտք է բաժանուին, երեքն՝ երկսից և երկուսն՝ երեքից: Հայրը որդուց կբաժանուի և որդին հօրից: Մայրն՝ աղջկանից և աղջիկը՝ մօրից. սկեսուրն իւր հարսից և հարսն իւր սկեսուրից»:

Եւ ժողովրդին ասաց. — «Երբ տեսնում էք

<sup>1)</sup> Հրէաների մէջ ամենախիստ պատիժը մարդուն կտոր-կտոր անելն էր համարւում. (Դանիէլ. բ. 5 և գ. 29): Յիսուսն այդ դարձուածքը գործ դնելով հասկացնում է, որ անհաւատարիմ ծառաներն ու կեղծաւորները, սարսափելի պատիժ են կրելու:

որ արևմուտքից ամպ է բարձրանում, իսկոյն ասում էք թէ անձրև կգայ և այդպէս էլ լինում է: Երբ հարաւային քամին է փչում, ասում էք շոգ կլինի և այդպէս էլ լինում է:

Կեղծաւորներ, դուք որ երկնքի և երկրի երևոյթները կարողանում էք ճանաչել, ի՞նչպէս է որ ժամանակա հասկանալ չէք կարողանում: Եւ ի՞նչու դուք ձեր անձի համար պէտք եղածը չէք անում:

Երբ հակառակորդիդ հետ իշխանի մօտ գնալու լինիս, աշխատիր հէնց ճանապարհին ազատուել նրանից, որ չլինի թէ քեզ դատաւորի մօտ քարշ տայ և դատաւորը դահճին մատնէ և դահճն էլ քեզ բանտը ձգէ:

Ասում եմ քեզ, որ այնտեղից չես դուրս գայ, մինչև որ վերջին բնիոնդ<sup>1)</sup> չվճարես:

### 83.

ՅԻՍՈՒՍԸ ԽՕՍՈՒՄ Է ԵՐՈՒՍԱՂԵՄՈՒՄ ՊԱՏԱՀԱԾ ԴԷՊ-  
ՔԵՐԻ ԱՌԹԻԻ ԵՒ ՊԱՏՄՈՒՄ Է ԱՆՊՏՈՒՂ ԹՁԵՆՈՒ  
ԱՌԱԿԸ

Ղուկ.  
1-9

Ժողովրդականներից ոմանք Յիսուսի մօտ եկան և պատմեցին այն գալիլիացիներին մասին, որոնց արիւնը Պիղատոսն իրենց զոհերի արեան հետ խառնեց:<sup>2)</sup>

1) Բնիոն—զրամ էր=1/2 կոպեկին:

2) Մի խումբ Գալիլիացիներ Երուսաղէմ էին եկել, որ տաճարում զոհ մատուցանեն, մի ինչոր պատճառով տաճարում բնդհարուելով տեղացի հրէաների ու քահանաների հետ մեծ շփոթու-

Յիսուսը պատասխան տուեց նրանց ու ասաց.—«Մի՞թէ կարծում էք, որ այդ գալիլիացիներն աւելի մեղաւոր էին քան բոլոր գալիլիացիները, որ այդպիսի պատուհասի ենթարկուեցան: Ո՛չ, ասում եմ ձեզ, եթէ դուք էլ չապաշխարէք, ամենքդ էլ այդպէս կը կորչէք:

Կամ մի՞թէ կարծում էք, որ այն տաան և ութ հոգին, որոնց վերայ Սելովամի աշտարակն ընկաւ ու բոլորին սպանեց, աւելի մեղաւոր էին քան Երուսաղէմում բնակուողները: Ո՛չ, ասում եմ ձեզ, եթէ դուք էլ չապաշխարէք, ամենքդ էլ այդպէս կըկորչէք»:

Եւ այս առակն ասաց.— «Մի մարդ իւր այգում թփերի էր տնկել: Եկաւ, նրա վերայ պտուղ որոնեց և չգտնելով՝ դարձաւ այգեպանին ասաց.— «Ահա, սրանով երրորդ տարին է, որ գալիս եմ և դրա վերայ պտուղ չեմ գտնում: Կտրիր այդ ծառը, որովհետև իգուր տեղ է բռնում»:

Այգեպանը պատասխանեց ու ասաց.— «Տէր, թող այս տարի էլ մնայ, ես շուրջը կըփորեմ և աղբ կածեմ, թերևս պտուղ տայ, եթէ չտուեց, հետեւեալ տարին կը կտրես»:

Թիւն և խոտիւթիւն յարուցին: Պիղատոսը ստիպուեց միջամտել և զօրք ուղարկեց խոտիւթիւնը դադարացնելու համար: Գալիլիացիները սկսեցին դիմադրել և նոյն իսկ զէնք գործ դնել զօրքի դէմ, որն էլ իւր հերթում կտորեց մեծ թուով Գալիլիացիներ: Այսպիսով նրանց արիւնն էլ խառնուեցաւ զոհերի արեան հետ:

84.

ԿԱՐԿԱՄՈՒԱՆՆԵՐ ԿՆՈՋ ԲԺՇԿՈՒԹԻՒՆԸ

Ղուկ. 10-17

Սի շաբաթ օր, երբ Յիսուան ուսուցանում էր ժողովարաններից մինում, նրա մօտ մի կին բերին, որ տասն և ութ տարուց ի վեր հիւանդութեան ոգի ունէր, կարկամուած էր և ամենևին չէր կարողանում ուղղուել: Յիսուսը տեսնելով նրան, իւր մօտ կանչեց ու ասաց. — «Այ կին, արձակուած ես քո հիւանդութիւնից»:

Նա դրեց իւր ձեռքը կնոջ վերայ և կինն իսկոյն ուղղուեցաւ և փառաւորում էր Աստուծուն: Ժողովրդապետը բարկանալով, որ Յիսուսը շաբաթ օրը բժշկեց, դիմեց ժողովրդին և ասաց. — «Գործելու համար վեց օր կայ, այդ օրերը պէտք է գալ և բժշկուել և ոչ թէ շաբաթ օրը»: Տէրը նրան պատասխանեց. — «Կեղծաւորներ, միթէ ձեզնից իւրաքանչիւրդ շաբաթ օրը չէ արձակում մտից իւր եզը կամ էշը և չի տանում ջուր տալու: Իսկ սրան, որ Աբրահամի աղջիկ էր և որին սատանան ահա տասն և ութ տարի է որ կապել է, հարկաւոր չէր արդեօք թէ կուզաբաթ օրով կապանքներիցն արձակել»:

Երբ այս ասաց, իւր բոլոր հակառակորդները ամօթով մնացին, իսկ ժողովուրդն ուրախանում էր այն փառաւոր գործերի համար, որ նրանով էին գործւում:

85.

ԱՒԵՏԱՐԱՆԻ ԸՆՏՐԵԱԼՆԵՐԸ.—ՅԻՍՈՒՍԻՆ ՉԳՈՒՇՈՑՆՈՒՄ ԵՆ ՀԵՐՈՎՊԷՍՈՒՑ:—ՅԻՍՈՒՍԸ ԳՈՒՇԱԿՈՒՄ Է ԵՐՈՒՍԱՂԷՄԻ ԱՆԿՈՒՄԸ

Ղուկ. 22-35

Յիսուսը շրջում էր քաղաքներն ու գիւղերը և ուսուցանում էր, ժողովրդակաւակներից մինը աւսաց նրան: — «Տէր, միթէ քչերն են, որ պէտքէ փրկուին»: Յիսուսը պատասխանեց. — «Չանացէք նեղ դճնով մտնել, որովհետև ասումեմ ձեզ, շատերը կցանկանան մտնել, բայց չեն կարողանայ: Երբ տանտէրը կմտնի ու դուռը կփակէ, այն ժամանակ դուք դուրսը կանգնած՝ կսկսէք դուռը ծեծել և ասել. — Տէր, Տէր, բաց մեզ դուռը: Նա ձեզ կպատասխանէ. — Չեմ ճանաչում որտեղից էք:

Այն ժամանակ դուք կասէք. — Մենք քո առաջ կերանք ու խմեցինք և դու մեր հրապարակներումն էիր ուսուցանում: Բայց նա կասէ. — Ասում եմ ձեզ, որ չեմ ճանաչում որտեղից էք, հեռացէք ինձնից անիրաւութեան մշակներ: Լացն ու ատամների կրճտելն այն ժամանակ կլինի, երբ Աբրահամին, Իսահակին, Յակովբին և բոլոր մարգարէներին Աստուծու Արքայութեան մէջ կտեսնէք, իսկ ձեզ՝ դուրս վռնդած: Արևելքից և արևմուտքից, հիւսիսից ու հարաւից կգան և Աստուծու Արքայութեան մէջ կբազմեն: Եւ ահա, կան յետիններ, որ առաջիններ կլինեն և կան առաջիններ, որ յետիններ կլինեն»:

Նոյն օրը փարիսեցիներինց ոմանք մօտեցան Յիսուսին և ասացին. — «Դուք եկ, հեռացիր այստեղից, որովհետև Հերովդէսը կամենում է քեզ սպանել»: Յիսուսն ասաց նրանց. — «Դրնացէք և այն աղուէսին ասացէք, որ ահա ես դեք եմ հանում և բժշկութիւններ կատարում այսօր և վաղը. և երրորդ օրը կվերջացնեմ: Յամենայն դեպս ես պէտք է շրջեմ այսօր, վաղը և հետեւեալ օրը, որովհետև անկարելի է որ մարգարէն Երուսաղէմից դուրսը սպանուի:

Երուսաղէմ, Երուսաղէմ, որ կոտորում էիր մարգարէներին և քարկոծում քեզ մօտ ուղարկուածներին. քանի անգամ կամեցայ հաւաքել քո որդոց ինչպէս հաւն է իւր ձագերին թևերի տակ հաւաքում, բայց դուք չկամեցաք: Ուրեմն թող ձեր տունը աւերակ մնայ ձեզ:

Բայց ասում եմ ձեզ, որ դուք այլևս չէք տեսնի ինձ, մինչև այն օրը՝ երբ կասէք. — Օրհնեալ է Տիրոջ անունով եկողը»:

86.

ՋՐԳՈՂԵԱԼԻ ԲԺՇԿՈՒԹԻՒՆԸ. — ԿՈՉՆԱԿԱՆՆԵՐԻ, ԿՈՉՆԱՏԻՐՈՋ ԵՒ ԸՆԹՐԻՔԻ ԱՌԱԿՆԵՐԸ

Ղուկ. Ժ. 1-24

**Մ**ի շաբաթ օր, Յիսուսը փարիսեցի գլխաւորներինց մինի տուն գնաց ճաշելու, ուր նրան սպասում էին: Այնտեղ շրգողութիւն ունեցող մի մարդ կար: Յիսուսն օրինականներին ու փարիսեցիներին հարցրեց. — «Կարելի է արդեօք

շաբաթ օրը բշտկել»: Նրանք լուռ կացան, իսկ Յիսուսը դիպչելով նրան, բժշկեց ու արձակեց:

Եւ ասաց նրանց. — «Եթէ ձեզնից մինի էշը կամ եզը օրը շաբաթ ջրհորն ընկնի, իսկոյն չի հանի արդեօք»:

Նրանք չկարողացան այս խօսքին՝ պատասխանել: Յիսուսը նկատելով որ կոչնականները (հրաւիրուածները), նստելու համար առաջին տեղերն են ընտրում, հետեւեալ առակը պատմեց. — «Եթէ քեզ հարսանիք կամ խնջոյք հրաւիրեն, առաջին տեղը չնստես, գուցէ քեզնից աւելի պատուաւորագոյն անձն հրաւիրուած լինի և կոչնատէրը նրան առաջին տեղը տալու համար գայ և քեզ ասէ, — «Տեղդ սրան տուր», Այն ժամանակ ամօթով վեր պիտի կենաս և յետին տեղը բռնես:

Բայց երբ հրաւիրուես, դու գնայ յետին տեղը նստիր, որպէս զի կոչնատէրը գայ և քեզ ասէ. — «Բարեկամ, վերև համեցէք»: Այն ժամանակ, հետդ նստողների առաջ քեզ համար պատիւ կը լինի:

Որովհետև ինքն իրեն բարձրացնողը՝ կըխոնարհի և իրեն խոնարհեցնողը՝ կըբարձրանայ»:

Կոչնատիրոջն էլ հետեւեալ առակն ասաց. — «Երբ ճաշ կամ ընթրիք ես տալիս, ոչ բարեկամներիդ կանչիր, ոչ եղբայրներիդ, ոչ ազգականներիդ, ոչ դրացիներիդ և ոչ էլ հարուստներին որ չլինի թէ նրանք էլ փոխարէնը քեզ հրաւիրեն և այդ հատուցումն լինի քեզ:



Այլ երբ հացկերոյթ տաս, դու կանչիր աղքատներին, խեղանդամներին, կաղերին ու կոյրերին և երանելի կլինես, որովհետեւ թէև նըրանք չեն կարող քեզ փոխարէնը հատուցանել բայց արգարների յարութեան ժամանակ՝ փոխարէնը կհատուցուի քեզ»:

Սեղան նստողներից մինը լսելով այդ առակը՝ ասաց.— «Երանի՛ նրան ով որ Առտուծու Արքայութեան մէջ ճաշ կուտէ»:

Յիսուսը նրան էլ հետեւեալ առակով պատասխանեց.— «Մի մարդ ընթրիք պատրաստեց և շատերի հրաւիրեց: Երբ ընթրելու ժամանակն հասաւ, իւր ծառաներին ուղարկեց, որ հրաւիրուածներին կանչէ ասելով.— «Եկէք, որովհետեւ ամեն բան պատրաստ է»:

Ամենքն էլ, կարծես խօսք կապած, սկսեցին հրաժարուել: Մինն ասաց.— «Արտ եմ գնել, գնում եմ տեսնելու, ուստի աղաչում եմ ինձ հրաժարուած համարիր: Միւսն ասաց.— «Հինգ լուծ եգն եմ գնել, գնում եմ նրանց փորձելու, աղաչում եմ ինձ հրաժարուած համարիր»: Երրորդն ասաց.— «Ամուսնացել եմ և այդ պատճառով չեմ կարող գալ»: Ծառան վերադարձաւ և այդ բոլորը պատմեց:

Տանտէրը բարկանալով, ծառային ասաց.— «Շնուտ, դուք եկ հրապարակներն ու քաղաքի փողոցները և բեր այստեղ աղքատներին, խեղանդամներին, կաղերին և կոյրերին»:

Ծառան վերադարձաւ ու ասաց.— «Տէր,

հրամանդ կատարեցի, բայց դեռ էլի տեղ կայ»:

Այն ժամանակ տէրն ասաց ծառային.— դուք եկ ճանապարհներն ու ցանկապատները և ո՛ւր ել գտնես ստիպիր որ գան, որպէս զի տունըս լցուի: Որովհետեւ ասում եմ ձեզ, այն հրաւիրեալներից և ոչ մինը չէ կարող ընթրիքիս համն առնել»:

87.

ՅԻՍՈՒՍԸ ԵՐՈՒՍԱՂԷՄՈՒՄ ԵՍԻՍԿԱՍԵԱՅ ՏՕՆԻՆ

Յովհ. Ժ. 22-45

Չմեռն էր: Երուսաղէմումն արդէն սկսուել էր նաւակատեաց տօնը: Յիսուսը շրջում էր տաճարի մէջ Սողոմոնի սրահում: Հրէաները նրան շրջապատեցին ու ասացին. — «Մի՛նչև երբ պէտք է հոգիներս քաղես, եթէ դու ես Գրիստոսը ասա մեզ համարձակ»:

Յիսուսը պատասխան տուեց ու ասաց.— «Արդէն ասացի ձեզ և դուք չէք հաւատում ինձ, այն գործերը որ Հօրս անուհով եմ գործում, հենց նրանք են իմ մասին վկայում: Բայց դուք չէք հաւատում, որովհետեւ ինչպէս ասացի, դուք իմ ոչխարներից չէք: Իմ ոչխարներին ես ճանաչում եմ, նրանք լսում են ձայնս և գալիս են իմ յետեից. և ես յաւիտենական կեանք եմ տալիս նրանց: Նրանք չեն կորչի յաւիտեան և ոչ ոք չէ կարող նրանց իմ ձեռքից յափշտակել: Իմ Հայրը, որ նրանց ինձ տուեց, ամենից մեծ է և ոչ ոք չէ կարող նրանց իմ Հօր ձեռքից յափշտակել: Ես և Հայրս մէկ ենք»:

Հրէաները քարեր վերցրին, որ նրան քարկոծեն: Յիսուսը հարցրեց նրանց. — «Ես իմ Հօրից ձեզ շատ բարի գործեր ցոյց տուի, այն գործերից որի համար էք ինձ քարկոծում»: Հրէաները պատասխանեցին. «Մենք քեզ բարի գործերի համար չենք քարկոծում, այլ Աստուծուն անարգելուդ համար, որ դու մարդ լինելով, քեզ Աստուծու տեղ ես դնում»: Յիսուսը պատասխանեց ու ասաց. — «Ձեր օրէնքի մէջ չէ՞ գրուած, թէ ես ասացի որ դուք աստուածներ էք: <sup>1)</sup> Եթէ նա աստուածներ անուանեց նրանց, որոնց մօտ Աստուծու խօսքն եղաւ (և անկարելի է որ գրուածը ջնջուի), հապա էլ ինչո՞ւ էք Հօրից Սրբուածին և աշխարհ Ուղարկուածին ասում, թէ Աստուծուն ես անարգում. ինչ է որ ասացի ձեզ, թէ ես Աստուծու Որդին եմ:

Եթէ ես Հօրս գործերը չեմ գործում, մի հաւատաք ինձ: Իսկ եթէ գործում եմ և ինձ չէք հաւատում, գոնէ գործերիս հաւատացէք, որպէս զի գիտենաք և հաւատաք, որ Հայրս իմ մէջ է և ես՝ Հօրս մէջ»:

Այն ժամանակ կրկին կամեցան նրան բռնել, բայց նա դուրս պրծաւ նրանց ձեռքից և դարձեալ Յորդանանի միւս կողմն անցաւ, ուր առաջ Յովհաննէսն էր մկրտում և այնտեղ բնակուեցաւ:

Շատերն եկան նրա մօտ և ասում էին. — «Յովհաննէսը թէև ոչ մի հրաշք չգործեց, բայց

<sup>1)</sup> Մարկոս Ժ. 6.

ինչ որ սրա մասին ասաց, բոլորն էլ ճշմարիտ էր»: Եւ այնտեղ շատ մարդիկ հաւատացին նրան:

**88.**

**ՅԻՍՈՒՍԻՆ ԱՇԱԿԵՐՏԵԼՈՒ ՊԱՅՄԱՆՆԵՐԸ**

<sup>26-35</sup> Ժդ. Յիսուսի յետեից մեծ բազմութիւն էր գընում. նա դարձաւ ժողովրդին ու ասաց. — «Եթէ ինձ մօտ եկողը չի ատի իւր հօրն ու մօրը, կընոջն ու որդոց, երբօրն ու քրոջը, նա և իրեն, չի կարող իմ աշակերտը լինել:

Եւ ով որ չի վերցնի իւր խաչն ու գայ իմ յետևից, չի կարող իմ աշակերտ լինել:

Ձեզնից մէկն եթէ կամենայ մի աշտարակ շինել, մ թէ վաղօրօք չի նստի ծախքերի հաշիւն անելու և իմանալու թէ արդեօք ունի՞ այնքան կարողութիւն, որ շինութիւնն աւարտէ: Այլապէս, եթէ հիմքը դրեց ու չկարողացաւ վերջացնել, չէ՞ որ այն ժամանակ տեսնողները կսկսեն ծաղրել նրան ու ասել. — Թէ այս մարդը սկսեց շինել բայց չկարողացաւ վերջացնել:

Եւ կամ եթէ մի թագաւոր կամենայ պատերազմել մի ուրիշ թագաւորի հետ, մի՞թէ վաղօրօք չի մտածի թէ արդեօք կարող է ինքը տասն հազարով դիմադրել քսան հազարով իւր դէմ դուրս եկող թագաւորին: Չէ՞ որ հակառակ դէպքում, քանի դեռ հակառակորդը հեռու է, պարզամաւորներ կուղարկէ նրա մօտ և հաշտութիւն կխնդրէ:

Այսպէս էլ ձեզնից իւրաքանչիւրը, ով իւր բոլոր ունեցածից չի հրաժարուի, նա չէ կարող իմ աշակերտը լինել:

Աղբ լաւ բան է, բայց եթէ իւր համը կորցնէ, ոչ մի կերպ չես կարող նրան իւր համը տալ և այնուհետև պէտք է դէն ձգես, որովհետև նոյն իսկ ոչ հողի և ոչ էլ աղբի տեղ կարող է ծառայել: Ով լսելու ականջ ունի՝ թող լսէ»:

89.

ԿՈՐԱԾ ՈՉԵԱՐԻ. ԿՈՐԱԾ ԴՐԱՄԻ ԵՒ ԱՆԱՌԱԿ ՈՐԴՈՒ ԱՌԱԿՆԵՐԸ

Չուկ. 1-32. Թողոր մաքսաւորներն ու մեղաւորները մօտենալով Յիսուսին՝ լսում էին նորան: Իսկ փարիսեցիներն ու դպիրները տրանջում էին և ասում.— «Ինչո՞ւ է սա մեղաւորներին ընդունում և նրանց հետ ուտում»: Յիսուսն հետևեալ առակը պատմեց նրանց.— «Եթէ ձեզնից մինը հարիւր ոչխար ունենայ և մինին կորցնէ, արդեօք չի թողնի իննսուն և ինն անապատում և չի գնայ այն կորածի յետևից որպէս զի գտնէ նրան: Եւ երբ գտնէ, ուրախանալով իւր ուսերի վերայ չի դնի և տուն գնալով բարեկամներին ու զբայցիներին չի կանչի և չի ասի արդեօք, թէ ուրախացէք ինձ հետ, որովհետև իմ կորած ոչխարը գտայ: Ասում եմ ձեզ, այսպէս էլ մէկ ապաշխարող մեղաւորի համար աւելի մեծ ուրախութիւն կլինի երկնքումը քան իննսուն և ինն

արդարների համար, որոնք ապաշխարութեան կարիք չունին:

Եւ կամ եթէ մի կին տասը դրամ ունենայ և մինը կորցնէ, արդեօք ճրագը չի վառի, տունը չի աւելի և զգուշութեամբ չի որոնի մինչև որ գտնէ: Եւ երբ գտնէ, բարեկամներին և զբայցիներին չի կանչի ու չի ասի արդեօք թէ՛— ուրախացէք ինձ հետ, որովհետև կորած դրամս գտայ:

Ասում եմ ձեզ, այսպէս էլ Աստուծու հրեշտակների մօտ ուրախութիւն կլինի այն մեղաւորի համար, որ կապաշխարէ»: Եւ այս առակն էլ ասաց.— «Մի մարդ երկու որդի ունէր. նրանցից փոքրը հօրն ասաց.— Քո ստացուածքից ինձ հասնելի բաժինը տուր:

Նա էլ իւր ունեցածը բաժանեց նրանց:

Շատ օր չանցած, փոքր որդին հաւաքեց բոլորը և հեռու աշխարհ գնաց: Նա այնտեղ անառակ կեանք վարելով՝ իւր կարողութիւնը փրչացրեց: Երբ ամենը սպառեց, այն աշխարհումն էլ սաստիկ սով սկսուեց. նա ընկաւ չքաւորութեան մէջ: Եւ գնաց ու քաղաքացիներից մինի մօտ ծառայ մտաւ, սա էլ նրան իւր ազարակն ուղարկեց, իւր խոզերն արածացնելու: Նա շատ ուրախ կլինէր, եթէ գտնէ կարողանար իւր փոքր խոզերի կերած խոզակաղնով լցնել, բայց այդ էլ տուող չկար նրան:

Եւ խելքի գալով՝ ասաց.— Հօրս տանը սրբան փորը կուշտ վարձկաններ կան, իսկ ես

այստեղ սովամահ եմ լինում: Վեր կենամ, հօրս մօտ գնամ և նրան ասեմ.— Հայր, ես մեղանշեցի երկնքի դէմ և քո առաջ, ես այլ ևս արժանի չեմ քո որդին կոչուելու, ընդունիր ինձ քո վարձկանների թւում:

Վերկացաւ և հօր մօտ գնաց: Հայրը հէնց որ հեռուից տեսաւ նրան՝ խղճաց: Վերկացաւ, վազեց նրա առաջ, վզովն ընկաւ և սկսեց համբուրել: Որդին նրան ասաց.— Հայր, ես մեղանշեցի երկնքի դէմ և քո առաջ, ես այլևս արժանի չեմ քո որդիդ կոչուելու:

Իսկ հայրն ասաց իւր ծառաներին. — Բերէք ամենալաւ պատմուճանը և հագցրէք սրան, մատին մատանի դրէք և ոտքերին կօշիկներ հագցրէք: Մսացու եզր բերէք և մորթեցէք, ուտենք և ուրախանանք. որովհետեւ իմ այս որդին մեռած էր՝ կենդանացաւ. կորած էր և զտնուեցաւ:

Եւ սկսեցին ուրախանալ:

Նրա մեծ որդին ազարակումն էր. վերադառնալիս, երբ տանը մօտեցաւ, երգերի ու պարերի ձայն լսեց: Կանչելով ծառաներից մինին, հարցրեց.— «Սա ի՞նչ բան է»: Ծառան էլ ասաց.— «Եղբայրդ եկել է և որովհետեւ հայրդ ողջ առողջ գտաւ նրան, հրամայեց մսացու եզր մորթել»:

Որդին բարկացաւ և չկամեցաւ տուն մտնել, բայց հայրը դուրս գալով՝ կանչեց նրան:

Մեծ որդին պատասխանեց հօրն ու ասաց.— Այս քանի տարի է, որ ծառայում եմ քեզ,

ամենեկին դուրս չեմ եկել քո պատուէրներից և ոչ ոք մի ունի էլ չտուիր, որ բարեկամներին հետ ուրախութիւն անէի: Իսկ երբ եկաւ քո այս որդին, որ վատնեց կարողութիւնդ պոռնիկների մէջ, դրա համար մսացու եզր մորթեցիր»:

Հայրը պատասխանեց.— «Որդեակ իմ, դու միշտ ինձ մօտ ես և բոլոր ունեցածս քոննէ: Ի՞նչո՞ւ հարկաւոր էր ուրախանալ ու խնդալ, որովհետեւ քո այս եղբայրը մեռած էր ու կենդանացաւ, կորած էր և զտնուեցաւ»:

90.

ԱՆԻՐԱԻ ՏՆՏԵՍԻ ԱՌԱԿԸ.— ՓԱՐԻՍԵՅԻՆԵՐԻ ԶԱՅՐՈՑԹԸ

Չուկ. Ժգ. Յիսուսն իւր աշակերտներին ասաց.— Մի հարուստ մարդ մի տնտես ունէր, սրան ամբաստանեցին որպէս թէ փչացնում է տիրոջ կարողութիւնը: Տէրը կանչեց նրան ու ասաց.— Այդ ի՞նչ եմ լսում քո մասին, տունը ինձ տնտեսութեանդ հաշիւը, որովհետեւ դու այլևս չես կարող տանս տնտեսը լինել»:

Իսկ տնտեսն իւր մտքումն ասաց.— Տէրս արձակում է ինձ իմ պաշտօնից. աշխատել չեմ կարող, մուրալ ամաչում եմ: Երբ պաշտօնիցս արձակուեմ, այն ժամանակ գիտեմ թէ ինչ կանեմ, որպէս զի ինձ իրենց տներն ընդունեն: Եւ կանչելով իւր տիրոջ պարտականներից իւրաքանչիւրին առանձին, ասաց առաջինին.— «Տիրոջս

հրքան ես պարտ»: Նա ասաց.—«Հարիւր մար<sup>1)</sup> ձէթ»: Տնտեսը վրայ բերեց.—«Առ թուղթի և նըստիւր շուտով յիսուն գրիր»: Յետոյ դարձաւ միւսին.—«Դու հրքան ես պարտ»: Նա պատասխանեց.—«Հարիւր քող<sup>2)</sup> ցորեն»: Տնտեսն ասաց.—«Առ թուղթի և նստիւր շուտով ութսուն գրիր»:

Եւ տէրը գովեց անիրաւ տնտեսին, որ իմաստութեամբ վարուեց. որովհետեւ այս աշխարհի որդիքն իրենց ազգի մէջ աւելի խելացի են, քան լուսոյ որդիքը:

Եւ ես ասում եմ ձեզ.—«Անիրաւ մամոնայով ձեզ համար բարեկամներ ձեռք բերէք, որ երբ աղքատանաք, նրանք ձեզ յաւիտենական յարկերն ընդունեն»:

Փոքր բանի մէջ հաւատարիմ եղողը՝ շատի մէջ էլ հաւատարիմ է. և ով փոքրի մէջ անիրաւ է, շատի մէջ էլ անիրաւ է: Եւ այսպէս, եթէ անիրաւ մամոնայի մէջ հաւատարիմ չեղաք, ճշմարիտն ո՛վ կհաւատայ ձեզ: Եւ եթէ օտարի բանում հաւատարիմ չեղաք, ձերն ո՛վ կտայ ձեզ: Ոչ մի ծառայ չի կարող երկու տիրոջ ծառայել, որովհետեւ կամ մինին պէտքէ ասէ՝ միւսին սիրէ, կամ մինին պէտքէ պատուի՝ միւսին արհամարէ: Չէք կարող ծառայել Աստուծուն և մամոնային»:

Արծաթասէր փարիսեցիները լսելով այս ամենը, ծաղրում էին նրան:

Յիսուսն ասաց նրանց.—«Դուք ձեզ թէև

1) Մար=մօտաւորապէս մի թունգի:

2) Քող=մօտաւորապէս մէկ թաղար:

արդարացնում էք մարդկանց առաջ, բայց Աստուած գիտէ ձեր սրտերը, որովհետեւ ինչոր մարդկանց առաջ բարձր է, Աստուծու առաջ պիղծ է: Օրէնքն ու մարգարէները մինչև Յովհաննէսն էին, նրանից յետոյ Աստուծու Արքայ-ութիւնն է քարոզում, որի մէջ մտնելու համար, ամեն մարդ պէտք է ոյժ և ջանք գործ դնէ: Երկինքն ու երկիրը թերևս կործանուին, բայց օրէնքից մի նշանախեց անգամ չի ընկնի»:

### 91.

ԽՕՍԲ ԱՊԱՀԱՐՁԱՆԻ, ԱՄՈՒՍՆՈՒԹԵԱՆ ԵՒ ԱՄՈՒՐԻՈՒԹԵԱՆ ՄԱՍԻՆ

Մատթ. ԺԹ <sup>3-12</sup> Փարիսեցիները Յիսուսին փորձելու համար հարցրին.—«Արդեօք, մարդը կարող է՞ ամենայն մի պատճառով իւր կնոջն արձակել»:

Յիսուսը պատասխանեց ու ասաց.—«Դուք չէք կարդացել, որ Ստեղծողն հենց սկզբից արու և էգ ստեղծեց նրանց և ասաց.—Այս պատճառով մարդն իւր հօրն ու մօրը պէտքէ թողնի և իւր կնոջ յետեից գնայ և երկուսը մի մարմին պէտք է լինին. ուստի, նրանք երկու չեն, այլ մի մարմին: Այսպէս ուրեմն, որ Աստուած միացրեց, թող մարդ չբաժանէ»:<sup>1)</sup>

1) Համեմատել.—«Աղամն ասաց.—այժմ սա սկզբիցս՝ ոսկրէ և մարմնիցս՝ մարմին. սա պէտք է կին կոչուի, որովհետեւ իւր մարդուց առնուեցաւ: Դրա համար էլ մարդ իւր հօրն ու մօրը պէտքէ թողնի և իւր կնոջ յետեից գնայ՝ և երկուսը մի մարմին պէտք է լինին» (Ծննդ. ր. 23-24).

Փարիսեցիներն ասացին. — «Հապա Մովսէսն ի՞նչու պատուիրեց մեզ արձակման թուղթ տալ և արձակել»<sup>1)</sup>»

Ասաց նրանց. — «Մովսէսը ձեր խտաւարտութեան համար հրամայեց որ ձեր կանանցն արձակէք, բայց սկզբում այդպէս չէ եղել: Բայց ես ասում եմ ձեզ, ով որ առանց պոռնկութեան պատճառի իւր կնոջն արձակէ և ուրիշին առնէ, շնութիւն է անում և ով որ արձակուածին առնէ, նա էլ շնութիւն է անում»:

Աշակերտներն ասացին. «Եթէ մարդ այդպիսի պարտականութիւն ունի դէպի կինը, ուրեմն լաւ է չամուսնանալ:» Յիսուսն ասաց. — «Ամենքին չէ կարող բաւականացնել այդ խօսքը, այլ նրանց միայն, որոնց տրուած է: Որովհետև կան ի ծնէ ներքինիներ և կան ներքինիներ որոնց մարդիկն են ներքինիացրել և կան ներքինիներ, որոնք իրենք են իրենց ներքինիացրել: Երկնքի Արքայութեան համար: Ով որ կը կարողանայ տանել, թող տանի»:

92.

ՄԵՏԱՏԱՆ ԵՒ ԱՂՔԱՏ ԳԱԶԱՐՈՍԻ ԱՌԱԿԸ

Ղուկ. Ժգ. 19-31 «Մի հարուստ մարդ կար, որ բեհեզ ու ծիրանի էր հագնում և ամեն օր փառաւոր ու-

<sup>1)</sup> Եթէ մինը կին առնի . . . . . բայց կինը դիւր չգայ իրեն՝ նրա վերայ անարգական որևէ բան գտնելով, այն ժամանակ թող նրա ձեռքին արձակման թուղթ տայ՝ և իւր անից հեռացնէ: (Բ. օր. իդ. 1.)

րախութիւններ էր անում: Նրա դրանն ընկած էր մարմինը վերքերով ծածկուած մի աղքատ մարդ՝ Ղազարոս<sup>1)</sup> անունով: Նրա ցանկութիւնն էր գոնէ հարստի սեղանից թափուած փշրանքներով կշտանալ. իսկ շները գալիս էին ու լիզում նրա վերքերը:

Աղքատը մեռաւ և հրեշտակները նրան Աբրահամի գողը տարան: Մեծատունն էլ մեռաւ և նրան թաղեցին: Դժոխքում, տանջանքների մէջ լինելով, նա բարձրացրեց իւր աչքերը, տեսաւ հեռուից Աբրահամին և Ղազարոսին նրա գոգում նստած: Մեծատունն աղաղակեց ու ասաց. — «Հայր Աբրահամ, ողորմիր ինձ և Ղազարոսին ուղարկիր, որ իւր մատի ծայրը թաթախէ ջրի մէջ և զովացնէ լեզուս, որովհետև այս տաքութեան մէջ պապակուում եմ»:

Աբրահամն ասաց. — «Որդեակ, յիշիր որ կենդանութեանդ ժամանակ դու բարիք ստացար, իսկ Ղազարոսը տանջանք. այժմ սա այստեղ մըխիթարւում է, իսկ դու տանջուում: Բացի սրանից մեր և ձեր մէջ մի մեծ անդունդ կայ, այնպէս որ ցանկացողը ո՛չ այստեղից ձեզ մօտ կարող է գալ և ո՛չ այդտեղից՝ մեզ մօտ»: Այն ժա-

<sup>1)</sup> Ղազարոս կամ Ղազար անունը երբայական կէ-օդէր բառնէ, որ նշանակում է անօգնական: Աղքատ Ղազարոսը արևմտեան ազգերի մէջ ընդունուած է որպէս աղքատների պաշտպան: Ս. Ղազարոսի տօն էլ սահմանուեցաւ: Ժամանակին հիւանդանոցները, անկեղանոցները և զանազան վարակիչ հիւանդութիւնների դէմ հաստատուած հիմնարկութիւնները նրա անունով նուիրագործուեցան: Այժմեան հիւանդանոցների Ղազարէտ կոչուելը, Ղազարոս և կամ Ղազար անունից է վերցրած:

մանակ մեծատունն ասաց.— «Ուրեմն, աղաչում եմ քեզ հայր, ուղարկիր դրան հօրս տուն, այնտեղ ես հինգ եղբայր ունիմ, թող գնայ նրանց վկայութիւն տայ, որ չլինի թէ նրանք էլ այս տանջանքների վայրը գան»:

Աբրահամն ասաց.— «Նրանք Մովսէս և մարգարէներ ունին, թող նրանց լսեն»: Նա էլ ասաց.— «Ո՛չ, հայր Աբրահամ, եթէ նրանց մօտ մեռելներից մինը գնայ, կապաշխարեն»: Այն ժամանակ Աբրահամն ասաց.— «Եթէ Մովսէսին ու մարգարէներին չեն լսում, մեռելներից մինն էլ որ յարութիւն առնի, դարձեալ չեն հաւատայ»:

93.

ՏՄԱՆ ԲՈՐՈՏՆԵՐԻ ԲԺՇԿՈՒԹԻՒՆԸ

Ղուկ. 11-19 ժէ. Յիսուսն Երուսաղէմ գնալիս Գալիլիայի և Սամարիայի միջովն անցաւ: Երբ պէտք է գիւղերից մինը մտնէր, տասն բորոտներ պատահեցան նրան, որոնք հեռու կանգնած, բարձրացրին ձայներն ու աղաղակեցին.— «Յիսուս վարդապետ, ողորմիր մեզ»: Յիսուսը տեսնելով նրանց՝ ասաց.— «Գնացէք ու ձեր անձերը քահանաներին ցոյց տուէք»:

Երբ նրանք գնացին, իսկոյն բժշկուեցան: Բժշկուելուց յետոյ, նրանցից մինը վերադարձաւ և սկսեց բարձրաձայն փառաւորել Աստուծուն և երեսի վերայ ընկնելով նրա ոտքերի առաջ՝ շնորհակալութիւն յայտնեց Յիսուսին: Եկո-

ղը սամարացի էր: Յիսուսը պատասխան տուեց ու ասաց.— «Չէ՞ որ տասն էլ բժշկուեցան, հապախնն ուր են. ինչու բացի այս օտարազգուց, միւսներն էլ չվերադարձան Աստուծուն փառք տալու»:

Եւ նրան ասաց.— «Վեր կաց և գնա, քո հաւատը քեզ փրկեց»:

94.

ՄԱՐԴՈՒ ՈՐԴՈՒ ԳԱՆՈՒՍԸ

Ղուկ. 20-37 ժէ.

Փարիսեցիներից հարց տրուեցաւ Յիսուսին, թէ երբ է գալու Աստուծու Արքայութիւնը: Յիսուսը պատասխանեց: «Աստուծու Արքայութիւնը տեսանելի կերպով չէ գալու. և ո՛չ էլ կասեն թէ ահա նա այստեղ է կամ այնտեղ. որովհետև Աստուծու Արքայութիւնը ձեր ներսումն է»:

Աշակերտներին էլ ասաց.— «Օրեր կգան, երբ կցանկանաք Մարդու Որդու օրերից գոնէ մէկը տեսնել և չէք տեսնի: Եւ կասեն ձեզ.— ահա այստեղ է կամ ահա այնտեղ, բայց դուք չգնաք և նրանց չհետևէք. որովհետև ինչպէս փայլակը երկնքի մի ծայրից փայլատակելով, մինչև երկնքի միւս ծայրն է լուսաւորում, այդպէս էլ Մարդու Որդու յայճնուեալ օրը կլինի: Բայց նախ, այս ազգից նա շատ չարչարանքներ պէտք է կրէ և անարգուի»:

Ինչպէս Նոյի օրերը մարդիկ ուտում էին ու խամում, կանայք էին առնում ու մարդու գնում,

բայց երբ նոյր տապան մտաւ, ջրհեղեղն եկաւ ու ամենքին խեղդեց, այդպէս էլ Մարդու Որդու յայտնուելու օրը կլինի: Եւ ինչպէս Աստուծոյ օրհնութիւնը եղաւ, երբ մարդիկ ուտում, խմում, անուում, ծախում, սնկում ու շինում էին, բայց երբ Աստուծոյ Մարդու Որդու գոլը եկաւ, իսկոյն երկնքից կրակ և ծծումբ տեղաց և բոլորին ոչնչեցրեց, այդպէս էլ Մարդու Որդու յայտնուելու օրը կլինի:

Այն օրը ով որ տանիքի վերայ կլինի, իսկ նրա իրերը տանը, թող չիջնի իրերը վերցնելու. և ով որ դաշտումը կլինի, թող չվերադառնայ: Յիշեցէք Աստուծոյ կոչը:

Ով որ կցանկանայ իւր կեանքն ազատել, նա կը կորցնի, իսկ կորցնողը՝ իւր կեանքը կազատէ: Ասում եմ ձեզ, այդ գիշերը, միևնոյն անկողնում պառկած երկու հոգուց մինը կառնուի՝ միւսը կթողնուի:

Այլօրիքի վերայ աղացող երկու հոգուց մինը կառնուի՝ միւսը կթողնուի. և հանդումը միասին աշխատող երկու մշակներից մինը կառնուի՝ միւսը կթողնուի»:

Հարցրին Յիսուսին ու ասացին. — «Տէր, երբ և ուր պիտի յիևնէ այդ քաները»:

Նա պատասխանեց. — «Ուր որ գիակ կայ, արծիւներն այնտեղ կժողովուին»:

95.

ԱՆԻՐԱԻ ԴԱՏԱՒՈՐԻ ԱՌԱԿԸ:— ՓԱՐԻՍԵՅԻՆ ՈՒ ՄԱՔՍԱՒՈՐԸ

Նուկ. Ժը. 1-14. Յիսուսը նրանց մի առակ էլ պատմեց այն մասին, որ հարկաւոր է ամեն ժամանակ ազօթել և չձանձրանալ:— «Մի քաղաքում, ասաց Յիսուսը, մի դատաւոր կար, որ ոչ Աստուածանից էր վախենում և ոչ մարդկանցից ամաչում: Նոյն քաղաքում մի այրի կին էլ կար, որ գալիս էր նրա մօտ և ասում. — «Պաշտպանի՛ր ինձ իմ թշնամուց»:

Բայց դատաւորն երկար ժամանակ չկամեցաւ նրան բաւականութիւն տալ: Իսկ յետոյ ինքն իրան ասաց. — «Թէև ես ոչ Աստուածանից եմ վախենում և ոչ մարդկանցից ամաչում, բայց որովհետև այս այրին դադար չէ տալիս ինձ, պաշտպանեմ սրան, որպէս զի ամեն անգամ չգայ ու ինձ ձանձրացնի»:

Եւ Տէրն ասաց. — «Լսում էք թէ անիրաւ դատաւորն ինչ է ասում»:

Արդեօք, Աստուած չի պաշտպանի իւր ծառաներին, որոնք օր ու գիշեր նրան են աղաչում, թէև ուշացնի էլ իւր պաշտպանութիւնը: Այո, ասում եմ ձեզ, որ նրանց շուտով կպաշտպանէ:

Բայց երբ Մարդու Որդին գայ, հաւատք կը գտնէ՞ արդեօք երկրի վերայ»:

Ոմանց համար էլ, որոնք վստահ էին իրենց վերայ թէ արդար են և անարգում էին ուրիշ-



ներին, այս առակն ասաց. — «Երկու մարդ գնացին տաճարն աղօթելու, մինը փարիսեցի էր, միւսը մաքսաւոր: Փարիսեցին մի կողմ կանգնած, այս աղօթքն էր անում առանձին. — «Աստուած իմ, շնորհակալ եմ քեզնից, որ ուրիշների նման յափշտակող, անիրաւ, շուն կամ այս մաքսաւորի նման չեմ: Շարաթն երկու անգամ ծոմ եմ պահում և իմ բոլոր ստացուածքիցս էլ տասանորդ եմ տալիս»: Իսկ մաքսաւորը միւս կողմը կանգնած, չէր կամենում մինչև անգամ աչքերը դէպի երկինք բարձրացնել, այլ իւր կուրծքը ձեծելով ասում էր. — «Աստուած, քաւիր ինձ մեղաւորիս»:

Ասում եմ ձեզ, որ սա փարիսեցուց աւելի արդարացած գնաց իւր տուն, որովհետև իրեն բարձրացնողը՝ կխոնարհի, իսկ իրեն խոնարհեցնողը՝ կբարձրանայ:


96.

ՅԻՍՈՒՍԸ ՈՒ ՄԱՆՈՒԿՆԵՐԸ.— ՀԱՐՈՒՍԸ ԻՇՆԱՆԸ

Մարկ. 13-18. Ե. Այդ ժամանակ նրա մօտ մանուկներ բերին, որ իւր ձեռքը դնէ նրանց վերայ և օրհնէ: Բայց աշակերտները յանդիմանում էին բերողներին:

Յիսուսը բարկանալով, աստեց նրանց ու ասաց. — «Թո՛ղ տուէք այդ մանուկներին և մի արգելէք դրանց ինձ մօտ գալու, որովհետև Երկնքի Արքայութիւնն այդպիսիներինն է:

Ճշմարիտն եմ ասում ձեզ, ով որ մանկան



ՅԻՍՈՒՍԸ ՈՒ ՄԱՆՈՒԿՆԵՐԸ

նման չի ընդունի Երկնքի Արքայութիւնը, նա  
այնտեղ չի կարող մտնել: Եւ գրկելով մանուկ-  
ներին, ձեռքը դրեց նրանց վերայ և օրհնեց:

Երբ նա դուրս գալով այնտեղից կամենում  
էր ճանապարհուել, մի հարուստ երիտասարդ  
առաջ վազելով, ծունր դրեց և հարցրեց. — «Բա-  
րի վարդապետ, ի՞նչ անեմ, որ յաւիտենական  
կեանք ժառանգեմ»: Յիսուան ասաց. — «Ինչո՞ւ ես  
ինձ բարի ասում. բարին միայն Աստուած է:

Մատթ. 17-19  
ժթ. Եթէ կամենում ես յաւիտենական կեանքը  
մտնել, պատուիրանները պահիր»:

Եւ նա ասաց. «Ո՞ր պատուիրանները»:

Յիսուսը պատասխանեց. — «Մի սպանիր, մի  
շնար, մի գողանար, սուտ մի վկայիր: Պատուիր  
քո հօրն ու մօրը և սիրիր ընկերոջդ, ինչպէս  
քո անձը»:

Մարկ. 20-27  
ժ. Նա պատասխանեց ու ասաց. «Վարդապետ,  
այդ բոլորը մանկութիւնիցս ի վեր, կատարել  
եմ, արդ, էլ ի՞նչ է պակաս ինձ»:

Յիսուսը նայելով նրան՝ սիրեց ու ասաց.  
— «Քեզ մէկ բան է պակաս. եթէ կամենում ես  
կատարեալ լինել. գնա՛, ծախիր ունեցածդ և  
տո՛ւր ազքատներին. այն ժամանակ երկնքումը  
զանձ կունենաս. վերցրու խաչը և եկ իմ յետե-  
ւից»: Նա այդ խօսքերից խոժոռելով, արտմած  
հեռացաւ, որովհետև մեծ կարողութեան տէր էր:

Յիսուան իւր շուրջը նայելուց յետոյ աշա-  
կերտներին ասաց. — «Որքան ղժուար է հա-

ըրստութիւն ունեցողների համար Երկնքի Ար-  
քայութիւնը մտնել»:

Աշակերտները զարմացել էին այդ խօսքերի  
վերայ: Յիսուսը պատասխան տուեց նրանց,  
ու ասաց. — «Որդիք, սրբան ղժուար է հարըս-  
տութեան վերայ յոյս դնողներին Աստուծու Ար-  
քայութիւնը մտնել: Աւելի շուտ մալոխը (հաստ  
թողը) ասեղի ծակը կմտնի, քան թէ հարուստը  
Աստուծու Արքայութիւնը»:

Աշակերտներն աւելի ևս զարմացան ու մի-  
մեանց էին ասում. — «Ուրեմն էլ ո՞վ կարող է  
փրկուել»,

Յիսուսը նայելով նրանց, ասաց. — «Մարդ-  
կանց համար անհնարին է այդ, բայց Աստուծու  
համար ամեն բան հնարաւոր է»:

97.

ԱՌՍ.ՔԵԱԼՆԵՐԻ ՎԱՐՁՔԸ.—ԱՅԳՈՒ ՄՇԱԿՆԵՐԻ ԱՌԱԿԸ

Մատթ. 27-30  
ժթ. Այդ խօսակցութիւնից յետոյ Պետրոսն հար-  
ցրեց Յիսուսից. — «Ահա մենք ամեն բան թո-  
ղինք և եկանք քո յետեից. արդ, մեզ ի՞նչ է լի  
ներու»:

Յիսուսը պատասխան տուեց ու ասաց. —  
«Ճշմարիտն եմ ասում ձեզ, որ միւս անգամ զա-  
լըստեան ժամանակ, երբ Մարդու Որդին իւր  
փառքի աթոռի վերայ կնստի, դուք էլ իմ յե-  
տեից եկողներդ — տասներկու աթոռի վերայ կը  
նստէք՝ Իսրայէլի տասներկու ցեղերը դատելու:

Եւ ով որ թողեց իւր տունը կամ եղբայրներին ու քոյրերին կամ հօրն ու մօրը կամ կնոջն ու որդոցը և կամ իւր արտերը՝ իմ ան ուսան համար, փոխարէնը հարիւրապատիկ կըստանայ և յաւիտենական կեանք կժառանգէ: Եւ շատ առաջիններ յետիններ կլինեն և յետինները՝ առաջիններ:

Մատթ. 1-16 ի. Որովհետեւ Երկնքի Արքայութիւնը նման է այն տանուտիրոջ, որն առաւօտեան շատ վաղ դուրս եկաւ, իւր այգու համար մշակներ վարձելու: Եւ մշակների հետ օրը մի դահեկան վարձ խօսելով, ուղարկեց նրանց իւր այգին: Ժամի երեքին<sup>1)</sup> դուրս գալով, ուրիշ մշակներ էլ տեսաւ, որոնք պարսպ կանգնած էին հրապարակում և ասաց նրանց. — «Դուք էլ գնացէք իմ այգին և ինչ որ պէտք է կտամ»: Նրանք էլ գընացին:

Դուրս գալով դարձեալ ժամի վեցին և իննին, նոյնն արաւ: Վերջապէս ժամի տասն և մէկին դուրս գալով՝ ուրիշ մշակներ էլ գտաւ, որոնք կանգնել էին պարսպ և ասաց նրանց. — «Ի՞նչու էք ամբողջ օրը պարսպ մնացել»: Նրանք ասացին. — «Որովհետեւ մեզ վարձող չեղաւ»: Ասաց նրանց. — «Դուք էլ գնացէք իմ այգին և ինչ որ հարկաւոր է կտանաք»: Երեկոյեան, այգու տէրն իւր վերակացուին ասաց. — «Կանչիր մշակ-

1) Երրորդ ժամը՝ մեր ժամի ինն է (առաւօտեան): Վերջին անգամ այգու տէրը դուրս եկաւ տասնամէկերորդ ժամին՝ որ ասել է մեր երեկոյեան 5 ժամին: Հրէից ժամերը մերին հաւասարացնելու համար, հարկաւոր է աւելացնել 6 ժամ:

ներին և տուր նրանց վարձը, յետիններից սկըսած մինչև առաջինները»:

Ժամի տասներկուսին եկողները մօտեցան և նրանցից իւրաքանչիւրը մէկ դահեկան ստացան: Առաջիններն էլ եկան և կարծում էին թէ աւելի կստանան, բայց նրանց էլ մի մի դահեկան տրուեցաւ: Դահեկանն ստանալով, սկսեցին տանտիրոջ դէմ տրտնջալ և ասել. — «Յետինները մի ժամ աշխատեցին և նրանց մեզ հետ հաւասարացրիր, որ օրուան ծանրութիւնն ու տաքութիւնը քաշեցինք»:

Նա պատասխան տուեց նրանցից մինին ու ասաց. — «Ընկեր, ես քեզ չեմ գրկում. չէ՞ որ դու մի դահեկանով<sup>1)</sup> խօսեցիր ինձ հետ. ուրեմն ըստացիր դահեկանդ ու գնայ: Ես ցանկանում եմ որ յետիններին էլ այնքան տամ, որքան ձեզ տուի: Մի՞թէ ես իշխանութիւն չունիմ ունեցածիս վերայ և ուզածս անելու. թէ՞ աչքդ չէ վերցնում, որ ես առատաձեռն եմ:

Այսպէս, յետինները կլինեն առաջիններ և առաջինները՝ յետիններ. որովհետեւ շատերն են կանչուած, բայց քչերն են ընտրուած»:

98.

ՀԱՒԱՏՔ ԵՒ ԽՈՆԱՐՀՈՒԹԻՒՆ

Ղուկ. 14. Առաքեալներն Յիսուսին՝ ասացին. — «Աւելացրու մեր հաւատը»: Տէրն ասաց. — «Եթէ մա-

1) Մի դահեկանը = 60 կոպէկին:

նանելի հատիկի չափ հաւատ ունենայիք և այս թթենուն ասէիք պոկուիր տեղիցդ և ծովի մէջ տնկուիր, կհնազանդուէր ձեզ: Ձեզնից որը, եթէ մի հողագործ կամ հովիւ ծառայ ունենայ և նա ագարակից տուն վերադառնայ, կասէ նրան թէ համեցէք սեղան նստիր: Արդեօք նրան չի ասի, թէ նախ ընթրիքս պատրաստիր և զօտիդ կապած ծառայիր ինձ, մինչև որ ես ուտեմ ու խմեմ և յետոյ դու էլ կեր ու խմիր: Միթէ նա ծառային շնորհակալութիւն կյայտնի, իւր հրամանները կատարելուն համար:

Այդպէս էլ դուք, երբ ձեզ հրամայուածը կատարէք, ասացէք. — «Մենք անպիտան ծառաներ ենք, ինչ որ պարտաւոր էինք անելու՝ արինք»:

99.

ՂԱԶԱՐՈՍԻ ՅԱՐՈՒԹԻՒՆԸ

Յովհ. ժա. 1-44 **Մ**արիամի և նրա քոյր Մարթայի գիւղում Բեթանիայում, Ղազարոս անունով մինը՝ հիւանդ էր: (Հիւանդ Ղազարոսը այն Մարիամի եղբայրն էր, որ Տիրոջն իւղով օծեց և նրա ոտքերը մազերով սրբեց:) Ղազարոսի քոյրերը մարդ ուղարկեցին Յիսուսի մօտ, որ ասեն թէ Ղազարոսը, որին դու սիրում ես՝ հիւանդ է: Յիսուսը լսելով այս՝ ասաց. — «Այս հիւանդութիւնը մահուան համար չէ, այլ Աստուծու փառքի համար, որ Մարդու Որդին նրանով փառաւորուի»:

Յիսուսը սիրում էր Մարթային, նրա քոյր Մարիամին և Ղազարոսին: Երբ լսեց որ Ղազարոսը հիւանդ է, երկու օր էլ մնաց այնտեղ: Նրանից յետոյ իւր աշակերտներին ասաց. — «Եկէք նորից Հրէաստան գնանք»:

Աշակերտներն ասացին. — «Ռաբբի, հէնց նոր էր որ հրէաներն ուզում էին քեզ քարկոծել և դու դարձեալ այնտեղ ես գնում»: Յիսուսը պատասխանեց. — «Ձե՞ որ օրը տասներկու ժամ է: Յերեկով գնացողը չի գայթակղուի, որովհետև տեսնում է այս աշխարհի լոյսը, բայց եթէ գիշերով գնայ՝ կգայթակղուի, որովհետև նրա հետ լոյս չկայ»:

Ասելով այս՝ դարձաւ աշակերտներին ու ասաց. — «Մեր բարկամ Ղազարոսը քնել է և ես գնում եմ, որ նրան արթնացնեմ»:

Աշակերտներն ասացին. — «Տէր, եթէ քնած է, ուրեմն կարթնանայ»:

Յիսուսը նրա մահուան քնի համար էր ասում, իսկ նրանք այնպէս կարծեցին, թէ սովորական քնի մասին է խօսում: Այն ժամանակ Յիսուսը յայտնապէս ասաց. — «Ղազարոսը մեռաւ և ես ուրախ եմ ձեզ համար, որ ես այնտեղ չէի, որպէս զի հաւատաք. բայց եկէք գնանք նրա մօտ»,

Այն ժամանակ թովմասը, որ երկորեակ էր կոչւում, աշակերտներին՝ ասաց. — «Եկէք մենք էլ գնանք և նրա հետ մեռնենք»:

Յիսուսն եկաւ Բեթանիա և գտաւ Ղազարո-

սին չորս օրուան մեռած և գերեզման գրուած:

Բեթանիան տասնևհինգ ասպարիզով էր միայն հեռի Երուսաղէմից: Հրէաներից շատերն էին եկել Մարթայի և Մարիամի մօտ, եղբօր համար նրանց մխիթարելու: Մարթան Յիսուսի գալը լսելով՝ նրան դիմաւորելու գնաց, իսկ Մարիամը տանը մնաց: Մարթան ասաց Յիսուսին.— «Տէր, եթէ դու այստեղ լինէիր, իմ եղբայրը չէր մեռնի, բայց գիտեմ, որ այժմ էլ ինչ որ խնդրես Աստուծոց՝ կստանաս»: Յիսուսն ասաց.— «Քո եղբայրը յարութիւն կանի»: Մարթան ասաց.— «Գիտեմ որ յարութեան ժամանակը—վերջին օրը՝ յարութիւն կանի»: <sup>1)</sup> Յիսուսն ասաց նրան.— «Ես եմ յարութիւնը և և կեանքը. ինձ հաւատացողը եթէ մեռնի էլ՝ կապրի. և նա որ կենդանի է ու հաւատում է ինձ, յաւիտեան չի մեռնի: Դու հաւատում ես այս բանին»: Մարթան պատասխանեց.— «Այո՛ Տէր, ես արդէն հաւատացել եմ որ դու ես Քրիստոսը — Աստուծու Որդին, որ գալու էիր աշխարհ»: Ասելով այս, նա գնաց իւր քոյր Մարիամին ծածուկ կոնչեց և ասաց.— «Վարդապետն եկել է և քեզ է կանչում»: Մարիամը վերկացաւ և եկաւ Յիսուսի մօտ:

Յիսուսը դեռ գիւղը չէր մտել, այլ այն-

<sup>1)</sup> Հրէաներն էլ ընդունում և սպասում էին վերջին յարութեանը, համաձայն մարգարէութեան.— «Հողի մէջ քնածներից շատերը՝ յարութիւն պէտք է առնեն, ոմանք յաւիտեանական կեանքի համար և ոմանք էլ յաւիտեանական անարգանքի և նախատիքի համար: (Դանիէլ Ժբ. 2.)

տեղ էր, որտեղ Մարթան դիմաւորել էր նրան:

Հրէաներն էլ, որոնք տանն էին և մխիթարում էին նրան, տեսնելով որ Մարիամը շուտով վերկացաւ ու գնաց, իրանք էլ նրա յետեւից գնացին, կարծելով թէ գերեզմանն է գնում լաց լինելու:

Մարիամը երբ Յիսուսի մօտ եկաւ ու տեսաւ նրան, նրա ոտքերն ընկաւ ու ասաց.— «Տէր, եթէ այստեղ պատահէիր իմ եղբայրը չէր մեռնի»: Յիսուսը տեսնելով որ նա լաց է լինում, ինչպէս և նրա հետ եղող հրէաները, սաստիկ յուզուեցաւ և հռուսչելով ասաց.— «Ո՛ւր էք դրել նրան»: Ասացին նրան.— «Տէր, եկ և տես»: Եւ Յիսուսն արտասուեց:

Հրէաներն ասում էին.— «Տեսէք թէ որքան էր սիրում նրան»: Նրանցից ոմանք էլ ասում էին.— «Սա որ կոյրի աչքերը բացեց, միթէ չէր կարող այնպէս անել, որ սա չմեռնէր»:

Յիսուսն յուզուած մօտեցաւ գերեզմանին: Դա մի այր էր և վրան մի քար դրուած: Յիսուսն ասաց.— «Մի կողմ գլորեցէք քարը»: Մեռելի քոյր Մարթան ասաց.— «Տէր, արդէն հոտած կլինի, որովհետեւ չորս օր է արդէն որ մեռել է»: Յիսուսն ասաց.— «Չասացի՞ քեզ, որ եթէ հաւատաս, Աստուծու փառքը կտեսնես»:

Երբ քարը վերցրին, Յիսուսը բարձրացրեց իւր աչքերն ու ասաց.— «Հայր, շնորհակալ եմ քեզնից, որ լսեցիր ինձ: Ես գիտեմ, որ ամեն ժամանակ լսում ես ինձ, բայց շուրջս հաւա-

քուած այս ժողովրդի համար եմ ասում, որ հաւատան թէ Դու ուղարկեցիր ինձ»:

Ասելով այս, բարձր ձայնով կանչեց ու ասաց.— «Դձգարէ, դուրս եկ այդ տեղից»:

Եւ մեռելը դուրս եկաւ ոտքերն ու ձեռքերը երիզապնդով փաթաթած և երեսը վարչամակով պատած: Յիսուան ասաց նրանց.— «Արձակեցէք զրան և թողէք որ գնայ»:

100.

ԿԱՅԻԱՓԱՅԻ ԽՈՐՀՈՒՐԴԸ.— ՅԻՍՈՒՍՆ ԱՌԱՆՁԱՆՈՒՄ Է ԵՓՐԱՅԻՄ

Յովհ. Ժ. 45-56 Մարիամի մօտ եկած հրէաներից շատերը Յիսուսի արածը տեսնելով՝ հաւատացին նրան: Իսկ նրանցից մի քանիսը գնացին փարիսեցիների մօտ և պատմեցին նրանց Յիսուսի արածը:

Քահանայապետներն ու փարիսեցիները ատեան հաւաքուեցան և ասացին.— «Այդ Մարդը շատ հրաշքներ է գործում, եթէ միջոցների չըդիմենք և թողնենք նրան այդպէս, այն ժամանակ ամենքն էլ կհաւատան նրան և Հռոմիները կգան և մեր ազգն ու երկիրը կտիրեն»:

Նրանցից մինը, Կայիափա անունով, որ այն տարուան քահանայապետն էր. ասաց.— «Դուք ոչինչ չգիտէք և չէք էլ հասկանում, որ աւելի լաւ է մի մարդ մեռնի ժողովրդի համար, քան թէ բոլոր ազգը կորչի»:

Բայց այս բանը ոչ թէ իրենիցն ասաց, այլ

այն տարուան քահանայապետը լինելով, մարգարէացաւ, որ Յիսուսը ազգի համար պէտք է մեռնէր, և ոչ միայն ազգի համար, այլ և որ Աստուծու ցիրուցան եղած որդոցն էլ մի տեղ ժողովէր:

Այդ օրուանից արդէն որոշեցին որ Նրան սպանեն:

Յիսուան այնուհետև այլ ևս համարձակ չէր շրջում հրէաների մէջ, այլ այնտեղից անցաւ անապատի մօտ գտնուած Եփրայիմ քաղաքը և իւր աշակերտների հետ այնտեղ մնաց:

Մօտենում էր հրէից գատիկը: Շատերն այն գաւառից, դեռ գատիկից առաջ, Երուսաղէմ ճանապարհուեցին՝ որպէս զի իրենց անձերը մաքրեն:

Այնտեղ Յիսուսին էին որոնում և տաճարում եղած ժամանակ՝ հարցնում էին իրար.— «Ի՞նչպէս է թուում ձեզ, մի՞թէ Նա այս տօնին չէ գալու»:

Իսկ քահանայապետներն ու փարիսեցիները պատուիրել էին, որ եթէ մինը Նրա տեղն իմանայ, իսկոյն իմաց տայ, որ Նրան բռնեն:

101.

ՄԱՀՈՒԱՆ ԿԱՆԽԱԳՈՒՇԱԿՈՒԹԻՒՆ:— ՅԱԿՈՎԲՈՍԻ ԵՒ ՅՈՎՀԱՆՆԷՍԻ ՄՕՐ ԽՆԳՐՈՒԱԾԸ

Մարկ. Ժ. 32-34 Ճանապարհին, Երուսաղէմ գնալիս, Յիսուսը գնում էր աշակերտների առջևից, իսկ զարմա-

ցած աշակերտները վախվիսելով հետևում էին նրան:

Եւ տասերկուսին իւր մօտ կանչելով և յայտնելով. թէ ինչ բաներ են պատահելու իրեն՝ ասաց. — Ահա Երուսաղէմ ենք գնում. Մարդու Որդին կմասնուի քահանայապետների և դպիրների ձեռքը և նրան մահուան կգատապարտեն և հեթանոսների ձեռքը կմասնեն, կծաղրեն նրան ու կծեծեն, կթքեն նրա վերայ ու կսպանեն. և երրորդ օրը յարութիւն կանի»:

Ղուկ. 19. Աշակերտները սրանից ոչինչ չհասկացան: 34 Այդ խօսքերի նշանակութիւնը մութն էր նրանց համար, այդ պատճառով էլ գլխի չընկան:

Մատ. 20-28 1. Այն ժամանակ մօտեցաւ Չեբեթիայի որդոց մայրն իւր որդոց հետ, երկրպագում և նրանից բան էր խնդրում: Յիսուսն ասաց նրան. — Ի՞նչ ես կամենում: Նա ասաց. — Ասա, որ այս իմ երկու որդիքս Քո Արքայութեան մէջ մինը աջ կողմդ նստի, միւսը ձախ»: Պատասխան տուեց Յիսուսն ու ասաց. — Չգիտէք թէ ինչ էք խնդրում. կարող էք արգետք այն բաժակը խմել կամ այն մկրտութեամբ մկրտուել, որով ես պէտք է մկրտուիմ»: Ասացին նրան. — «Կարող ենք»: Յիսուսն ասաց. — Իմ բաժակը կարող էք խմել և մկրտութեամբս, որով ես պէտք է մկրտուիմ՝ մկրտուել. բայց իմ աջ ու ձախ կողմը նստելու իրաւունք տուողը ո՛չ թէ ես եմ, այլ իմ Հայրը, որ շնորհում է նրանց, որոնց համար հեկնց սկզբից պատրաստուած է»:

Միւս տասն աշակերտները լսելով այդ բարկացան երկու եղբայրների վերայ: Յիսուսն իւր մօտ կանչեց ու ասաց. — Դուք գիտէք որ ազգերին իշխաններն են տիրում և մեծամեծներն իշխում. բայց ձեր մէջ այդպէս չպէտք է լինի: Ով որ ձեզնից կամենում է մեծ լինել, թող ձեր սպասաւորը լինի. և ով որ կամենում է առաջինը լինել, թող ձեր ծառան լինի:

Մարդու Որդին չեկաւ որ իրեն ծառայեն, այլ որ ինքը ծառայէ և իւր անձը շատերի համար փրկանք տայ»:

102.

ԵՐԻՔՈՎԻ ԿՈՅՐԻ ԲԺՇԿՈՒԹԻՒՆԸ

Ղուկ. 35-43 1. Երբ Յիսուսը մօտենում էր Երիքովին, ձանապարհի վերայ մի կոյր մուրացկան էր նստած, որ լսելով թէ իւր մօտով բազմութիւն է անցնում, հարցրեց թէ ի՞նչ բան է այդ:

Նրան պատմեցին որ Յիսուս Նազովրեցին է անցնում: Այդ ժամանակ նա աղաղակեց ու ասաց. — Յիսուս, Դաւթի որդի, ողորմիր ինձ»:

Առջևից գնացողները սաստում էին նրան որ լռէ, իսկ նա աւելի էր աղաղակում և ասում. — «Դաւթի որդի, ողորմիր ինձ»:

Յիսուսը կանգ առաւ և հրամայեց նրան իւր մօտ բերել: Երբ նա մօտեցաւ, Յիսուսն հարցրեց. — Ի՞նչ ես կամենում, որ քեզ անեմ»: Նա ասաց. — «Տէր, աչքերս բացիր, որ տեսնեմ»:

Յիսուսն ասաց նրան. — «Տես, քո հաւատը

քեզ ապրեցրեց»։ Նա իսկոյն սկսեց տեսնել և Աստուծուն փառք տալով՝ զնաց Նրա յետեից։

Ամբողջ ժողովուրդը տեսնելով այդ, սկսեցին փառաբանել Աստուծուն։

103.

ՅԻՍՈՒՄՆ ՈՒ ԶԱԿԻՒՆՈՍ ՄԱՔՍՍՊԵՏԸ

Ղուկ. ԺԹ. 1-10. Յիսուսը մտաւ Երիքով և շրջում էր այնտեղ։ Մի մարդ Զակքէոս անունով, որ մաքսապետ էր և շատ էլ հարուստ, կամենում էր տեսնել թէ ո՞վ է Յիսուսը. բայց բազմութեան պատճառով չէր կարողանում տեսնել, որովհետեւ կարճ էր հասակով։ Նա առաջ վազելով՝ բարձրացաւ ժանտաթղեկնու վերայ, որ Յիսուսին տեսնի, որովհետեւ Յիսուսը հենց այդ ճանապարհով պիտի անցնէր։

Յիսուսն երբ այն տեղին մօտեցաւ, վեր նայեց և ասաց նրան. — «Զակքէ, շտապիր, իջիր ծառից, որովհետեւ այսօր պէտք է քո տանն իջնանեմ»։ Նա շտապով իջաւ և ուրախութեամբ ընդունեց նրան։

Եւ բոլորն էլ տեսնելով այդ, սկսեցին տրտնջալ որ մեղաւոր մարդու տուն զնաց իջնանելու։ Զակքէոսը վեր կենալով, ասաց Տիրոջը. — «Տէր, ունեցածիս կէսը աղքատներին կրտամ և եթէ մինին զրկել եմ, քառապատիկը կվճարեմ»։

Յիսուսն ասաց նրան. — «Այսօր եղաւ այս

տան փրկութիւնը, որովհետեւ սա էլ Աբրահամի որդի է։ Մարդու Որդին եկաւ կորածներին զրանելու և փրկելու»։

104.

Մ Ն Ա Ս Ն Ե Ր Ի Ա Ռ Ա Կ Ը

Ղուկ. ԺԹ. 11-27. Որովհետեւ Յիսուսն արդէն մօտեցել էր Երուսաղէմին և ժողովուրդն էլ կարծում էր թէ շուտով յայտնուելու է Աստուծու Արքայութիւնը, ուստի և իրեն լսողներին հետևեալ առակն ասաց. — «Մի ագնուական հեռու աշխարհ զնաց որ իւր թագաւորութիւնն ստանայ և ապա վերադառնայ։

Կանչելով իւր ծառաներին, տասն մնաս<sup>1)</sup> տուեց նրանց ու ասաց. — «Շահեցրէք մինչև գալըս»։ Բայց որովհետեւ քաղաքացիները նրան ատում էին, ուստի և նրա հետեից դեսպաններ ուղարկեցին որ ասեն. — «Մենք չենք ուզում, որ դու մեզ վերայ թագաւորես»։ Երբ նա թագաւորութիւնն ստանալուց յետոյ վերադարձաւ, կանչեց այն ծառաներին, որոնց արծաթ էր տուել իմանալու թէ՛ ո՞վ որքան է շահեցրել։

Առաջինն եկաւ ու ասաց. — «Տէր, քո մնասը տասը մնաս բերեց»։ Ասաց նրան. — «Ագնիւ և բարի ծառայ, որովհետեւ փոքր բանում հաւատարիմ եղար, տասն քաղաքների վերայ իշխանութիւն ունեցիր»։ Երկրորդն եկաւ ու ասաց. —

1) Երբ արծաթ մնասը = 100 բուբուն։



«Տէր, քո մնասը հինգ մնաս բերեց»: Ասաց նրան.— «Դու էլ հինգ քաղաքների վերայ եղիր»: Երրորդն ասաց.— «Տէր, ահա քո մնասը, որ քեզ նից վախենալով՝ թաշկինակիս մէջ փաթաթած էի պահում, որովհետեւ դու մի խիստ մարդ ես, չգրած բանդ վերցնում ես և չցանածդ՝ հնձում»: Տէրն ասաց նրան.— «Քո բերանով պէտք է դատեմ քեզ, անհաւատ ծառայ. որ գիտէիր թէ ես խիստ մարդ եմ և չգրածս վերցնում և չցանածըս հնձում եմ, էլ ի՞նչու համար արծաթս սեղանաւորին չտուիր, որ գայի ու տուրսով պահանջէի նրանից»: Եւ ծառաներին ասաց.— «Վերցրէք նրանից մնասը և տարէք ու տանն մնաս ունեցողին տուէք»:

Ծառաներն ասացին նրան.— «Տէր, նա տասը մնաս ունի»: Յիսուան ասաց.— «Ասում եմ ձեզ, որ ունեցողին կարուի, իսկ չունեցողից՝ ունեցածն էլ կառնուի: Իսկ իմ թշնամիներիս, որոնք չէին ուզում որ ես իրենց վերայ թագաւորեմ, բերէք այստեղ և իմ առաջ սպանեցէք»:

Ասելով այս, նա առաջ գնաց ու Երուսաղէմ ճանապարհուեց:

### 105.

#### ԲԱՐՏԻՄԷՈՍ ԿՈՅՐԻ ԲԺՇԿՈՒԹԻՒՆԸ

Մարկ. Ժ. 46-52. Երբ Յիսուան աշակերտներով և շատ ժողովրդով դուրս էր գալիս Երիքովից, ճանապարհի վերայ նստած էր Բարտիմէոս անուհով մի

մուրացկան: Երբ սա իմացաւ թէ անցնողը Յիսուս Նազովրեցին է, սկսեց աղաղակել ու ասել.— «Յիսուս, Դաւթի որդի, ողորմիր ինձ»: Ծառան սկսեցին սաստել նրան որ լռէ, բայց նա աւելի էր աղաղակում.— «Դաւթի որդի, ողորմիր ինձ»:

Յիսուսը կանգ առաւ և հրամայեց որ նրան կանչեն: Կոյրին կանչեցին ու ասացին.— «Քանջ եղիր, վեր կաց, կանչում է քեզ»:

Նա իւր շորը ցած ձգեց վրայից, վեր կացաւ և Յիսուսի մօտ եկաւ: Յիսուսը նրան հարցրեց.— «Ի՞նչ ես կամենում որ քեզ անեմ»: Կոյրն ասաց.— «Որ տեսնեմ»:

Յիսուան ասաց.— «Գնա, քո հաւատը քեզ փրկեց»: Նա սկսեց տեսնել և գնաց Յիսուսի յետևից:

### 106.

#### ՅԻՍՈՒՍԸ ՄԻՄՈՆ ԲՈՐՈՏԻ ՏԱՆԸ

Յովհ. Ժր. 1. Չատկից վեց օր առաջ, Յիսուան եկաւ Բեթանիա, որտեղ բնակւում էր մեռած Ղազարոսը, որին նա յարութիւն էր տուել:

Մատթ. Իդ 6. Եւ իջաւ Սիմոն բորոտի տանը:

Յովհ. Ժր. 2-6. Այնտեղ նրա համար ընթրիք պատրաստեցին: Հրաւիրեալները թուումն էին Մարթան, որ ծառայում էր սեղանի վերայ, Ղազարոսը որ սեղան նստողներից մինն էր և Մարիամը, որ վերցնելով մի լիտը նարդոսի թանկագին ու անու-

շահոտ իւղ, շիշք կոսրեց<sup>1)</sup> և իւղը Յիսուսի գըլ-  
խին թափելով, միևնոյն ժամանակ սկսեց օծել  
նրա ոտքերը և իւր մազերով սրբել: Տունն իւղի  
անուշահոտութեամբ լցուեցաւ:

Այն ժամանակ աշակերտներից մինը՝ Յուզա  
Իսկարիովտացին, որ պէտք է մասնէր նրան՝  
ասաց.— «Այդ իւղը պէտք է երեք հարիւր դե-  
նարով<sup>2)</sup> ծախուէր և գումարն աղքատներին  
տրուէր»: Նա այդ բանն ասաց ոչ թէ այն պատ-  
ճառով որ աղքատների մասին էր հոգս քաշում,  
այլ որ գող էր և գանձարկղն էլ իւր մօտ լինե-  
լով՝ ձգուած փողերն ինքն էր պահում:

<sup>10-13</sup> Մատթ. իւ Յիսուսը լսելով այս՝ ասաց.— Ի՞նչու էք  
այդ կնոջը վշտացնում, նա մի բարի գործ արեց  
իմ վերաբերմամբ. աղքատներն ամեն ժամանակ  
ձեզ մօտ են, բայց ես միշտ ձեզ մօտ չեմ լի-  
նելու: Դա այդ իւղն իմ մարմնի վերայ թափեց  
և օծեց ի նշան իմ թաղման: Բայց ճշմարիտն  
եմ ասում ձեզ, ամբողջ աշխարհի մէջ ուր էլ  
որ քարոզուի իմ Աւետարանը, կիսօսուի այդ  
մասին և կիշուի դրա յիշատակը»:

<sup>30-41</sup> Յովհ. Ժր. Հրէաներից շատերն երբ իմացան որ Յիսու-  
սը այնտեղ է, եկան ոչ միայն Յիսուսին, այլ և  
Ղազարոսին էլ տեսնելու, որին նա յարութիւն  
էր տուել: Քահանայապետները խորհուրդ արին  
որ Ղազարոսին էլ սպանեն, որովհետև շատերը  
Ղազարոսի պատճառով էին գնում Յիսուսի մօտ  
և հաւատում:

1) Մարկ. գլխ. Ժդ. 3.  
2) Դենար—մէկ դահեկան = 60 կոպ.

107.

ՅԻՍՈՒՍԻ ՀԱՆԴԻՍԱԽՈՐ ՄՈՒՏԳԸ ԵՐՈՒՍԱՂԷՄ.— ՅԻ-  
ՍՈՒՍԸ ՏԱՃԱՐՈՒՄ

<sup>1-3</sup> Մատթ. իա Երբ Երուսաղէմին մօտեցան և եկան Բեթ-  
փագէ — Զիթենեաց լեռան մօտ, այն ժամանակ  
Յիսուսն իւր աշակերտներից երկուսին ուղար-  
կելով՝ ասաց.— «Գնացէք այն գիւղը, որ առաջ-  
ներից է և կգտնէք այնտեղ մի կապած էջ և  
նրա հետ էլ աւանակը, արձակեցէք և բերէք  
ինձ մօտ և եթէ ձեզ բան ասող լինի, ասացէք  
Տիրոջն հարկաւոր են. և շուտով կուղարկէ նը-  
րանց»:

<sup>6-9</sup> Մատթ. իա Աշակերտները գնացին և այնպէս արին,  
ինչպէս հրամայել էր նրանց Յիսուսը: Էջն ու  
աւանակը բերին ու իրենց շորերը նրանց վրայ  
ձգեցին. Յիսուսը նստեց նրանց վերայ:

Ոմանք ծառերի ոստերը կտրատելով, տա-  
<sup>Մարկ. ըրածում էին ճանապարհի վերայ: Իսկ նրա առ-</sup>  
<sup>ժա. ջևից ու յետևից գնացողները՝ աղաղակում էին</sup>  
<sup>Ղուկ. ու ասում. — «Ո՞վսաննա<sup>1)</sup>. Օրհնեալ է Տիրոջ ա-</sup>  
<sup>ժթ. 38.</sup> նունով եկողը: Օրհնեալ է Տիրոջ անունով եկող  
մեր հայր Դաւթի թագաւորութիւնը: Խաղաղու-  
թիւն յերկինս և փառք ՚ի բարձունս»:

<sup>4-5</sup> Մատթ. իա Եւ այս բոլորն եղաւ, որ կատարուի Մար-  
գարէի ասածը թէ— Ասացէք Սիօնի աղջկան, ա-  
հա քո թագաւորը գալիս է քեզ մօտ հեզ և էջի  
ու իշու աւանակի վերայ նստած<sup>2)</sup>:

1) Ովսաննա նշ. թնդ օրհնուի, օրհնեալ լինի  
2) Տես 25-րդ մարգ.

Յովհ. Ժբ. 16-18 Նրա աշակերտներն առաջ չհասկացան այս բանը, բայց երբ Յիսուսը փառաւորուեցաւ, այդ ժամանակ միայն յիշեցին, որ այդ բաները այն պատճառով տեղի ունեցան, որ այդպէս էր գըրուած Յիսուսի մասին: Նրա հետ եղող ժողովուրդը վկայում էր որ նա էր Ղազարոսին գերեզմանից կոչողը և մեռելներից յարութիւն տուողը: Հենց ժողովրդի Յիսուսի առաջ դուրս գալու պատճառն էլ այն էր, որ լսել էր արդէն թէ այդ հրաշքը (Ղազարոսին յարութիւն տալը) նա է գործել:

Ղուկ. Ժթ. 41-44 Յիսուսը Ձիթենեաց լերան գագաթը հասնելով, տեսաւ քաղաքը, լացեց նրա վերայ ու ասաց.— «Գոնէ դու այսօր հասկանայիր քո խաղաղութիւնը՝ բայց այժմ ծածկուած է այդ քո աչքերից: Կը գան օրեր, երբ թշնամիներդ քո շուրջդ պատնէշ կը կանգնեցնեն, կըրջապատեն քեզ և ամեն կողմից կնեղեն: Կաւերեն քեզ, որդոցդ քո մէջ կը կոտորեն և քարը քարի վերայ չեն թողնի, որովհետեւ դու չճանաչեցիր քո այցելութեանդ ժամանակը»: <sup>1)</sup>

Մատթ. Իա 10-11, 14-15 Երբ Երուսաղէմ մտաւ, ամբողջ քաղաքը դղրդաց ու ասաց.— «Ո՞վ է սա»: Ժողովուրդն ասաց.— «Սա Գալիլիայի Նազարէթ քաղաքի մարգարէ Յիսուսն է»:

Յիսուսը մտաւ տաճարը, ուր մօտեցան նը-

<sup>1)</sup> Այսինքն չուզեցիր Աստուծու այցելութեան ժամանակն իմանալ, չկամեցար Աստուծու ողորմութեան պատեհութիւնից օգտուել, դրա համար էլ Աստուծու արդար վրէժխնդրութեանը մատնուեցար:

րան կոյրեր ու կաղեր, որոնց և բժշկեց: Երբ քահանայապետներն ու դպիրները տեսան նրա գործած զարմանալի հրաշքերը և այն մանուկներին որոնք ազազակում էին տաճարում և ասում.— «Ո՞վ սաննա, օրհնութիւն Դաւթի որդուն»: Բարկացան ու ասացին նրան.— «Լսում ես թէ ինչ են ասում, սաստի՛ր դրանց»:

Ղուկ. Ժթ. 40 Յիսուսը պատասխանեց.— «Ասում եմ ձեզ, որ եթէ դրանք լռեն, քարերը կազազակեն: Եւ դուք չէք կարգացել արդեօք այն տեղն ուր աստուած է— «Տղաների և ծծկեր մանուկների բե-

րանից կատարեցիր օրհնութիւնը»: <sup>1)</sup>  
Եւ թողնելով նրանց, քաղաքից դուրս ելաւ ու գնաց Բեթանիա և զիշերը այնտեղ մնաց:

### 108.

ԱՆՊՏՈՒՂ ԹՉԵՆԻՆ.— ՏԱՃԱՐԻ ՄԱՔՐՈՒԻՒՂԸ.— ՀԱՍՏԱՏՈՒՆ ՀԱԻԱՏԻ ԵՒ ԱՆԿԵՂԾ ԱՂՕԹԻ ՈՅԺԸ.— ՓՈՒԱԴԱՐՁ ՀԱՐՑՈՒՄՆԵՐ

Մարկ. Ժա. 11-33 Հետևեալ օրն առաւօտեան, երբ դուրս էին գալիս Բեթանիայից՝ Յիսուսը քաղցեցաւ:

Եւ հեռուից մի տերևալից թղենի տեսնելով մօտեցաւ նրան՝ վրան մի բան գտնելու. բայց երբ բացի տերևներից ոչինչ չգտաւ, որովհետեւ թուզի ժամանակը չէր՝ ասաց.— «Սրանից յետոյ քեզնից ոչ ոք պտուղ չուտէ յաւիտեան»: Եւ իւր աշակերտները լսում էին:

<sup>1)</sup> Մարմոս. Ը. 3.

եկան Երուսաղէմ և Յիսուսը տաճարը մըտնելով, դուրս արաւ տաճարում առուծախս անողներին, հատավաճառները<sup>1)</sup> սեղանները ցրուեց և աղանիվաճառների աթոռները կործանեց: Եւ ոչ ոքի չէր թողնում ոչ մի աման տաճարի միջով անց կացնելու:

Եւ սովորեցնում էր նրանց ու ասում. — «Գրուած է որ իմ տունը բոլոր հեթանոսների համար աղօթքի տուն պէտք է համարուի և դուք աւագակների բուն էք դարձրել:»<sup>2)</sup> Քահանայապետներն ու դպիրները լսելով այս, մտածում էին թէ ինչպէս կորցնեն նրան, բայց վախենում էին նրանից, որովհետեւ բոլոր ժողովուրդը դարմացել էր նրա վարդապետութեան վերայ:

Երեկոյեան քաղաքից դուրս եկան:

Հետեւեալ օրն առաւօտեան, երբ նոյն տեղովն էին անցնում, թղենուն արմատից չորացած տեսան:

Պետրոսն յիշեց (նախընթաց օրուան անցքը) և Յիսուսին ասաց. — «Ռաբբի, տես, այն թղենին որին անիծեցիր, արդէն չորացել է»:

Յիսուսը պատասխան տուեց նրան ու ասաց. — «Աստուծու հաւատքն<sup>3)</sup> ունեցէք: Ճշմարիտն եմ ասում ձեզ, որ եթէ միւսն այս լեռանն ասէ շարժուիր տեղիցդ ու ծովն ընկիր և իւր սրտի մէջ չերկմտի, այլ հաւատայ որ լինելու է իւր ասածը, կլինի նրան

<sup>1)</sup> Գրամ փոխողների և մանրացնողների:

<sup>2)</sup> Մարգ. Եսայի ծգ. 7. — «Իմ տունը բոլոր հեթանոսների համար աղօթքի տուն պէտք է կոչուի»:

<sup>3)</sup> Այսինքն — հաստատուն հաւատ.

ինչ էլ որ ասելու լինի: Այս պատճառով ասում եմ ձեզ, ամենայն մի բան, որի համար աղօթքով կխնդրէք և կհաւատաք որ պէտք է առնէք, կստանաք:

Եւ երբ աղօթքի կենաք, ներեցէք եթէ մէկի դէմ որեւէ բան ունիք, որպէս զի ձեր երկնաւոր Հայրն էլ ներէ ձեզ՝ ձեր յանցանքները: Եթէ դուք չէք ների, ձեր երկնաւոր Հայրն էլ չի ների ձեր յանցանքները»:

Նորից Երուսաղէմ եկան և երբ նա շրջում էր տաճարում, քահանայապետները, դպիրներն ու ծերերը նրա մօտ եկան ու հարցրին. — «Ի՞նչ իշխանութեամբ ես անում այդ բաները և ո՞վ տուեց քեզ այդ իշխանութիւնը»:

Յիսուսն էլ պատասխանեց ու ասաց. — «Ես էլ ձեզնից մի բան կհարցնեմ, եթէ կասէք ինձ, ես էլ կասեմ ձեզ թէ ինչ իշխանութեամբ եմ այս բաներն անում: — Յովհաննէսի մկրտութիւնն երկնքից էր թէ՞ մարդկանցից: Պատասխանեցէք այս հարցին»:

Սորհրդակցում էին իրար հետ և ասում. — «Եթէ ասենք երկնքից էր, կասէ. — հապա ի՞նչու չհաւատացիք նրան: Եթէ ասենք մարդկանցից էր, ժողովրդից ենք վախենում. որովհետեւ ամենքն էլ ընդունում էին որ յիրաւի Յովհաննէսը մարդարէ էր»:

Պատասխանեցին Յիսուսին. — «Չգիտենք»: Յիսուսն էլ պատասխանեց. — «Ես էլ ձեզ չեմ ասի. թէ ի՞նչ իշխանութեամբ եմ անում այս բաները»:

109.

ԵՐԿՈՒ ՈՐԴՈՑ ԵՒ ՉԱՐ ՄՇԱԿՆԵՐԻ ԱՌԱԿՆԵՐԸ

Մարկ. Ժբ.  
1  
Մատթ. Իա  
28-46

Եւ սկսեց նրանց հետ առականերով խօսել: Մի մարդ երկու որդի ունէր, մօտենալով առաջինն՝ ասաց.— «Որդեակ, գնա այսօր այգումս աշխատիր»: Նա պատասխանեց ու ասաց.— «Կերթամ հայր»: Բայց չգնաց: Մօտեցաւ միւսին և նոյնն առաջարկեց: Նա պատասխան տուեց ու ասաց.— «Չեմ գնայ»: Բայց յետոյ զրջաց ու գնաց այգին: Արդ, երկուսից որը կատարեց հօր կամքը: Ասացին.— «Յետինը»:

Յիսուսն ասաց նրանց.— «Ճշմարիտն եմ ասում ձեզ, ու մաքսաւորներն ու պոռնիկները ձեզնից առաջ կմանեն Երկնքի Արքայութիւնը. որովհետև Յովհանէսն արդարութեան ճանապարհով եկաւ և դուք նրան չհաւատացիք, իսկ մաքսաւորներն ու պոռնիկներն հաւատացին, դուք տեսաք և չզղջացիք, որպէս զի գոնէ յետոյ հաւատայիք»:

Հետեւեալ առակն էլ լսեցէք.— «Մի տանուտէր այգի տնկեց և ցանկով պատեց, մէջը հնձան փորեց և աշտարակ շինեց և յանձնելով այգին մշակներին, ինքը գնաց օտար երկիր: Երբ պտղի ժամանակն եկաւ, իւր ծառաներին ուղարկեց մշակների մօտ, որ պտուղն ստանան:

Մշակները բռնելով նրա ծառաներին, ումանց տանջեցին, ումանց սպանեցին և ումանց էլ

քարկոծեցին: Տէրն այս անգամ առաջուանից աւելի ծառաներ ուղարկեց, նրանց հետ էլ այնպէս վարուեցան:

Վերջը մշակների մօտ իւր որդուն ուղարկեց մտածելով որ գուցէ իւր որդուցն ամաչեն: Մշակներն երբ որդուն տեսան, մտքներումն ասացին.— «Ժառանգը սա է, եկէք սպանենք սրան և խլենք ժառանգութիւնը»: Եւ բռնելով նրան այգուց դուրս տարան ու սպանեցին:

«Արդ, այգու Տէրը որ գայ, ի՞նչ կանէ մշակներին»: Ասացին նրան.— «Չարերին չարաչար կերպով կը կորցնի և այգին այնպիսի մշակների կյանձնի, որոնք պտուղն իւր ժամանակին կը հասցնեն տիրոջը»:

Յիսուսն ասաց նրանց.— «Երբեկիցէ չէք կարդացել գրքի մէջ, թէ այն քարը, որ շինողներն անարգեցին, նա եղաւ անկեան գլուխը, սա Տիրոջիցն եղաւ և զարմանալի է մեր աչքերին: <sup>1)</sup> Այս պատճառով ասում եմ ձեզ, որ Աստուծու Արքայութիւնը կխլուի ձեզնից և կտրուի այն այգին, որ պտուղներ կբերէ:

Ով այս քարի վերայ ընկնի՝ կփշրուի. և ում վերայ ընկնի՝ կջարդէ նրան»:

Երբ քահանայապետները, դպիրներն ու փարիսեցիները նրա առակները լսեցին, իմացան որ իրանց համար է ասում: Կամենում էին նրան բռնել, բայց ժողովրդիցն էին վախենում, որովհետև նրան մարգարէի տեղ էին ընդունում:

<sup>1)</sup> Մարկ. ԺԺ. 22.

110.

ԹՄԳԱՒՈՐԻ ՈՐԴՈՒ ՀԱՐՍԱՆԵԱՅ ԱՌԱԿԸ

<sup>Մատթ.իբ 1-14</sup> Այս առակն էլ ասաց.— «Երկնքի Արքայ-  
ուլթիւնը նման է այն թագաւորին, որ իւր որ-  
դու հարսանիքն արաւ և ուղարկեց իւր ծա-  
ռաներին հրաւիրուածներին հարսանիք կանչելու.  
բայց հրաւիրեալները չկամեցան գալ:

Նորից ուրիշ ծառաներ ուղարկեց և պա-  
տուիրեց՝ ասելով.— «Գնացէք, հրաւիրեալներին  
ասացէք որ ճաշը պատրաստ է, զուարակներս  
ու պարարակներս մորթուած են և ամեն բան  
պատրաստ է, եկէք հարսանիք»:

Իսկ նրանք անհոգ գտնուելով, որն իւր ա-  
գարակը գնաց, որն իւր առևտրին, իսկ ոմանք  
էլ բռնելով նրա ծառաներին, նախատեցին ու  
սպանեցին:

Թագաւորը լսելով այս, բարկացաւ և զօրք  
ուղարկելով, սպանողներին սատակեցնել տուեց և  
նրանց քաղաքները այրեց: Այն ժամանակ իւր  
ծառաներին ասաց.— «Հարսանիքը պատրաստ է,  
բայց հրաւիրուածներն արժանի չէին: Ուստի,  
գնացէք ճանապարհի գլուխները և որոնց գտնէք՝  
հարսանիք կանչեցէք:

Ծառաները դուրս գալով ճանապարհները,  
հաւաքեցին ամենքին— ում և գտան, — թէ չա-  
րերին, թէ բարիներին և հարսանիքը բազմու-  
թեամբ լցուեցաւ:

Երբ թագաւորը ներս մտաւ բազմուլթիւնը  
տեսնելու, նկատեց որ մի մարդ հարսանիքի շոր  
չէր հագել և նրան ասաց.— «Ընկեր, ի՞նչու  
եկար այստեղ, երբ հարսանիքի շոր չունէիր»,  
եւ նա պապանձուեցաւ:

Այն ժամանակ թագաւորն ասաց սպասա-  
ւորներին.— «Կապեցէք զրա ոտքերն ու ձեռքերը  
և զրսի խաւարը տարէք, թողայնտեղ լաց լինի և  
ատամները կրճտացնէ. որովհետև շատերն են  
կանչուած, բայց քչերն են ընտրուած:

111.

ԿԱՅՍՐԻՆԸ՝ ԿԱՅՐԻՆ ՏՈՒԷՔ, ԻՍԿ ԱՍՏՈՒԾՈՒՆԸ՝  
ԱՍՏՈՒԾՈՒՆ

<sup>Մատթ.իբ 15-22</sup> Այն ժամանակ փարիսիցիները գնացին և  
խորհուրդ արին թէ ի՞նչպէս նրան որոգայթ դնեն  
խօսքով:

Եւ իրենց աշակերտներին հերովդիանոսների  
հետ ի միասին նրա մօտ ուղարկեցին ու ա-  
սացին.— «Վարդապետ, գիտէինք որ ճշմարիտ  
ես և Աստուծու ճանապարհը ճշմարտութեամբ  
ես ուսուցանում, ոչ ոք փոյթդ չէ և մարդկանց  
երեսպաշտութիւն չես անում, ուստի ասա՛ մեզ,  
ի՞նչ ես կարծում, հարկաւոր է կայսեր հարկ  
տալ թէ՞ ոչ»: Յիսուսն իմանալով նրանց խորա-  
մանկութիւնը՝ ասաց.— «Կեղծաւորներ, ի՞նչու էք  
ինձ փորձում, ցոյց տուէք ինձ հարկի դահե-  
կանը»:

Եւ նրանք մի դահեկան բերին: Յիսուան ասաց նրանց.— «Ո՞ւրն է այս պատկերը կամ գիրը»: Ասացին.— «Կայսրինը»:

Այն ժամանակ ասաց.— «Գնացէք, կայսրինը՝ կայսրին տուէք, իսկ Աստուծունը՝ Աստուծուն, երբ այս պատասխանը լսեցին՝ զարմացան և թողին նրան ու գնացին:

112.

ԵՅՈՒՆ ԵՂԲԱՅՐՆԵՐԻ ԿԻՆՐ

<sup>Մատթ. Իր 23-33</sup> Յիսուսի մօտ Սադուկեցիներ եկան, որոնք ասում էին թէ յարութիւն չկայ: Հարցրին նրան ու ասացին.— «Վարդապետ, Մովսէսն ասաց, որ եթէ մինը անորդի մեռնի, նրա կնոջը թող նրա եղբայրն առնէ և եղբօր համար զաւակ յարուցանէ: <sup>1)</sup> Արդ, մեզ մօտ եօթն եղբայրներ կային. առաջինը կին առաւ և անգաւակ մեռաւ: Նրա կնոջը երկրորդն առաւ, որ նոյնպէս անգաւակ մեռաւ: Մեռան նաև երրորդն ու չորրորդը մինչև եօթներորդը: Ամենից վերջը կինը մեռաւ: Արդ, յարութեան ժամանակ այդ կինը եօթն եղբայրներիցն ո՞րինն է լինելու, քանի որ ամենքի էլ կինն էր եղել»:

Յիսուսը պատասխան տուեց ու ասաց.—

<sup>1)</sup> Բ. Օր. Իե. 5-10 Մովսէսի օրէնքով հրամայուած էր, որ եթէ մէկը ամուսնանար և անորդի մեռնէր, մեռնողի եղբայրը պարտաւոր էր նրա այրուն իրեն կնութեան առնել և նրանից ծնուած զաւակը մեռած եղբօր զաւակ համարել և մեռնողի ժառանգը ճանաչել, որպէս զի անորդի մեռած մարդու ցեղը չկորչէ:

«Մոլորուածներ, ո՞չ գրածն էք հասկանում և ո՞չ էլ Աստուծու զօրութիւնը: Որովհետև յարութեան ժամանակ ո՞չ կին են առնում և ո՞չ մարդու գնում, այլ հրեշտակների պէս են երկնքում:

Արդեօք դուք չէք կարգացել մեռելների յարութեան մասին Աստուծու ձեզ ասած խօսքը թէ, ես եմ Աբրահամի Աստուածը, Իսահակի Աստուածն ու Յակովբի Աստուածը <sup>1)</sup>: Աստուած մեռելների Աստուածը չէ, այլ կենդանիներինը»:

Այս ամենը լսող ժողովուրդը զարմանում էր նրա վարդապետութեան վերայ:

113.

ԹԷ Ո՞ՐՆ Է ՄԵՍՊՈՍՏՈՒԻՐԱՆԸ

<sup>Մարկ. Ժր. 28-34</sup> Պապիրներից մինը, որ լսում էր Յիսուսի և փարիսիցիների վէճը՝ մօտեցաւ Յիսուսին և տեսնելով որ նա լաւ պատասխանեց նրանց՝ հարցրեց.— «Ո՞րն է ամենից առաջին պատուիրանը» Յիսուսը պատասխանեց.— «Պատուիրաններից ամենից առաջինն այս է:— Լսիր իսրայէլ, մեր Տէր Աստուածը մէկ Տէր է: Եւ սիրիր քո Տէր Աստուծուն քո բոլոր սրտովդ, բոլոր անձովդ, բոլոր մաքովդ և բոլոր զօրութեամբդ. <sup>2)</sup> անա այս է առաջին պատուիրանը:

Երկրորդն էլ սրա նման է.— «Սիրիր քո ընկերոջդ քո անձի պէս» <sup>3)</sup>— Սրանից աւելի մեծ պա-

<sup>1)</sup> Ելից գ. 6.

<sup>2)</sup> Բ. Օրինաց գ. 5.

<sup>3)</sup> Ղևտ. Ժթ. 18.

տուիրան չկայ»։ Դպիրն ասաց նրան. — «Լան, վարդապետ, ճշմարիտն ասացիր թէ Աստուած մէկ է և բացի նրանից ուրիշը չկայ. և բոլոր սրտով, բոլոր մտքով, բոլոր անձով և բոլոր զօրութեամբ նրան սիրելն ու ընկերոջն էլ անձի պէս սիրելը՝ ողջակէզներից ու զոհերից աւելի է»։

Եւ Յիսուսը տեսնելով որ իմաստութեամբ պատասխանեց, ասաց նրան. — «Աստուծու Արքայութիւնից հեռու չես»։

114.

ԴԱԻԻԹ ԵՒ ԴԱԻԹԻ ՈՐԴԻ

<sup>Մատթ. Իբ 41-46</sup> Երբ փարիսեցիները ժողովեցան, Յիսուսը հարցրեց նրանց ու ասաց. — «Ի՞նչ կարծիք ունիք Քրիստոսի մասին. նա ո՞ւմ որդին է»։

Ասացին նրան. — «Դաւթի որդին է»։

Յիսուսն ասաց. — «Բայց ի՞նչպէս է որ Դաւիթը նրան հոգով Տէր է կոչում և ասում. — «Ասաց Տէրն իմ Տիրոջը նստիր աջ կողմս, մինչև որ քո թշնամիներին ոտքերիդ պատուանդանը դարձնեմ»։<sup>1)</sup> Եւ այսպէս, եթէ Դաւիթը նրան Տէր է կոչում, էլ նա ի՞նչպէս կարող է նրա որդին լինել»։

Եւ ոչ ոք չկարողացաւ նրան պատասխանել։ Եւ այն օրից, էլ ոչ ոք չէր համարձակում նրանից որևէ բան հարցնել։

<sup>1)</sup> Մատթ. ճթ. 1 (տես մարգ. շարք. № 52)։

115.

ՎԱՅԵՐ ԴՊԻՐՆԵՐԻ ԵՒ ՓԱՐԻՍԵՅԻՆԵՐԻ ԴԷՄ

<sup>Մատթ. Իգ 1-39</sup> Այն ժամանակ Յիսուսը ժողովրդի և աշակերտների հետ խօսեց ու ասաց. — «Մովսէսի արժուի վերայ դպիրներն ու փարիսեցիները նրատեցին։ Այն բոլորը, ինչ որ ձեզ ասեն, արէք ու պահեցէք, բայց նրանց արածները մի անէք, որովհետև իրենց ասածները իրենք չեն կատարում։ Ծանր ու դժուարակիր բեռներ են կապում ու մարդկանց ուսերի վրայ դնում, իսկ իրենք չեն ուզում մատով շարժել։ Իրենց բոլոր գործերը մարդկանց ցոյց տալու համար են անում. լայնացնում են իրենց զրապանակները և երկարացնում իրենց հանդերձի քղանցքները։ Ընթրիքների ժամանակ սիրում են բարձր տեղերը նստել և ժողովարաններում՝ նախաթոռների վերայ։ Սիրում են հրապարակներում ողջոյներ ստանալ և մարդկանցից Ռաբբի, Ռաբբի, կոչուի։

Բայց դուք ոչ ոքի վարդապետ մի կոչէք, որովհետև դուք մէկ Ուսուցիչ ունիք և ամենքդ էլ եղբայրներ էք։ Երկրի վերայ դուք ոչ ոքի Հայր մի կոչէք, որովհետև ձեր Հայրը երկնքումն է։ Եւ դուք մի կոչուէք ուսուցիչներ, որովհետև ձեր ուսուցիչը Քրիստոսն է։ Չեզնից մեծը՝ թող ձեր ծառան լինի, որովհետև իրեն բարձրացնողը՝ կրխոնարհի, իսկ իրեն խոնարհեցնողը՝ կըբարձրանայ։



Վայ ձեզ դպիրներ ու փարիսեցիներ՝ կեղծաւորներ, որ Երկնքի Արքայութիւնը փակում էք մարդկանց առաջ, դուք չէք մտնում և մտնողներին էլ թոյլ չէք տալիս:

Վայ ձեզ դպիրներ ու փարիսեցիներ՝ կեղծաւորներ, որ այրիների սներն էք ուտում և կեղծաւորութեամբ ձեր աղօթքներն երկարացնում, այդ բանի համար դուք աւելի կդատապարտուիք:

Վայ ձեզ դպիրներ ու փարիսեցիներ՝ կեղծաւորներ, որ ծով ու ցամաք էք պտտում, որևէ մէկին նորահաւատ դարձնելու և երբ յաջողում է, նրան ձեզնից երկու անգամ աւելի գեհննի որդի էք դարձնում:

Վայ ձեզ կոյր առաջնորդներ, որ ասում էք թէ տաճարի վերայ երդուիլը ոչինչ է, իսկ տաճարի մէջ եղած ոսկու վերայ երդուիլը՝ զօրաւոր: Անմիտներ ու կոյրեր, որն է մեծը, ոսկին թէ՛ տաճարը, որ սրբացնում է ոսկին: Եւ կամ ասում էք, սեղանի վերայ երդուիլը ոչինչ է, իսկ սեղանի վերայ մատուցած պատարագով երդուիլը՝ զօրաւոր: Յիմարներ ու կոյրեր, որն է մեծը պատարագը թէ՛ սեղանը, որ սրբացնում է պատարագը: Եւ այսպէս, ով սեղանի վերայ է երդւում, նա երդւում է սեղանի և նրա վրայի բոլոր բաների վերայ. և ով որ տաճարի վերայ է երդւում, նա երդւում է տաճարի և նրա մէջ Բնակուողի վերայ. և ով որ երկնքի վերայ է երդւում, նա երդւում է Աստուծու աթոռի և նրա վերայ Նստողի վերայ:

Վայ ձեզ դպիրներ և փարիսեցիներ՝ կեղծաւորներ, որ անանուխից, սամիթից ու չամանից<sup>1)</sup> տասանորդ էք վճարում, բայց թողնում էք օրէնքի ծանրագոյնները.— դատաստանը, ողորմութիւնն ու հաւատքը, այս պէտք էր անել և այն՝ չթողնել:

Կոյր առաջնորդներ, որ մժղուկը քամում էք, ուղտը կլանում:

Վայ ձեզ դպիրներ ու փարիսեցիներ՝ կեղծաւորներ, որ բաժակի ու սնակի դուրսն էք մաքրում, այն ինչ ներսից յափշտակութեամբ և անիրաւութեամբ լի են: Կոյր փարիսեցի, նախ բաժակի ու սնակի ներսը մաքրիր, որ դրսից էլ մաքուր լինի:

Վայ ձեզ դպիրներ ու փարիսեցիներ՝ կեղծաւորներ, որ ծեփած գերեզմանների էք նմանում, որոնք դրսից գեղեցիկ են երևում և ներսից մեռելի ոսկորներով ու ամենայն տեսակ պղծութիւնով լի են: Նոյնպէս էլ դուք, մարդկանց դրսից արդար էք երևում, իսկ ներսից կեղծաւորութիւնով և անօրէնութիւնով լի էք:

Վայ ձեզ դպիրներ ու փարիսեցիներ՝ կեղծաւորներ, որ մարգարէների շերիմներն էք շինում և արդարների գերեզմանները զարդարում և ասում էք, որ եթէ մենք մեր հայրերի օրերում լինէինք, մարգարէների արեան թափուելուն մասնակից չէինք լինի: Ուրեմն դուք վկայում էք ձեզ համար, որ մարգարէներ կոտո-

<sup>1)</sup> Անանուխ-նահնայ, սամիթ-շուիթ, չաման-համան:

րողները որդիքն էք, ուստի և լցրէք ձեր հայրերի  
չափը:

Օձեր և իժերի ծնունդներ, ինչպէս պէտք  
է փախչէք գեհեանի դատապարտութիւնից: Այդ  
պատճառով, անա ուղարկում եմ ձեզ մօտ մար-  
գարէներ, իմաստուններ և դպիրներ. և դուք նը-  
րանցից ոմանց կսպանէք և կխաչէք և ոմանց էլ  
ձեր ժողովարաններում կտանջէք և քաղաքից  
քաղաք կհալածէք. և թող երկրի վերայ թափ-  
ուած բոլոր արդար արիւնը ձեզ վերայ գայ՝ ար-  
դար Աբէլի արիւնից մինչև Բարաքիայի որդի  
Ջաքարիայի արիւնը, որին տաճարի և սեղանի  
մէջ տեղը սպանեցիք:

Ճշմարիտն եմ ասում ձեզ, որ այս բոլորը  
կգայ այս ազգի վերայ:

Երուսաղէմ, Երուսաղէմ, որ մարգարէներ  
էիր կոտորում և քեզ մօտ ուղարկուածներին  
քարկոծում, քանի անգամ կամեցայ քո մանուկ-  
ներին հաւաքել՝ ինչպէս թխսկանն է իւր ձագե-  
րին թևերի տակ հաւաքում, բայց դուք չկամե-  
ցար:

Ահա ձեր տունը ձեզ աւերակ մնայ: Որով-  
հետև ասում եմ ձեզ, որ այսուհետև այլ ևս չէք  
տեսնելու ինձ, մինչև որ ասէք.—Օրհնեալ է Տի-  
րոջ անունով եկողը:

**116.**

ԱՅՐԻ ԿՆՈՋ ԼՈՒՄԱՆ

Մարկ.ժբ. 41-44 **Յիսուսը** գանձանակի դիմացը նստած դի-

տում էր, թէ ինչպէս ժողովուրդը գանձանակի  
մէջ փող էր ձգում:

Շատ հարուստներ շատ փող էին ձգում: Մի  
այրի կին եկաւ և երկու լումայ ձգեց, որ մի  
նաքարակիտ է:

Յիսուան աշակերտներին իւր մօտ կանչելով  
ասաց.—«Ճշմարիտն եմ ասում ձեզ, որ այս  
աղքատ այրին գանձանակ ձգողներից ամենից  
շատ տուեց: Որովհետև ամենքն էլ աւելացածից  
ձգեցին, իսկ սա չքաւոր լինելով հանդերձ իւր  
բոլորը ունեցածը՝ իւր բոլոր սպրուստը ձգեց»:

**117.**

ՀԵԹԱՆՈՍ ՈՒՆՏԱՒՈՐՆԵՐ.—ՅՈՐԵՆԻ ՀԱՏԻԿԸ, ՈՐ-  
ՊԷՍ ՅԻՍՈՒՍԻ ՓԱՌԱՒՈՐՈՒԹԵԱՆ ՕՐԻՆԱԿ.—ԵՐԿԸՆ-  
ՔԻՑ ԵԿԱԾ ՉԱՅՆԸ.—ՄԵՍԻԱԿԱՆ ԽՆԴԻՐԸ.—ՎԵՐՋԻՆ  
ՅԱՅՏԱՐԱՐՈՒԹԻՒՆ

Յովհ. ժբ. 20-36 **Տօնին** եկած ուխտաւորների մէջ մի քանի հե-  
թանոսներ էլ կային, որոնք Գալիլիայի Բեթսայի-  
դացի Փիլիպպոսի մօտ գալով, աղաչեցին նրան  
ու ասացին.—«Տէր, կամենում ենք Յիսուսին  
տեսնել»: Փիլիպպոսն եկաւ ու Անդրիասին յայտ-  
նեց և Անդրիասն ու Փիլիպպոսը Յիսուսին ա-  
սացին: Յիսուսը պատասխան տուեց ու ասաց.  
—«Մարդու Որդու փառաւորուելու ժամն հասաւ:  
Ճշմարիտ, ճշմարիտն եմ ասում ձեզ, որ եթէ  
ցորենի հատիկը հողի մէջ չընկնի ու չմեռնի,  
ինքն մենակ կմնայ, բայց եթէ մեռնի՝ շատ ար-  
դիւնք կտայ: Իւր անձը սիրողը՝ կը կորցնի նրան

և այս աշխարհում իւր անձն ատողը՝ յաւիտե-  
նական կեանքի համար կպահէ նրան: Ինձ ծա-  
ռայողը թող իմ յետևից գայ. և ուր ես եմ, իմ  
ծառան էլ այնտեղ կլինի և ինձ ծառայողին՝  
կպատուի Հայրս:

Բայց այժմ անձս խոռված է և ինչ ասեմ.  
— Հայր, ազատիր ինձ այս ժամից, բայց ես  
հենց այս ժամի համար եկայ: Հայր, փառաւո-  
րիք Քո անունը»:

Այդ ժամանակ մի ձայն եկաւ երկնքից. —  
«Փառաւորեցի և դարձեալ պէտք է փառաւորեմ»:  
Ժողովուրդը որ կանգնած լսում էր այս՝  
ասաց. — «Որոտմունք է այս»: Ոմանք էլ ասում  
էին. — «Նրա հետ հրեշտակը խօսեց»:

Յիսուսը պատասխանեց և ասաց. — «Այս  
ձայնն ինձ համար չեկաւ, այլ ձեզ համար: Այս  
աշխարհի դատաստանն այժմս է և այժմ դուրս  
կձգուի այս աշխարհի իշխանը: Եւ երբ ես եր-  
կրից բարձրանամ, ամենքին էլ ինձ մօտ կըքա-  
շեմ»: Այս ասաց, որ հասկացնէ թէ որպիսի  
մահով պէտք է մեռնի:

Ժողովուրդը պատասխանեց նրան. — «Մենք  
օրէնքից լսել ենք, որ Քրիստոսը յաւիտեան կը-  
մնայ և դու ինչպէս ես ասում, թէ Մարգու Որ-  
գին պէտքէ բարձրանայ. — Ո՞վ է այն Մարգու  
Որգին»:

Յիսուսն ասաց նրանց. — «Մի փոքր ժամա-  
նակ էլ լոյսը ձեզ հետ է, քանի լոյս ունիք,  
գնացէք, որ չլինի թէ մութը ձեզ վրայ հասնի,

որովհետև խաւարի մէջ գնացողը՝ չգիտէ թէ ուր  
է գնում: Քանի լոյսը հետներդ է, հաւատացէք  
այդ լոյսին, որ լոյսի որդիք լինիք»:

Յովհ. Ժբ. 44-50  
Ասելով այս, հանդիսաւոր կերպով աւերաց-  
րեց. — «Ինձ հաւատացողը ոչ թէ ինձ է հաւա-  
տում, այլ ինձ Ուղարկողին: Եւ ինձ տեսնողը,  
ինձ Ուղարկողին է տեսնում: Ես լոյս եկայ աշ-  
խարհ, որպէս զի ինձ հաւատացողները, խաւարի  
մէջ չմնան: Եւ եթէ ոք մին իմ խօսքերը լսէ և  
չհաւատայ, ես նրան չեմ դատաւարտի. որով-  
հետև ես եկայ ոչ թէ աշխարհը դատելու, այլ  
աշխարհը փրկելու: Ինձ մերժողն ու խօսքերս  
չընդունողը՝ իրեն համար դատաւոր ունի այն  
խօսքը, որ ես խօսեցի. նա կդատէ նրան վերջին  
օրը: Որովհետև ես ոչ թէ ինձնից խօսեցի, այլ  
ինձ Ուղարկող Հայրը պատուիրեց, թէ ես ինչ  
պէտք է ասեմ և ինչ խօսեմ: Եւ ես գիտեմ, որ  
Նրա պատուէրը յաւիտեանական կեանք է և ինչ  
որ խօսում եմ այնպէս եմ խօսում, ինչպէս իմ  
Հայրն ասաց ինձ»:

Ղուկ. Իա. 37-38  
Յիսուսը ցերեկները տաճարումն էր ուսու-  
ցանում, իսկ գիշերները դուրս գալով՝ բարձրա-  
նում էր Ջիթենեաց կոչուած լեռը և այնտեղ  
էր անցկացնում: Առաւօտը բոլոր ժողովուրդը  
շտապում էր տաճար նրան լսելու համար:

118.

ՅՈՎՀԱՆՆԷՍ ԱԻԵՏԱՐԱՆՁԻ ԽՈՐՀՐԳԱԾՈՒԹԻՒՆԸ

Յովհ. Ժբ. 37-43  
Թէև Յիսուսը նրանց (հրէաների) առաջ

այդչափ հրաշքներ գործեց, բայց նրանք չհաւատացին նրան, որ կատարուի Եսայեա մարգարէի ասածը թէ.— Տէր, մեր խօսքին ո՞վ հաւատաց և Տիրոջ բազուկը ո՞ւմ յայտնուեցաւ:<sup>1)</sup> Նրան այն պատճառով չէին կարողանում հաւատալ, որ ինչպէս Եսայեա մարգարէն ասաց դարձեալ.— Այս ազգը իւր աչքերը կուրացրեց և իւր սիրտը քարացրեց: աչքերով չէ տեսնում և սրտով չէ իմանում և դարձի չէ գալիս, որպէս զի ես նրանց բժշկեմ:<sup>2)</sup>

Այս խօսքերն Եսային այն ժամանակն ասաց, երբ Նրա փառքը տեսաւ և Նրա մասին խօսեց:

Բայց այնուամենայնիւ իշխաններից շատերը նրան հաւատացին, թէ և նրանք էլ փարիսեցիների վախից չէին յայտնում, որպէս զի ժողովրդանոցից չվճնդուին: Որովհետեւ նրանք մարդկային փառքն աւելի սիրեցին, քան Աստուծու փառքը:

119.

ՄԱՐԳԱՐԷՆՆԵՐԻՆ ԵՐՈՒՍԱՂԷՄԻ ԱԻԵՐՄԱՆ ՄԱՍԻՆ.

— ԳԱԼՍՏԵԱՆ ՆՇԱՆՆԵՐԸ.— ԷՍԿՈՒՄՆ

Մարկ. Ժ. 1-3. Երբ Յիսուսը դուրս էր գալիս տաճարից, աշակերտներից մինն ասաց նրան. — Վարդապետ,

1) Բառացին. — «Տէր, ո՞վ հաւատաց մեր տուած լուրին. և Տիրոջ բազուկը ո՞ւմ յայտնուեցաւ»: (Եսայի Ժ. 1.):

2) Բառացին. — «Այդ ժողովրդի սիրտը թանձրացաւ, իրենց ականջներով ծանր լսեցին և իրենց աչքերը փակեցին, որ աչքով չտեսնեն երբէք, ականջով չլսեն և սրտով չիմանան, չզառնան (դարձի չգան), որ ես բժշկեմ նրանց: (Եսայի Կ. 10.):

տես ի՞նչ ընտիր քարերով է շինած և սրպիսի հողակաւ շինութիւն է այս ասանար: Յիսուսը պատասխան տուեց նրան ու ասաց.— «Տեսնում ե՞ս այս շինութիւնը, ճշմարիտ, ճշմարիտն եմ ասում ձեզ, որ այս բոլորը կքանդուի և այստեղ ոչ մի բան քար քարի վերայ չի մնայ»:

Եւ մինչդեռ նա նստած էր Ձիթենեաց լեռան վերայ, տաճարի դիմացը՝ Պետրոսը, Յակովբոսը, Յովհաննէսն ու Անդրիասը հարցրին նրան առանձին.— «Ասա մեզ՝ երբ կլինի այդ և քո գալստեանդ ու աշխարհիս վերջի նշանն ի՞նչ պէտք է լինի»: Յիսուսը պատասխանեց տուեց նրանց ու ասաց.— «Զգոյշ կացէք, մի գուցէ ոք մին ձեզ խաբէ, որովհետեւ շատերը կգան իմ անունով և կասեն թէ ես եմ Քրիստոսը և շատերին կմոլորեցնեն: Եւ կսէք պատերազմներ և պատերազմների համբաւներ. զգոյշ կացէք որ չխաբուիք, որովհետեւ այդ բոլորը պէտք է լինի, բայց դեռ վերջը չէ: Ազգն ազգի վերայ կբարձրանայ և թագաւորութիւնը՝ թագաւորութեան վերայ. զանազան տեղեր սովեր, մահաարածամներ և երկրաշարժներ կլինին:

Ղուկ. 11. Երկնքից էլ սոսկալի երևոյթներ և մեծամեծ նշաններ կլինին:

Մատթ Ի. 8. Մակայն այս բոլորը դեռ ցաւերի սկիզբն է: Ղուկ. 12-18. Ամենից առաջ իրենց ձեռքերը ձեզ վերայ կզնեն, կսկսեն հալածել, մատնելով ձեզ ժողովրդանոցներին ու բանտերին և տանելով ձեզ թագաւորների ու դատաւորների առաջ՝ իմ ան-

ուան համար: Եւ այս բաները ձեզ համար վր-  
կայութիւն կլինի:

Արդ ձեր սրտերի մէջ դրէք, որ առաջուց  
չմտածէք թէ ինչ պէտք է պատասխանէք: Ու-  
րովհետեւ ես ձեզ այնպիսի բերան և իմաստու-  
թիւն կտամ, որ ձեր հակառակորդներից և ոչ  
մինը չի կարող հակառակել կամ պատասխան տալ:

Ձեր ծնողներից ու եղբայրներից, ազգա-  
կաններից ու բարեկամներից կմասնուրիք և ձեզ-  
նից միջանկիւններդ էլ կսպանուիք: Եւ իմ ան-  
ուան համար բոլորին ատելի կլինիք բայց ձեր  
գլխից մի մազ անգամ չի սլակասի:

Մատթ. 10-14 Այն ժամանակ շատերը կգայիթակղուին, ի-  
րար կմատնեն և իրար կատեն: Շատ սուտ մար-  
գարէներ դուրս կգան և շատերին կմոլորեցնեն:  
Անօրէնութեան շատանալու պատճառով, շատե-  
րի սէրը կպակասի: Բայց ով որ մինչև վերջը  
համբերէ՝ նա կապրի: Եւ Արքայութեան Աւե-  
տարանը ամբողջ աիեղերքում կքարոզուի՝ բոլոր  
հեթանոսներին վկայութիւն լինելու համար և  
դրանից յետոյ միայն կգայ վերջը:

Ղուկ. 10-22 Երբ Երուսաղէմը զօրքերով շրջապատուած  
տեսնէք, իմացէք որ մօտ է աւերումը: Այն ժա-  
մանակ Հրէաստանում եղողները թող լեռները  
փախչեն, քաղաքում եղողները թող չհեռանան  
քաղաքից և շրջակայքում եղողները թող քաղաք  
չմանեն, որովհետեւ այն օրերը վրէժխնդրու-  
թեան օրեր են, որ բոլոր զրուածները կատար-  
ուին:

Մատթ. 19-21 Բայց վայ յղիներին և ստնատուներին այն  
օրերում: Այօթեցէք, որ ձեր փախուստը ոչ  
Ղուկ. 23-26 ճմեռ ժամանակ լինի և ոչ էլ շաբաթ օրով,  
իս. որովհետեւ այն ժամանակ այնպիսի մեծ նեղու-  
թիւն կլինի երկրի վերայ և բարկութիւն այս  
ժողովրդի վերայ, որպիսին չէ եղել աշխարհիս  
սկզբից մինչև այժմ և ոչ էլ կլինի: Սրի բերա-  
նով պէտք է ընկնեն և բոլոր ազգերի մէջ գերի  
տարուին: Երուսաղէմը ազգերից ոտնակոխ կըլի-  
նի, մինչև ժամանակի լրանալը:

Արեգակի, լուսնի և աստղերի մէջ նշաններ  
կերևան, երկրի վերայ ազգերը կվհատին ու  
կշուարին, ծովը կաղմկուի և կյուզուի. մարդիկ  
վախից և աշխարհին գալիք դժբաղդութիւննե-  
րին սպասելուց՝ վերջին շնչում կլինին, որովհե-  
տեւ երկնքի զօրութիւնները պիտի շարժուին:

Մատթ. 22-31 Եւ եթէ այս օրերը չկարճուէին, ոչ մի  
մարմին չէր կարող ապրիլ, բայց ընտրեալ-  
ների համար այդ օրերը կըկարճուին:

Այն ժամանակ եթէ մէկն ասէ ձեզ, թէ  
ահա այստեղ է Քրիստոսը կամ այնտեղ՝ չհաւա-  
տաք, որովհետեւ սուտ Քրիստոսներ և սուտ  
մարգարէներ դուրս կգան ու մեծամեծ նշան-  
ներ ու հրաշքներ կգործեն, որպէս զի եթէ կա-  
րելի է ընտրեալներին էլ մոլորեցնեն:

Ահա ձեզ առաջուց եմ ասում:

Եւ այսպէս եթէ ասեն ահա նա անապա-  
տումն է, մի՛ գնաք. և եթէ ասեն, ներսի սե-  
նեակներումն է՝ մի՛ հաւատաք: Ինչպէս փայլա-

կը արևելքից մինչև արևմուտք է փայլատա-  
կում, Մարդու Որդու գալուստն էլ այդպէս կը-  
լինի: Որովհետև որտեղ դիակ կայ ընկած, ար-  
ծիւններն էլ այնտեղ են ժողովուում: Շուտով, այն  
նեղութեան օրերից յետոյ, արեգակը կխաւարի,  
լուսինն էլ չի տայ իր լոյսը, աստղերն էլ երկնքից  
կթափուին և երկնքի գօրութիւնները կշարժուին:  
Ապա կերևայ երկնքումը Մարդու Որդու նշանը և  
այն ժամանակ բոլոր ազգերը կրկոծեն և Մար-  
դու Որդուն, գօրութեամբ և մեծ փառքով եր-  
կնքի ամպերի վերայ եկած կտեսնեն:

Եւ իւր հրեշտակներին կուղարկէ մեծածայն  
փողով, որոնք կհաւաքեն նրա ընտրեալներին  
չորս հովերից՝ երկրի մի ծայրից մինչև միւս  
ծայրը»:

Ղուկ. Իա. 29-31 Եւ այս առակն ասաց. — «Նայեցէք թղե-  
նուն և բոլոր ծառերին. երբ տեսնում էք որ  
երևում են պտուղներն ու սկսում ծաղկել, իմա-  
նում էք որ մօտեցել ամառը է: Այդպէս էլ  
դուք, երբ այս ամենը եղած տեսնէք, իմացէք  
որ մօտեցել է Աստուծու Արքայութիւնը:

Մատթ. Իդ 34-36 Ծշմարիտն եմ ասում ձեզ, որ այս ազգը չի  
անցնի, մինչև որ այս բոլորը կատարուի: Եր-  
կինքն ու երկիրը կանցնեն, բայց իմ խօսքերը  
չեն անցի: Միայն թէ, այն օրն ու ժամը ոչ ոք  
չգիտէ. ոչ երկնքի հրեշտակները և ոչ Որդին.  
այլ միայն Հայրը:

Մատթ. Իդ 42-44 Արթուն կացէք, որովհետև չգիտէք թէ ձեր  
Տէրն երբ է գալու: Դուք գիտէք որ եթէ տա-

նուտէրն իմանար, թէ գողն երբ է գալու, կը-  
հսկէր և թոյլ չէր տայ, որ իւր տունը ծակեն:  
Այդ պատճառով դուք էլ պատրաստ կացէք, ո-  
րովհետև Մարդու Որդին այն ժամին կգայ, որ  
չէիք սպասում:

Ղուկ. Իա. 34-36 Զգոյշ պահեցէք ձեզ, մի գուցէ ձեր սրտե-  
րը շուայտութեամբ, արբեցողութեամբ և աշ-  
խարհային հոգսերով ծանրանան և մի գուցէ  
ձեզ այն օրն յանկարծակի հասնի: Որովհետև Նա  
երկրիս երեսին բնակուածների վերայ որոգայ-  
թի պէս կհասնի: Ուրեմն այսուհետև արթուն  
կացէք և ամեն ժամանակ ազօթեցէք, որ ար-  
ժանանաք գալի՛ք դժբաղդոթիւններից ազատուե-  
լու և Մարդու Որդու առաջ կանգնելու:

Մարկ. Ժգ. 35, 36, 37 Որովհետև դուք չգիտէք թէ տանտէրը երե-  
կոյեան է գալու թէ՞ կէս գիշերին. հաւախօսին  
թէ՞ առաւօտեան: Իսկ ինչ որ ձեզ եմ ասում,  
ամենքին եմ ասում:—Արթուն կացէք, որպէսզի  
եթէ յանկարծակի գալու լինի, ձեզ քնած չը-  
գտնի»:

120.

ՏԱՍԸ ԿՈՅՍԵՐԻ ԵՒ ՔԱՆՔԱՐՆԵՐԻ ԱՌԱՎԸ

Մատթ. Իե 1-30 Այն ժամանակ երկնքի Արքայութիւնը տա-  
սը կոյսերին կնամանի, որոնք իրենց լապտերնե-  
րը վերցնելով փեսայի և հարսի առաջ դուրս  
եկան: Նրանցից հինգը յիմար էին և հինգը ի-  
մաստուն: Յիմարներն իրենց լապտերները վերց-

րին և հետները ձէթ չվերցրին: Իսկ իմաստուններն իրենց լապտերների հետ ձէթ էլ վերցրին: Եւ որովհետև փեսան ուշացաւ, ամենքն էլ թրմրեցան ու քնեցին: Բայց գիշերուան կէսին ձայն լսուեցաւ. — «Ահա փեսան գալիս է, դուրս եկէք նրա առաջ»:

Այն ժամանակ բոլոր կոյսերն էլ վերկացան և իրենց լապտերները պատրաստեցին: Յիմարներն իմաստուններին ասացին. — «Ձեր ձէթից մեզ էլ տուէք, որովհետև մեր լապտերները հանգչելու վրայ են»:

Իմաստունները պատասխանեցին. — «Գուցէ մեր ունեցածը մեզ էլ և ձեզ էլ չբաւականանայ, աւելի լաւ է վաճառականների մօտ գնացէք և ձեզ համար ձէթ գնեցէք»: Երբ նրանք ձէթ գնելու գնացին, փեսան եկաւ, պատրաստ եղողները նրա հետ հարսանիք մտան և դուռը փակուեցաւ: Յետոյ միւս կոյսերն էլ եկան և ասացին. — «Տէր, տէր, բաց մեզ դուռը»:

Նա էլ պատասխանեց ու ասաց. — «Ճշմարիտն եմ ասում, որ ձեզ չեմ ճանաչում»:

Ուրեմն արթուն կացէք, քանի որ ոչ օրը գիտէք և ոչ ժամը: Որովհետև նա կվարուի այն մարդու նման, որ օտար երկիր գնալիս, իւր ծառաներին կանչեց և իւր հարստութիւնը նրանց յանձնեց: Մէկին տուեց հինգ քանքար<sup>1)</sup> մէկին՝ երկու և մէկին՝ մի քանքար: Իւրաքանչիւրին իւր կարողութեան չափ և ինքը գնաց:

<sup>1)</sup> Երբ քանքար կամ տաղանդը (արծաթը) = 2000 բուբուն:

Հինգ քանքար ստացողը գնաց գործադրեց այն և հինգ քանքար էլ աշխատեց: Երկու քանքար ստացողն էլ, ուրիշ երկու քանքար աշխատեց: Իսկ մի քանքար ստացողը՝ գնաց, գետինը փորեց և իւր տիրոջ տուած արծաթը՝ մէջը թաղեց:

Բաւական ժամանակ անցնելուց յետոյ ծառաների տէրն եկաւ և հաշիւ պահանջեց: Հինգ քանքար ստացողն եկաւ և աշխատած հինգ քանքարն էլ հետը բերելով՝ ասաց. — «Տէր, դու ինձ հինգ քանքար տուիր, ահա հինգն էլ աշխատեցի»:

Տէրն ասաց նրան. — «Շատ լաւ, բարի և հաւատարիմ ծառայ, որովհետև քչի մէջ հաւատարիմ եղար, շատի վերայ կնշանակեմ քեզ. գնա և մասնակցիր տիրոջդ ուրախութեանը»: Երկու քանքար ստացողը մօտենալով՝ ասաց. — «Տէր, դու ինձ երկու քանքար տուիր, ահա երկուսն էլ աշխատեցի»: Տէրն ասաց նրան. — «Շատ լաւ, բարի և հաւատարիմ ծառայ, որովհետև քչի մէջ հաւատարիմ եղար, շատի վերայ կնշանակեմ քեզ, դու էլ մասնակցիր տիրոջդ ուրախութեանը»:

Մէկ քանքար ստացողն ասաց. — «Տէր, գիտէի որ դու խիստ մարդ ես, որտեղ չես ցանել՝ հնձում ես. և որտեղ չես փռել՝ հաւաքում ես, վախեցայ քեզնից և քանքարդ գետնի տակ պահեցի, ահա. առ տուածդ»: Տէրը պատասխանեց ու ասաց. — «Ուարդախ և ծնյլ ծառայ, եթէ գիտէիր որ ես հնձում եմ, որտեղ չեմ ցանել և

հաւաքում եմ՝ որտեղ չեմ փութի, դու պէտք է արծաթս սեղանաւորին տայիր, որ ես գալուս պէս, արծաթս տոկոսով պահանջէի:

Քանքարս վերցրէք դրանից և տասն քանքար ունեցողին տուէք. որովհետև ունեցողին կըտորուի և կաւելանայ, իսկ չունեցողից՝ ունեցածըն էլ կառնուի: Իսկ այս անպիտան ծառային դրսի խաւարը ձգեցէք, թող այնտեղ լաց լինի և ատամները կըրճտացնէ»:

121.

ՎԵՐՁԻՆ ԴԱՏԱՍՏԱՆԻ ԲԱՅԱՏՐՈՒԹԻՒՆԸ

<sup>Մատթ. 16</sup>  
<sup>31-46</sup> Երբ Մարգու Որդին իւր փառքով կգայ և բոլոր հրեշտակներ էլ նրա հետ, այն ժամանակ իւր փառքի աթոռի վերայ կնստի: Բոլոր ազգերն էլ կժողովուին նրա առաջ և նա նրանց միմեանցից կգատէ այնպէս, ինչպէս հովիւն է գատում ոչխարներին այծերից: Ոչխարներին իւր աջ կողմը կը կանգնացնէ, իսկ այծերին՝ ձախ:

Այն ժամանակ Թագաւորն իւր աջ կողմը եղածներին կասէ.— «Եկէք իմ Հօր օրհնուածներ և ժառանգեցէք աշխարհիս սկզբից ձեզ համար պատրաստած Արքայութիւնը: Որովհետև քաղցած էի և կերակրեցիք ինձ. ծարաւ էի՝ խմացրիք. օտար էի և ձեր տունը ընդունեցիք. մերկ էի՝ հագցրիք ինձ. հիւանդ էի՝ խնամեցիք. բանտուսն էի՝ ինձ տեսութեան եկաք»:

Այն ժամանակ արդարները կասեն.— «Տէր,

երբ տեսանք քեզ քաղցած և կերակրեցինք. ծարաւ և խմացրինք. երբ տեսանք քեզ օտար և մեր տուն ընդունեցինք և կամ մերկ և հագցրինք. երբ տեսանք քեզ հիւանդ կամ բանտի մէջ և տեսութեան եկանք»:

Այն ժամանակ Թագաւորը պատասխան կըտայ ու կասէ.— «Ճշմարիտն եմ ասում ձեզ, ինչ որ իմ փոքր եղբայրներից միւնին արիք, նշանակում է ինձ արիք»:

Յետոյ ձախ կողմը եղածներին կասէ.— «Հեռացէք ինձնից անիծուածներ դէպի յաւիտենական կրակը, որ պատրաստուած է սատանայի և նրա հրեշտակների համար: Որովհետև քաղցած էի՝ չկերակրեցիք, ծարաւ էի՝ չխմացրիք, օտար էի՝ ձեր տուն չընդունեցիք, մերկ էի՝ չհագցրիք, հիւանդ և բանտուսն էի՝ ինձ այցելութեան չեկաք»:

Նրանք էլ կպատասխանեն.— «Տէր, երբ տեսանք քեզ քաղցած կամ ծարաւ, կամ օտար, կամ մերկ, կամ հիւանդ, կամ բանտի մէջ և չըծառայեցինք»: Այն ժամանակ պատասխան կտայ ու կասէ.— «Ճշմարիտն եմ ասում ձեզ, նրանց ու կասէ.— «Ճշմարիտն եմ ասում ձեզ, ինչ որ այս փոքրիկներից միւնին չարիք, նշանակում է ինձ չարիք»:

Նրանք կերթան յաւիտենական տանջանքը, իսկ արդարները՝ յաւիտենական կեանքը:



122.

ԽԱՉՈՒՅԷԼՈՒՅ ԳՈՒՇԱԿՈՒԹԻՒՆ.—ԱՍՆԵԳՐԵՈՆԵՒ ԳՈՒՄԱ-  
ՐՈՒՄԸ.—ՅՈՒԳՍՅՈՒ ՄԱՏՆՈՒԹԻՒՆԸ

Մատթ.իդ 1-5 Երբ Յիսուսն իւր խօսքերը վերջացրեց՝ աշակերտներին ասաց.—«Գիտէք, երկու օրից յետոյ գատիկ կլինի և Մարդու Որդին կմատնուի խաչը բարձրանալու»:

Այն ժամանակ քահանայապետները, դպիրներն ու ժողովրդի ձերերը կայիափա քահանայապետի սրահը ժողովեցան և խորհուրդ արին, որ նենդութեամբ բռնեն Յիսուսին ու սպանեն: Բայց ասում էին.—Միայն ոչ այս ամսին, որպէս զի ժողովրդի մէջ խռովութիւն չընկնի:

Մատթ.իդ 14-16 Այն ժամանակ տասներկուսից մինը—Յուդա Իսկարիոտացին, զնաց քահանայապետների մօտ և ասաց.— «Ինձ ինչ կտաք, որ ես նրան ձեր ձեռքը մատնեմ»: <sup>1)</sup> Եւ նրանք երեսուն արծաթ կշռեցին: <sup>2)</sup> Սրանից յետոյ Յուդան յարմար ժամանակ էր որոնում, որ Յիսուսին նրանց ձեռքը մատնէ:

1) Համեմատել մարգ. շարքում № 32-ի հետ:

2) Երեսուն արծաթ կամ երեսուն կրկինաստեր արծաթը, որ մեր դրամով անում է մօտ 50 բուրի (հաշուելով կրկինաստերը 1 բ. 60 կ.) հին օրէնքով օրեւ ստրուկի արեան գինն էր համարում. (Եթէ եղբ մի աղախնի կամ ծառայի խիւց, նրանց ախրոջը երեսուն կրկինաստեր արծաթ պէտք է վճարուի. (Եւ. խ. 32.): Ըստ մարգարէութեան, Յիսուսն երեսուն արծաթով պէտքէ վաճառուէր. սեւ մարգ. շարքում № 38-ը:



VI  
ՉՈՐՐՈՐԳ ԵՒ ՂԵՐՁԻՆ ՉԱՏԻԿ

123.

ՉԱՏԻԿ ՊԱՏՐԱՍՏՈՒԹԻՒՆ.—ՉԱՏԿԱԿԱՆ ԸՆԹՐԻՔ.—ԸՆԹՐԻՔԻ ԱՌԱՋԻՆ ԲԱԺԱԿԸ

Ղուկ.իբ 7-10 Եկաւ բաղարշակերաց տօնը, երբ ըստ օրինի գառակահան գառը պէտք է մորթուէր: Յիսուսն ուղարկեց Պետրոսին և Յովհաննէսին ասելով.— «Գնացէք, գատկական ընթրիք պատրաստեցէք մեզ համար, որ ուտենք»: Նրանք էլ հարցրին.— «Ո՞րտեղ ես կամենում որ պատրաստենք»: Յիսուսն ասաց.— «Երբ քաղաք կմտնէք, այնտեղ ջրի սափորն ուտին գրած մի մարդ կը պատահի ձեզ, զնացէք նրա յետևից և մտէք այն տունը՝ ուր նա կմտնի և ասացէք տանտիրոջը.— Մատթ.վարդապետն ասում է, որ իմ ժամանակն հասել է, և իմ աշակերտների հետ քեզ մօտ եմ գատիկն անելու:

Ղուկ.իբ 12-18 Նա ձեզ մի մեծ և զարդարած վերնատունցոյց կտայ, այնտեղ պատրաստեցէք»: Աշակերտները զնացին և ասածի համաձայն գտնելով պատրաստեցին գատկական ընթրիքը: Երբ ժամը

հասաւ, Յիսուան իւր տասներկու աշակերտների հետ սեղան նստեց և դառնալով նրանց՝ ասաց.

— «Յանկանալով ցանկացայ չարչարուելուցս առաջ՝ այս գատիկն էլ ձեզ հետ ուտել: Բայց ասում եմ ձեզ, որ այլ ևս չեմ ուտելու սրանից, մինչև որ Աստուծու Արքայութեան մէջ կատարուի»:


Եւ վերցնելով բաժակը, գոհացաւ և ասաց.

— «Առէք այս և բաժանեցէք ձեր մէջ: Ասում եմ ձեզ, որ այսուհետև որթի բերքից այլ ևս չեմ խմելու, մինչև որ Աստուծու Արքայութիւնը գայ»:

### 124.

#### ՈՏՆԱԼՈՒԱՅ.—ՄԱՏՆՈՒԹԵԱՆ ՅԱՅՏՆՈՒԻԼԸ

Յովհ. Ժզ. 1-21 **Չ**առկի տօնից առաջ Յիսուսը գիտէր, որ այս աշխարհից իւր Հօր մօտ փոխուելու ժամն արդէն հասել է: Իրեններին, որոնք այս աշխարհից էին և որոնց սիրում էր, մինչև վերջն էլ սիրեց: Ընթրիքի ժամանակ (սատանան արդէն Յուդա Իսկարիովտացու սրտի մէջ Յիսուսին մատնելու միտքն էր դրել) Յիսուսը գիտենալով որ Հայրն ամեն բան իւր ձեռքը տուեց և թէ ինքը Աստուծուց եկաւ և Աստուծու մօտ է գրնում, ընթրիքից վեր կացաւ, վրայի հանդերձը հանեց և մի սրբիչ վերցնելով՝ մէջքին կապեց: Յետոյ կոնքի մէջ ջուր ածելով, սկսեց աշակերտներին ոտքերը լուանալ և կապած սրբիչով սրբել: Մօտեցաւ Սիմօն Պետրոսին և նա Յիսու-



ՅԻՍՈՒՍԱՅ ԵՍՏՆՈՒԹԵԱՆ

սին ասաց.— «Տէր, դ՞ու պէտքէ լուանաս ոտքերըս»: Յիսուսը պատասխանեց ու ասաց.— «Դու այժմ չգիտես թէ ես ինչ եմ անում, բայց յետոյ կիմանաս»: Պետրոսն ասաց նրան.— «Դու յաւիտեան չես լուանայ իմ ոտքերը»: Յիսուսը պատասխանեց.— «Եթէ չլուանամ, դու ինձ հետ բաժին չես ունենայ»: Սիմօն Պետրոսն ասաց.— «Տէր, ոչ միայն ոտքերս, այլ և ձեռքերս ու գլուխս էլ լուայ»: Յիսուսն ասաց նրան.— «Լուացածին միայն ոտքերն է հարկաւոր լուանալ, որովհետեւ բոլորովին մաքուր է և դուք մաքուր էք, բայց ոչ ամենքդ»: Որովհետեւ նա գիտէր որ Յուդան մատնել է իրեն, այդ պատճառով էլ ասաց, որ դուք մաքուր էք, բայց ոչ ամենքդ:

Երբ նրանց ոտքերը լուաց, իւր հանդերձը հագաւ, նորից սեղան բազմեց ու ասաց.— «Գիտէ՞ք ինչ արի ձեզ: Դուք ինձ վարդապետ և Տէր էք անուանում և ուղիղ էք ասում, որովհետեւ հենց այդպէս էլ է. և եթէ ես — ձեր Տէրն ու ուսուցիչը — ձեր ոտքերը լուացի, դուք էլ իրար ոտքերը պէտք է լուանաք: Որովհետեւ ես ձեզ օրինակ տուեցի, որպէս զի դուք էլ անէք այն, ինչ որ ես ձեզ արի: Ճշմարիտ, ճշմարիտն եմ ասում ձեզ, որ ոչ ծառան է իւր տիրոջից մեծ, և ոչ էլ Ուղարկուածը՝ իւր Ուղարկողից: Եթէ դուք գիտէք այս, երանելի էք թէ որ կատարէք: Ձեր ամենից համար չեմ ասում, որովհետեւ ես ճանաչում եմ իմ ընտրածներին. բայց թող գըր-

ուածը կատարուի. որ ասում է թէ.— Նա որ ինձ հետ հաց կերաւ, ինձ դաւաճանեց: <sup>1)</sup> Այժմեանից եմ ասում ձեզ. քանի որ դեռ չէ եղել. որպէս զի երբ լինի՝ հաւատաք թէ այն ես եմ: Ճշմարիտ, ճշմարիտն եմ ասում ձեզ, որ իմ ուղարկածներին ընդունողը, ինձ է ընդունում: Ասելով այս, Յիսուսը հոգով յուզուեց և վկայեց ասելով.— Ճշմարիտ, ճշմարիտն եմ ասում ձեզ, որ ձեզնից մինը ինձ պէտք է մատնի:

Մարկ. Ժ. 21  
Մարդու Որդին կերթայ, ինչպէս և գրուած է նրա համար. բայց վայ այն մարդուն, որի ձեռքով կմատնուի Մարդու Որդին. լաւ էր, որ ամենեկին չճնուէր այն մարդը:

Յովհ. Ժ. 22  
Այն ժամանակ տարակուսած աշակերտներն իրար էին նայում, թէ ուրի մասին է այդ խօսքը: Եւ սկսեցին տրամել և ամեն մէկը նրանցից

Մարկ. հարցնել. — «Մի՞թէ ես եմ: Եւ միւսը՝ մի՞թէ ես եմ»:

Յով. Ժ. 23-26  
Աշակերտներից մինը, որին սիրում էր Յիսուսը, նստած էր Յիսուսի մօտ, Սիմօն Պետրոսը նրան աչքով արաւ, որ հարցնէ, թէ ով է նա. — ում մասին է խօսքը: Նա էլ Յիսուսի կրթքի վերայ ընկնելով՝ հարցրեց.— «Տէր, ով է նա»: Յիսուսը պատասխան տուեց նրան ու ասաց.— «Նա է, որին թրջած հացի պատառը կտամ»:

Եւ պատառը թրջելով՝ տուեց Յուդա Իսկարիովտացուն:

<sup>1)</sup> Մարկոս թ. 10:

Այդ պատասխանից յետոյ, սատանան նրա մէջ մտաւ:

Մատթ. 17  
25 Յուդան էլ հարցրեց. — «Մի՞թէ ես եմ, վարդապետ»: Յիսուսը նրան ասաց. — «Դու ասացիր»:

Յովհ. 47  
27-30 Եւ աւելացրեց. — «Ինչ որ անելու ես, շուտով արն»: Սեղան նստողներից և ոչ մի՛նը չը հասկացաւ, թէ այդ ի՞նչու համար ասաց նրան: Ոմանք կարծեցին թէ որովհետև փողի արկղը Յուդան էր պահում, Յիսուսը նրան ասաց, որ ինչ որ հարկաւոր է մեզ այս տօնին, գնա՛ գնիր և կամ մի բան տուր աղքատներին:

Յուդան պատան ընդունելով, շուտով դուրս գնաց. արդէն գիշեր էր:

125.

ՄԵԾՈՒԹԵԱՆ ԽՆԴԻՐԸ. — ՄԱՐՄԵՆԻ ԵՒ ԱՐԵԱՆ ԽՈՐՀՈՒՐԴԸ. — ԲԱԺԱՆՄԱՆ ԽՕՍՔԵՐ. — ՊԵՏՐՈՍԻ ՀԱՄԱՐ ՉԱԿՈՒԹԻՒՆԸ. — ՄԷՋՆԱԴԷՊ ԶԷՆՔԻ ՄԱՍԻՆ

Ղուկ. 19  
24-30 Եւ շակերտների մէջ հակառակութիւն ընկաւ թէ նրանցից ո՞րն է մեծ համարուելու: Յիսուսը նրանց ասաց. — «Ազգերի թագաւորներն են տիրում նրանց և որոնք իշխում են նրանց, բարերարներ են կոչուում: Բայց դուք այդպէս պէտքէ չլինէք: Ձեր միջի մեծը, թո՛ղ փոքրի պէս լինի և առաջնորդը՝ սպասաւորի պէս: Ո՞վ է մեծը, սեղան նստողը թէ՞ սպասաւորը. չէ՞ որ սեղան նստողը: Բայց ես ձեր մէջ սպասաւորի պէս եմ: Դուք էիք, որ փորձութիւններիս մէջ ընկերացար

ինձ, այդ պատճառով էլ ինչպէս որ Հայրս Արքայութիւն խոստացաւ ինձ, ես էլ ձեզ եմ խոստանում, որ դուք իմ Արքայութեան մէջ իմ սեղանից ուտէք ու խմէք և տաններկու աթոռների վերայ նստելով՝ Իսրայէլի տաններկու ցեղերը դատէք»:

Մատթ. 17  
26-28 Երբ դեռ ընթրում էին նրանք, Յիսուսը հացըն առաւ, օրհնեց, կտորեց և աշակերտներին տալով ասաց. «Ասէ՛ք կերէ՛ք, այս իմ մարմինն է»: Եւ վերցնելով բաժակը զոհացաւ, տուեց նրանց և ասաց. — «Խմեցէ՛ք ամենքդ էլ սրանից, որովհետև այս իմ արիւնն է նոր ուխտի, որ շատերի մեղքերի թողութեան համար է թափուում:

Ղուկ. 19  
Եւ Այս իմ յիշատակի համար արէք»:

Յովհ. 31-38 47 Սրանից յետոյ Յիսուսն ասաց. — «Այժմ փառաւորուեցաւ Մարգու Որդին և Աստուած փառաւորուեցաւ նրանով: Եթէ Աստուած փառաւորուեցաւ նրանով, Աստուած էլ նրան իւր անձով կփառաւորէ. և շուտով կփառաւորէ նրան:

Որդեակք իմ, մի փոքր ժամանակ էլ ձեզ հետ եմ: Ինձ կորոնէք և ինչպէս հրէաներին սասցի, — թէ ուր որ ես գնում եմ դուք չէք կարող գալ. — այժմ էլ ձեզ եմ ասում: Նոր պատուիրան եմ տալիս ձեզ. — Սիրեցէ՛ք միմեանց: Ինչպէս ես ձեզ սիրեցի, այնպէս էլ դուք սիրեցէ՛ք իրար: Իրարու վերայ սէր ունենալով միայն՝ պէտք է իմանան ամենքը, որ դուք իմ աշակերտներս էք»:

Սիմոն Պետրոսն ասաց նրան. — «Տէր, ո՞ւր

ես գնում»։ Յիսուսը պատասխանեց. — «Ուր որ գնում եմ ես, դու այժմ իմ յետևից գալ չես կարող, բայց յետոյ կգաս իմ յետևից»։ Պետրոսն ասաց. — «Տէր, ինչու այժմ չեմ կարող գալ քո յետևից. ես կեանքս էլ կզոհեմ քեզ համար»։

Ղուկ. 31-32 իր. Տէրն ասաց. — «Սիմոն, Սիմոն, սատանան ուզեց քեզ<sup>1)</sup> ցորենի նման խարբալել, բայց ես քեզ համար աղօթեցի որ քո հաւատը չպակասի։ Դու ժամանակով դարձի կգաս և եղբայրներիդ կհաստատես»։

Մատթ. 31-32 իր. Եւ դիմելով աշակերտներին՝ ասաց. — «Այս գիշեր, դուք ամենքդ իմ վերաբերմամբ կգայթակղուիք, որովհետև գրուած է — «Կիփեմ հովուին և հօտի ոչխարները կցրուին»։<sup>2)</sup>

Ղուկ. 33 իր. Պետրոսը պատասխանեց ու ասաց. — «Տէր, ես պատրաստ եմ քեզ հետ դէպի բանան ու Մատթ. 33 իր. Բայց Յիսուսը գնալ։ Եւ եթէ ամենքն էլ գայթակղուին, ես չեմ գայթակղուի»։

Ղուկ. 34-38 իր. Բայց Յիսուսը պատասխանեց. — «Պետրէ, այս գիշեր մինչև հաւախօսը, երեք անգամ կուրանաս՝ ասելով որ — «դու ինձ չես ճանաչում»։ Եւ ասաց նրանց. — «Երբ ձեզ առանց քսակի և կօշիկների ուղարկեցի, մի՞թէ որևէ բանի կարօտութիւն քաշեցիք»։ Նրանք պատասխանեցին. — «Ո՛չ մի բանի»։ Յիսուսն ասաց. — «Բայց այժմ ով քսակ ունի՝ թող վերցնի. ույնպէս էլ պարկ։

1) Յունարէնում՝ ձ և ք։

2) Մարգ. 2աբար. Ժգ. 7. տես մարգ. շարքում № 39-ը։

Եւ ով որ սուր չունի, թող իւր հանդերձը՝ ծախէ և իրեն համար սուր գնէ, որովհետև ասում եմ ձեզ, որ ինձ վերայ պէտք է կատարուի այն գրուածը թէ — «անօրէնների հետ համարուեցաւ<sup>1)</sup>» որովհետև ինչ որ ինձ համար որոշուած է՝ կատարուելու վերայ է»։

Նրանք ասացին. — «Տէր, ահա այստեղ երկու սուր կայ»։ Յիսուսն ասաց. — «Բաւական են»։

### 126.

## Հ Ր Ա Փ Ե Շ Տ

ՅԻՍՈՒՍԻ ԵՕՍԱՆ ՎԵՐՉԻՆ ԵՐԱՏՆԵՐԸ, ՅՈՐԴՈՐՆԵՐԸ, ՅԱՆՉՆԱՐԱՐՈՒԹԻՒՆՆԵՐՆ ՈՒ ՅԱՅՏՆՈՒԹԻՒՆՆԵՐԸ

### I.

Յովհ. Ժգ. 1-30 թ. Թող չզիտթուին ձեր սրտերը, Աստուծուն հաւատացէք և ինձ հաւատացէք։ Հօրս տանը շատ օթեաններ կան. ապա թէ ոչ, ես ձեզ կատելու։ Եւ եթէ գնամ եմ ձեզ համար տեղ պատրաստեմ, դարձեալ կգամ և ձեզ մօտս կառնեմ, որպէս զի ուր ես եմ, դուք էլ այնտեղ լինիք։ Բայց ուր որ գնում եմ գիտէք և ճանապարհն էլ գիտէք»։

Թովմասն ասաց նրան. — «Տէր, չգիտեմք թէ ուր ես գնում և ինչպէս կարող ենք ճանապարհն

1) Տես մարգ. շարքում № 47-ը։

իմանալ»: Յիսուան ասաց նրան. — «Ես եմ ճանապարհը, ճշմարտութիւնն ու կեանքը. ոչ ոք չի կարող Հօրս մօտ գալ՝ եթէ ոչ ինձնով: Եթէ ինձ ճանաչէիք, իմ հօրս էլ կճանաչէիք. և այսուհետև կճանաչէք նրան»:

Փրիլպպոսն ասաց նրան. — «Տէր, ցոյց տուր մեզ Հօրը և բաւական է մեզ»: Յիսուան ասաց նրան. — «Փրիլպպէ, այսչափ ժամանակ է ձեզ հետ եմ և չճանաչեցիր ինձ: Ով որ ինձ տեսաւ, նշանակում է Հօրս տեսաւ. և դու ինչու ես ասում, թէ ցոյց տուր մեզ Հօրը: Մի՞թէ չես հաւատում, որ ես Հօրս մէջ եմ և Հայրս իմ մէջ է: Այն խօսքերը, որ խօսում եմ ձեզ, ոչ թէ ինձնից եմ խօսում, այլ իմ մէջ բնակած Հայրս է, որ այդ գործերն է գործում: Հաւատում էք ինձ որ ես Հօրս մէջ եմ և Հայրս իմ մէջ է: Երբ յե՛ք հարասում, գոնէ գործերի համար հաւատացէք ինձ: Ծշմարիտ, ճշմարիտն եմ ասում ձեզ, որ ինձ հաւատացողը, ոչ միայն այն գործերը կգործէ որն ես եմ գործում, այլ և նրանից աւելի մեծերը կգործէ, որովհետև ես Հօրս մօտ եմ գնում: Եւ իմ անունովս ինչ որ խնդրէք՝ կրկատարեմ այն, որպէս զի Հայրը Որդով փառաւորուի: Եւ ինչ որ ինձնից խնդրէք՝ կանեմ: Եթէ ինձ սիրում էք, պատուիրաններս պահեցէք. ես էլ Հօրս կաղաչեմ, որ ուրիշ Մըխիթարիչ տայ ձեզ, որ յաւիտեան ձեզ հետ բնակուի: Դա ճշմարտութեան Հոգին է, որին այս աշխարհը չի կարող ընդունել, որովհետև չէ տես-

նում նրան և չէ ճանաչում. բայց դուք ճանաչում էք նրան, որովհետև ձեր մօտն է բնակւում և ձեր մէջը կլինի: Ձեզ որք չեմ թողնելու, կգամ ձեզ մօտ: Մի քիչ ժամանակ էլ և աշխարհն ինձ չի տեսնի, բայց դուք կտեսնէք ինձ, որովհետև ես կենդանի եմ և դուք կենդանի պէտք է լինիք: Այն օրը դուք կիմանաք, որ ես Հօրս մէջ եմ և դուք իմ մէջ և ես էլ ձեր մէջ: Նա է իմ պատուիրաններն ընդունողն ու պահողը, որը սիրում է ինձ և Նա, որ ինձ կսիրէ, սիրուած կլինի իմ Հօրից և ես կսիրեմ նրան և նրան կյայտնուիմ»:

Ասաց նրան Յուդան, բայց ոչ Իսկարիովտացին. — «Տէր, ինչպէս է որ դու կամենում ես մեզ յայտնուիլ և ոչ աշխարհին: Պատասխան տուեց Յիսուան ու ասաց. — ինձ սիրողը, պէտք է խօսքերս պահէ և Հայրս էլ նրան կսիրէ և մենք նրա մօտ կգնանք և նրա մօտ կօթեանենք: Ով որ ինձ չէ սիրում, նա իմ խօսքերս էլ չէ պահում. իսկ այն խօսքերը որ լսում էք, ոչ թէ իմս են, այլ ինձ ուղարկող Հօրը:

Այս բաները խօսեցի ձեզ հետ, քանի որ ձեզ մօտ եմ: Բայց միտթարիչ Սուրբ Հոգին, որ իմ անունով կուղարկէ Հայրս, Նա ձեզ ամեն բան կուսուցանէ և ինչ որ ձեզ ասացի՝ կյիշեցնէ ձեզ: Խաղաղութիւն եմ թողնում ձեզ, իմ խաղաղութիւնն եմ տալիս ձեզ, բայց ոչ այնպէս, ինչպէս աշխարհն է տալիս: Ուրեմն թող չվշտանայ սրտներդ և չվախենայ: Կսեցիք, որ

ասացի ձեզ թէ գնում եմ և դարձեալ պէտք է գամ ձեզ մօտ. եթէ ինձ սիրէիք, պէտք է ուրախանայիք որ ես Հօրս մօտ եմ գնում, որովհետեւ Հայրս մեծ է ինձնից: Եւ այժմեանից, դեռ չեղած, ասացի ձեզ որ երբ լինի՝ հաւատաք: Ձեզ հետ այլեւ շատ չեմ խօսելու, որովհետեւ կգայ այս աշխարհի իշխանը և իմ մէջ բան չի գտնի: Միայն թէ աշխարհն իմանայ, որ ես սիրում եմ Հօրս և ինչպէս Հայրս ինձ պատուիրեց, այնպէս եմ անում»:

II.

Յովհ. Ժե. 1-27  
 Ես ճշմարիտ որթն<sup>1)</sup> եմ, իսկ մշակն իմ Հայրը: Ամենայն մի ճիւղ, որ ինձ վրայ է և պտուղ չէ բերում, կտրում է Հայրս: Իսկ այն ճիւղը որ պտուղ է բերում, մաքրում է նրան, որ աւելի պտղաբեր լինի: Դուք արդէն սուրբ էք այն խօսքով, որ խօսեցի ձեզ հետ: Կացէք իմ մէջ և ես ձեր մէջ: Ինչպէս որ ճիւղն ինքն իրեն չի կարող պտուղ բերել եթէ որթի վերայ հաստատուած չլինի, այնպէս էլ դուք յե՛ր կարող պտուղ բերել եթէ ինձ վերայ հաստատուած չըլինէք: Ես որթն եմ, իսկ դուք ճիւղերը: Նա որ հաստատուած է ինձ վերայ և ես էլ նրա վերայ, նա շատ պտուղ կբերի, որովհետեւ առանց ինձ ոչինչ չէք կարող անել: Եթէ մինն ինձ վերայ չէ հաստատուած, նա այն դուրս ձգուած

<sup>1)</sup> Խաղողի տունի, վաղ.

ու չորացած ճիւղերին է նստան, որոնց ժողովում կրակի մէջ են ձգուած ու այրում են: Եթէ դուք իմ մէջ կենաք և իմ խօսքերն էլ ձեր մէջ մնան, ինչ որ ուզէք՝ խնդրեցէք և կլինի ձեզ: Հայրս նրանով կփառաւորուի որ դուք շատ պտուղ բերէք և իմ աշակերտները լինիք: Ինչպէս սիրեց ինձ Հայրս, ես էլ ձեզ սիրեցի. ուրեմն հաստատ կացէք իմ սիրոյ մէջ: Եթէ իմ պատուիրանները պահէք, իմ սիրոյ մէջ կը կենաք, ինչպէս որ ես իմ Հօրս պատուիրանները պահեցի և նրա սիրոյ մէջ եմ մնում:

Այս բաները ձեզ հետ խօսեցի, որ իմ ուրախութիւնը ձեր մէջ մնայ և ձեր ուրախութիւնը լցուած լինի: Այս է իմ պատուէրը, որ դուք իրար սիրէք, ինչպէս ես ձեզ սիրեցի: Երբ մարդ իւր անձն իւր բարեկամներին համար է դընում, սա ամենամեծ սէրն է, որից աւելին չի կարող լինել: Դուք իմ բարեկամներս էք, եթէ իմ պատուիրանները կատարելու լինէք: Ես ձեզ ծառայ չեմ անուանում, որովհետեւ ծառան չըզիտէ, թէ իւր տէրն ինչ է գործում. այլ ձեզ բարեկամ անուանեցի, որովհետեւ այն ամենը ինչ որ իմ Հօրից լսեցի՝ իմացրի ձեզ: Ոչ թէ դուք ընտրեցիք ինձ, այլ ես ընտրեցի ձեզ և կարգեցի ձեզ, որ դուք գնաք և պտղաբեր լինիք և ձեր պտուղը մնայ, որպէս զի իմ անունովս ինչ որ խնդրէք Հօրիցս՝ տայ ձեզ: Միայն այս եմ պատուիրում, որ իրար սիրէք:

Եթէ աշխարհը ձեզ ատեց, իմացէք որ նախ

ինձ ատեց : Եթէ դուք այս աշխարհից լինէիք, աշխարհն իրեններին կսիրէր, բայց որովհետև դուք այս աշխարհից չէք, այլ ես ընտրեցի ձեզ այս աշխարհից, այդ պատճառով էլ աշխարհն ատում է ձեզ: Յիշեցէք այն խօսքը, որ ասացի ձեզ թէ ծառան մեծ չէ իւր տիրոջից. եթէ ինձ հալածեցին ձեզ էլ կհալածեն. եթէ իմ խօսքը պահեցին, ձերն էլ կպահեն: Բայց այս ամենը կանեն ձեզ իմ անուանս համար, որովհետև ինձ Ուղարկողին չճանաչեցին: Եթէ ես եկած ու նրանց հետ խօսած չլինէի, նրանք մեղք չէին ունենայ. բայց այժմ իրենց մեղքին ներումն չունին: Ինձ ատողը, իմ Հօրս է ատում: Եթէ այն գործերը, որ ուրիշ ոչ ոք գործած չէ, նրանց մէջ գործած չլինէի, նրանք մեղք չէին ունենայ. բայց այժմ տեսան ու ատեցին թէ ինձ և թէ Հօրս: Եւ այսպիսով կատարուեց նրանց օրէնքի մէջ գրուած այն խօսքը թէ,—գուր տեղն ինձ ատեցին: Բայց երբ Միսիթարիչը գայ, որ ես Հօրիցս կուղարկեմ ձեզ—այն ճշմարտութեան Հոգին, որ Հօրիցն է բղխում—Նա պէտք է իմ մասին վկայէ և դուք էլ կվկայէք, որովհետև դուք հենց սկզբից ինձ հետ էք եղել:

Յովհ. 1-33 Ժգ. Այս բաները ձեզ հետ խօսեցի, որ չգայթակրողուիք: Իրենց ժողովարաններից կարտաքսեն ձեզ. և կգայ ժամանակ, որ ձեզ սպանողը պէտք է կարծէ, թէ Աստուծուն պաշտօն է մատուցանում: Եւ այս բաները պէտք է անեն ձեզ, որովհետև ոչ Հօրը ճանաչեցին և ոչ ինձ: Ես ձեզ

հետ այս բաներն այն պատճառով խօսեցի, որ երբ ժամանակը գայ՝ յիշէք, որ ես արդէն ասել եմ ձեզ:

Ես այս բաներն սկզբից չասացի ձեզ, որովհետև ձեզ հետ էի: Սակայն այժմ ես ինձ Ուղարկողի մօտ եմ գնում. և ձեզնից ոչ մինը չէ հարցնում ինձ, թէ ուր ես գնում: Բայց որովհետև այս բաները ձեզ հետ խօսեցի, այդ պատճառով էլ ձեր սրտերը տրամուլթեամբ լցուեցաւ: Բայց ես ճշմարտն եմ ասում ձեզ, որ լաւ է ձեզ համար, եթէ ես գնամ, որովհետև եթէ ես չգնամ, Միսիթարիչն էլ չի գայ ձեզ մօտ. իսկ եթէ գնամ, Նրան ձեզ մօտ կուղարկեմ: Եւ երբ Նա գայ՝ այս աշխարհին կյանդիմանէ մեղքի, արդարութեան և դատաստանի համար: Մեղքի համար, որ ինձ չեն հաւատում. արդարութեան համար՝ որ ես Հօրս մօտ եմ գնում և էլ չէք տեսնի ինձ. և դատաստանի համար՝ որ այս աշխարհի իշխանը դատապարտուած է: Իեւ էլի շատ բան ունիմ ասելու ձեզ, բայց այժմ չէք կարող տանիլ: Իսկ երբ ինքը՝ Ճշմարտութեան Հոգին գայ, նա ամենայն ճշմարտութեամբ կառաջնորդէ ձեզ, որովհետև Նա ոչ թէ իրենից պէտք է խօսի, այլ ինչ որ լսէ՝ այն պէտք է խօսի ու գալու բաները պատմէ ձեզ: Նա ինձ կփառաւորէ, որովհետև իմ բաներից կառնի ու կպատմէ ձեզ: Այն ամենը ինչ որ Հայրս ունի՝ իմս է, այդ պատճառով ասացի ձեզ, որ իմ բաներից կառնի ու ձեզ կպատմի:



Մի փոքր ժամանակից յետոյ այլևս ինձ  
չէք տեսնի. և մի փոքր ժամանակից յետոյ նո-  
րից կտեսնէք ինձ, որովհետև ես Հօրս մօտ եմ  
գնում»:

Աշակերտներից ոմանք ասում էին իրար. —  
«Ի՞նչ է այդ, որ ասում է, թէ մի փոքր ժամա-  
մանակից յետոյ ինձ չէք տեսնի և մի փոքր ժա-  
մանակից յետոյ՝ նորից կտեսնէք ինձ. և թէ —  
եւ Հօրս մօտ եմ գնում»: Եւ ասում էին. — «Ի՞նչ  
է նշանակում այդ «մի փոքր ժամանակից յե-  
տոյ-ն», չգիտենք թէ ինչ է խօսում»:

Յիսուան իմանալով որ կամենում են իրեն  
հարցնել, ասաց նրանց. — «Այդ պատճառով էք  
իրար հարցնում, որ ասացի թէ մի փոքր ժա-  
մանակից յետոյ ինձ չէք տեսնի և մի փոքր ժա-  
մանակից յետոյ նորից կտեսնէք ինձ: Ճշմարիտ,  
ճշմարիտն եմ ասում ձեզ, որ դուք լաց կլինէք  
և կողբաք, բայց աշխարհս կուրախանայ. դուք  
կտրտմէք, սակայն ձեր տրտմութիւնը ուրա-  
խութեան կփոխուի: Կինն երբ ծնելու վրայ է՝  
տրտում է լինում, որովհետև ժամը հասած է,  
բայց երբ ծնում է մանուկը, ուրախութիւնից  
էլ չէ յիշում առաջուան նեղութիւնը, որովհետև  
մարդ ծնեց աշխարհ: Այդպէս էլ դուք, այժմ  
տրտում էք, բայց ես ձեզ էլի կտեսնեմ և ձեր  
սրտերը կուրախանան և ձեր ուրախութիւնը ոչ  
ոք չի հանի ձեզնից: Այն օրն արդէն դուք այլևս  
ինձնից ոչինչ չէք հարցնի: Ճշմարիտ, ճշմարիտն  
եմ ասում ձեզ, որ իմ անունով ինչ որ խնդրէք

Հօրիցս կտայ ձեզ: Մինչև օրս իմ անունով ո-  
չինչ չխնդրեցիք. խնդրեցէք և կատանաք, որ  
ձեր ուրախութիւնը կատարեալ լինի: Մինչև օրս  
ձեզ հետ առակներով խօսեցի, բայց ժամանակ  
կգայ, երբ ձեզ հետ էլ առակներով չեմ խօսի,  
այլ յայտնապէս կպատմեմ ձեզ Հօրս մասին:  
Այն օրն արդէն ոչ թէ ես կխնդրեմ Հօրիցս ձեզ  
համար, այլ դուք կխնդրէք իմ անունով, քանի  
որ ինքը Հայրս սիրում է ձեզ, որովհետև դուք  
ինձ սիրեցիք ու հաւատացիք թէ ես Աստուծուց  
ելայ: Հօրիցս ելայ և աշխարհ եկայ, նորից թող-  
նում եմ աշխարհը և Հօրս մօտ եմ գնում»:

Աշակերտներն ասացին նրան. — «Ահա այժմ  
յայտնապէս ես խօսում. և ոչ մի առակ չես աս-  
ում: Այժմ իմացանք որ Դու ամեն բան գի-  
տես և կարիք չունիս, որ մինը քեզ հարցնի,  
ահա սրանով ենք իմանում, որ դու Աստուծուց  
ելար»:

Պատասխան տուեց նրանց Յիսուան ու աս-  
աց. — «Այժմ էք հաւատում. ահա ժամանակ  
կգայ և հէնց եկել է, որ ամենքդ էլ ձեր տե-  
ղերը կցրուիք և ինձ մենակ կթողնէք. բայց ես  
մենակ չեմ, որովհետև հայրս ինձ հետ է:

Այս բաները ձեզ հետ խօսեցի, որ ինձնով  
խաղաղութիւն ունենաք: Աշխարհում նեղութիւն  
կունենաք, բայց քաջացէք, որովհետև ես յաղ-  
թեցի աշխարհին»:

127.

ՅԻՄՈՒՍԻ ՎԵՐՁԻՆ ԱՂՕԹՔԸ.—ՄԱՂԹԱՆՔՆԵՐ ԱՌԱՔԵԱՂՆԵՐԻ, ՀԱՒԱՏԱՅԵԱՂՆԵՐԻ ԵՒ ՍՄԵՆՔԻ ՀՍՄԱՐ

Յովհ. 1-26

Այս խօսքերից յետոյ, Յիսուան իւր աչքերը դէպի երկինք բարձրացրեց և ասաց.— «Հայր, ժամանակն հասել է, փառաւորիւր Որդուդ, որ քո Որդին էլ քեզ փառաւորէ, որովհետև Դու նրան իշխանութիւն տուիր ամեն մարմնի վերայ, որ յաւիտենական կեանք տայ այն ամենին՝ որ իրեն տուիր: Այս է յաւիտենական կեանքը, որ ճանաչեն Քեզ—միմեան ճշմարիտ Աստուծուդ և Քո ուղարկած Յիսուս Քրիստոսին: Ես քեզ փառաւորեցի երկրի վերայ և այն դործերը, որ տուիր ինձ անելու՝ կատարեցի: Եւ այժմ Հայր, փառաւորիւր ինձ Քեզ մօտ այն փառքով, որ ունէի Քեզ մօտ՝ զեռ աշխարհի լինելուցն առաջ: Քո անունը յայտնեցի այն մարդկանց, որոնց տուիր ինձ աշխարհից: Քոնն էին և ինձ տուիր և նրանք պահեցին խօսքերդ: Այժմ իմացան, որ այն ամենը որ ինձ տուիր՝ ես նրանց տուի և նրանք էլ ընդունեցին և ճշմարտութեամբ իմացան, որ ես Քեզնից ելայ և հաւատացին՝ թէ Դու ուղարկեցիր ինձ:

Ես աղաչում եմ ոչ թէ աշխարհի համար, այլ նրանց համար, որոնց տուիր ինձ, որովհետև Քոնն են նրանք: Եւ ինչ որ իմա է, այն բոլորը Քոնն է. և ինչ որ Քոնն է՝ այն իմա է. և ես

փառաւորուած եմ նրանցով: Ես այլ ևս աշխարհի մէջ չեմ, բայց նրանք աշխարհի մէջ են. և ես գալիս եմ Քեզ մօտ: Հայր, Քո անունով սուրբ պահիր նրանց, որոնց տուիր ինձ, որպէս զի մէկ լինին, ինչպէս որ մենք մէկ ենք: Երբ ես նրանց հետ աշխարհուամս էի, ես էի պահում նրանց Քո անունով՝ որով տուիր ինձ և պահեցի. և նրանցից ոչ մինը չկորաւ, բացի այն կորուսեան որդուց, որ գրուածը կատարուի: Այժմ գալիս եմ Քեզ մօտ և այս բաներն աշխարհուամս եմ խօսում, որպէս զի իմ ուրախութիւնը նրանց մէջ կատարեալ լինի: Ես Քո խօսքը նրանց տուի և աշխարհս նրանց ատեց, որովհետև նրանք աշխարհից չեն, ինչպէս և ես չեմ աշխարհից: Ձեմ խնդրում, որ սրանց աշխարհից վերցնես, այլ որ սրանց չարիքը պահես: Սրանք այս աշխարհից չեն, ինչպէս և ես չեմ աշխարհից: Քո ճշմարտութեամբ սրբիւր սրանց, որովհետև Քո խօսքը ճշմարտութիւն է: Ինչպէս որ Դու ինձ աշխարհ ուղարկեցիր, ես էլ սրանց աշխարհ ուղարկեցի: Եւ ես սրանց համար սրբում եմ անձս, որպէս զի սրանք էլ ճշմարտութեամբ սրբուին:

Ո՛չ միայն սրանց համար եմ աղաչում, այլ և սրանց խօսքով բոլոր ինձ հաւատացողներին համար, որ ամենքն էլ մէկ լինին, ինչպէս Դու Հայր իմ մէջս և ես Քո մէջդ, այնպէս էլ նրանք մեր մէջը՝ մէկ լինին, որպէս զի աշխարհս հաւատայ որ Դու ուղարկեցիր ինձ:

Այն փառքը, որ տուիր ինձ, ես սրանց տուի,

որ մէկ լինին, ինչպէս որ մենք մէկ ենք: Ես սրանց մէջ և Դու իմ մէջ, որ իրենք կատարեալ լինին միութեան մէջ և աշխարհն իմանայ որ Դու ուղարկեցիր ինձ և սիրեցիր սրանց, ինչպէս որ ինձ սիրեցիր: Հայր, որոնց Դու տուիր ինձ, կամենում եմ որ ուր ես եմ՝ դրանք էլ ինձ հետ լինին, որպէս զի տեսնեն այն փառքը, որ ինձ տուիր, որովհետև աշխարհի սկզբից սիրեցիր ինձ: Հայր, արդարև աշխարհը Քեզ չճանաչեց, բայց ես Քեզ ճանաչեցի և սրանք էլ ճանաչեցին, որ Դու ուղարկեցիր ինձ: Ես Քո անունը սրանց ճանաչեցրի և պէտք է ճանաչեցնեմ, որ այն սէրը՝ որով Դու ինձ սիրեցիր, նրանց մէջ լինի և ես էլ նրանց մէջ»:

Յովհ. ԺԳ. Եւ դառնալով աշակերտներին՝ ասաց. — «Դէհ, վեր կացէք, գնանք այստեղից»:

128.

ՅԻՍՈՒՍԸ ԳԵԹՍԵՄԱՆԻ ՊԱՐՏԻԶՈՒՄ

Մատթ. ԻԳ 30-36 Յովհ. ԺԳ. 1 Մտառ. ԻԳ 36-44  
**Ս**եղանն օրհնելուց յետոյ, Յիսուսը վեր կացաւ սեղանից և իւր աշակերտները հետ կենտրոնի դրոնի ձորի միւս կողմն անցնելով՝ Գեթսեմանի կոչուած պարտէզը մտաւ:

Եւ դառնալով աշակերտներին ասաց. — «Նրտեցէք այստեղ, մինչև որ ես գնամ ու աղօթեմ»: Եւ առնելով իւր հետ Պետրոսին և Զեբեթիայի երկու սրբոց, սկսեց արամել և վշտանալ: Այն ժամանակ ասաց նրանց. — «Անձս մահու չափ



ՅԻՍՈՒՍԸ ԳԵԹՍԵՄԱՆԻ ՊԱՐՏԻԶՈՒՄ

արտում է. կացէք այստեղ և արթուն մնացէք ինձ հետ»: Եւ մի փոքր առաջ անցնելով՝ ընկաւ երեսի վերայ, սկսեց աղօթել՝ ասելով. — «Հայր, եթէ հնարէ թող այս բաժակն անցնի ինձնից, բայց ոչ թէ ինչպէս ես եմ կամենում, այլ ինչպէս Դու»: Եկաւ աշակերտների մօտ և նրանց քնած գտնելով՝ Պետրոսին ասաց. — «Այդպէս ուրեմն, չկարողացած գոնէ մի ժամ արթուն մնալ ինձ հետ: Արթուն կացէք և աղօթեցէք որ փորձութեան մէջ չընկնէք. հոգիս յօժար է, բայց մարմինս տկար:»<sup>1)</sup> Գարձեալ, երկրորդ անգամ գնաց, աղօթեց ու ասաց. — «Հայր իմ, թող այս բաժակն անցնի ինձնից, իսկ եթէ ոչ՝ կլամեմ. թող Դու կամքը լինի»: Եւ նորից գալով՝ նրանց քնած գտաւ, որովհետեւ նրանց աչքերը ծանրացած էին: Թողեց նրանց ու գնաց, երրորդ անգամ աղօթեց ու նոյն բանն ասաց:

Ղուկ. 43-44 իբ. Եւ երկնքից հրեշտակ երևեցաւ և զօրացնում էր Յիսուսին. և Նա սաստիկ նեղութեան մէջ ընկնելով՝ աւելի շերմեռանդութեամբ էր աղօթում և քրտինքն արեան մեծ կաթիլների նման ոլոռն-ոլոռն թափում էր նրա ճակատից:

Մատթ. 45-46 իբ. Այն ժամանակ աշակերտների մօտ գալով ասաց նրանց. — «Այսուհետեւ քնեցէք ու հանգրտացէք, որովհետեւ ահա հասաւ ժամը և Մարդու Որդին մեղաւորների ձեռքը կմամնուի: Վեր կացէք, հեռանանք այստեղից, որովհետեւ ահա մօտենում է մատնիչը»:

1) Յունարէնում — «Հոգին յօժար է, բայց մարմինը տկար»:

Յովհ. 2-3 ժբ. Այն տեղը (Գեթսեմանի պարտէզը)՝ Նրան մատնող Յուդան էլ գիտէր, որովհետեւ Յիսուսն ու իւր աշակերտները շատ անգամ էին ժողովուել այնտեղ: Յուդան վերցնելով իւր հետ զինուորների մի զունդ և քահանայապետների ու փարիսեցիների սպասաւորների մի բազմութիւն, ջահերով լապտերներով ու զէնքերով մտաւ պարտէզը:

Մատթ. 48-49 իբ. Մատնիչը նշան էր տուել նրանց և ասել. — «Որին ես համբուրեմ՝ նա է — նրան բռնեցէք»: Եւ մօտենալով Յիսուսին՝ ասաց. — «Ողջոյն քեզ վարդապետ»: Եւ համբուրեց նրան:

Ղուկ. 48 իբ. Բայց Յիսուսն ասաց նրան. — «Յուդա, համբուրելով ես մատնում Մարդու Որդուն»:

Յովհ. 4-9 ժբ. Եւ տեսնելով իւր վերայ եկող ամբոխը՝ առաջներն ելաւ ու ասաց. — «Ո՛ւմ էք ուզում»: Նրանք պատասխանեցին. — «Յիսուս Նազովրեցուն»: Յիսուսն ասաց. — «Ես եմ»: Նրան մատնող Յուդան էլ նրանց հետ էր կանգնած:

Երբ նրանց ասաց թէ ես եմ, նրանք իսկոյն ետ-ետ գնացին ու զեանի վերայ ընկան: Յիսուսը նորից հարցրեց նրանց. — «Ո՛ւմ էք ուզում»: Նրանք ասացին. — «Յիսուս Նազովրեցուն»: Յիսուսը պատասխանեց. — «Ես արդէն ասացի ձեզ, որ ես եմ. եթէ ինձ էք ուզում, զրանց թողէք որ գնան»: Որ կատարուի իւր ասած այն խօսքը թէ՛ որոնց ինձ տուիր, նրանցից ոչ մէկին էլ չկորցրի:

Մատթ. 50 իբ. Այդ ժամանակ մօտեցան, ձեռք խփեցին Յիսուսին ու բռնեցին նրան:

Յովհ. Ժբ. 10 Բայց Միմոն Պետրոսը, որ սուր ունէր,

դուրս քաշեց և խփելով քահանայապետի ծառային՝ կտրեց նրա աջ ախանջը: Այդ ծառայի անունը Մաղքոս էր:

Մատթ. 14. 52-54. Այն ժամանակ Յիսուսն ասաց Պետրոսին. — «Սուրդ դիր տեղը, որովհետև սուր վերցնողները՝ սրով էլ կմեռնեն: Միթէ կարծում ես, որ չեմ կարող Հօրս աղաչել, որ այստեղ աւելի քան տասներկու գունդ հրեշտակներ հասցնէ ինձ: Հապա էլ ինչպէս պէտք է կատարուի գրուածը. չէ՞ որ այս բաները պէտք է լինեն»:

Ղուկ. 10. 51. Եւ մօտենալով ծառայի ախանջին՝ բժշկեց:

Մատթ. 14. 55-56. Այն ժամանակ Յիսուսն ասաց ամբօխին. — «Կարծէք թէ աւագակ բռնելու էք եկել՝ սրերով ու բրերով: Զէ՞ որ միշտ ձեզ հետ տաճարում նստած քարոզում էի, ինչու այն ժամանակ չբռնեցիք ինձ»: Բայց այս ամենն եղաւ, որ մարգարէների գրուածները կատարուին: Այն ժամանակ բոլոր աշակերտներն էլ թողին նրան ու փախան:

129.

ՅԻՍՈՒՍԸ ՔԱՆՍՆԱՅԱՊԵՏՆԵՐԻ ԱՌԱՋ. — ՊԵՏՐՈՍԻ ՈՒՐԱՑՈՒԹԻՒՆԸ

Յովհ. 6. 12. Զինուորները, հազարապետն ու հրէաների ծառաները Յիսուսին բռնեցին ու կապեցին:

Մարկ. 6. 51-52. Այդ միջոցին, մերկ մարմնի վերայ ծածկոց ձգած մի երիտասարդ հետևում էր Յիսուսին: Զինուորները նրան էլ էին ուզում բռնել, բայց

նա իւր ծածկոցը նրանց ձեռքը թողնելով, միանգամայն մերկ՝ փախաւ նրանցից:<sup>1)</sup>

Յովհ. 6. 13, 24. 14. Յիսուսին նախ Աննայի մօտ տարան, որ այն տարուան քահանայապետ Կայիափայի աներըն էր: Իսկ Աննան էլ նրան կապած Կայիափա քահանայապետի մօտ ուղարկեց:

Սա այն Կայիափան էր, որը հրէաներին խորհուրդ տուեց թէ՛ աւելի լաւ է մի մարդ մեռնի ժողովուրդի համար:

Մատթ. 14. 57. Յիսուսին երբ Կայիափա քահանայապետի մօտ բերին, այնտեղ արդէն հաւաքուած էին դպիրներն ու ծերերը:

Մարկ. 6. 55-61. Քահանայապետներն ու ամբողջ ատեանը, Յիսուսի դէմ վկայութիւն էին որոնում, որ նրան սպանեն, բայց չէին գտնում: Շատ սուտ վկաներ<sup>2)</sup> սկսեցին վկայութիւններ տալ, բայց այդ վկայութիւններն իրար չէին բռնում: Վկաներից ոմանք վեր կացան ու սուտ վկայելով ասացին. — «Մենք լսեցինք զբանից որ ասում էր թէ, ես այդ ձեռագործ տաճարը կքանդեմ և երեք օրում ուրիշ անձեռագործ տաճար կշինեմ»: Սակայն այս վկայութիւնն էլ յարմար չեկաւ: Այն ժամանակ քահանայապետը ոտքի կանգնելով Յիսուսին հարցրեց. — «Արդեօք պատասխան չե՞ս տայ. ինչ են վկայում սրանք քո դէմ»: Իսկ նա լուռ էր և չէր պատասխանում:

1) Ընդհանրապէս կարծում է, որ այդ երիտասարդը Մարկոս Աւետարանիչն էր:  
2) Տես մարգ. շարքում № 40.

Յովհ. Ժը. Միմոն Պետրոսն ու մի ուրիշ աշակերտ  
 15-16 (Յովհաննէսը) հետևում էին Յիսուսին: Միւս  
 աշակերտը ծանօթ լինելով քահանայապետի հետ,  
 Յիսուսի յետևից ինքն էլ քահանայապետի գա-  
 ւիթն էր մտել: Պետրոսը կանգնած էր դուրսը՝  
 դռան առաջ. քահանայապետին ծանօթ աշակեր-  
 տը դռնասպանին խնդրեց և Պետրոսին էլ ներս  
 մտցրեց:

Յովհ. Ժը. Այնտեղ կանգնած ծառաներն ու սպասաւոր-  
 18, 17 ները ցուրտ լինելու պատճառով կրակ էին ա-  
 19-23 րել և տաքանում էին. Պետրոսն էլ նրանց հետ  
 սկսեց տաքանալ: Այդ միջոցին, մի աղջիկ, որ  
 դռնասպանուհին էր, Պետրոսին ասաց.— «Միթէ  
 դու էլ այն մարդու աշակերտներից ես»: Պետ-  
 րոսն ասաց.— «Ո՛չ»:

Իսկ Ասեկոսը, քահանայապետը դիմեց Յիսուսին  
 և հարցրեց իւր աշակերտների ու վարդապետու-  
 թեան մասին: Յիսուսը պատասխանեց նրան.—  
 «Ես աշխարհին յայտնի խօսեցի, ես միշտ ժողո-  
 վարաններում և տաճարումն էի ուսուցանում  
 ուր ամեն տեղից հրէաներ էին հաւաքւում և ոչ  
 մի բան ծածուկ չեմ խօսել: Ինչո՞ւ ես ինձ հարց-  
 նում. լսողներին հարցրու թէ ես ինչ եմ խօ-  
 սել. նրանք զիտեն թէ ես ինչ եմ ասել»: Երբ  
 նա այդ ասաց, սպասաւորներից մինը, որ կան-  
 գնած էր այնտեղ, ապտակեց Յիսուսին՝ ասելով.  
 — «Քահանայապետին այդպէս ես պատասխա-  
 նում»: Յիսուսը նրան ասաց.— «Եթէ չար խօ-  
 սեցի, վկայիւր չարի համար, իսկ եթէ բարի ա-  
 սացի, էլ ինչո՞ւ ես խփում ինձ»:

Մատթ. Իդ Քահանայապետն հարցրեց.— «Երդուցնում  
 63-65 եմ քեզ կենդանի Աստուծով որ ասես մեզ, թէ  
 դո՞ւ ես արդեօք Աստուծու Որդի Քրիստոսը»: Յիսուսն  
 ասաց.— «Դու ասացիր»: Բայց ասում  
 եմ ձեզ, որ այսուհետև Մարդու Որդուն զօրու-  
 թեան աջ կողմը նստած և երկնքի ամպերի վե-  
 րայ եկած կտեսնէք»: Այն ժամանակ քահանայա-  
 պետն իւր շորերը պատառեց ու ասաց.— «Հայ-  
 հոյեց. մեզ էլ ինչ հարկաւոր են վկաներ. ահա  
 հէնց այժմ լսեցինք դրա հայհոյութիւնը: Ի՞նչ է  
 ձեզ հաճոյ» Նրանք պատասխան տուին ու ասա-  
 ցին.— «Մահապարտ է»:

Մատթ. Իդ Պետրոսին, որ այդ ժամանակ դուրս էր ե-  
 71-75 կել զաւթից և դռան մօտ էր կանգնել, մի ու-  
 րիշ կին տեսաւ, որը դառնալով այնտեղ եզոզ-  
 ներին՝ ասաց.— «Մա էլ Յիսուս Նազովրեցու  
 հետն էր»: Պետրոսը դարձեալ ուրացաւ երդ-  
 մամբ ու ասաց.— «Ես չեմ էլ ճանաչում այն  
 մարդուն»:

Մի փոքր ժամանակից յետոյ, այնտեղ ե-  
 ղողները մօտեցան Պետրոսին ու ասացին.— «Յի-  
 րաւի դու նրանցիցն ես, որովհետև հէնց արտա-  
 սանութիւնիցդ էլ երևում է, որ Գալիլիացի ես»:  
 Այն ժամանակ Պետրոսն սկսեց անիծել ու երդ-  
 ուել, որ այն մարդուն չէ ճանաչում. և իսկոյն  
 աքաղաղը կանչեց:

Պետրոսը յիշեց Յիսուսի այն խօսքը թէ,  
 մինչև հաւաքուի՝ երեք անգամ կուրանաս ինձ: Եւ  
 հեռանալով այնտեղից՝ դառն արտասուքով լաց  
 եղաւ:



Յիսուսը պատասխանեց. — «Դու այդ քեզնից ես ասում թէ՞ ուրիշներն ասացին քեզ իմ մասին»: Պիղատոսն ասաց, — «Մի՞թէ ես հրէայ եմ. քո ազգն ու քահանայապետները մատնեցին քեզ իմ ձեռքը. ի՞նչ ես արել»: Յիսուսը պատասխանեց. — «Իմ Արքայութիւնն այս աշխարհից չէ, եթէ Արքայութիւնս այս աշխարհից լինէր, իմ սպասաւորները կը կուռէին և թոյլ չէին տայ որ ես հրէից ձեռքը մատնուիմ: Բայց այժմ իմ Արքայութիւնն այստեղից չէ»: Պիղատոսն ասաց. — «Եթէ այդպէս է, ուրեմն դու թագաւոր ոմն ես»: Յիսուսը պատասխանեց ու ասաց. — «Դո՞ւ արդէն ասում ես, որ ես թագաւոր եմ. և ես հէնց դրա համար էլ ծնուել և աշխարհ եմ եկել, որ ճշմարտութեան համար վկայեմ. և ով որ ճշմարտութիւնիցն է՝ նա կլսէ իմ ձայնը»:

Պիղատոսն ասաց նրան. — «Ի՞նչ է ճշմարտութիւնը»: Ասելով այդ՝ դուրս եկաւ և հրէաներին ասաց. — «Ես սրա մէջ ո՞չ մի յանցանք չեմ գտնում»:

Մարկ. 16. Քահանայապետներն սկսեցին նրան շատ շուրջ քանի մէջ մեղադրել<sup>1)</sup>. և պնդում էին, որ նա ուսուցանելով ամբողջ Հրէաստանում սկսած Գալիլիայից, զրգուում է ժողովրդին»:

Մատթ. 12-14. Իսկ Յիսուսը քահանայապետների և ծերերի չարախօսութիւններին ամենևին չպատասխանեց: Այն ժամանակ Պիղատոսն ասաց նրան. —

1) Տես մարգ. շարքում № 34.

«Չե՞ս լսում, թէ որքան հակառակ վկայութիւններ են տալիս»: Յիսուսը նրան էլ չպատասխանեց. այս բանը խիստ զարմացրեց դատաւորին: <sup>2)</sup>

Ղուկ. 6-12. Բայց երբ Գալիլիայի մասին լսեց՝ հարցրեց. — «Մի՞թէ սա Գալիլիացի է»: Եւ իմանալով որ նա Հերովդէսի իշխանութիւնից է, նրան Հերովդէսի մօտ ուղարկեց, որն այդ օրերում Երուսաղէմումն էր:

Հերովդէսը տեսնելով Յիսուսին, շատ ուրախացաւ, որովհետեւ նրա մասին շատ բաներ էր լսել, ուստի և սպասում էր որ նրանից մի հրաշք կտեսնի: Հերովդէսը թէև շատ հարց ու փորձ արեց, բայց Յիսուսը ամենևին չպատասխանեց: Քահանայապետներն ու դպիրներն այնտեղ կանգնած չարախօսում էին: Հերովդէսն էլ իւր զօրակառնների հետ անարգելով ու ծաղրելով նրան, նրա վերայ սպիտակ շոր ձգեց և նորից Պիղատոսի մօտ ուղարկեց:

Պիղատոսն ու Հերովդէսը որ առաջ թշնամի էին, այդ օրուանից բարեկամացան իրար հետ:

131.

ՅԻՍՈՒՄՆ ԵՐԿՐՈՐԴ ԱՆԳԱՍ ՊԻՂԱՏՈՍԻ ԱՌԱՋ

Ղուկ. 13-16. Պիղատոսը քահանայապետներին, իշխաններին և ժողովրդին կանչեց ու ասաց. — «Դուք այս մարդուն իբրև ժողովուրդ մոլորեցնողի ինձ մօտ բերիք, ես ձեր ներկայութեամբ քննեցի և այս մարդու մէջ չգտայ այն յանցանքները, ինչի

2) Տես մարգ. շարքում № 41.



մէջ որ մեղադրում էք: Հերովդէսն էլ, որի մօտ ուղարկեցի, յանցաւոր չէ գտել և սա մահու արժանի ոչինչ չէ գործել: Ես սրան կխրատեմ ու կարձակեմ»:

Մատթ.ի 15-16 Ծօնի առթիւ դատաւորը սովորութիւն ու-

նէր մի բանտարկեալ արձակելու, որին ժողովուրդը կը կամենար: Այն ժամանակ Յեսու Բարաբբա անունով մի նշանաւոր բանտարկեալ կար, որին քաղաքում խռովութիւն յարուցանելուն և սպանութիւն գործելուն համար՝ բանտ էին դրել:

Մատթ.ի 17-25 Երբ ժողովուրդը հաւաքուեց, Պիղատոսն ասաց նրանց. — «Երկսից սրին էք կամենում որ արձակեմ, Յեսու Բարաբբային թէ՞ Յիսուսին, որ Քրիստոս է կոչուում»: Պիղատոսն արդէն գիտէր որ նրան նախանձից զրդուած են մասնել:

Պիղատոսն երբ ատեան էր նստած, նրա կինը մարդ ուղարկեց իր ամուսնուն ասելու — «Այդ արգար մարդու հետ բան չունենաս, որովհետեւ զրա համար այսօր երազիս մէջ շատ բաներ անցան գլխովս»: Քահանայապետներն ու ծերերը ժողովրդին համոզեցին, որ Բարաբբային կամենան, իսկ Յիսուսին՝ կորցնեն: Այն ժամանակ դատաւորն հարցրեց. — «Այս երկսից որին էք կամենում որ արձակեմ»: Եւ նրանք պատասխանեցին. — «Բարաբբային»: Պիղատոսն հարցրեց. — «Բայց ի՞նչ անեմ Քրիստոս կոչուած Յիսուսին»: Բոլորն էլ աղաղակեցին. — «Թող խաչուի»: Դատաւորն ասաց. — «Բայց ի՞նչ յանցանք է գործել»: Նրանք ասելի ևս աղաղակում ու ասում էին. — «Թող խաչուի»:

Պիղատոսը տեսնելով, որ ոչ մի բան չէ օգնում, այլ ասելի սաստկանում է խռովութիւնը. ջուր վերցրեց, ժողովրդի առաջ ձեռքերը լուաց ու ասաց. — «Ես այդ արդարի արիւնից անպարտեմ, դուք զիտէք»: Ամբողջ ժողովուրդը պատասխանեց ու ասաց. — «Թող զրա արիւնը մեր և մեր որդոց վերայ լինի»:



Մատթ.ի 27-30 Այն ժամանակ դատաւորի զինուորները Յիսուսին ներս տարան պալատ և բոլոր զինուորները գունդը նրա վերայ ժողովեցին. և մերկացնելով նրան՝ վրան կարմիր քղամիդ ձգեցին և փշերից պսակ հիւսելով՝ նրա գլխին դրին և մի եղէպ էլ նրա աջ ձեռքը տալով՝ նրա առաջ

ծունր էին դնում, ծաղրում էին ու ասում. — «Ո՛ղջ եղբր, հրէից թագաւոր»: Եւ թքելով վրան, եղէգը առնում էին ձեռքից և խփում նրա գլխին:

Յովհ. ԺԹ. 4-15 Պիղատոսը նորից դուրս եկաւ և ասաց նրանց. — «Ահա, ես նրան ձեզ մօտ եմ բերում, որ իմանաք թէ ես նրա մէջ յանցանք չեմ գտնում»:

Այն ժամանակ դուրս բերին Յիսուսին փշէ պսակով և ծիրանիով: Պիղատոսը դարձաւ ժողովրդին ու ասաց. — «Ահա, Այրդ ցձեզ»: <sup>1)</sup> Երբ քահանայապետներն ու սպասաւորները տեսան, աղաղակ բարձրացրին ու ասացին. — «Պաշիր, խաչիր դրան: Պիղատոսն ասաց նրանց. — «Ինքներդ տարէք սրան ու խաչեցէք, որովհետեւ ես սրա մէջ ոչ մի յանցանք չեմ գտնում»: Հրէաները պատասխան տուին ու ասացին. — «Մենք օրէնք ունինք և մեր օրէնքի համաձայն նա պէտք է մեռնի, որովհետեւ ինքն իրեն Աստուծու Որդի է համարում»: Երբ Պիղատոսն այս բանը լսեց, աւելի վախեցաւ: Նա նորից ապարանք մտաւ և Յիսուսին ասաց. — «Ո՞րտեղացի ես դու»: Յիսուսը չպատասխանեց: Պիղատոսն ասաց. — «Ինձ հետ էլ չե՞ս խօսում. չգիտես որ ես իրաւունք ունիմ խաչելու քեզ և իրաւունք ունիմ արձակելու: Յիսուսը պատասխանեց. — «Դու ինձ վերայ ոչ մի իրաւունք չէիր ունենայ, եթէ վերևից տրուած չլինէր քեզ, այս

<sup>1)</sup> Ահա ձեր մարդը ձեզ:

պատճառով էլ նա է աւելի մեղաւոր, որ ինձ քո ձեռքը մատնեց»: Եւ սրանից յետոյ Պիղատոսը կամեցաւ նրան արձակել, բայց հրէաներն աղաղակում էին ու ասում. — «Եթէ դրան կարձակես, կայսեր բարեկամը չես. ով իրեն թագաւոր է անուանում նա կայսեր հակառակ է»: Երբ Պիղատոսն այս խօսքերը լսեց, Յիսուսին դուրս բերեց և նստեց բեմի վերայ — այնտեղ, որ քարահատակ էր կոչւում և երբայեցերէն կապալթա: (Չատկի ուրբաթ օրն էր և մօտ ժամի վեցը կլինէր): Պիղատոսն ասաց հրէաներին. — «Ահա ձեր թագաւորը ձեզ»: Իսկ նրանք աղաղակեցին. — «Վերցրո՛ւ, հեռացրու դրան մեզնից ու խաչիր»: Պիղատոսն ասաց նրանց. — «Ձեր թագաւորին խաչե՛մ» — Քահանայապետները պատասխան տուին. — «Մենք բացի կայսրից՝ թագաւոր չունինք»:

Մատթ. Իէ 26 Այն ժամանակ Պիղատոսն արձակեց Բարաբբային իսկ Յիսուսին ձաղկել տալով, տուեց նրանց ձեռքը՝ որ խաչեն:

132.

ԳԵՊԻ ԳՈՂԳՈԹԱ.—ՍԻՄՈՆ ԿԻՒՐԵՆԱՅԻՆ.—ՅԻՍՈՒՍԻՆ ԽՂՃԱՅՈՂ, ԿԱՆԱՅՔ.—ՅՈՒԳԱՅԻ ՅՈՒՍԱՀԱՏՈՒԹԻՒՆԸ ԵՒ ՎԱՆՃԱՆԸ

Մարկ. ԺԵ. 20 Յիսուսին ծաղրելուց յետոյ, հանեցին վրայից քղամիդը, հագցրին իւր շորերը և դուրս բերելով Պիղատոսի ապարանքից՝ խաչելու տարան:

Յոզ. ԺԹ. 17. Յիսուսն իւր խաչափայտը շարակած, գնում էր Գազաթ անուանուած տեղը, որ Եբրայեցերէն Գողգոթա էր կոչուում:

Մարկ. ԺԵ. 21. Յիսուսի քննախնայքն սեսկերով որ Յիսուսը յոգնածուրեան պատճառով ծակն խաչն անձաւոր սակեղ յէ կարողանում, այն տեղիցն անցնող Աղէքսանդրի և Ռուփայի հօրը—Սիմոն Կիւրենացուն, որ հանդից էր վերադառնում, պահակ բռնեցին, որ Յիսուսի խաչափայտը տանի:

Ղուկ. ԻԳ. 27-31. Յիսուսի յետեից ժողովրդի և կանանց մեծ բազմութիւն էր գնում: Կանայք Յիսուսի վերայ լաց ու կոծ էին բարձրացրել: Յիսուսը դառնալով կանանց՝ ասաց.— «Երուսաղէմի աղջիկներ, իմ վրայ լաց մի լինէք, այլ ձեզ և ձեր որդոց վերայ լացէք, որովհետև կգան օրեր, երբ կասեն.— Երանի՛ այն ամուլներին և այն որովայներին որ չծնան և ստինքներին՝ որ չկերակրեցին: Այն ժամանակ կսկսեն լեռներին ասել.— Մեզ վերայ ընկէք և բլուրներին՝ ծածկեցէք մեզ: Եթէ դաւար փայտի հետ այսպէս են վարուում, հապա ինչ կանեն չորին»:

Մատթ. ԻԵ. 3-10. Այն ժամանակ Յուզան—Նրան մատնողը, տեսնելով որ Յիսուսը դատապարտուեցաւ, զըզլաց և արծաթը քահանայապետներին ու ժողովրդի ձերերին վերադարձնելով՝ ասաց.— «Մեղայ, որ արգար արին մատնեցի»: Եւ նրանք ասացին.— «Մեզ ինչ, դու գիտես»: Եւ Յուզան արծաթը տաճարի մէջ ձգելով՝ յետ դարձաւ ու գնաց խեղդուեցաւ:

Քահանայապետները վերցնելով արծաթն՝ ասացին.— «Արժան չէ, որ այդ կորբանի՛) մէջ ընդունենք, որովհետև դա արեան գին է»: Եւ խորհուրդ անելով, բրտի ազարակը գնեցին, որ օտարականների համար իբրև գերեզմանատուն ծառայէ, այս պատճառով էլ այն ազարակը մինչեւ օրս՝ Արեան ազարակ է կոչուում: Այսպիսով կատարուեցաւ Երեմիա մարգարէի միջոցով ասուածը թէ,— Երեսուն արծաթն առան, որ վաճառուածի գինն էր և որին Իսրայէլի որդիք գրնահատեցին և բրտի ազարակին տուին, ինչպէս Տէրն ինձ հրամայեց»: 2)

133.

ՅԻՍՈՒՍԻ ԽԱՉՆԻՍԻՒՆԵՐ.— ԱԻԱԶԱԿԻ ԶԳՋՈՒՄԸ.— ԳՐՈՒԱԾՆԵՐԻ ԿԱՏԱՐՈՒՄԸ.— ՅԻՍՈՒՍԻ ՄԱՀԸ.— ՀՐԱՇԱԼԻ ՆՇԱՆՆԵՐ

Մատթ. ԻԵ. 33-34. Երբ Գողգոթա հասան, որ կառափելու տեղ է նշանակում, նրան լեզիի հետ խառնած գինի տուին խմելու. երբ Յիսուսը համն առաւ, չըկամեցաւ խմել:

Մարկ. ԺԵ. 25, 27-28. Ժամի երեքն էր, որ նրան խաչեցին: Նրա հետ երկու աւազակ էլ խաչեցին, մինը աջ և միւսը ձախ կողմը: Եւ կատարուեցաւ այն գր-

1) Կորբան նշ. դանձանակ, ուր ձգում էին տաճարին նուիրուած զբառները:  
2) Յիշեալ վկայութիւնը Երեմիա մարգարէինը չէ: Այդ իմաստով մի վկայութիւն ունի Զաքարիա մարգարէն (ժա. 13.): Անշուշտ այդ սխալը առաջացել է առաջին անգամ օրինակողի աւուշադրութիւնից: Տես մարգ. շարքում № 38.

ընկածը՝ որ՝ ասում է. — «Անօրէնների հետ համարուեցաւ»:<sup>1)</sup>



ՅԻՍՈՒՍԻ ԽԱԶՆԼՈՒԹԻՒՆԸ

<sup>2)</sup> Մարգ Եսայի ծգ. 12. Տես. մարգ. շարքում № 47.

Յովհ. ԺԹ. Պիղատոսը մի տախտակի վրայ գրեց. —  
19-24 «ՅԻՍՈՒՍ ԵԱԶՈՎՐԵՑԻ ԹԱԳԱՒՈՐ ՀՐԷԻՑ»:<sup>2)</sup> Եւ խաչի վերայ կախեց:

Այդ տախտակը հրէաներից շատերը կարդացին, որովհետեւ այն տեղն ուր Յիսուսը խաչուեցաւ քաղաքից մօտ էր. և գրուած էր եբրայեցերէն, գաղմատերէն (լատիներէն) և յունարէն:

Հրէաների քահանայապետները Պիղատոսին ասացին. — «Մի գրի թագաւոր հրէից, այլ որ ինքն ասաց թէ ես թագաւոր եմ հրէից»: Պիղատոսը պատասխանեց ու ասաց. — «Ինչ որ գրեցի՝ գրեցի»:

Զինուորներն երբ Յիսուսին խաչեցին, նրա հանդերձները վերցրին և չորս բաժին արին, իւրաքանչիւր զինուորի մի բաժին: Իսկ պատմուճանը որովհետեւ կար չունէր և վերից—վար չորս կողմը հիւսուած էր, իրար ասացին. — «Զպատուենք այդ, այլ վիճակ ձգենք, ում որ դուրս գայ նրանը շինի»: Որ կատարուի այն գրուածը թէ—Իմ հանդերձներն իրենց մէջ բաժանեցին և իմ պատմուճանի վերայ վիճակ ձգեցին:<sup>1)</sup>

Մատթ. Իէ Զինուորներն այս բանն արին. և ապա նրանց տան ու սկսեցին պահպանութիւն անել:  
36,  
39-43

Եւ այնտեղից անցնողները հայհոյում էին նրան և իրենց զուխները շարժելով ասում. — Վնհ, դու որ տաճարը քանդում էիր և երեք օրումը շինում, եթէ Աստուծու Որդի ես ապրեցրու քեզ և իջիր խաչից»:

<sup>1)</sup> Տես մարգ. շարքում № 44.

Քահանայապետներն էլ դպիրները ու ծերերը հետ ծաղրում էին ու ասում. — «Ուրիշներին ապրեցրեց իսկ իրեն չէ կարողանում ապրեցանել. եթէ Իսրայէլի թագաւոր է, թող իջնի խաչից որ հաւատանք իրեն: Աստուծուն է յուսացել, այժմ թող փրկէ եթէ կամենում է դրան,<sup>1)</sup> որովհետև ասաց, թէ ես Աստուծու Որդին եմ»: Յիսուսն ասաց. — «Հայր, ներիր սրանց, որովհետև չգիտեն թէ ինչ են անում»: Իսկ խաչուած շարագործներից մինը հայհոյում էր նրան ու ասում. — «Եթէ դու Քրիստոսն ես, քեզ էլ փրկիր ու մեզ էլ»: Նրա ընկերը սաստելով պատասխան տուեց ու ասաց. — «Ձե՞ս վախենում Աստուծուց. չէ՞ որ դու էլ նոյն պատժի մէջ ես: Մենք մեր գործածների արժանի հատուցումն ենք ստանում. իսկ սա ոչ մի անիրաւութիւն չէ գործել»: Եւ դառնալով Յիսուսին՝ ասաց. — «Տէր, յիշիր ինձ, երբ գաս քո թագաւորութեամբ»:

Յիսուսը նրան ասաց. — «Ճշմարիտն եմ ասում քեզ, որ այսօր դու ինձ հետ դրախտում կլինես»:

Յիսուսի խաչի մօտ գտնւում էին նրա մայրը, նրա մօրաքոյրը (Սողոմէն), Մարիամ Կղէովպան և Մարիամ Մագդաղինացին:<sup>2)</sup> Յի-

<sup>1)</sup> Համեմատել. — «Ամենքն էլ, որոնք տեսնում էին ինձ արհամարում էին և շրթունքները բանալով և գլուխները շարժելով՝ ասում. — Տիրոջը յուսացաւ և թող փրկէ նրան. թող ազատէ, որովհետև նրան կամեցաւ»: (Մարգ. իա 8-9):

<sup>2)</sup> Բնագիրն ասում է. — «Եւ կային առ խաչին Յիսուսի մայ-

սուսը տեսնելով իւր մօրն ու իւր մօտ կանգնած իւր սիրած աշակերտին (Յովհաննէսին) ասաց իւր մօրը. — «Ո՛վ կին, ա՛նա քո որդին»: <sup>1)</sup> Յետոյ աշակերտին ասաց. — «Ա՛նա քո մայրը»: Այդ օրուանից այն աշակերտն իւր մօտ առաւ Մարիամին: Օրուան վեց ժամից մինչև ինն ժամը ամ-  
<sup>Մատթ. իէ 45-47,</sup>  
<sup>49</sup>բողջ երկրին խաւար պատեց և մօտ ինն ժամին Յիսուսը բարձր ձայնով աղաղակեց ու ասաց. —

ըն՝ Նորա և քոյր մօր նորա Մարիամ Կղէովպայ, և Մարիամ Մագդաղինացի»: Թարգմանելով ըստ ընագրի՝ ստացւում է. — «Յիսուսի խաչի մօտ գտնւում էին Նորա մայրը, նրա մօրաքոյր Մարիամ Կղէովպան և Մարիամ Մագդաղինացին»: Ուրեմն Յովհաննէս Աւետարանիչը բացի Տիրամօրից յիշում է միայն երկու կանանց անուն, մինչդեռ միւս Աւետարանիչները երեք կնոջ անուն են յիշում. այսինքն Մարիամ Մագդաղինացուն, Յակովբի և Յովսէսի մայր Մարիամին, որ ուրիշ տեղ Մարիամ Կղէովպան է յիշում իւր ամուսնու անուամբ և Չերեթիայի որդոց մօրը — Սողոմէին (Մատթ. իէ 56 և Մարկ. ժե. 40): Յովհաննէս Աւետարանիչը երկու կնոջ անունները տալով, անկարելի էր որ մոռանար յիշելու իւր մայր Սողոմէին, որ ըստ միւս Աւետարանիչների նոյնպէս խաչի մօտ գտնուած կանանց թւումն էր: Եւ նա յիշում է վերոյիշեալ տողում, միայն թէ հարկաւոր է բնագրի մէջ «և քոյր մօր նորա» խօսքից յետոյ մի ս ո ո ռ ա կ է տ դնել: Այն ժամանակ կատարուի հետեւեալը. — «Եւ կային առ խաչին Յիսուսի Մայրն Նորա, և քոյր մօր նորա, Մարիամ Կղէովպա և Մարիամ Մագդաղինացի». որ թարգմանելով կատարուի. — «Յիսուսի խաչի մօտ գտնւում էին նրա մայրը, նրա մօրաքոյրը (Սողոմէն, որ Տիրամօր հետ համարին մօրաքոյրն որդիներ էին. կամ գրեթէ քոյրեր, ինչպէս սովորաբար համարւում էին) Մարիամ Կղէովպան և Մարիամ Մագդաղինացին»: Այդ մի ստորակէտը մի կողմից նախադասութեան միտքն է վերականգնում, միւս կողմից երեք Աւետարանիչներին էլ համաձայնութեան է բերում: (Տես նաև գրքիս 4-րդ և 98-րդ երեսների ծանօթութիւնները):

Ի դէպ. ի նկատի ունենալով բնագրի լուսաբանութեան անհրաժեշտութիւնը, գրքիս ընթերցողներին խորհուրդ եմ տալիս ձեռքի տակ ունենալ սրբազան Օրմանեանի «Համապատումը» ուր Աւետարանների բնագիրն է լուսաբանուած:

<sup>1)</sup> Յիսուսն իւր մօրն իւր աշակերտին է յանձնում. այս հան-

«էլի, էլի լամա Սաբաթթանի—այսինքն Աստուած իմ, Աստուած իմ, ի՛նչու թողիք ինձ»:<sup>1)</sup> Այնտեղ եղողներից ոմանք լսելով այս՝ ասացին.— «Իա եղիային է կանչում»։ Իսկ կէսն ասում էր— «Թող տեսնենք, կգոյ արդեօք եղիան դրան փրկելու»:

Յովհ. ԺԹ 28-30. Սրանից յետոյ Յիսուսն իմանալով, որ արդէն ամեն բան կատարուած է՝ ասաց.— «Ծարաւ եմ»։ Այնտեղ քացախով լի մի աման կար, սպունգը քայախի մէջ թրջեցին և զոսպի մշտկի վերայ դրած, նրա բերանին մօտեցրին:<sup>2)</sup>

Յիսուսն երբ լեղիի հետ խառնած քացախի համն առաւ՝ ասաց.— «Այժմ ամեն բան կատարուած է. Հայր, քո ձեռն եմ աւանդում իմ հոգին»:<sup>3)</sup> Եւ խոնարհեցնելով գլուխը՝ հոգին աւանդեց:

Մատթ. իէ 51-54. Եւ ահա տաճարի վարագոյրը վերից վար ճղուեցաւ, երկիրը շարժուեցաւ, քարերը պատառուեցան, գերեզմանները բացուեցան և շատ սուրբ ննջեցեալներ յարութիւն առան և գերեզմաններից դուրս եկողները՝ նրա յարու-

գամանքը ցոյց է տալիս, որ սուրբ կոյս Մարիամը ուրիշ որդի չունէր և ոչ էլ ինամոդ:

1) Կամ աւելի ճիշտը—«էլօի, էլօի, լամա Սաբաթթանի»—երբայեցերէն է և նշանակում է «Աստուած իմ, Աստուած իմ, ի՛նչու թողիք ինձ»։ Համեմատել—«Աստուած, Աստուած իմ, նայիք ինձ, ի՛նչու թողիք ինձ. . .»։ (Մաղմ. իա. 1.)

2) Տես. մարգ. շարքում 35-ը:

3) Համեմատել. - «Քո ձեռքն եմ յանձնում իմ հոգին» Սաղմ. լ. 6.)

թիւնից յետոյ մտան սուրբ քաղաքը (Երուսաղէմ) և երևեցան շատերին:

Հարիւրապետն ու Յիսուսի պահապանները այս շարժումն ու եղածները տեսնելով՝ սաստիկ վախեցան ու ասացին.— «Արդարև Սա Աստուծու Որդի էր»:<sup>1)</sup>

Ղուկ. իգ 48. Իսկ եկած ժողովուրդը, տեսնելով այդ տեսարանն ու գործերը՝ կուրծք թակելով վերադարձաւ իւր տեղը:

Մատթ. իէ 55-56. Այնտեղ շատ կանայք էլ կային, որոնք Գալիլիայից՝ Յիսուսի յետևից էին եկել նրան ծառայելու և դիտում էին հեռուից. սրանց թւումն էին Մարիամ Մագդաղինացին, Յակովբոսի և Յովսէսի մայր Մարիամը և Զբեթթայի որդոց մայրը:

### 134.

ՅԻՍՈՒՍԻ ԹԱՂՈՒՄԸ ԵՒ ԹԱՂՄԱՆ ՊԱՐԱԳԱՆԵՐԸ.— ԳԵՐԵԶՄԱՆԻ ԿՆՔՈՒԻՂԸ

Յովհ. ԺԹ 31-37. Հրէաները, որովհետև օրն ուրբաթ էր, որպէս զի յապտածների մարմինները մինչև շաբաթ օրը խաչի վերայ չմնան,<sup>2)</sup> (այն շաբաթը մեծ օր էր) Պիղատոսին խնդրեցին, որ նրանց սրունքները կոտրատուին և խաչից վեր առնուին: Զինուորներն եկան և նախ առաջին աւազակի սրունքները կոտրատեցին և ապա նրա հետ խաչ-

1) Տես մարգ. շարքում № 28.

2) Բ. Օր. իա 23.



ԽԱՉԵՑԵԱԼԻՆ ՀԵՌՈՒՆՅ ՊԻՏՐՈՒ ԿԱՆԱՅԲ

ուած միւս աւագակիրն: Բայց երբ Յիսուսին մօտեցան և տեսան որ արդէն մեռած է, նրա սրունքները չկտրատեցին, այլ զինուորներից մինը (մահը ստուգելու համար) գեղարդով նրա կողը խոցեց, որտեղից իսկոյն արիւն և ջուր բղխեց:

Այս բանը տեսնողն է վկայում և նրա (Յովհաննէսի) վկայութիւնը ճշմարիտ է: Նա գիտէ որ ճշմարիտ է ասում, որ դուք էլ հաւատաք: Որովհետև այս բանն եղաւ, որ կատարուի այն գրուածը թէ—Նրա ոսկրը չի փշրուի:<sup>1)</sup> Եւ դարձեալ մի ուրիշ գրուած, որ ասում է թէ—Պէտք է նայեն Նրան՝ որին խոցեցին:<sup>2)</sup>

Ղուկ. Իդ 50-52 Երբ երեկոյ եղաւ, Յովսէփ անունով Արեմաթացի մի իշխան, որ բարեգործ և արդար մի մարդ էր, որ հրէաների գործերին ու խորհուրդներին չէր մասնակցել և ինքն էլ Աստուծու Արթիւթեանը սպասողներից էր, որովհետև աշակերտել էր Յիսուսին թէև ծածուկ՝ հրէաների վախից, սա Պիղատոսի մօտ գնաց և համարձակութիւն ունեցաւ Յիսուսի մարմինը խնդրելու: Պիղատոսը զարմացաւ, որ այդքան շուտ էր մեռել և հարիւրապետին իւր մօտ կանչելով՝ հարցրեց.—«Ճշմարիտ է՞ որ արդէն մեռել է»: Երբ հարիւրապետից տեղեկացաւ, մարմինը Յովսէփին շնորհեց:

1) Ել. Ժբ. 46.

2) Մարգ. Զաք. բժ. 10: (Ըստ երբայական բնագրի և ոչ եօթնամանից թարգմ.):

Յովհ. 39-42 ժք Նիկողոբմոսն էլ եկաւ, որը մի գիշեր առանձին կերպով այցելել էր Յիսուսին և իւր հետ հարիւր լիտր հալուէի հետ խառնած գմուռս բերեց: Նրանք Յիսուսի մարմինն իջեցրին, խնկեղէնով օծեցին և կտաւով պատանեցին, ինչպէս սովորաբար պատանում էին հրէաները:

Այնտեղ, ուր խաչուեցաւ Յիսուսը, մի պարտէզ կար: Այդ պարտէզում մի նոր գերեզման կար, որի մէջ դեռ ոչ ոք չէր դրուած: Եւ որովհետև այդ օրն ուրբաթ էր, մօտ լինելու պատճառով Յիսուսի մարմինը դրին այդ գերեզմանի մէջ և մի մեծ քար էլ գլորելով գերեզմանի դրանը՝ գնացին:<sup>1)</sup>

Ղուկ. 55 իգ Այն կանայք էլ, որ Յիսուսի հետ Գալիլիայից էին եկել թէ գերեզմանը տեսան և թէ նրա մարմնի գերեզման գնելը:

Մատթ. 61 իէ Մրանց թուումն էին Մարիամ Մագդաղինացին և միւս Մարիամը (Կղէովպան) որ գերեզմանի դիմացն էին նստած:

Ղուկ. 56 իգ Վերջապէս այդ կանայքն էլ յետ դարձան և խնկեր ու իւղեր պատրաստեցին, բայց օրէնքի համաձայն, շաբաթ օրն հանգիստ առան:

Մատթ. 62-66 իէ Հետևեալ օրը, որ ուրբաթից յետոյ էր. քահանայապետերն ու փարիսեցիները Պիղատոսի մօտ հաւաքուեցան և ասացին. — «Տէր, յիշեցինք որ այն մուրեցուցիչը դեռ կենդանի եղած ժամանակ՝ ասում էր թէ երեք օրից յետոյ պէտք է յարութիւն առնեմ: Ուստի հրամայիր, որ մին-

<sup>1)</sup> Տես մարգ. շարքում 48-ը և 49.

չև երրորդ օրը գերեզմանը զգուշութեամբ պահեն, չլինի թէ աշակերտները գիշերով գան ու (մարմինը) գողանան և ժողովրդին ասեն, թէ մեռելներէց յարութիւն առաւ: Եւ վերջին մուրութիւնը՝ առաջինից վատ կլինի»:

Պիղատոսն ասաց նրանց. — «Դուք պահապան զինուորներ ունիք, գնացէք և ինչպէս գիտէք պահեցէք»:

Նրանք էլ գնացին, գերեզմանին պահապանութիւն արին և պահապան զինուորներէ հետ՝ քարը կնքեցին:

135.

ՅԻՍՈՒՍԻ ՅԱՐՈՒԹԻՒՆԸ.—ԻՂԱՔԵՐ ԿԱՆԱՅՔ.—ՅԻՍՈՒՍԸ ՈՒ ՄԱՐԻԱՄ ՄԱԳԴԱՂԻՆԱՅԻՆ.—ՅԻՍՈՒՍԸ ՈՒ ՄՆԱՅԵԱՆ ԿԱՆԱՅՔ.—ՋԱՆՔԵՐ ՅԱՐՈՒԹԻՒՆԸ ՍՏԵՂՈՒ

Մատթ. 1-4 իը Շաբաթ երեկոյեան, որ միաշաբաթն էր լուսանում, Մարիամ Մագդաղինացին և միւս Մարիամը (Կղէովպան) եկան գերեզմանը տեսնելու: Եւ ահա մեծ շարժում եղաւ, որովհետև Տիրոջ հրեշտակն երկնքից իջնելով գնաց գերեզմանի գոնից քարը մի կողմ գլորեց և նրա վերայ նստեց: Նրա կերպարանքը փայլակի նման էր և հազուստը ձիւնի նման սպիտակ: Պահապանները վախից շփոթուեցան և մեռելի նման դարձան:

Մարկ. 2-4 ժգ Միաշաբաթի առաւօտեան, արևազալին իողա-





ՅԻՍՈՒՍԻ ԹԱՂՈՒՄԸ

րէն կանայք մօտենալով գերեզմանին՝ ասում էին իրար.—«Ո՛վ պէտք է գերեզմանի քարը գլորէ»: Եւ նայելով տեսան որ գերեզմանի մեծ քարն արգէն գլորուած է:

Յովհ. Ի. 2 Ապա Մարիամ Մագդաղինացին առաջ անցաւ և գալով Սիմոն Պետրոսի և այն աշակերտի մօտ, որին սիրում էր Յիսուսը՝ ասաց.—«Տիրոջը գերեզմանից վերցրել են և չգիտեմ թէ ուր են դրել»:

Մարկ. ԺԳ. 5-6 Իսկ միւս կանայք ներս մտան գերեզմանը և տեսնելով գերեզմանի աջ կողմը սպիտակ շորով մի երիտասարդ նստած՝ զարհուրեցան: Հրեշտակն ասաց.—«Մի վախենաք, գիտեմ որ խաչուած Յիսուս նազովրեցուն էք որոնում, նա այստեղ չէ, յարութիւն առաւ, ահաւասիկ այն տեղը, ուր որ դրին:

Ղուկ. ԻԳ. 6-7 Յիշեցէք Գալիլիայում ձեզ հետ խօսածները, որ յայտնեց թէ Մարդու Որդին պէտք է մեղաւորներին ձեռքը մատնուի, խաչը բարձրանայ և երրորդ օրը յարութիւն առնի:

Մատթ. 7 ներին ասացէք, որ յարութիւն է առել և ձեզնից առաջ Գալիլիա կերթայ, այնտեղ կտեսնէք նրան: Ահա ասում եմ ձեզ»:

Յովհ. Ի. 3-17 Պետրոսն ու միւս աշակերտը (Յովհաննէսը) դուրս եկան ու դէպի գերեզմանն էին գալիս. երկուսն էլ վազում էին: Բայց միւս աշակերտը Պետրոսից առաջ անցնելով, նրանից առաջ հասաւ գերեզմանին: Եւ խոնարհուելով տեսաւ, որ

կտաւներն այնտեղ էին, բայց ինքը ներս չմտաւ: Միմոն Պետրոսը, որ նրա յետեից էր գալիս, եկաւ ու գերեզմանը մտնելով՝ տեսաւ որ կտաւները մնում են իրենց տեղը, իսկ վարչամակը որ նրա գլխի վերայ էր, ո՛չ թէ ուրիշ կտաւների հետ էր, այլ առանձին ծալուած՝ միւս կողմն էր դրուած: Մյն ժամանակ միւս աշակերտն էլ ( որ առաջ էր հասել գերեզմանին) մտաւ գերեզմանը և տեսաւ ու հաւատաց: Որովհետև դեռ չգիտէին գրուածը, թէ նա պէտք է մեռելներից յարութիւն առնէ: Յետոյ աշակերտները վերադարձան իրենց տուն: Բայց Մարիամը (Մագդաղինացին) գերեզմանի մօտ կանգնած լաց էր լինում: Լաց լինելու ժամանակ դէպի գերեզմանը խոնարհեցաւ նայելու. և որտեղ առաջ Յիսուսի մարմինն էր դրուած, այնտեղ սպիտակ հանդերձներով երկու հրեշտակներ տեսաւ, որոնցից մինը նըստել էր ոտքերի կողմը, իսկ միւսը՝ գլխի: Հրեշտակներն ասացին նրան. — «Ո՛վ կին, ինչո՞ւ ես լաց լինում:» Ասաց նրանց. — «Մյն պատճառով, որ Տիրոջ գերեզմանից վերցրին և չգիտեմ թէ ուր են դրել»: Այս որ ասաց, յետ նայեց և տեսաւ Յիսուսին, որ կանգնած էր, բայց չիմացաւ թէ Յիսուսն է: Յիսուսն ասաց նրան. — «Կին, ինչո՞ւ ես լաց լինում, ո՞ւմն ես որոնում»: Նա կարծելով թէ պարտիզպանն է՝ ասաց նրան. — «Թէ որ դու ես վերցրել նրան, ասա ինձ՝ ո՞ւր դրիք, որ ես վեր առնեմ նրան»: Յիսուսն ասաց. — «Մարիամ»: Նա էլ դարձաւ և (եբրայեցե-

րէն) ասաց նրան. — «Ռաբունի» որ վարդապետ է նշանակում: Յիսուսն ասաց. — «Մի մօտենայ ինձ, որովհետև դեռ Հօրս մօտ չեմ բարձրացել. այլ գնա՛ եղբայրներիս մօտ և ասա՛ նրանց. — «Ես բարձրանում եմ իմ Հօր մօտ և ձեր Հօր մօտ. իմ Աստուծու մօտ և ձեր Աստուծու մօտ»:

Մատթ. Իսկ միւս կանայք (Մարիամ Կղէովպան, 8-10 Սողոմէ Զեբեթիան, Յովհաննա Գուզան և այլք Յիսուսի յարութեան լուրն հրեշտակից առնելուց յետոյ) շտապով դուրս եկան գերեզմանից և վախով ու մեծ ոգևորութեամբ վազեցին որ աշակերտներին պատմեն: Եւ ահա Յիսուսը պատահեց նրանց ու ասաց. — «Ողջոյն ձեզ»: Եւ նրանք մօտենալով, նրա ոտքերն ընկան ու երկրպագեցին:

Մարկ. Ժդ. Մինչդեռ տասնևմէկ աշակերտները սգի 10. ու լացի մէջ էին, կանայք եկան և ամեն բան Եդ. 9. պատմեցին նրանց և ուրիշ շատերին:

Մարկ. Ժգ. Երբ նրանք լսեցին թէ Յիսուսը կենդանի է 11. և երևացել է նրանց՝ չհաւատացին:

Ղուկ. Իդ. Կանանց ասածները նրանց ցնորական խօս- 11-12 քեր թուեցան: Իսկ Պետրոսը վեր կենալով՝ նորից գերեզմանը վազեց և ներս նայելով՝ միայն կտաւները տեսաւ և անցած-դարձածի վերայ ինքն իրան զարմանալով՝ վերադարձաւ տուն:

Մատթ. Իը Պահապան զինուորներից ոմանք քաղաք ե- 11-15 կան և պատմեցին քահանայապետներին այն ամենը, ինչ որ եղել էր: Նրանք էլ ձերերի հետ ժողովուրդով՝ խորհուրդ արին և զինուորներին

շատ արծաթ (կաշառք) տալով՝ ասացին. — «Ասացէք թէ երբ մենք քնած էինք. նրա աշակերտները զիշերով եկան ու գողացան նրան. և եթէ այդ լուրը դատաւորի ախանջն հասնի, մենք նրան կհաճեցնենք և ձեզ կապահովենք»: Նրանք էլ վերցնելով արծաթը, ինչպէս սովորեցին՝ այնպէս էլ արին: Եւ այդ համբաւը մինչև օրս էլ տարածուած է հրէաների մէջ:

136.

ՅԻՍՈՒՄՆ ՈՒ ԷՄՄԱՌՈՒՍ ԳՆԱՅՈՂ ԱՇԱԿԵՐՏՆԵՐԸ

Ղուկ. 13-32

Երբ օրն աշակերտներից երկուսը էմմաուս անունով մի գիւղ էին գնում, որ Երուսաղէմից վաթսուներեք ասպարիսով հեռու էր: Նրանք տեղի ունեցած անցքերի մասին էին խօսում ճանապարհին: Երբ նրանք խօսում ու վիճում էին, Յիսուսն ինքն էլ մօտեցաւ և գնում էր հետները: Բայց նրանց աչքերը բռնուած էին և չկարողացան նրան ճանաչել: Յիսուսն ասաց. — «Ի՞նչի մասին էք իրար հետ վիճում և ինչո՞ւ էք տխուր»: Նրանցից մինը, որ Կղէովպաս էր կոչուում՝ պատասխանեց. — «Երևի Երուսաղէմ եկողներից միայն դու ես, որ չգիտես թէ այնտեղ այս օրերս ինչ անցքեր տեղի ունեցան»: Յիսուսը հարցրեց. — «Ի՞նչ է պատահել որ...»: Նրանք ասացին. — «Ուրեմն դու չգիտես Յիսուս Նազովրեցու գործը, որը թէ Աստուծու և թէ ժողովրդի առաջ գործքով ու խօսքով զօրաւոր մարգարէ եղաւ,

որին մեր քահանայապետներն ու իշխանները մահուան դատաստարտեցին և խաչեցին: Իսկ մենք վստահ էինք որ նա պէտք է Իսրայէլի փրկիչը լինէր. բայց այս ամենից յետոյ, ահա այսօր երրորդ օրն է, որ այս անցքերը տեղի ունեցան: Այլ և մերոնցից մի քանի կանայք մեզ զարմացրին, որոնք առաւօտեան շատ վաղ գերեզմանն էին գնացել և նրա մարմինը չգտնելով՝ եկան ու պատմեցին, որ հրեշտակներ են երևացել իրենց, որոնք և յայտնել են թէ Նա կենդանի է:

Մեզնից միքանիսը գերեզմանը գնացին և գտան այնպէս, ինչպէս կանայքն էին ասել. միայն թէ Իրեն չտեսան»: Այն ժամանակ Յիսուսն ասաց. — «Անմիտներ և թուլասիրտներ, որ դանդաղել էք հաւատալու այն բաներին, որ մարգարէները նախագուշակեցին: Չէ որ Քրիստոսն այս չարչարանքները պէտք է կրէր և իւր փառքի մէջ մտնէր»: Եւ սկսելով Մովսէսից և բոլոր մարգարէներից՝ մեկնում էր նրանց ինչ որ բոլոր գրքերում գրուած էր իրեն համար: Երբ մօտեցան այն գիւղին ուր գնում էին, նա յայտնեց որ ինքն աւելի հեռուն պիտի գնայ, բայց նրանք ստիպեցին ու ասացին. — «Մնացիր մեզ մօտ, որովհետեւ արդէն երեկոյ է և օրն էլ անցել է»: Նա գիւղը մտաւ և մնաց նրանց մօտ: Երբ նրանց հետ սեղան նստեց, հացն առաւ՝ օրհնեց և կտրելով տուեց նրանց: Այդ ժամանակ նրանց աչքերը բացուեցան և ճանաչեցին Նրան: Բայց Նա աներևոյթացաւ:

Նրանք միմեանց ասացին.— «Կարծես հենց մեր սրտերն էլ վկայում էին, երբ նա ճանապարհին խօսում էր հեռներս և բացատրում գրուածները»:

137.

ՅԻՍՈՒՄՆ ԵՐԵՒՈՒՄ Է ԱՇԱԿԵՐՏՆԵՐԻՆ ՎԵՐՆԱՏԱՆԸ,  
— ԱՌԱՔԵԼԱԿԱՆ ԻՇԵԱՆՈՒԹԻՒՆ.— ԹՈՎՄԱՍԻ ԹԵՐԱ-  
ՀԱՒԱՏՈՒԹԻՒՆԸ

Ղուկ. Իդ. 33-35. **Է**մամուս գնացող աշակերտներն իսկոյն երուսաղէմ դարձան, ուր հաւաքուած գտան տասնեւէկ առաքեալներին և նրանց հետ եղողներին, (եօթանասուններից շատերին և իւրաքեռ կանանց) որոնք ասում էին թէ արդարև Տէրն յարութիւն առաւ և երևեցաւ շատերին: Կղէովպանն ու իւր ընկերն էլ պատմեցին ճանապարհին պատահածը և թէ ինչպէս ճանաչեցին Նրան՝ հացը կտրատելու ժամանակ.

Մարկ. Ժգ. 13. Բայց սրանց պատմածներին էլ չհաւատացին:

Յովհ. Ի. 19. Միաշաբաթի երեկոն էր, երբ տասնեւէկ աշակերտները հրէաների վախից դռները փակ պահելով. 'ի մի հաւաքուած՝ խօսում էին:

Ղուկ. Իդ. 36-43. Յանկարծ Յիսուսը նրանց մէջ կանգնեց և ասաց.— «Խաղաղութիւնն ձեզ, ես եմ մի վախեանաք»: Նրանք զարհուրեցան ու վախեցան, կարծեցին թէ ոգի են տեսնում: Յիսուսն ասաց.— «Ինչո՞ւ էք շփոթուած և ինչո՞ւ են սրտներիդ

մէջ այդպիսի խորհուրդներ ծնուում. տեսէք ձեռքերս ու ոտքերս: Ես ինքս եմ, շօշափեցէք ինձ ու տեսէք, ոգին մարմին ու ոսկր չունի, բայց տեսնում էք, որ ես ունիմ»: Ասելով այս, նա ցոյց տուեց իւր ձեռքերն ու ոտքերը:

Եւ մինչդեռ նրանք ուրախութիւնից չէին հաւատում և զարմացել էին՝ ասաց նրանց.— «Կերակուր ունի՞ք այստեղ»: Նրանք խորոված ձկան կտոր և մեղրի խորիստ տուին: Յիսուսը վերցրեց, նրանց ներկայութեամբ կերաւ և մընացածը վերադարձրեց:

Յովհ. Ի. 21-29. Նորից դարձաւ աշակերտներին ու ասաց.— «Խաղաղութիւնն ձեզ, ինչպէս Հայրս ուղարկեց ինձ, ես էլ ձեզ եմ ուղարկում»: Ասելով այս՝ փչեց նրանց վերայ ու ասաց.— «Առէք Սուրբ Հոգին: Եթէ մէկի մեղքերը թողնէք՝ թողնուած լինի և որոնց մեղքերը կապէք՝ կապուած լինի»:

Երբ Յիսուսն եկաւ, տասներկուսից մինը— երկուորեակ կոչուած Թովմասը, նրանց հետ չէր: Միւս աշակերտներն ասացին նրան. — «Տեսանք Տիրոջը»: Նա էլ ասաց.— «Մինչև որ ես Նրա ձեռքերի վերայ մեխերի նշանը չտեսնեմ և մատերս մեխերի տեղը չկոխեմ և ձեռքս էլ Նրա աջ կողը չմտցնեմ՝ չեմ հաւատայ»:

Ութ օրից յետոյ, երբ աշակերտները դարձեալ տանն էին և Թովմասն էլ նրանց հետ էր. Յիսուսն եկաւ՝ երբ դռները փակուած էին. կանգնեց նրանց մէջ տեղը և ասաց.— «Խաղաղութիւնն ձեզ»: Յետոյ դարձաւ Թովմասին ու ա-

սաց.—«Մասներդ բեր ու տես ձեռքերս, բեր ձեռքդ և մտցրու կողս և մի լինիր անհաւատ, այլ հաւատացեալ»:

Թովմասը պատասխան տուեց ու ասաց.— «Տէր իմ և Աստուած իմ»: Յիսուան ասաց նրան.— «Որովհետեւ տեսար ինձ, այդ պատճառով էլ հաւատացիր. բայց երանի նրանց, որ չեն տեսել ու հաւատում են»:

138.

ՅԻՍՈՒՄՆ ԵՐԵՒՈՒՄ Է ԱՇԱԿԵՐՏԵՐԻՆ ՏԻԲԵՐԱԿԱՆ ԾՈՎԻ ՄՕՏ

Յովհ. իա. 1-14 **Ս**րանից յետոյ Յիսուան իւր աշակերտներին Տիրերական ծովի ափը երևեցաւ: Եւ երևեցաւ այսպէս:

Երբ Սիմոն Պետրոսը, երկւորեակ կոչուած Թովմասը, Գալիլիայի Կանա քաղաքացի Նաթանայէլը, Զերեթիայի որդիքը և միւս աշակերտներից երկուսը հաւաքուած էին միատեղ, Սիմոն Պետրոսն ասաց. — «Ես ձուկ որսալու եմ գնում»: Նրանք ասացին.— «Մենք էլ կգանք քեզ հետ»: Գնացին և իսկոյն նաւ մտան և այն զիշերը ու չինչ չորսացին: Երբ առաւօտ եղաւ, Յիսուսը կանգնած էր ծովի ափը. բայց աշակերտները չճանաչեցին թէ Յիսուան է:

Յիսուան ասաց նրանց.— «Տղայք, բան ունիք ուտելու»: Նրանք պատասխանեցին.— «Ո՛չ»: Ասաց նրանց.— «Ուռկանը նաւի աջ կողմը ձգե-

ցէք և կբռնէք»: Նրանք ձգեցին և ձկների շատութիւնից չկարողացան քաշել ուռկանը:

Այն ժամանակ այն աշակերտը (Յովհաննէսը) որին սիրում էր Յիսուսը՝ ասաց Պետրոսին.— «Նա Տէրն է»: Սիմոն Պետրոսը շտապով որ Տէրն է, որովհետեւ մերկ էր, իսկոյն վերարկուն վրան առաւ և ծովը նետուեց: Իսկ միւս աշակերտները ձկներով լի ուռկանը քարշ տալով նաւով էին գալիս, որովհետեւ ցամաքից երկու հարիւր կանգուն հեռու էին: Երբ ցամաք դուրս եկան, վառած կրակ տեսան, վրան մի ձուկ դրած և հաց: Յիսուսը նրանց ասաց.— «Բերէք այդ նոր որսած ձկներից»: Սիմոն Պետրոսը նաւը մտաւ և ցամաք քաշեց հարիւր յիսուն և երեք մեծ մեծ ձկներով լի ուռկանը և չնայելով որ այդքան բան կար, ուռկանը չպատռուեցաւ:

Յիսուսը նրանց ասաց.— «Եկէք ճաշեցէք»: Աշակերտներից ոչ ոք չհամարձակուեցաւ հարցնել թէ դու ով ես, որովհետեւ զիտէին որ նա Տէրն է: Յիսուսը մօտեցաւ, վերցրեց հացը և տուեց նրանց, նոյնպէս և ձուկը:

Յիսուան իւր յարութիւնից յետոյ, սրանով երրորդ անգամն էր որ երևում էր իւր աշակերտներին:

139.

ՊԵՏՐՈՍԻ ՍԻՐՈՅ ՎԿԱՅՈՒԹԻՒՆԸ.— ՊԵՏՐՈՍԻ ԵՒ ՅՈՎՀԱՆՆԷՍԻ ՎԱՆՃԱՆԸ

Յովհ. իա. 15-24 **Ե**րբ ճաշեցին, Յիսուան ասաց Սիմոն Պետրոսին.— «Սիմոն Յովհաննու, ինձ ես աւելի սի-

րում թէ՛ դրանց»։ Ասաց նրան.— «Տէր, դու գիտես որ քեզ եմ սիրում»։ Յիսուսն ասաց.— «Արածիր գանձերս»։

Դարձեալ ասաց նրան.— «Միմոն Յովնանու, սիրում ես ինձ»։ Նա ասաց.— «Այո՛ Տէր, դու գիտես որ սիրում եմ քեզ»։ Ասաց նրան.— «Արածիր ոչխարներս»։

Ասաց նրան երրորդ անգամը.— «Միմոն Յովնանու, սիրում ես ինձ»։ Պետրոսը արտմեցաւ, որ երեք անգամ հարցրեց թէ սիրում ես ինձ, և ասաց նրան.— «Տէր, դու ամեն բան գիտես և ամենը՝ ճանաչում. և գիտես որ սիրում եմ քեզ»։ Յիսուսն ասաց.— «Արածիր ոչխարներս»։ Եւ աւելացրեց.— «Ճշմարիտ, ճշմարիտն եմ ասում քեզ, որ երբ դու մանուկ էիր գօտիդ ինքդ էիր կապում և ուր որ կամենում էիր՝ այնտեղ էիր գրնում։ Բայց երբ ծերանաս, ձեռքերդ պէտք է բարձրացնես և ուրիշները պէտք է կապեն գօտիդ և տանեն այնտեղ՝ ուր որ չես կամենայ»։

Այս ասաց որ ցոյց տայ, թէ Պետրոսն ինչպիսի մահով պէտք է Աստուծուն փառաւորէ։

Այդ ասելուց յետոյ, ասաց նրան.— «Ե՛կ իմ յետեից»։ Երբ Պետրոսը դարձաւ ու տեսաւ որ այն աշակերտը (որին սիրում էր Յիսուսը և որը նրա կրճքին փաթաթուեցաւ ու ասաց.— «Տէր, սով է, որ քեզ պիտի մատնէ») իւր յետեիցն է գալիս՝ Յիսուսին ասաց.— «Իսկ սա ի՞նչ պէտք է լինի»։ Յիսուսը նրան ասաց.— «Քեզ ինչ, եթէ

ես կամենում եմ որ սա կենայ մինչև իմ գալը.<sup>1)</sup> դու եկ իմ յետեից»։

Այս խօսքն եղբայրներին առիթ տուեց կարծելու, թէ այն աշակերտը պէտք է չմեռնի. Բայց Յիսուսը շասաց թէ չի մեռնի, այլ թէ ես կամենում եմ որ սա կենայ մինչև իմ գալը։

Այս բաների համար վկայողը հենց այդ աշակերտն է, որ այս բոլորը գրեց և գիտենք որ նրա վկայութիւնը ճշմարիտ է։

140.

ՅԻՍՈՒՍՆ ԵՐԵՒՈՒՄ Է ՏԱՍՆԵԻՄԷԿ ԱՇԱԿԵՐՏՆԵՐԻՆ ԳԱԼԻԼԻԱՅԻ ԼԵՐԱՆ ՎԵՐԱՅ.— ԱՌԱՔԵԼՈՒԹԵԱՆ ՊԱՇՏՕՆԸ.— ՅԱՐՈՒԹԵԱՆ ՔԱՌԱՍՈՒՆ ՕՐԵՐԸ

Մատթ. իր 16-19 Դսկ տասնեւէկ աշակերտները գնացին Գալիլիա, այն լեառը, ուր Յիսուսը նրանց ժամադիր էր եղել։ Երբ նրան տեսան երկրպագեցին նրան և ոմանք երկմտեցան։ Յիսուսը մօտենալով նրանց, խօսեց նրանց հետ ու ասաց.— «Ամեն իշխանութիւն արուեցաւ ինձ երկնքում և երկրիս վերայ, ինչպէս ուղարկեց ինձ իմ Հայրը, այնպէս էլ ես եմ ուղարկում ձեզ»։<sup>2)</sup> Ուրեմն

1) Մինչև իմ գալը, այսինքն «միւս անգամ գալուստը» ակնի պարզը՝ մինչև Հին-Ուխտի կործանումը և Նոր-Ուխտի յաղթութիւնը։ Այս մտքով Յիսուսի խօսքը կատարուեց նրանով, որ 60-70 թուականներին երբ արդէն նահատակուած էին միւս առաքեալները, Յովհաննէսը տեսաւ Երուսաղէմի կործանումը և յետոյ միայն հանգեաւ ՚ի Տէր։

2) «Ինչպէս ուղարկեց ինձ իմ Հայրը, այնպէս էլ ես եմ ուղարկում ձեզ» Այս տողերը չկան Յունարէն թարգմանութեան մէջ։

գնացէք, բոլոր հեթանոսներին աշակերտեցէք և մկրտեցէք նրանց Հօր, Որդու և Սուրբ Հոգու անունով:

Մատթ. 28-18. 15-18. Ով որ հաւատայ ու մկրտուի, նա կփրկուի. և ով չի հաւատայ՝ կդատապարտուի: Եւ հաւատացողներին այս նշանները կուղեկցեն. իմ անունով դեեր կհանեն, նոր լեզուներ կխօսեն, ձեռքերով օձեր կբռնեն և եթէ մահաթոյն ընդունեն՝ չեն վաստուի, հիւանդների վերայ ձեռք կդնեն և նրանք կբժշկուին:<sup>1)</sup>

Մատթ. 20. Սովորեցրէք նրանց պահել այն ամենը՝ ինչ որ ձեզ պատուիրեցի. և ահա, մինչև աշխարհի վերջը՝ ես ձեզ հետ եմ»:

Գործք Առ. 3. Այսպէս, Յիսուսն իւր շարժարանքներից և մահից յետոյ, բազմաթիւ հաստատուն ապացոյցներով ցոյց տուեց իւր աշակերտներին, որ ինքը կենդանի է. քառասուն օրուան ընթացքում երևալով նրանց և Աստուծու Արքայութեան մասին խօսելով:<sup>2)</sup>

141.

ՔԱՌԱՍՆԵՐՈՐԳ ՕՐՈՒԱՆ ԱՌԱԻՑՈՐ.—ՅԻՍՈՒՍԻ ՀԱՄԲԱՐՉՈՒՄԸ

Ղուկ. 14-49. իդ. **Քառասներորդ օրուան առաօք, Յիսուսն ասաց իւր աշակերտներին.**—«Սրանք են ահա

1) Տես մարգ. շարքում 21-ը.  
2) Ինչպէս այստեղ, նոյնպէս էլ յետագայում առաջ են բերուած Գործք Առաքելոց»-ից որոշ հատուածներ, յատկապէս նիւթն ամբողջացնելու համար:

այն խօսքերը, որ ես ձեզ հետ խօսեցի՝ երբ դեռ ձեզ հետ էի, թէ պէտք է կատարուի այն ամենը՝ որ գրուած են ինձ համար թէ Մովսէսի օրէնքների և թէ մարգարէների ու սաղմոսների մէջ»: Այն ժամանակ նրանց մտքերը բացեց, որ գրուածներն հասկանան: Եւ ասաց նրանց.— «Այսպէս էր գրուած և այսպէս պէտք է չարչարուէր Քրիստոսը և երրորդ օրը յարութիւն առնէր: Բոլոր ազգերի մէջ Երուսաղէմից սկսած, Նրա անունով ապաշխարութիւն և մեղքերի քաւութիւն պէտք է քարոզուի. և դուք էք այս բաների վկաները: Եւ ահա ես կուղարկեմ իմ Հօր աւետիքը ձեզ վերայ. բայց դուք Երուսաղէմում մնացէք, մինչև որ վերևից զօրութիւն ստանաք:

Գործք Առ. 5-8. Յովհաննէսը ջրով էր մկրտում, իսկ դուք մի քանի օրից յետոյ՝ Սուրբ Հոգով կմկրտուիք»:

Աշակերտները հարցնում էին Նրան ու ասում.—«Տէր, արդեօք այժմ ես հաստատելու իսրայէլի թագաւորութիւնը»: Նա պատասխանեց.—«Ժամերն ու ժամանակներն իմանալը ձեր գործը չէ, որովհետև Հայրն իւր իրաւունքի տակ է զրել. բայց երբ Սուրբ Հոգին կիջնի ձեզ վերայ, այն ժամանակ դուք զօրութիւն կստանաք և Երուսաղէմում, ամբողջ Հրէաստանում, Սամարիայում և մինչև երկրիս ծայրերը՝ դուք իմ վկաներս կլինէք»:

Ղուկ. 14-50-51. իդ. Եւ նրանց մինչև Բեթանիա տանելով, հանեց Չիքենեաց յեսան գազարը և բարձրացնելով

ձեռքերը՝ օրհնեց նրանց: Օրհնելուց յետոյ, Նա բաժանուեց նրանցից և վերացաւ երկինք:<sup>1)</sup>

<sup>Գործք Առ. 9-11</sup> Մի ամպ եկաւ ու ծածկեց նրան աշակերտների աչքից: Երբ նրանք աչքերը անկած դէպի երկինք էին նայում, սպիտակ հանդերձներով երկու մարդ երեացին նրանց ու ասացին.— «Գալիլացի մարդիկ, ինչէ՞ք կանգնել և երկնքին նայում. Յիսուսը, որ ձեզնից երկինք համբարձաւ, գալու է այնպէս, ինչպէս որ տեսաք նրա երկինք վերանալը»:

<sup>Ղուկ. Իդ. 52</sup> <sup>Գործք Առաք. 12-14</sup> Աշակերտներն երկրպագեցին և մեծ ուրախութեամբ վերադարձան Երուսաղէմ՝ Չիթենեաց կոչուած լեռնից, որ շաբաթ օրուայ ճանապարհի շափ մօտ է Երուսաղէմին: Տասնևմէկ աշակերտները— Պետրոսը, Յակովբոսը, Յովհաննէսը, Անդրիասը, Փիլիպոսը, Թովմասը, Բարդուղիմէոսը, Յակովբոս Ալփեան, Շմաւոն Նախանձառայր և Յուդա Յակովբեանը քաղաք մտնելով վերնատունը բարձրացան, որ նրանց օթեանն էր:

Սրանք բոլորն էլ, կանանց և Յիսուսի մայր Մարիամի ու նրա եղբայրների հետ միատեղ աղօթում և օրհնում էին Աստուծուն:

142.

ՄԱՏԱԹԻԱՅԻ ԸՆՏՐՈՒԹԻՒՆԸ

<sup>Գործք Առ. 15-26</sup> Այն օրերում, երբ մինչև հարիւր քսան հոգի հաւաքուած էին միատեղ, Պետրոսը զիմեց

1) Տես մարգ. շարքում № 52.

եղբայրներին ու ասաց.— «Եղբայրներ, պէտք է կատարուէր այն գրուածը, որ առաջուց Սուրբ Հոգին ասել էր Դաւթի բերանով, Յիսուսի բռնողներին առաջնորդող Յուդայի մասին: Նա մեր թուիցն էր և այս (առաքելական) պաշտօնից էլ բաժին ունէր: Սա անիրաւութեան վարձով մի ազարակ ստացաւ և զլիսի վայր ընկնելով՝ միջից ձեղքուեցաւ և փորոտիքը դուրս թափուեցաւ: Այս բանը յայտնի եղաւ Երուսաղէմի բոլոր բնակիչներին. այդ պատճառով էլ այդ ազարակը նրանց լեզուով Ակեղբամայ կոչուեցաւ, որ Արեան ազարակ է նշանակում:

Հենց այս բանի համար է սաղմոսների գրքի մէջ գրուած.— «Նրա բնակութիւնը աւերակ կըլինի, թող նրա մէջ բնակուող չլինի<sup>1)</sup>» և նրա կարգըն ուրիշն առնէ»:<sup>2)</sup> Արդ, անհրաժեշտ է որ այս մարդկանցից (որոնք մեզ հետ են եղել այն բոլոր ժամանակը որ Յիսուսը մեզ մօտ ել և մուտ ունէր, սկսած Յովհաննէսի մկրտութիւնից մինչև նրա երկինք համբառնալը) որևէ մէկը ձեզ հետ ՚ի միասին վկայ լինի նրա յարութեանը»:

Եւ երկու հոգի կանգնեցրին. Յովսէփին որ Բարսաբա էր կոչուում և Յուսատոս անուանուեցաւ և Մատաթիային:

Եւ աղօթելով ասացին.— «Դու սրտագէտ Տէր, ցոյց աւեր թէ այս երկուսից որին ես ըն-

1) Համեմատել.— «Նրանց բնակութիւնը աւերակ դառնայ և նրանց յարկի տակ ոչ սք չբնակուի: (Մաղմ. կր. 26):

2) — «Նրա օրերը թող կարճանան և նրա այցելութիւնը (կարգը, պաշտօնը) ուրիշն առնէ: (Մաղմ. ճր. 8):



տրու՛մ այս առաքելական պաշտօնն ստանալու, որից զրկուեցաւ Յուզան և գնաց իւր տեղը»։  
Նրանց վերայ վիճակ ձգեցին և վիճակն ընկաւ Մատաթիային և այդպիսով նա դասուեցաւ ՚ի շարս տասնևմէկ առաքեալների։

143.

ՍՈՒՐԲ ՀՈԳՈՒ ԳԱՂՈՒՍՏԸ

Գործք առ. Գենտեկոստէի<sup>1)</sup> տօնական օրն անցնելուց յետոյ, երբ ամենքը հաւաքուած էին միատեղ, յանկարծ երկնքից մի ձայն եկաւ՝ սաստկաշունչ քամու ձայնի պէս և լցրեց ամբողջ տունը՝ ուր նստած էին։<sup>2)</sup> Եւ երևացին նրանց բաժանուած լեզուներ որպէս թէ կրակէ և նստան ամեն մէկի վերայ։ Ամենքն էլ Սուրբ Հոգով լցուեցան և սկսեցին այլ և այլ լեզուներով խօսել, ինչպէս որ Հոգին խօսել էր տալիս նրանց։

Երուսաղէմում բնակուող երկիւղած հրէաներն ու երկրի ամեն ծայրերից հաւաքուած մարդիկ, երբ այս ձայնը լսեցին, ահագին բազմութեամբ եկան ու կիսուեցան. և լսում էին թէ ինչպէս աշակերտներն իրենց ամեն մէկի լեզուովն էին խօսում։

Ամենքն էլ հիանում ու զարմանում էին. և իրար էին ասում. — «Չէ՞ որ սրանք — այս խօսող-

<sup>3)</sup> Պենտեկոստէ — յունարէն է. նշանակում է Յիսուսը կամ Յինունք։ Հրէական տօն էր որ կատարուում էր գառկից յիսուն օր յետոյ և Սինայի օրէնստուութեան յիշատակն էր։

<sup>4)</sup> Այսինքն այն 120 հոգին, որ յիշուեցաւ հախընթաց գլխում։

ներն ամենքն էլ Գալիլիացի են. ի՞նչպէս է որ կարողանում են մեր իւրաքանչիւրիս մայրենի լեզուովը խօսել։ Ոչ միայն մենք — Պարթևներս և Մարք, Իլամացիք և Միջագէտքի, Հրէաստանի, Կապադովկիայի, Պոնտոսի և Ասիայի, Փոիւզիայի և Պամփիլիայի, Եգիպտոսի, Լիբիայի մասերի և Կիւրինէի մօտ ընկած տեղերի բնակիչներս ենք լսում մեր լեզուով նրանց խօսած Աստուծու մեծամեծ գործերը, այլ և եկուոր Հռովմայեցիները նորագարձ հրէաները, Կրէտացիք ու Արաբացիք»։ Եւ ամենք էլ հիանում էին ու զարմանում և իրար էին ասում. — «Սա ի՞նչ բան է»։ Իսկ ոմանք ծագրեւով՝ ասում էին. — «Սրանք հարբած են»։

144.

ՊԵՏՐՈՍ ԱՌԱՔԵԱՂԻ ԱՏԵՆԱԲԱՆՈՒԹԻՒՆԸ. — ԵՐԵՎ ՀԱԶԱՐ ՀՈԳՈՒ ԳԱՐՁԸ

Գործք Առ. Գետրոսը տասնևմէկ առաքեալների հետ ի միասին վեր կացաւ և սկսեց բարձրաձայն խօսել նրանց հետ ու ասաց. — «Հրէայ մարդիկ և դուք ամենքդ որ Երուսաղէմումն էք բնակուում, լսեցէք խօսքերս և թող ձեզ յայտնի լինի, որ սրանք հարբած չեն, ինչպէս դուք էք կարծում, որովհետև դեռ ժամի երեքն է.՝) այլ այս՝ Յովէլիա Մարգարէի միջոցով ասուածն է. — «Ես, ասում է Աստուած, վերջին օրերն իմ Հոգուց կրթափեմ ամեն մարմնի վերայ և ձեր տղաներն

<sup>1)</sup> Մեր առաւօտեան 9-ժամը։

ու աղջիկները կմարգարէանան և ձեր երիտասարդները տեսիլքներ կտեսնեն և ձեր ծերերը՝ երազներ: Այն օրերն իմ ծառաների և իմ աղախինների վերայ էլ կթափեմ իմ Հոգուց և դրանք էլ կմարգարէանան: Եւ վերեր — երկնքում՝ հրաշքներ ցոյց կտամ և ցածր — երկրում՝ նշաններ — արիւն, կրակ և ծխի մրրիկ. արևը խաւար կդառնայ և լուսինը՝ արիւն. դեռ Տիրոջ մեծ և երեկի օրը չեկած. և նա, որ Տիրոջ անունը կրկարդայ՝ պէտք է փրկուի: <sup>1)</sup>

Դուք, Իսրայելացի մարդիկ, լսեցէք այս խօսքերը. Յիսուս Նազովրեցին, Աստուծոց ձեզ ցոյց տուած մարդը, որն իւր պաշտօնը հաստատեց զօրութիւններով, հրաշքներով ու նշաններով, որ ինչպէս դուք էլ գիտէք Աստուած Նրա ձեռքովը կատարեց ձեր մէջ. նա, որ Աստուծու սահմանած խորհրդով և կանխագիտութեամբ մասնուած լինելով, վերցրիք և անօրէնների ձեռքով փայտի վերայ մեխելով՝ սպանեցիք, որին Աստուած յարոյց մահուան ցաւերը լուծելով. որովհետեւ անհնար էր որ նա բռնուէր նրանից, որի համար էլ Դաւիթն ասում է. — «Ամեն ժամանակ տեսնում էի Տիրոջս իմ առաջ, որովհետեւ իմ աջ կողմս է; որ չսասանիմ. այդ պատճառով էլ սիրտս ուրախացաւ և լեզուս ցնծաց, նաև մարմինս էլ յուսով հանդատացաւ. որովհետեւ անձս դժոխքում (կամ գերեզմանի մէջ) չես թողնի և քո Սուրբիդ էլ չես տայ ապակա-

<sup>1)</sup> Մարգ. Յովէլ. բ. 28-31. տես նաև մարգ. շարքում № 21.

նութիւն տեսնելու. ճանաչեցրիք ինձ կեանքի ճանապարհները և լցրիք ինձ երեսիդ ուրախութիւնով: <sup>1)</sup>

Մարդիկ եղբայրներ, հարկաւոր է համարձակ խօսել ձեզ հետ Դաւիթ նահապետի համար, որ մեռաւ ու թաղուեցաւ և նրա գերեզմանը մինչև օրս էլ մեր մէջ է: Ա՛րդ, որովհետեւ նա մարգարէ էր և գիտէր որ Աստուած երդմամբ երգուեցաւ իրեն, որ իւր որովայնի պողիցն է լինելու իւր աթոռի վերայ նստողը, ուստի և կանխատեսութեամբ խօսեց Քրիստոսի յարութեան համար, որովհետեւ նրա հոգին դժոխքում չթողնուեց և նրա մարմինն ապականութիւն չբտեսաւ: <sup>2)</sup>

Ահա այս Յիսուսին յարոյց Աստուած. որին մենք ամենքս էլ վկայ ենք: Ուստի Աստուծու աջով բարձրանալով ու Սուրբ Հոգու աւետիքը Հօրիցն ստանալով՝ սփռեց այն մեզ վերայ որ դուք այժմ և՛ տեսնում և՛ լսում էք:

Որովհետեւ Դաւիթն ինքը երկինք չբարձրացաւ, բայց ասաց. — «Տէրն ասաց իմ ափրոջս, նստիր աջ կողմս մինչև որ քո թշնամիներին ոտքերիդ պատուանդանը դարձնեմ»: <sup>3)</sup> Ուստի, թող բոլոր Իսրայէլի տունը ճշմարտապէս իմանայ, որ այն Յիսուսին, որին դուք խաչեցիք, Աստուած թէ՛ Տէր արաւ և թէ՛ օծեալ:

<sup>1)</sup> Մարգոս ժե. 8-10.

<sup>2)</sup> Մարգոս ժե. 10. տես մարգ. շարքում № 48:

<sup>3)</sup> Տես. մարգ. շարքում № 52:

Երբ այս (ատենաբանութիւնը) լսեցին, իրենց սրտերի մէջ զղջացին և Պետրոսին ու միւս առաքեալներին ասացին.— «Մարդիկ եղբայրներ, ինչ անենք»: Պետրոսն ասաց նրանց.— «Ապաշխարեցէք և թող ձեզնից ամեն մէկը մկրտուի՝ Յիսուս Քրիստոսի անունով մեղքերի թողութեան համար և Սուրբ Հոգու պարգևը կընդունիք: Որովհետև ձեզ և ձեր որդոց համար է այս աւետիքը և այն բոլոր հեռաւորների համար, որոնց մեր Տէր Աստուածը կը կանչէ»:

Եւ ուրիշ շատ խօսքերով վկայութիւն էր տալիս և յորդորում էր նրանց ու ասում.— «Ազատեցէք ձեզ այս խոտորած ազգից»: Եւ նրանք, որ նրա խօսքերը սրտանց ընդունեցին՝ մկրտուեցան. և այն օրը երեք հազար հոգու շափ աւելացան:

145.

ԱՌՍԲԵԱԼՆԵՐԻ ԳՈՐԾՈՒՆԷՈՒԹԻՒՆԸ

Մարկ. 16. 20. Այնուհետև առաքեալները դուրս գալով, սկսեցին բոլոր երկրներում քարոզել՝ Տիրոջ գործակցութեամբ.<sup>1)</sup> և խօսքը (իրենց փարոզարխները) հաստատում էին նրան հետևող նշաններով (իրենց գործած հրաշխներով):

1) Համեմատել.— «Բոլոր երկրներում լսուեցաւ նրանց ձայնը և մինչև աշխարհի ծայրերը տարածուեցաւ նրանց խօսքը»: (Մաղմ. Ժբ. 5):

146.

ՅՈՎՀԱՆՆԷՍ ԱՒԵՏԱՐԱՆՉԻ ՎԵՐՉԱԲԱՆԸ

Յովհ. 1. 30-31. Յիսուսն իւր աշակերտների առաջ ուրիշ շատ հրաշքներ գործեց, շատ բաներ արաւ, որոնք այս գրքի մէջ չեն գրուած, որովհետև եթէ նրա բոլոր հասածներն ու արածները մի առ մի գրուելու լինէր, կարծում եմ որ աշխարհս էլ բաւական չէր լինի այդ գրուածներն իւր մէջ պարունակելու: Սրանք էլ այն պատճառով գրուեցան, որ դուք հաւատաք թէ Յիսուս Քրիստոսը Աստուծու Որդի էր և թէ նրան հաւատարով, յաւիտենական կեանք ընդունէք նրա անունով:

Վ Ե Ր Զ



### Յ Ա Ն Կ

Յառաջաբան . . . . .	Ե—ԻԴ
Մարգարէութիւններ Յիսուս	
Քրիստոսի մասին . . . . .	ԻԵ—ԱԷ

### I.

ՅԻՍՈՒՍԻ ԾՆՆԴԵԱՆ ԵՒ ՄԱՆԿՈՒԹԵԱՆ  
ՀԵՏ ԿԱՊԱԿՑՈՒԱԾ ԴԷՊՐԵՐ

Գլուխ	Երես
1. Դուկաս Աւետարանչի յառաջաբանը	3
2. Զաքարիայի տեսիլքը տաճարում	3
3. Ս. Մարիամի աւետումը	6
4. Ս. Մարիամի այցելութիւնն Եղիսաբէթին	7
5. Յովսէփի տեսիլքը . . . . .	9
6. Յովհաննէս Մկրտչի ծնունդը և նրա պաշտօնը . . . . .	10
7. Յիսուս Քրիստոսի ազգաբանութիւնը	12
8. Յիսուսի ծնունդը . . . . .	16
9. Տիրոջ հրեշտակն ու հովիւները . . . . .	17
10. Յիսուսի թլպատութիւնը.—Քառասունըփն տաճար տանուիլը.—Սիմէօն Ատուածընկալ և Աննա մարգարէուհին	20
11. Մոգերի այցելութիւնը.—Մանկան փախուսար Եգիպտոս.—Բեթղեհէմի մանկանց կոտորածը.—Դարձ Եգիպտոսից Նազարէթ . . . . .	22
12. Տաներկու տարեկ. Յիսուսը տաճարում	28

### II.

ՅԻՍՈՒՍԻ ԳՈՐԾԵՐԸ ՄԻՆՉԵՒ ԱՌԱՋԻՆ  
ԶԱՏԻԿԸ

13. Յովհաննէս Մկրտչի քարոզութիւնը և կանխասացութիւնը . . . . .	29
14. Յիսուսի մկրտութիւնը . . . . .	33
15. Փորձութիւն . . . . .	34
16. Յովհաննէս Մկրտչի վկայութիւնը . . . . .	35
17. Յովհաննէս Աւետարանիչը՝ Յիսուսի մասին	37
18. Յիսուսի հետևողները . . . . .	38
19. Կանա քաղաքի հարսանիքը . . . . .	39

### III.

ՅԻՍՈՒՍԻ ԳՈՐԾԵՐԻՆ ԱՌԱՋԻՆ ԶԱՏԻՑ  
ՄԻՆՉԵՒ ԵՐԿՐՈՐԴԸ

20. Յիսուսն Երուսաղէմում Զատիկի տօնին	42
21. Յիսուսն ու Նիկողիմոսը . . . . .	43
22. Յովհաննէս Մկրտչի խօսքն իւր աշակերտներին Յիսուսի մասին . . . . .	46
23. Յովհաննէսի բանտարկուիլը: Յիսուսը հեռանում է Հրէաստանից . . . . .	47
24. Յիսուսը խօսում է Սամարացի կնոջ հետ	49
25. Արքայազնի որդու բժշկութիւնը . . . . .	54
26. Յիսուսը Նազարէթում . . . . .	55
27. Յովնանի և Զիբեթիայի որդոց նոր կոչումը	57
28. Յիսուսը Կափառնաում քաղաքում. Դիւահարի, Պետրոսի զոքանչի և այլոց բժշկութիւնը . . . . .	57

29. Ձկան որսը . . . . .	60
30. Գալիլիայի բորոտի և Կափառնատումի անդամալուծի բժշկութիւնը . . . . .	61
31. Մատթէոս մաքսաւորի կոչումը . . . . .	63

IV.

ՅԻՍՈՒՍԻ ԳՈՐԾԵՐՆ ԵՐԿՐՈՐԴ ՁԱՏԿԻՑ  
ՄԻՆՁՆԻ ԵՐԿՐՈՐԴՐ.

32. Պրոպատիկէի անդամալուծի բժշկութիւնը	65
33. Պրոպատիկէի քարոզը: . . . . .	67
34. Աշակերտների հասկ կորսելը. — Կա- փառնատումի գօսացածի բժշկութիւնը . . . . .	70
35. Առաքեալների ընտրութիւնը . . . . .	71
36. Լերան քարոզը . . . . .	73
37. Հարիւրապետի ծառայի բժշկութիւնը և Նայինի պատանու յարութիւնը . . . . .	88
38. Յովհաննէս Մկրտիչը պատգամաւո- րութիւն է ուղարկում Յիսուսի մօտ. — Յիսուսը գովում է Յովհաննէս Մկրտչին . . . . .	89
39. Մեղաւոր կինը. — Միջնադէպ փարի- սեցի Սիմոնի տանը . . . . .	91
40. Յիսուսին հետևող կանայք. — Յիսու- սը ժողովրդի հետ. — Կոյր ու համր զիւահարի բժշկութիւնը . . . . .	93
41. Յիսուսը հերքում է զիւական գօրու- թիւնը և նախատում է փարիսեցիներին	94

42. Փարիսեցիները Յիսուսից հրաշք են պահանջում. — Յիսուսի յանդիմանա- կան պատասխանը. — Յիսուսի մօրն երանող կինը . . . . .	96
43. Թէ որոնք են Յիսուսի մայրն ու եղ- բայրները . . . . .	97
44. Սերմանացանի առակը . . . . .	98
45. Յիսուսը սերմերի, մանանեխի սեր- մի, խմորի, գանձի, մարգարտի և ուռկանի առակներով բացատրում է Երկնքի Արքայութեան կամ Աւետա- րանի տարածուիլն ու կազմուիլը . . . . .	101
46. Որոմի առակը . . . . .	102
47. Ալէկոծութեան հանդարտուիլը. — Գերգեսացի զիւահարի բժշկութիւնը	104
48. Տեռատես կնոջ բժշկութիւնը. — Յայ- րոսի աղջկայ յարութիւնը . . . . .	107
49. Երկու կոյրերի և խուլունամբ զի- ւահարի բժշկութիւնը . . . . .	109
50. Յիսուսի երկրորդ այցելութիւնը Նա- զարէթ. — Քարոզութիւնների տարածուիլը	110
51. Յիսուսը պատուէրներ է տալիս իւր աշակերտներին . . . . .	111
52. Յովհաննէս Մկրտչի գլխատուիլը . . . . .	115
53. Յիսուսը Բեթսայի դայի անապատում. — Հինգ հազարին կերակրելը . . . . .	116
54. Յիսուսը ծովի վերայ. . . . .	119
55. Յիսուսը քարոզում է Կափառնա- ումի ժողովարանում . . . . .	120
56. Յիսուսին հետևող աշակերտների վարանումը . . . . .	124

ՅԻՍՈՒՍԻ ԳՈՐԾԵՐԸ ԵՐՐՈՐԳ ԶԱՏԿԻՅ ՄԻՆՁՆԻ  
ՉՈՐՐՈՐԳԸ

57. Խօսակցութիւն աւանդութիւնների մասին.—Արտաքին և ներքին պըղծութիւն . . . . . 125
58. Քանանացի աղջկայ և այլ հիւանդների բժշկութիւնը . . . . . 127
59. Չորս հագարին կերակրելը.—Փարիսեցիները երկնային նշան են պահանջում . . . . . 129
60. Յիսուսը զգուշացնում է աշակերտներին փարիսեցիների խմորից.—Բեթսայի դայի կոյրի բժշկութիւնը . . . . . 130
61. Յիսուսը լսում է իւր մասին եղած կարծիքները.—Պետրոսի երանութիւնը. 131
62. Յիսուսը բացայայտում է իւր վախճանը.—Միջնագէտ Յիսուսի և Պետրոսի մէջ.—Յիսուսը փարատում է աշակերտների տարակուսանքը. . . . . 132
63. Յիսուսի այլակերպութիւնը.—Հարցում եղիայի մասին . . . . . 134
64. Լուսնոտ գիւհարի բժշկութիւնը.—բժշկութիւններ կատարելու պայմանը 136
65. Յիսուսից հարկ են պահանջում . . . . . 138
66. Թէ ո՞վ է մեծ երկնքի Արքայութեան մէջ.—Յիսուսին չհետևող երգմեցուցիչը.—Փոքրիկներին գայթակղեցնելու պատիժը . . . . . 138

67. Յիսուսը սովորեցնում է մեղանշողներին ուղղել ու ներել.—Աններող և չար ծառայի առակը . . . . . 141
68. Յիսուսը հրահանգում է իւր եօթանասուն և երկու աշակերտներին և յանդիմանում Գալիլիացիներին . . . . . 143
69. Վերջին օրերը Գալիլիայում . . . . . 145
70. Դէպի Երուսաղէմ . . . . . 146
71. Յիսուսը վիճաբանում է փարիսեցիների հետ Տաղաւարահարաց տօնին 147
72. Փարիսեցիների ժողովը . . . . . 151
73. Պոռնիկ կինը . . . . . 152
74. Յիսուսը վիճաբանում է փարիսեցիների հետ տաճարի գանձատանը . . . . . 153
75. Ի ծնէ կոյրի բժշկութիւնը . . . . . 158
76. Քաջ Հովուի օրինակը . . . . . 162
77. Մարթա և Մարթամ . . . . . 165
78. Եօթանասուն և երկու աշակերտների վերադարձը . . . . . 166
79. Յիսուան ու օրինականը.—Սամարացու առակը . . . . . 167
80. Ժառանգութեան համար բողոքողը.—Անմիտ հարուստի առակը.—Յիսուսը խօսում է գանձի մասին . . . . . 170
81. Յիսուսը խօսում է արթուն և պատրաստ լինելու և հաւատարիմ ծառայութեան անհրաժեշտութեան մասին 171
82. Աւետարանի նշանները . . . . . 173

83. Յիսուսը խօսում է Երուսաղէմում պատահած դէպքերի մասին և պատմում է անպտուղ թղենու առակը . . . . .	174
84. Կարկամուած կնոջ բժշկութիւնը . . . . .	176
85. Աւետարանի ընտրեալները.— Յիսուսին զգուշացնում են Հերովդէսից.— Յիսուսը գուշակում է Երուսաղէմի անկումը . . . . .	177
86. Զրգողեալի բժշկութիւնը.— Կոչնականների, կոչնատիրոջ և ընթրիքի առակները . . . . .	178
87. Յիսուսն Երուսաղէմում նաւակատեաց տօնին . . . . .	181
88. Յիսուսին աշակերտելու պայմանները	183
89. Կորած ոչխարի, կորած գրամի և Անառակ որդու առակները . . . . .	184
90. Անիրաւ տնտեսի առակը.— Փարիսեցիների գայրոյթը . . . . .	187
91. Յիսուսը խօսում է ապահարզանի, ամուսնութեան և ամուրիութեան մասին	189
92. Մեծատան և աղքատ Ղազարոսի առակը	190
93. Տասն բորտանների բժշկութիւնը . . . . .	192
94. Մարդու Որդու գալուստը . . . . .	193
95. Անիրաւ դատաւորի առակը.— Փարիսեցին ու մաքսաւորը . . . . .	195
96. Յիսուսն ու մանուկները.— Հարուստ իշխանը . . . . .	196
97. Առաքեալների վարձը.— Այգու մշակների առակը . . . . .	199

98. Հաւատք և խոնարհութիւն . . . . .	201
99. Ղազարոսի յարութիւնը . . . . .	202
100. Կայիափայի խորհուրդը.— Յիսուսն առանձնանում է Եփրայիմ . . . . .	206
101. Մահուան կանխագուշակութիւն.— Յակովբոսի և Յովհաննէսի մօր խնդրուածքը . . . . .	207
102. Երիքովի կոյրի բժշկութիւնը . . . . .	209
103. Յիսուսն ու Զակէքոս մաքսապետը	210
104. Մնանների առակը . . . . .	211
105. Բարտիմէոս կոյրի բժշկութիւնը . . . . .	212
106. Յիսուսը Սիմոն բորտաի տանը . . . . .	213
107. Յիսուսի հանդիսաւոր մուտքն Երուսաղէմ.— Յիսուսը Տաճարում . . . . .	215
108. Անպտուղ թղենին.— Տաճարի մաքրուելը.— Հաստատուն հաւատի և անկեղծ ազօթքի ոյժը.— Փոխադարձ հարցումներ . . . . .	217
109. Երկու որդոց և չար մշակների առակը	220
110. Թագաւորի որդու հարսանեաց առակը	222
111. Կայսրինը՝ կայսրին տուէք, իսկ Աստուծունը՝ Աստուծուն . . . . .	223
112. Եօթն եղբայրների կինը . . . . .	224
113. Թէ սրն է մեծ պատուիրանը . . . . .	225
114. Դաւիթ և Դաւթի որդի . . . . .	226
115. Վայեր գալիւրների և փարիսեցիների դէմ	227
116. Այրի կնոջ լուման . . . . .	230
117. Հեթանոս ուխտաւորներ.— Յորենի հատիկը որպէս Յիսուսի փառաւո-	

- 109 րութեան օրինակ.—Երկնքից եկած  
 209 ձայնը.—Մեսիական խնդիր.—Վեր-  
 շին յայտարարութիւն . . . . . 231
118. Յովհաննէս Աւետարանչի խորհրդա-  
 ծութիւնը . . . . . 233
119. Մարգարէութիւն Երուսաղէմի աւեր-  
 ման մասին.— Գալստեան նշանները.  
 —Հսկումն . . . . . 234
120. Տասն կոյսերի և քանքարների առակը 239
121. Վերջին դատաստանի բացատրութիւնը 242
122. Խաչուելու գուշակութիւն.—Սանեգրի-  
 ոնի գումարումը.—Յուդայի մատ-  
 նութիւնը . . . . . 244

## VI.


## ՉՈՐԲՈՐԴ ԵՒ ՎԵՐՋԻՆ ԶԱՏԻԿ

123. Զատիկի պատրաստութիւն.— Զատ-  
 կական ընթրիք.—Ընթրիքի առաջին  
 բաժակը . . . . . 245
124. Ոսնալուայ.—Մատնութեան յայտնուիլը 246
125. Մեծութեան խնդիրը.— Մարմնի և ա-  
 րեան խորհուրդը.— Բաժանման խօս-  
 քեր.— Պետրոսի համարձակութիւնը.  
 —Միջնադէպ գէնքի մասին . . . . . 250
126. Հրաժեշտ. (Յիսուսի խօսած վերջին  
 խրատները, յորդորները, յանձնարա-  
 րութիւններն ու յայտնութիւնները) 253
127. Յիսուսի վերջին աղօթքը.— Մաղ-  
 թանքներ առաքեալների, հաւատա-  
 ցեալների և ամենքի համար . . . . . 262

128. Յիսուսը Գեթսեմանի պարտիզում . . . . . 264
129. Յիսուսը քահանայապետների առաջ,  
 —Պետրոսի ուրացութիւնը . . . . . 268
130. Առաւօտեան ժողովի վճիռը.— Յի-  
 սուսը Պիղատոս դատաւորի և ապա  
 Հերովդէսի առաջ . . . . . 272
131. Յիսուսն երկրորդ անգամ Պիղատո-  
 սի առաջ . . . . . 275
132. Դէպի Գոգոթթա.— Սիմոն Կիւրինա-  
 ցին.— Յիսուսին խղճացող կանայք.  
 —Յուդայի յուսահատութիւնը և վախճանը 279
133. Յիսուսի խաչելութիւնը.— Աւագակի  
 գղջումը.— Գրուածների կատարումն.  
 Յիսուսի մահը.— Հրաշալի նշաններ . . . . . 281
134. Յիսուսի թաղումը և թաղման պարա-  
 գաները.— Գերեզմանի կնքուիլը . . . . . 287
135. Յիսուսի Յարութիւնը.— Իւզաբեր  
 կանայք.— Յիսուսն ու Մարիամ  
 Մագդաղինացին.— Յիսուսն ու մը-  
 նացեալ կանայք.— Ջանքեր յարու-  
 թիւնը ստելու . . . . . 291
136. Յիսուսն ու Էմմաուս գնացող աշա-  
 կերաները . . . . . 296
137. Յիսուսն երևում է աշակերտներին  
 վերնատանը.— Առաքելական իշխա-  
 նութիւն.— Թովմասի թերահաւա-  
 տութիւնը . . . . . 298
138. Յիսուսը երևում է աշակերտներին  
 Տիրեբական ծովի մօտ . . . . . 300





139. Պետրոսի սիրոյ վկայութիւնը. — 301  
 Պետրոսի և Յովհաննէսի վախճանը . 301  
 140. Յիսուսն երևում է տասնևմէկ աշակերտներին Գալիլիայի լերան վերայ. — Առաքելութեան պաշտօնը. — Յարութեան քառասուն օրերը . 303  
 141. Քառասներորդ օրուան առաւօտը. — Յիսուսի համբարձումը . 304  
 142. Մատթիիայի ընտրութիւնը . 306  
 143. Սուրբ Հոգու գալուստը . 308  
 144. Պետրոսի ատենաբանութիւնը. — Երեք հազար հոգու դարձը . 309  
 145. Առաքեալների գործունէութիւնը . 312  
 146. Յովհաննէս Աւետարանչի վերջաբանը 313



Երես	Տող	Տպուած է	Պէտք է լինի
ԺԵ	1 ցածից	չորրորդ (և ուրիշ տեղեր)	չորրորդ
ԻԲ	17 վերևից	որվհետե	որվհետե
12	2 ցածից	Իսրայելին	Իսրայելին
26	ձանօթ. 1 վերևից	Յիսուսը	1) Յիսուսը
29	վերնագրի թուահամարը	1	13
34	4 վերևից	Յիսուսն	Յիսուսն
35	վերնագրի թուահամարը	13	16
»	վերնագրի մէջ	Մկրտիչի	Մկրտիչի
39	11 ցածից	Անդրիաս (և ուրիշ տեղեր)	Անդրէաս
44	3 վերևից	ծնուել	ծնուել 1)
»	պակասում է հետևեալ ձանօթութիւնը	1) Աւետարանների հայ թարգմանութեան օրինակներից շատերի մէջ. — «Մի անգամ արդէն ծնուած մարդն, էլ ինչպէս կարող է նորից ծնուել»:	չորրորդապետ
47	8 ցածից	չորրորդապետ	չորրորդապետ
94	1 վերևից	դուր	դուրս
»	2 վերևից	Քուզայի	Քուզայի
109	7 ցածից	ուրս	դուրս
155	2 ցածից	կղարցնէ	կղարձնէ
180	8 վերևից	Ատուծու	Ատուծու
198	11 ցածից	'ի վեր.	'ի վեր
201	3 վերևից	ասում	անում
»	9 ցածից	գիտէինք	գիտենք
237	12 ցածից	ապրել	ապրել
262	8 վերևից	միմեան	միմիայն
287	14 վերևից	Ձերեթայի	Ձերեթիայի
306	17 վերևից	Բարդուղիմէոսը, Յակովբոս Արփեան և այլն	Բարդուղիմէոսը, Մատթէոսը, Յակովբոս Արփեան և այլն.
310	11 վերևից	Իսրայելացի	Իսրայելացի








ԼՈՅՍ ԵՆ ՏԵՍԵԼ

ՄԱՐԱԿԵԱՆ ՏԱՀԱՏ ԱՌԱՂ ԴԱՀԱՆԱՅԻ

(Յարութիւն Մարդեան. Տաճառ Գտունի)

Հետեւեալ աշխատքիւնները

- 1) ՊԱՏԿԵՐՆԵՐ, ԶՐՈՅՅՆԵՐ, ՎԷՊԻԿՆԵՐ . . . .  
(ապուած «Նոր-Դար» օրաթերթում  
1884—1904)
- 2) ՔԱՆԴԱԾ ՕԶԱԽ անցեալից մի յիշողութիւն  
1889. սպառուած
- 3) ՅԻՍՈՒՄԻ ԵՐԿՐԱԽՈՐ ԿԵԱՆՔԸ ԵՒ ՎԱՐԴԱ-  
ՊԵՏՈՒԹԻՒՆԸ Ա. ապ. 1898 սպառուած
- 4) ԿԼԱԻԴԻՍՅԻ ԱՅԳՈՒՄ (աւանդութիւն) Էրնստ  
Ֆոն-Վիլդէնբրուխի. թարգմ. 1898. գ. 20 կ.
- 5) ԿԱՆԱՆՑ ԽՆԴՐԻ ԱՌԹԻՒ 1901. գինն է 40 կ.
- 6) ՅԻՍՈՒՄԻ ԵՐԿՐԱԽՈՐ ԿԵԱՆՔԸ ԵՒ ՎԱՐ-  
ԴԱՊԵՏՈՒԹԻՒՆԸ Բ. բարեփոխուած  
ապագր. 1914 թ.



Յանկացողները գիմու .ինձ.  
Баку. Протоіерею Тачату Чарагянцъ.

Գրափաճառանոցներին կլինի զեղջ:

990

002 7741

990

« Ազգային գրադարան »



NL0027741

